

Махмудхүжса БЕХБУДИЙ

ТАНЛАНГАН
АСАРЛАР



83.3939
5-69.

Истиқлол қаҳрамонлари

Махмудхўжа БЕҲБУДИЙ

ТАНЛАНГАН АСАРЛАР

Тузатылган ва түлдирилган 3-нашри

http://tiny.cc/meyarw

1605 7/13-



ТОШКЕНТ «МАЊНАВИЯТ» 2006

**Нашрға тайёрловчи, тўпловчи, сўзбоши ва изоҳлар
муаллифи – проф. Бегали Қосимов**

«Азиз китобхон!»

Қўлингиздаги китоб нашриётимизнинг дастлабки маҳсулотидир. Уни яшги ўзбек мактаби, матбуоти, театрни бешигини тебратган, 10-йиллардаёқ «Беҳбудия нашриёти»ни ташкил этиб, дарслуқлар чиқаришни йўлга қўйган буюк маърифатчи бобомиз асарларидан бошламоқдамиз.

Бундан қарийб ўн йил аввал яхши ниятлар билан иш бошланган «Маънавият» нашриётининг ilk китобидаги аннотацияга ана шундай жумлалар битилган эди. Китобни катта илҳом ва иштиёқ билан нашрға тайёрлаган марҳум олимимиз Бегали Қосимов «Истиқлол қаҳрамонлари» рукни остида миллий уйғониш даври ўзбек адабиёти намояндадарининг асарларини чоп этинча ўзининг муносиб ҳиссасини кўшди. Бу олимнинг сайд-ҳаракатлари билан мазкур руқнда ўн бешга яқин китоб чоп этилди, адабиётимизнинг деярли бўшлиқдек бўлиб ётган жадидчилик даври ушбу нашрлар ҳисобига баҳоликудрат тўлдирилди. Китобхонлар ҳам бу асарларни илиқ кутиб олиши ва уларга талаб тобора ортиб бормоқда. Китобхонларимизнинг ушбу эҳтиёжини ҳисобга олиб, аллома адабимиз Маҳмудхўжа Беҳбудий «Танланган асарлар»ининг учинчи нашрини эътиборингизга ҳавола этмоқдамиз.

Б 64

Беҳбудий М.

**Танланган асарлар// Тўпловчи, сўзбоши ва изоҳлар:
Б. Қосимов.— З-нашри, тузатилған ва тўлдирилған.— Т.:
«Маънавият», 2006.—280 б.— (Истиқлол қаҳрамонлари).**

Уз 1

**Б 4702620204-6
M25(04)-06**

© «Маънавият», 2006

КАРВОНБОШИ

Сиёсий, ижтимоий фаолияти ва билимнинг кенглиги жиҳатидан Туркистоннинг ўшаш вақтидаги жадидларидан унга тенг келадигани йўқ деб ўйлайман.

Файзулла Хўжаев

Маҳмудхўжа Беҳбудий уйғониш даври ўзбек адабиётида биринчи ўрнини олурга лойиқ зотдир.

Ҳожи Мунн ибн Шукрулло

Маҳмудхўжа Беҳбудий XX аср бўсағасидаги Туркистоннинг орзу-армонларидан бири сифатида майдонга келди. У ўз даврининг ижтимоий-сиёсий ҳаракатларида фаол қатнашган энг йирик намояндаси, янги замон ўзбек маданиятининг асосчиси эди. Туркистон жадидларининг тан олинган раҳнамоси, мустақил жумхурият гоясининг яловбардори, янги мактаб гоясининг назариётчиси ва амалиётчиси, ўзбек драмачилигини бошлаб берган биринчи драматург, театрчи, ношир, журналист эди. У тарихимизнинг тоят оғир ва мураккаб бир даврида яшади. XVI асрдан бошланган инқироз ва турғунлик, жаҳолат ва мутаассиблик авж пардасига чиққан, ўзаро жанжал, маҳаллий уруғчилик низолари миллиатни беҳад ҳолдан тойдирган эдик, бу имкондан фойдаланиб ўлкани забт этган Россия зўр бериб, уни турғун ва тутқун сақлашга уринар эди. Мана шундай бир шароитда миллиатни бутунлай маҳв бўлиш ва Ватанини буткул горат этилиш хавфидан асрраб қолиш, авлодларни эрк ва озодлик, мустақиллик руҳида тарбиялаш, маърифат ва тараққиётга бошлиш жадидлар номи билан тарихга кирган Беҳбудий бошлиқ фидойилар зиммасига тушди.

Тарихимизнинг сўнгги юз йилдан ортиқроқ даврида халқимизнинг энг катта армони бўлиб келган бугунги истикол куртаги дастлаб мана шу жадидлар кўксисда нишурниб етилган эди.

XX аср ўзбек маорифи ва маданияти, қолаверса, бугунги мустақиллик тафаккуримиз, эҳтимолки, шу жадид-

лар олдида бурчлидир. «Усули жадид», «усули савтия» номлари билан шұхрат топған янги мактабни Туркестонда шулар ташкил қылдилар. Шулар бириңчи бўлиб замонавий олий мактаб гоясини илгари сурдилар, ўнлаб жамиятлар, ширкатлар уюштириб, улар ёрдамида қанчадан-қанча ёшларни тараққий қылган Оврупо мамлакатларига ўқишига юборишга муваффақ бўлдилар. Ўзбек театрининг бириңчи гиштини қўйган, нашру матбуотини бошлаб берган ҳам шулардир.

Жадидлар ўз ҳисобларидан мактаблар очиб, ёш авлодни истиқоллга тайёрладилар, шеър ва мақолалар, саҳна асарлари орқали миilliй онгни шакллантиришга, миilliй фуур ва ифтихор туйғуларини сингдиришга уриндилар. (Русия қонунлари имкон берган даражада Туркистон мусулмонларининг шаъну шарафини ҳимоя қылдилар), инқилоб йилларида эса мустақилик байробини баланд кўтардилар.

Махмудхўжа Беҳбудий мана шу фидойилар орасида мумтоз бир ўринни эгаллайди. У мана шу Туркистон жадидчилик ҳаракатининг бонийсидир. Унинг ҳёти ва ижодий фаолияти ҳақида 20-йилларда маҳаллий матбуотда Садриддин Айний, Ҳожи Муин ибн Шукрулло, Лазиз Азиззода каби замондошлари томонидан бир қатор мақола, хотиралар эълон қилинган. Кейинги йилларда, хусусан, мустақилликка эришилгандан сўнг жадидлар фаолиятини ўрганишга ҳаракат кучайди. Беҳбудий асарлари ҳам қайта нашр этила бошланди. Шу муносабат билан 20-йиллар адабиётшунослиги материалларига эҳтиёж ўсиб борди. Жумладан, Беҳбудий таржима ҳолини ёритишида Ҳожи Муиннинг 1922–23 йилларда ўзи муҳаррирлик қылган «Меҳнаткашлар товуши» (1922), «Зарафшон» (1923) газеталарида чоп этган мақолалари муҳим аҳамиятта эга. Беҳбудий ҳақида 70-йиллардан бугунги кунгача эълон қилиниб келаётган Солиҳ Қосимов, Аҳмад Алиев, Наим Каримов, Сироҗиддин Аҳмедов, Шерали Турдиев ва бугунги ёш тадқиқотчилар Ҳалим Сайид, Нормурод Авазов, Зебо Ахророва ишларининг барчасида мана шу Ҳожи Муин маълумотлари асос қилиб олинади¹.

¹ Аслида ҳам Ҳожи Муин (1883–1942) Беҳбудийни яқиндан билган, унинг эътиборига сазовор бўлган ҳамкасабаси, шогирди эди. 1914 йилда Беҳбудий ҳаж сафарига кетар экан, «Ойна» журналининг муваққат муҳаррири қилиб Ҳожи Муинни қолдирганлиги маълум.

Унинг келтиришича¹, Маҳмудхўжа Беҳбудий 1875 йилнинг 19 январида (ҳижрий 1291, 10-зулҳижжа²) Самарқанд яқинидаги Бахшитепа қишлоғида руҳоний оиласида дунёга келган. Отаси Беҳбудхўжа Солиххўжа ўғли туркистонлик, Аҳмад Яссавийнинг авлодларидан, она томондан бобоси Ниёзхўжа урганчлик бўлиб, амир Шоҳмурод замонида (1785–1880) Самарқандга келиб қолган.

1894 йилда отаси имом-хатиблик билан шуғулланиб келган Беҳбудхўжа вафот этади. Ёш Маҳмудхўжа тоғаси қози Муҳаммад Сиддиқнинг тарбия ва қарамоғида ўсиб вояга этади. Араб сарфу наҳвими кичик тоғаси Одилдан ўрганади. 18 ёшидан қозихонада мирзолик қила бошлайди. Дарвоҳе, Беҳбудийнинг мактаб-мадраса ҳаёти ҳақида ҳам маълумотлар ниҳоятда кам. Унинг замондошлари билан бўлган сұхбатларидан аён бўладики, Беҳбудий дастлаб Самарқанд мадрасасида, сўнгроқ Бухорода яхшигина таҳсил кўрган. Анъанавий мадраса илмини пухта эгаллаган Беҳбудий 1915 йилда этнограф Г. Андреев саволларига жавоб берар экан, мадраса таҳсилини алоҳида тилга олгани маълум³. Хуллас, анъанавий таҳсил, сўнг эса ўз устида кунт ва сабот билан ишлаш орқали у шариатнинг юксак мақомлари – қози, муфти даражасигача кўтарилади.

Тахмин қилиш мумкинки, ёш Маҳмудхўжа дунёқарашининг шакланишида Русия жадидчилик ҳаракатининг асосчиси Исмоилбек Гаспралининг хизмати катта бўлган. Шарқу Фарбнинг тарих ва маданиятини чукур билган, араб, форс тиллари билан бир қаторда инглиз, немис, француз тилларида ҳам эркин сўзлаша олган бу киши 1881 йилда рўс тилида «Русия мусулмонлиги» китобини ёзади. Бу китобда у, Русияда яшовчи барча мусулмонларнинг ўзлигини саклаб

¹ Қаранг. Ҳожи Мунис. Маҳмудхўжа Беҳбудий. «Зарафшон» газетаси, 1923 йил, 25 март.

² Айрим тадқиқотларда бу сана 1874 йил март («Совет Ўзбекистони санъати» ж., 1989 й., 2-сон) деб, бизнингча, янгилиш кўрсатилади 1291 йилини бошланиши (1-муҳаррам) 1874 йилнинг 18 февраль чоршанба кунига тўғри келади. (Қаранг. Таблица согласования... Х. К. Баранов, Арабско-русский словарь, М., 1977, 940–942-бетлар.) Зулҳижжа сўнгти ойдир. Унинг 10-си 335-кун бўлиб, жамланганда 1875 й. 19 янв. келиб чиқади.

³ Андреев Г. Самаркандский журнал «Ойна» и его редактор-издатель Маҳмуд Ҳоджи Бегбути, «Туркестанские ведомости» газетаси, 1915, 17 сент.

қолиши йўли битта, у ҳам бўлса, маърифат ва у орқали мамлакатнинг ижтимоий, сиёсий, маданий ҳаётига тенгма-тенг аралашишга эришмоқдир, деган фикрни илгари суради. Бу йўлдаги биринчи қадам «усули жадид», «усули савтия» номлари билан тарихга кирган янги мактабларни ташкил қилиш бўлди¹. «Ал-он Русиядаги минглар ила низомлик мактаблар ва собиқ нашр бўлган ва ҳозир феълан нашр бўлиб турган юзлар ила исломий мажалла ва жаридаларнинг барча муҳаррир ва муридлари ул зоти сутуда сифотни шогирдлари дурлар»², деб ёзган эди Беҳбудий 1914 йилда.

1884 йилда И smoилбекнинг машхур «Таржумон» газетасига обуна бўлган 1000 кишининг 200 таси Туркистондан эди.

И smoилбек 1892 йилда Туркистондаги мактабларни ислоҳ қилиш, «усули савтия»ни жорий этиш таклифи билан генерал-губернатор барон Вревскийга мурожаат этди³. Жавоб ололмагач, 1893 йилда Тошкентта келади, Самарқанд, Бухорода бўлади. Маҳаллий халқ билан гаплашиб, дастлабки

¹ Гаспрали 1884 йилда Боқчасаройда бир мактаб очади ва унга «усули жадид мактаби» деб ном беради. «Мусулмонлар аввал бу мактабга унча ишонқирамай қарадилар, — деб ёзди у бу ҳақда, — аммо биринчи оммавий очик имтиҳондан сўнг ўқувчиларнинг сони бирданига 9 дан 30 болага кўпайди... ўқитишида «усули савтия» (товуш усули) кўйлалиши туфайли, менинг раҳбарлигимда хўжа (муаллим) болаларга олти ойда туркча ва арабча ўқитишини, туркча ёзиш ва бошланғич диний қоидаларни ўргатишга муваффақ бўлди» (қаранг, «Гулистон» ж., 1995 йил, 2-сон).

² «Ойна» ж., 1914 й., 50-сон.

³ Барон Вревский. Гаспрали хатини Туркистон ўқитувчилар семинарияси директори, «Туркистон вилоятининг газети» муҳаррири, машхур миссионер Н. П. Остроумов билан Туркистон ҳақида кўплаб китоблар ёзган В. П. Наливкинларга бериб, уларнинг бу борадаги фикрларини сўрайди. Уларнинг ҳар иккаласи ҳам Гаспрали таклифларини рад этадилар. Остроумов ёзма жавобида шундай муҳим масаланинг «Туркистонга мутлақо алоқаси бўлмаяган (?) жаноб Гаспринский... томонидан муҳокама қилиниши йўл қўйиб бўлмайдиган иш» деб ҳисоблайди. «Файрижинсларни руслаштириш секин ва ишончсизроқ тарзда бораётганидан ниҳоятда қайғурганилигини» изҳор этади ва «Гаспрали сингариларни» «энг зарарли кишилар» сирасига киритади.

Гаспрали мурожаати («Туркистон генерал-губернаторига мактуб») ва «Остроумовнинг жавоби» тарихчи С. Холбоев томонидан «Гулистон» журналининг 1995 йил 2-сонида эълон қилинди.

Барон Вревский ҳар икки мутахассис муносабатини аниқлагач, Гаспрали хатига: «Оқибатсиз қолдирилсин», — деб имзо кўяди.

янги усул мактабларини очишга муваффақ бўлади. Сўнг 1897 йилда яна Туркистонга келади...

Барча нарсага қизикувчан Маҳмудхўжанинг Яқин ва Ўрта Шарқда номи танилган Исмоилбек Гаспралининг Туркистон сафарларидан бехабар қолиши қийин эди. Тўғри, Исмоилбек келиб Туркистонда очиб кетган янги мактаблар узоқ давом этмади, гайришаръий сифатида мутаассиблар томонидан ёпилди. Лекин «Таржумон»нинг муштариylари кўпайиб борди. Устоз-шогирд муносабатлари самимий дўстликка айланди. Беҳбудий ўз хотираларида устоз билан учрашувларини ихлос ва муҳаббат билан тилга олади.

1899–1900 йилларда Беҳбудий бухоролик дўсти Ҳожи Бақо билан ҳаж сафарига чиқади¹. «1318 санаи ҳижрияси тавофи Байтуллоға Кафказ йўли или Истанбул ва Миср ал-Қоҳира воситаси-ла бориб эдим. Муддати сафарим саккиз ойдан зиёда чўзилуб эди»², – ёзади Беҳбудий бу ҳақда. Дунё кўриши изсиз кетмайди. Сафар янги мактаб ҳақидаги қарапшларини мустаҳамлайди. Унинг ташаббус ва гайрати билан 1903 йилда Самарқанд атрофидаги Ҳалвойи (С. Сиддиқий), Ражабамин (А. Шакурий) қишлоқларида янги мактаблар ташкил топади. Адид ушбу мактаблар учун дарслеклар тузишга киришади. Кетма-кет унинг «Рисолаи асбоби савод» (1904), «Рисолаи жуғрофияи умроний» (1905), «Рисолаи жуғрофияи Русий» (1905), «Китобат ул-атфол» (1908), «Амалиёти ислом» (1908), «Тарихи ислом» (1909) каби китоблари пайдо бўлади.

1903 йилда Ҳалвойица қурилган мактаб биноси ҳозир ҳам сақланиб келмоқда. Шакурий мактабини эса Беҳбудий 1908 йилда Самарқандга ўз ҳовлисига кўчириб олиб боргани маълум.

Тошкентда, Фарғона водийсида янги мактаблар ташкил топа бошлайди. Ибрат, Мунавварқори, Авлоний, Сўфизода номлари тилга тушади. Булар ҳали кифоя эмас, миљлат болаларини тараққий топган шаҳарларга ўқишига юбориш керак. Мирмуҳсин Шермуҳамедов ва бир қатор ўзбеклар Марказий Русияга – Уфадаги «Олия» мадрасасига йўл оладилар. «Олия»

¹ Қаранг. Ҳожи Муни. Маҳмудхўжа Беҳбудий. «Зарафшон» газетаси, 1923 йил, 25 март.

² Қаранг. Маҳмудхўжа Беҳбудий. Қасди сафар, «Ойна» ж., 1914 й., 31-сон.

да ўндан ортиқ ўзбек ўқииди. 10-йилларда Варшавада, Олмонияда, Москва, Петербургда ўзбеклар ўқигани маълум. Маҳмудхўжа 1903—1904 йилларда Москва, Петербургга боради, 1906 йилда Қозон, Уфа, Нижний Новгородда бўлади. Булар саёҳат эмас, хизмат сафари эди. Масалан, Нижний Новгородда 1906 йилнинг 23 августида Русия мусулмонларининг турмуш ва маданияти муаммоларига бағишиланган қурултой чақирилади. Беҳбудий бу қурултойда туркистонликлар гуруҳини бошқаради ва катта нутқ сўзлайди¹.

25 кунга чўзилган бу сафар ҳақида Беҳбудий сўнгроқ шундай маълумот берган эди: «1325 санаи ҳижриясинда Русия мусулмонларининг муҳтарам зиёли ва акобирларининг Нижни Ёрминкасинда миллий ишлар тўғрисида машварат қила турган мажлисига мушарраф бўлмоқ учун Ўрунбург йўли ила Маскуф, Петербург, Қозон воситаси-ла Нижни Новагўрд бориб эдим»².

Маърифат учун биргина мактаб кифоя қилинмасди. Замон ва дунё воқеалари билан танишиб бормоқ, миллат ва Ватанинг аҳволидан, кундалик ҳаётидан огоҳ бўлмоқ керак эди. Бинобарин, миллат учун шундай ойна керак эдики, унда у ўз қабоҳатини ҳам, малоҳатини ҳам кўра олсин.

Мана шу эҳтиёж ва зарурат Беҳбудийни театр ва матбуот сари бошлиди. «Падаркуш» шу тариқа майдонга келди. Бироқ унинг дунё кўриши осон кечмади. Бунга сабаб: биринчидан, чор ҳуқумати мустамлака Туркистонининг маърифат йўлига кириб, ўз ҳуқуқини танишидан манфаатдор эмас эди. 1916 йилдаги Туркистон генерал-губернатори Н. Р. Куропаткиннинг ўз кундалигига ёзган ва бугун жуда машҳур бўлиб кетган: «Биз тубжой ҳалқни тараққиётдан, мактабдан, рус ҳаётидан 50 йил четда тутдик», — деган сўзларини эслаш кифоя. Иккинчидан, турғунлик ва тутқунлик туфайли авж олган жаҳолат, мутаассиблик. «Кимики саҳнада кўрсанг, они жасорати бу», — деб ёзган эди шоир Тавалло. Бу, бежиз эмас. (Хуллас, 1911 йилда ёзилган «Падаркуш» драмаси 1913 йилдагина босилиб чиқади. Китоб жилдидағи: «Бородино жангি

¹ Карап. А. А. Пясковский. Революция 1905—1907 годов в Туркестане, М., 1958, 559-бет. 1905 йилдан Русия мусулмонлари сиёсий фаллашдилар. 1905 йил 15 августда Нижний Новгородда уларнинг I съездиди, 1906 йил 13—23 январда Петербургда II съездиди чақирилди. «Русия мусулмонлари иттифоқи» тузилди.

² «Ойна» ж., 1914 йил, 31-сон, 598-бет.

ва Россиянинг французлар босқинидан халос бўлишининг юбилей санасига бағишлиданади», — деган ёзув ва унинг Тифлис цензурасининг рухсати билан чоп этилиши шуни кўрсатадики, иш осон кўчмаган. Пьеса босилиб чиққандан кейин ҳам, уни саҳнага қўйиш учун яқин бир йил вақт кетди. Муаллиф бу ҳақдаги хатларга жавобан: «Ўйнайтургон одам йўқ. Азбаски, Туркистонда бекор одам йўқки, халқ учун ишласа. Бекор киши йўқки, театру саҳнасига чиқиб, «масхарабозлик» қылса»¹, — деб ёзади.

«Падаркуш» — ўзбек драмачилигининг ҳамма яқдил эътироф этган биринчи намунаси. Мутахассислар уни ҳам жанр, ҳам мазмунига кўра янги ўзбек адабиётини бошлаб берган бир асар сифатида баҳолайдилар. Муаллиф «Миллий фожиа» атаган 3 парда 4 манзарали бу драма ҳажман жуда ихчам, мазмунан ниҳоятда содда ва жўн. У жаҳолат ва нодонлик ҳақида ўқимаган боланинг бузуқ йўлларга кириб, ўз отасини ўлдиргани ҳақида ҳикоя қиласиди. Орқа-олдини ўйламаган бойнинг Тошмурод исмли ўғли бор. Ўғли ўқимаган. Бой атрофида гиларнинг тапига кирмайди. Ўглини ўқитмайди, оқибатда у кўча безориларига қўшилади. Ресторанда майшатта пули етмай, шерикларини тунда уйига бошлаб келади. Бой уйғониб, уларни сезиб қолади, лекин уни ўлдирив, пулинни олиб кетадилар. Хулоса: жаҳолат ва нодонлик отанинг ҳам, боланинг ҳам бошига етади. Агар бутун миллат шу аҳволга тушса-чи?!

«Падаркуш» дастлаб, Самарқандда 1914 йилнинг 15 январида саҳнага қўйилди. «Халқ ниҳоят кўп келиб, белат етмагани ва жойни йўқлиги учун уч-тўрт юз киши қайтиб кетди»², — деб ёзади маҳаллий матбуот.

Яна ўша ерда ўқиймиз: «Белатлар бир-икки кун аввал ёшларни файрати илан сотилиб тамом бўлуб эди. Баъзи кишилар белатларини икки баҳоға фоидаси илан бошқага сотдилар. Соат еттидан минглаб халқ ибратхонага ҳужум қиласан. Аммо белат йўқ, Уч сўм³ бериб, тикка турмоқға ҳам рози, яна ер йўқ...»

Спектакль ўз майшатига ўралиб дунёни унугтан миллатдошларга чақмоқдек таъсир этди. Унда бой ролини Аб-

¹ «Ойна» ж., 1913 йил, 5-сон.

² «Ойна» ж., 1914 йил, 14-сон.

³ Муқояса учун: 1914 йилда 2 сўмга ўртacha бир қўй келган.

дусалом Абдураҳим ўғли ўйнаган эди. «Бойни ҳамбоза (хурпак) ва уйқуси ҳамда ҳаракатидан аҳоли ихтиёrsиз ва фосиласиз куларди», — ёзади тақризчи. «Домла (Мардонкул Шомаҳмуд ўғли) ва зиёли (Мирза Нўймон Мулла Фозил муфти ўғли) ни насиҳати халойиқни кўнглига таъсир этарди, ҳатто, ваъзу пандга йиғлаганлар бор эди» — ўқиймиз тақризда. Айниқса, бойнинг ўз ўғли ёрдамида ўлдирилиб, мол-дунёсининг фаҳшу ишрат учун олиб кетилиши воқеалари кишиларни ларзага солган. «Бу фаже ва аламлик манзарани парда ёпар. Халқға ҳаддан зиёда таъсир. Баъзи кишилар фожиадан кўз юмарлар...»

Чамаси, асарнинг ижроси ҳам баланд савияда бўлган. Тақриздаги: «Рус, яхудий ва мусулмонлар таҳсин этарди. Ҳатто, 20 йилдан бери театр маъмуриятиндаги одамлар търиф қилурди... Аҳолидаги олқиши ибратхонани гумбирлатур...» — деган жумлалар шунга ишора қиласди.

Тошкентда 1914 йилнинг 27 февралида кўйилди. Авлонийнинг «Турон» труппаси Колизей (ҳозирги Савдо биржаси биноси) да ўз фаолиятини мана шу «Падаркуш» билан бошлаган эди. Спектакль олдидан машҳур Мунавваркори театрнинг жамият ҳаётидаги роли ва ўрни ҳақида нутқ сўзлайди. Бой ролини Абдулла Авлонийнинг ўзи ижро этади. Маҳаллий матбуот бу кунни «тарихий кун»¹ деб ёзади.

«Турон» труппаси 1914–16 йилларда бу спектакль билан бутун Фаргона водийисини айланиб чиқди. «Падаркуш» Туркистонни жунбушга келтирган қирғинбарот инқилоб йилларида ҳам саҳнадан тушмади. Бир томондан, миллатни маърифат ва тараққиёт сари ундашда буюк роль ўйнаган бўлса, иккинчи ёқдан, профессионал ўзбек театри ва драмачилигининг майdonга келиши ҳамда тараққиётида муҳим хизмат қилди.

Бу асарнинг ўз даврида адабий ҳаракатчиликка етказган таъсири ҳақида қайдлар кўп. Бунинг шоҳиди сифатида Абдулла Қодирийнинг машҳур: «1913 йилларда чиқсан «Падаркуш» пьесаси таъсирида «Бахтсиз куёв» деган театр китобини ёзib юборғонимни ўзим ҳам пайқамай қолдим», — деган эътироғини эслаш кифоя. 1916 йилда Тошкентта келиб Колизеяда «Турон» нинг қатор спектаклларини кўрган

¹ Қаранг. Туркистон вилоятининг газети (ТВГ), 1914 й., 18-сон, 2 март.

А. Н. Самойлович ёзади: «Туркистанда янги адабиёт майдонга келди. Бу мен учун кутылган ҳол эди... Янги адабиёт нинг маркази — Самарқанд... Ёш қаламкашларнинг бosh илхомчиси самарқандлик муфти Маҳмудхўжа Беҳбудийдир»¹.

Драманинг биргина ўзбек эмас, татар, озарбойжон тегатрчилигига ҳам таъсири ҳақида гапириш мумкин. Туркистанда шу йиллари Заки Боязицкий, Алиасқар Асқаров, Сидқий Руҳилю, Илёсбек Ошқозорский каби кўплаб қардош режиссёrlар фаолият кўrsatgанини хотирга олайлик.

1913 йилдан Беҳбудий матбуот ишлари билан шуғулланади. Апрелдан «Самарқанд» газетасини чиқаради. Газета туркӣ ва форсий тилларда, ҳафтада икки марта, дастлаб икки, сўнг тўрт саҳифада чоп этилган. 45 та сонидан кейин моддий танқислик туфайли чиқиши тўхтаган. Ўша йилнинг 20 августидан у «Ойна» журналини чиқара бошлайди. Бу суратли ҳаftалик мажалла, асосан, ўзбек тилида бўлиб, унда ихчам форсий шеър, мақолалар, русча эълонлар ҳам бериб бориларди... «Бошда ҳафтада бир марта ва иккинчи йилдан эътиборан 15 кунда бир қатла чиқиб, йигирма ой чамаси давом қилди... Кафказ, Татаристон, Эрон, Афғонистон, Ҳиндистон ва Туркиягача тарқалар эди... Жадидларнинг севикли журналлари эди. Шунинг учун улар томонидан хурматланди, севилиб ўқилди»², — деб ёзган эди Зиё Сайд. Журнал редакцияси мұҳаррирнинг Янги шаҳардаги уйида (Решетников, 3; ҳозир Мирсаид Барака, 1, алоқа ходимлари касаба уюшмасининг вилоят ташкилоти биноси) жойлашган.

Беҳбудий шу йиллари нашр ишлари билан қизғин шуғулланди. «Нашриёти Беҳбудия» номи билан ўз хусусий нашриётини очди. Фитратнинг «Баёноти сайёҳи ҳинди» асарини 1913 йилда русчага таржима қилдириб, нашр этди³. Туркистан харитасини тузиб босмадан чиқарди. Кутубхона-

¹ Самойлович А. Драматическая литература сартов, Вестник, «Имп. об-ва вост.», № 5, Петроград, 1917, 4-бет.

² Зиё Сайд. Таъланган асарлар, Т., 1974, 44–45-бетлар.

³ Қаранг. Пясковский А. А., Революция 1905–1907 гг. в Туркестане, М., 1958, 546-бет. Дарвоқе, бундан икки йил олдин Фитратнинг «Мунозара» асари ҳам рус тилига таржима қилинган экан. Бироқ у чор маъмуриятининг маҳсус хизмати учун мўлжалланган бўлиб, алоҳида кишиларгина фойдаланганлар. Таржима полковник Ягелло томонидан амалга оширилган (Қаранг: Пясковский А. А., ўша бет).

ни йўлга қўйди. Ўша давр вақтли матбуотида «Беҳбудий кутубхонаси» ҳақидаги хабарларга тез-тез дуч келасиз.

1914 йилнинг 29 майида Беҳбудий иккинчи бор араб мамлакатларига саёҳатга отланади.

Муалиф саёҳати арафасидаги кайфиятини шундай ифодалайди. «7 санадан бери икки дафъя Бухоро ва бир дафъя Фарғонани зиёратидан бошқа сафарга чиққаним йўқ эди. Азбаски, тириклик касалиға мубталолик, рўзгор қайдига гирифторлик саёҳат неъматидан маҳрум этар. Етти йилини хонанишинлик, дигар тарафдан алойиқи рўзгор, тижорат ва 7–8 рисолалар таҳрир ва нашри, дорулқазо ишлари, хусусан, бир санадан бери собиқ «Самарқанд» жаридаси ва ҳозирги «Ойна» идорасининг ишлари руҳан ва жисман заиф этди. Аъзоу ҳавосларга касолат пайдо бўлди. Сингир (асаб)... гайри мунтазам ишлайдур. Атибо истироҳат ва саёҳатга машварат берарлар. Табиат у қадар ноқобил ва бузуқки, саёҳатдан ҳам нафрат этар, истамаз».

Шунга қарамасдан, сафарга чиқмаса бўлмайди. Аввало, «Кутубхонаи Беҳбудия» учун Истанбул, Миср, Крим, Кавказ, Қозон, Русия ва ҳорижиянинг манзаралари, иморатлари, кишиларининг суратлари, турли-туман қолип (клише)-лар ва яна бошқа жуда кўп нарсалар керак. Хуллас, бормаса бўлмайди. Маршрут: Кавказ, Крим, Истанбул, Юнонистон, Байрут, Миср Қоҳираси ва яна орқага – Истанбулга қайтиб, темир йўл билан Булғористон, Австрия ва Берлин орқали Русияга, ундан Туркистонга келиш. Муддати икки ой. Биринчи июнга қолмай йўлга тушиб керак. Беҳбудий Петербургда бўладиган Миллий мажлис маслаҳатига таклиф қилинган эди. Саволларга жавобини ёзиб юборади, узрини айтади. Хуллас, 29 майда йўлга тушади. Поездга ўтириб Байрамали орқали Ашхободга ўтади. Красноводскдан пароход билан Бокуга боради. 2 июнда Минералние Води – Кисловодск – Пятигорск, Железнодорск – Ростов – Одессани кезиб, 8 июнда Истанбулга кириб келади. Ундан Адирнага саёҳат қиласди. Яна Истанбулга қайтиб, 21 июнда сув йўли билан Қуддусга йўл олади, Байрут, Ёфа, Халил ар-Раҳмон, Порт Саид, Шом шаҳарларини томоша қиласди. Саёҳат июннинг бошларида ҳам давом этади...»

Саёҳат хотиралари ҳар жиҳатдан фоят муҳим бўлиб, Беҳбудий уларни ўз журнали «Ойна» нинг 1914 йил сонла-

рида мазкур ном остида пешма-пеш бериб боради (ҳозирча 18 сонда учратдик)¹.

«Саёҳат хотиралари»нинг биринчи қисми журналнинг 14 июнь 34-сонида чоп этилган. Муаллиф унга «31 май, Баҳри Ҳазар. Маҳмудхўжа» деб имзо чекади. Рақамлаш ва сана ҳамда ёзилган жойини кўрсатишга биринчи олти сонидагина риоя қилинган. Бу «Хотиралар» ҳам маърифий, ҳам адабий-эстетик жиҳатдан ниҳоятда муҳим. Улар адабиётимиздаги анъанавий тарихий-мемуар жанрининг XX аср бошидаги ўзига хос намунасиdir. Муаллиф бу мемуарларда йўл таассуротларига, машҳур ёхуд оддий кишилар билан учрашувларининг ибратли томонларига кенг ўрин беради. Қайси шаҳарга бормасин, унинг тарихи, обидалари, у ердан чиққан буюк зотлар ҳақида маълумотлар тўплайди. Турли-туман миллиатлар, уларнинг урфудумлари, турмуш маданияти билан қизиқади. Қишлоқлардаги деҳқончиликдан тортиб, шаҳарлардаги эскалатор («осонсур») гача унинг эътиборидан четда қолмайди. Айниқса, дин, эътиқод масалаларига катта аҳамият беради. Қадимий муқаддас обидалар, Расулулоҳ пойқадами теккан қутлуг даргоҳлар, хусусан, Куддуси шарифдаги машҳур Масжид ал-Ақсо зиёратидан ниҳоясиз завқ-шавққа тўлади. Саждага бош кўяркан, дилининг туб-тубидан Оллоҳ иштиёқи қалқиб чиқади. «Оҳ, на руҳоний ҳолатлар, на лазиз вождангиз убудиятлар, на ашкрез ноз-ниёzlар... Нуроний, фусункор, порлоқ мозийким, анинг асари қудсият самари минг бу қадар сана сўнгра бизни маҳвият даражасинда келтуар», — деб ёзди у.

Муаллиф Оллоҳга нидо қиласи: «Илоҳо, у азиз ва фаол бандаларинг хурматига бизга басират бер. Эшитар кулоқ, англар ақл бер...

Эй Оллоҳи азим уш-шон. Бу магар сенинг ғазабингмидур. Афв эт, биз инсонларни. Ҳидоят эт. Ер юзинда сулҳ ва силоҳи умумий ато айла. Инсонларга инсоният бер. Золимларни қаҳр эт, маҳв бўлсун зулм. Яшасун адолат ва ҳаққоният, омин...»

«ЎзАС» ҳафталиги Ингеборг Балдауфнинг мазкур хоти-

¹ Афсуски, журналнинг 1913 йил 20 августдан 1915 йил июнгача чиққан 1720 саҳифалик 68 сонининг тўла, мукаммал комплектини топиш анча қийин. Олмон олимаси проф. И. Балдауф ҳам Москва, Ленинград, Хельсинки кутубхоналаридаги «Ойна» саҳифаларининг сўкугли эканлигидан зорланган эди (қаранг: «Ўзбекистон адабиёти ва санъати», 1993 й., 21 май, 21-сон).

раларнинг олмонча таржимаси муносабати билан ёзилган «Маҳмудхўжа Беҳбудий Фаластинда» (1993 № 21) мақоласини эълон қилди. Муаллиф унда Беҳбудий кузатишлари нинг ўзига хослиги ҳақида ёзган, адид қалбини ўртаган энг катта дард — эрк ва маърифат эканлигини айтган.

Беҳбудийнинг ушбу сафари билан бугунги кун орасида 80 йилдан ортиқроқ тарих турибди. Саксон йилда муболағасиз саккиз юз йиллик воқеалар бўлиб ўтди. Шуларга қарамай, «Хотиралар»даги маърифий руҳ, изтироб тўла фикр-мулоҳазалар, муаллифнинг ташна нигоҳи сизни бефарқ қолдирмайди. Хусусан, Ватан туйғуси бугун сиз билан биз учун айтилгандек туюлади. У Куддуси шарифдаги Ҳазрати Довуд мақбарасини, Биби Марям ва Ҳазрати Исо калисоларини зиёрат қиласар экан, тошкентлик ёш бир атторга дуч келади. «Дўкониға бир оз ўлтурдик,— ёзади Беҳбудий,— мамлакатдан сўради. Қўлиға бир неча нусха «Ойна» ва Туркистон харитасини бердим. Аҳли савод экан. Тошканд шаҳрини кўрсатдим. Беихтиёр харита устиндаги Тошкандни ўпиб, кўзиға суртди. («Ҳуббул ватани мин ал-ииймон».) Хусусан, ватан ва аҳли диёрни қадри мусофиратга маълум бўлур. Ҳақиқатан ватан муқаддасдур. Қадрини билмоқ керак».

«Ойна» журнали маърифат ва маданият тарқатишида жуда катта хизмат қилди. Унда миллат ва унинг ҳақ-хукуқига, тил-адабиёт масалаларига, дунё аҳволига доир қизиқарли мақолалар, баҳслар бериб борилган. Айниқса, тил масалалари муҳаррирнинг ҳамиша диққат марказида бўлган. Беҳбудий миллатнинг тараққийси учун бир неча тил билишни шарт ҳисобларди. Масалан, журналнинг 1913 йил 20 август, биринчи — нишона сонидаёқ, «Икки эмас, тўрт тил лозим» деган мақола билан чиққан эди.

Фитратнинг журналда босилган мақолаларидан бири «Ҳиммат ва саботи бўлмаган миллатнинг ҳақи ҳаёти йўқдур» деб номланган. «Тушундигим замон кўнглум ёнар, йиғламоқ истарман, кўзёшларим келмайдур», деб бошли нар эди мақола. Адиб тараққиёт ва турмушда Овруподан ер ва осмон қадар узилиб қолган Туркистоннинг фожиали аҳволидан сўз очган эди (1915 й., 7-сон). «С. А.» имзоли кишининг «Ҳар миллат ўз тили или фаҳр этар» (1914 й., 35-сон) мақоласида бошқа тилларни ўрганиш қаторида ҳар бир миллат ўз тилининг муҳофазаси билан шуғулланиши шарт, деган

Фикр жуда кўп далиллар билан исбот қилиб берилади. «Агарда тил ва адабиётимизни муҳофаза қилмай, анга ажнабий луғат ва сўзларни қўша берсак, бир оз замонда тил ва миллиятимизни йўқотурмиз. Миллиятимизни йўқотганда диёнатимиз ўз-ўзи ила албатта, йўқолур», — деб ёзди муаллиф ва «Бас, бизга тилимизни ажнабий сўзлардан муҳофаза қилмоқлик энг биринчи муҳим бир вазифадур», — деб холоса чиқаради.

✓ Журналнинг 1915 йил 11–12-сонларида босилган Беҳбудийнинг «Тил масаласи» мақоласида тилларнинг ўзаро муносабати ҳақидаги баҳс давом этади. Улуғ маърифатчи тилларнинг бир-биридан ўринли луғат олишини табиий жараён деб қарайди. Энг бой тиллардан бўлган инглизчанинг ҳам «ўн минглар ила бегона луғатларни мажбуран олганлигини» далил қилиб кўрсатади ва масаланинг бошқа жиҳатига — ягона адабий тил, тил бирлигига диққатни қаратади.

Беҳбудий адабий танқидга катта эътибор берди. Навоидан кейинги бир неча асрлик сукунатдан сўнг бу соҳанинг хос хусусиятларини тайин этиб, адабиётда унинг teng ҳуқуқлиги масаласини ўртага қўйди. «Танқид сараламоқдур» (1914 й., 27-сон) деб номланган эди унинг ушбу мавзуга бағишлиланган жиддий мақолаларидан бири.

Туркистон забт этилгач, руслар маҳаллий халққа «сартлар» деб ном бердилар. Н. Остроумовнинг бир китоби худди шундай номланганлиги ҳаммага маълум. Бу сўз аслида турли вақтда турли этник қатламга, гоҳо социал қатламга нисбатан айтилган. 10-йилларда бу сўз атрофида яна баҳс кетди. Чунончи, Бухоро амирининг русчага таржимони Баҳромбек 1911 йилда «Шўро» журналига: «Биз, Туркистон ва Бухоро халқининг турклиги маълум бўлиб туриб... на учун сарт атайдурлар?» — деган савол билан мурожаат қиласи. Журналнинг 19-сонида Беҳбудийнинг: «Сарт сўзи мажхулдор», — деган жавоби босилади. 24-сонида эса самарқандлик Бақохўжа «Сарт сўзи аслсиздур» деган мақола билан чиқади. Бу билан баҳс босилгандай бўлади. Бироқ орадан 2–3 йил ўтиб, «Садойи Фарғона»нинг 1914 йил 30-сонида Мулла Абдулжабек деган киншининг «Сарт сўзи маълумдор» деган мақоласи босилади. Габирики, Беҳбудий ундан қаноатланмайди, чунки унда маъзуга доир бирор янги гап айтилмагани ҳолда, «маълум» деб даъво қилинган эди. Шу сабабли Беҳ-

будий «Сарт сўзи маълум бўлмади» деган мақола ёзил, «Садойи Фаргона» га юборади. Бироқ газета мақолани босмайди. Шундан сўнг муаллиф мақолани ўз журналида (1914 й. 39-сон) беришга мажбур бўлади.

Журналда Беҳбудийнинг «Сарт сўзи мажхулдур» мақоласи ҳам қайта босилган. Мақола ҳажман салмоқли, журналнинг бир неча сонида давом этган. Адиб ушбу калиманинг ҳалқона этимологиясидан тортиб, Алишер Навоий, Бобур, Муҳаммад Солих, Абулғози Баҳодирхоннинг асарларигача, Н. Остроумов китобидан Д. Г. Логофетнинг «Бухоро хонлиги»ю Л. М. Будагов лугатларигача, И. И. Гейер «Саёҳатнома»ларидан А. Вамбери «Кундаликлари»гача, жадидчилик ҳаракатининг Аҳмад Заки Валидийдан Исмоилбек Гаспринскийгача бўлган намояндадарининг бу соҳадаги кузатишларини тўплаб, хulosалайди.

Адибнинг барча тарихий-илмий мавзудаги мақолалари сингари бу ҳам ўтмишга камоли эҳтиром ва эътиқод билан ёзилган. «Қабиласини(нг) исмини ва етта отасининг отини билмайдургонларни «кул» — «маркуқ» дерлар», — деб ёзади у (1914 йил, 23-сон, 340-бет). Бу сўз Ч. Айтматов туфайли «манқурт» бўлиб, янги умрини бошлади.

Беҳбудий, миллат ўзини англагандагина ижтимоий-сиёсий масалаларга бошқалар билан тенг аралаша олади, деган фикрда бўлди. Шунинг учун ҳам тарихга алоҳида эътибор берди.

«Ҳаёт ва мамот масалалари қадар муҳим бўлган неча масалалар кўзимиз олдиға турган ҳолда аларни эҳмол этуб, фақат сарт сўзи ила шуғулланиб, фурсатларни бўшқа ўткармоқлик яхши эмас», — деб ёзади у. «Лекин, — давом этади, — ёвруполилар қошида миллият масаласи муҳим ва муқаддас тутилган бир замонда бизлар ҳам миллият масаласидан саналган «сарт» ҳақида гоҳ-гоҳ баҳс этуб, миллиятизмни хотирлаб турганда, зарар кўрмасмиз».

Умуман, Беҳбудийнинг публицист сифатидаги фаолияти адиб истеъодининг жуда ёрқин бир қиррасини ташкил этади. У ўз умри давомида юзлаб мақолалар ёзди. Ўзининг Миллат ва Ватан, жамият ва ахлоқ ҳақидаги фикрларини кўпроқ мақола ва чиқишлиарида ифода этди. Баъзилар унинг мақолалари аддини 200, бошқалар 500 деб белгилайдилар. Унинг барча ёзганлари ҳисоблаб чиқилмаган, ҳатто, аниқ-

ланмаганлари қанча. Муаллифлар ўзларининг исми шарифларини ўз газета-журналларида кўп-да кўявермаганлар. Ҳар қандай ҳолда ҳам Беҳбудий фоят сермаҳсул қаламкаш эди. Муҳими шундаки, у XX аср бошидаги Туркистоннинг йирик сиёсий арбоби эди. Унинг Миллат ва Ватан тақдири ҳақидаги барча қарашлари, аввало, мана шу мақолаларида акс этган эди. Бу жиҳатдан унинг 1906 йил 10 октябрда «Хуршид» газетасида (6-сон) босилган «Хайрул умури авватухо» («Ишларнинг яхшиси ўргачасидур») мақоласи характерли. Бу мақола узоқ йиллар шўро тарих фани нуқтаи назаридан баҳоланиб Беҳбудийни қоралаш учун нишон бўлиб келди. Гап шундаки, Беҳбудий ўша 1906 йилдаёт социалистик таълимотни ва уни Россияда амалга оширишга бел боғланган Ленин партиясини кескин рад этган эди. Муаллиф мақолада Русиядаги мавжуд сиёсий партиялар ҳақида тўхталганда қуйидагиларни тилга олади:

1. Мустабид фирмаси (хукумат партияси).
2. Машрутай авомия (кадетлар партияси).
3. Иштирокиони оммавион (социал-демократлар партияси).

4. Русия мусулмонлари иттифоқи¹.

Беҳбудий «иштирокиони оммавион»нинг «шариатта зид» томонларига дикқатни қаратади ва уни «хаёлий», ҳатто, «заарарли» («бу тоифага қўшилмоқ биз, мусулмонлар учун ниҳоятда заарарликдир») ҳисоблайди. Кадетлар партиясини кўллайди. «Русия мусулмонлар иттифоқи»нинг ҳам, позицияси кадетларга яқин эканлигини таъкидлайди². Табиийки, бу фикрда у якка эмасди. Унинг бу хусусдаги фикрлари устози Исмоилбек Гаспринскийнинг «мазҳаби иштиро-

¹ «Русия мусулмонлари иттифоқи» Русия мусулмонларининг 1906 йил 13–23 январда Петербургдаги II съездida тузилганини юқорида айтган эдик. Тарихчи А. А. Пясковскига ушбу ташкилот Беҳбудий томонидан партия сифатида тилга олиниши ва умуман, муаллифнинг сиёсий қарашлари ёқмайди, шекилли, уни «фирт саводсиз»га чиқариб қўяди (қаранг: А. А. Пясковский, Революция 1905–1907 годов в Туркестане, М., 1958, 559-бет).

² Русия мусулмонларининг 1905 й. Нижний Новгородда бўлган I съездиди кадетлар партиясига кўшилиш таклифи билан чиқсан, II съездда эса бу қарор билан тасдиқланган (қаранг: юқоридаги асар, 544-бет). 1917 йилда Беҳбудий, Мунавварқори кўплаб Бухоро жалиллари қаторида кадетлар қарашидан ҳам қайтганлар (қаранг: Заки Валиди Туган, Воспоминания, Уфа, 1994, 186-бет).

кион»ни қаттиқ таңқид қилган «Оврупо маданиятига бир назари мувозана» рисоласи ва «Дор ур-роҳат мусулмонлари» ҳамда «Юз йилдан сўнг 2000-сана» романларидағи мулоҳазаларга таянар эди. Беҳбудий ҳам ўз устози каби социализмни зўравонлиқ ҳисоблади, ижтимоий тенгликни адолатсизлик деб билди. Шахс манфаатдорлигида; миллат равнақида тараққиётнинг буюк омилини кўрди. Худди шу эътиқод уни Туркистоннинг мустақилилги учун курашга етаклади.

Беҳбудий бир қатор дарсликлар ёзди. ЎзСЭ даги «Беҳбудий» мақоласи муаллифи мархум С. Қосимов адабнинг бета дарслигини қайд этади: «Мунтахаби жуғрофияи умумий» («Қисқача умумий география»), «Китобат ул-атфол» («Болалар мактублари»), «Мухтасари тарихи ислом» («Исломнинг қисқача тарихи»), «Мадхали жуғрофияи умроний» («Аҳоли географиясига кириш»), «Мухтасар жуғрофияи Руслан» («Русиянинг қисқача географияси»¹).

Шулардан биттасига – «Мунтахаби жуғрофияи умумий»га тўхтаймиз. Асарнинг тўла номи «Китоби мунтахаби жуғрофияи умумий ва намунаи жуғрофия». 1905 йил 24 августда Санкт-Петербург цензурасидан руҳсат олиниб, 1906 йил Самарқандда Г. И. Демуров матбаасида чоп этилган. 106 саҳифадан ташкил топган. Муаллиф бу «қадим фан»га тааллуқли «туркий, арабий, форсий, русий лугағларга тасниф бўлган ўтгуз қадар қадим ва жадид кутуб ва рисоили жуғрофия, ҳайъати риёзий, тарихий, табиий»лардан ва яна жуда кўп турли-туман маълумот – манбалардан фойдаланиб ёзганини қайд қиласи (1-бет).

«Жуғрофия деган сўз юнонний, лугати арабийга таърифи ард маъносига, яъни ер ва туфроқни баён қилатургон илмни айтилур», – изоҳ беради муаллиф. Сўнг Беҳбудий унинг турларига тўхтайди. «Чунончи, – ёзди у, – Ерни шаклдан, осмон ила Ер аросидаги хосияти ва осмондаги нимарсалар ила нисбати ва ҳаракатидан баён қилатургон илмни «жуғрофияи риёзий», Ерни хосияти, туфроқ пасту

¹ Қаранг. ЎзСЭ, 2-жилд, 202–204-бетлар. С. Қосимов «Беҳбудий ва жадидчиллик» (ЎзАС, 1990, 3–4-сонлар) мақоласида қомусдаги мазкур мақоланинг қандай курашлар билан дунё кўрганлигини ҳимоя қиласи экан, «қайта ишлаш»лар натижасида «афандининг қуши»га айлантириб нашр этилганини айтади (ушбу газета, 1990, 3-сон).

баландлиги, ҳар хил гиёху конлари, тоғ-дарё, күл, мижозу ҳавосидин баҳс қылатурғон илмни «жуғрофиян табиий» аталаудур.

Муаллиф хulosса қиласы: «Ер устиға бўлған воқеалар тўғрисинда ҳар бир навъ ишни ушбу илмға баён қилиб, жуғрофия калимасини охирига ўшал ишга тааллуқ илм ва фанни оти кўшиладур. Чунончи, «жуғрофияни тарихий» ва бошқаларидек. Хulosса, бу замонға жуғрофия илми дунёни ва андаги ҳалойик, ҳайвонот, умронот (ободлик) ва ҳарнани дунёға бордур, билдиратурғон кераклик бир илми жаҳоннамодур».

Китобнинг дастлабки саҳифаларида жуғрофиянинг фан сифатида майдонга келиш тарихи, қадим Туркистон олимларининг бу соҳадаги хизматлари ёритилади, асарлари келтирилади. Муаллиф Шамсиддинбек Сомийнинг (1850—1904) б жилдлик машҳур «Қомус ул-аълом» ва Исломбек Гаспринскийнинг «Туркистон уламоси» китобларидағи ҳужжат ва дилилларга суюниб фикр юритган.

Бобларнинг бири «Жуғрофияни ўкумоқ мусулмонларға лозимдур» деб аталаудур. Унда Ер ҳақидағи хурофи тушунчалар танқид қилинганды. Чунончи:

«Аммо ҳозирги жуғрофия илми, тажриба ва рўяти бошлириндан билинадурки, Ер курравий — юмалоқ, остиға хўқуз, балиғ йўқ, атрофига девори йўқ ва Ер айланадур, ҳавоға муаллақ турадур. Бизни назаримизға сокин ва аммо ҳақиқатда айланадур» (14-бет).

«Эски ва янги донишманлар» фаслида қадим Батлимус (Птоломей) дан қолган геоцентризм ва унга қарама-қарши гелиоцентризм ҳақида гап кетади. Илми ҳайъатдаги «сабъ-айи сайёр», «тўқуз осмон» иборалари изоҳланади.

«Аҳли ҳайъати жадида, яъни янги ҳукамолар айтадурки, Офтоб дунёни ўртасига ҳалқ бўлубдурки, Аторуддан бошлаб қадимда беш сайёра ва янги топилган икки сайёра ва кўз ила кўрилмай, янгидан дурбин ила топилган уч юзга яқин сайёralар ва буларни ичига биз устида турғон Еримиз Офтобни атрофига ҳар бири ўзига тегишли доира айланасига айланниб юрадурлар. Еримиз Офтобга нисбатан учланчи сайёра — юргувчи юлдуздур! Югурувчи юлдузларни ҳаммаси бенур ва ёргулкни Офтобдан оладур» (22-бет), — ўқиймиз китобда.

Муаллиф, шу тариқа, жуда содда қилиб осмон жисмла-

рининг жойлашиш ва ҳаракатини тушунтириб беради. Буларнинг айримлари Қуръон ва Ҳадис хабарига рост келмаслигини ҳам айтади. Шунга қарамасдан «Янги ҳукамолар осмондаги юлдузларни аҳволидин эскилардин кўра яхшироқ огоҳ бўлубтурлар», – деб ёzáди. Чунончи, Ой, Миррих (Марс) ҳақидаги замондошлари маълумотларини жамлаб ва уларнинг қадим ҳукамога насиб этмаган аниқ ва пухта замонавий асбоблар ёрдамида тўпланганини таъкидлаб, «...ҳукм қиладурларки, албатта, Миррихда одам бор ва илми бизлардан зиёдадур!» деган фикрни илгари суради.

«Бизни Еримиздек бошқа юлдузларда одам бўлса, бизни Еримизни ҳам юлдуздек ёруг кўрмоқлари тайиндор», – ўқиймиз яна бир ўринда, «Олами шамсия жадвали»да Аторуд, Зуҳра, Ер, Ой, Миррих, Муштарий, Зуҳал, Уран, Нептун сайёralарининг Күёшга нисбатан жойлашган ўрни, масофаси, ҳаракати ва ҳоказо ҳақида муҳим маълумотлар берилган. «Ерни шакллари», «Ҳукамо қавлича, Ерни(нг) юмалоқлиги аломатлари фаслларида муаллифнинг ўз кузатишлари кўпроқ сезилади. Ушбу фаслларга Петербург, Тошкент вақти дунёning бошқа шаҳарларига қиёсан берилган 2 жадвал илова қилинган.

Ернинг тузилиши, тоғлар, дарёлар, кўллар, қуруқлик, Ой тутилиши, қуйруқлик юлдузлар, ҳаво, атмосфера, кунтун, ёз, қишлоғ, тупроқ, сув ҳолатлари ҳақидаги фасллар ҳам анча мароқли ёзилган. Китобнинг маълум қисми дунё кишиларининг майший ҳаётларига – ижтимоий, иқтисодий, сиёсий масалаларга багишиланган.

«Мартабай инсониятга ноил ўлмакга, ҳар бир инсонни жамияти инсониятга ва дини илоҳияга эҳтиёжи бор, – ёzáди муаллиф. – Ушбу сабабдантурки, инсонлар комил инсонларни қўл остига жамияти башарияни барпо қиладурлар. Олло таоло анбиё воситаси ила қонуни шариат, хавфу қалбу рижо юборибтурки, анго доҳил ва солик бўлмоқ лозим ва вожибдур. Динсиз дунёда яшамоқ инсоният ва маданиятдан эмас, ҳайвонийликдур. Динсиз мутамаддун (маданиятли) бўлмоқ муҳол (қийин)дур. Жамияти башарияни барқарор турмоқиға дин, шаръ (шариат), низом ва буларни бошқарувчиларга биринчи сабабдур. Бас, жамият илм, инсоф ва хунар сабаблари ила уч хил бўлинадурки, ваҳшоният, бадавият, маданият аталган. Ва буларни(нг) ҳар бирини яна

бир неча синфға тақсим қылмоқ одамларни ақволиға қараб мүмкін бўладур».

Беҳбудий уларни шундай фарқлайди: «Ваҳшоният мартабаси фақат одамни ҳоли ҳайвониятга истиқоматидурки, на ақл-көмил ва на илм-маърифат, дин-диёнат, инсоф-диёнат – ҳеч-ҳеч бир инсонға ёқимлик ҳолати, ҳаракати, феъли бўлмайдур. Бу навъ одамлардан Африқо чўллариға, Америқо тоғлариға, Австралия жазиралариға бордур. Илм, хунар, дин, диёнатдин бутун бебаҳра, умрлари ҳайвониятга ўтиб кетадур. Маҳали истиқоматлари бошқа ҳайвонотдек дараҳтлар устида, ичида ёинки ин-уя чукурларда ўт-хашаклар ила паноҳ бўлган казолардадур. Емоқлари хом ўт-гиёҳ, мурдорлар. Хулоса, ҳар на топилса, удур. Сайду шикор, яна топилса, одам емоқ ила машгулурлар. Шакллари инсон ва барча ҳаракатдаги ит-кўпшакдан бадгардурки, инсонларни бидоят ҳоли ёинки илму адабсизлик мартабасидур.

Ҳозирги замонамизда ҳам бу синф одамлар мавжуд ва ададлари кўпдур.

Бадавият одамлари. Иккинчи хили бадавийлардурки, ваҳшониятдан тарақкий ёинки маданиятдан таназзул қилиб, бир ҳолға келғон ваҳший ила маданий аросида воситадурки, бадавий ва саҳройи маҳз аталадурлар. Буларни маконлари саҳро ва чўлларда, тоғу тошлар аросида чодир ичида ё туфроқ тўла ичларинда ва аксар кўчиб юргувчи илму хунардин бебаҳра халқдур. Бу тоифани умрлари мол боқмоқ, емоқ, ётмоқ ила сарф бўлуб, жамияти башариятга керагича ёрдамлари етмайдур. Чунки илмлари камдур. «Кўчманчи», «бадавий», «саҳройи», «бодиянишин» аталадурларки, ҳар бирининг аросида яна фарқ кўпдур. Маданийларга ёқмайтургон феъллар буларда камилмлик ва тарбиятсизликларидан кўброқ воқеъ бўладур. Аларни ичида маданийларни(нг) истиқомати қарийб мумкин йўқдур. Ушбулар «эл», «уруг», «қабила», «ашират»ларга тақсим бўлуб, бек, бий, шайх, раис, сардорларни қўл остида чўлларда, шаҳарлардан узоқ жойларда юрадурлар. Аларни(нг) батзиси ўз ишларини, расмларини маъқул ва одамиятта муносиб билиб, шаҳарий ва маданийларни уят ва ҳатто, нафрат қиласадур. Ушбуларни тамалдун доирасига киргизмоқ мавруду замон ила бўладур. Маданият. Шаҳарларда ва катта жамиятлик, илму хунар-

лик, маҳаллаларда туратурғон, илм, фазл ва хунарлик халқни ва ё алар ила бирга тургувчи инсонларни «маданий» аталаудурки, бошқа исм ила «шаҳарий» аталаудурлар. Буларни аксар ишлари тартиб ва тажриба, илм ва фан ва қоида бўйича бўладур. Мактаб, мадраса, масжид, маҳкама, руҳоний-ула-мо, ибодатхона, амир, хукмрон, подшоҳлари бордур. Бовужуд шул маданийлар ичидаги ваҳший ё бадавийға ўхшаш инсонлар, феълу одатлар кўпдур. Ҳануз ер юзида бир шаҳар йўқки; барча одамлари инсони комил ҳисоблансан, бу уч хилни ҳар бири яна ним маданий, ним ваҳший деган қисмларға бўлинадурлар.

«Ер юзидаги бадавий ва маданий халқларни хукмдор ва сардорлари бўладурки, — деб бошланади «Хукумат ва хукмронлар» фасли, — бек, амир, шоҳ ва бошқа исму лугатлар ила аталаудурлар. Ҳар бир тилда хукмдорларни лугати бошқадур. Оврупо халқи императўр, қирол, дўқа, принс, президент, кназ, тсар (царь) ва бошқа лугатлар ила аталган ҳар бир хукмдорни мартаба ва хукумати бошқа навъдур».

Беҳбудий замонасидағи мавжуд идора усуслари ҳақида фикр юритиб, уларни учга бўлади.

1. Идораи мустақалла (идораи мутлақа – монархия).

2. Идораи машрута (конституцияли парламентли ҳокимият).

3. Идораи жумхурият (Республика).

Беҳбудий бу идора усусларини шундай изоҳлаган:

1. «Ани устидан қарагувчи подшоҳ соҳиби ихтиёр ва ҳар бир ройи ва амри закун ва низом бўладур. Амри, хукми ройи нофиз (қонун)дур. Кўл остидан барча масжудлар, маслаҳатхоналарни иттифоқи, хоҳиши, хукми ўшал императўрни мустаҳкам қилиш имзосига мавқуфдур. Шундай императўрларни янгидан мансуб бўлиши ҳар бир давлат ва хукуматда муқаррарий қонун ва одатлар бўйича мерос ёинки валиаҳдлик қоидалари ва ўшал хукуматни кўйган «тартиб ва тадбирға мувофиқ бўладур».

2. Идораи машрута – «...бу хукуматга тобеъ одамлар аксар аҳли илм ва хунардурлар. Элу уруғлари илм, хунар ва дунё ишларига тараққий қилгандурки, шул тариқа фуқаролар ўз ароларидан инсонлик, илм ва дунёдан хабарлик одамларни ўзларига катта ва бошқарғувчи вакил сайлайдурлар ва шул тариқа сайланган вакилларни подшоҳ жамлаб, му-

қаррарий маҳкамаларга мамлакатдорлик ишлариға аралашиб, машварат или тузатилмоқ ва муҳофазат қилинмоқыға күз бўлмоқлари учун қарор берадурки, аларни(нг) мажлис ва маҳкамаларини «Миллат мажлиси», «маслаҳатхона», «парламентў», «Гўсударски Дум», «Мажлиси синодий» (сенат мажлиси), «Эл мажлиси» деган исмлар или ёд қилинадур. Яна баъзи маслаҳатхоналар борки, маслаҳатбошиларни, ҳукмдорларни (подшоҳнинг) ўзи тайин қиласадур.

Ушбу миллат мажлисини(нг) чилон (аъзо)лари машварат или мамлакатдорлик ишлариға аралашиб, низом ва қонун тузатиб, ҳукмдор ва подшоҳларни қилатургон ишлариға аралашадур. Подшоҳ бу мажлис амриға тобеъдур. Мажлис маъбусон (депутатлар) ни(нг) ройи бўлмагунча катта ишларни бошланмоқыға амр ва ҳукм қилолмайдур. Хулоса, императўр соҳиб ихтиёр бўлмай, дурустроқ ишларга қонун ва низомларни чиқарилмоқыға бутун эл мажлисиға тобеъ бўлуб турадур».

3. «Идораи жумхурият... аксар фуқароси аҳли илм бўлуб, бу аҳли дониш аҳолини сайлаган вакиллари, яъни ҳукуматга етти йилгача ўз мамлакат ва ҳукуматларини бошқармоғи учун ўз ароларидан бир нафар донишманд одамни бошлиқ сайлайдурларки, «раиси жумхурият», «садрнишини миллат», «президент» аталадур. Бу раис гёё бир оризий (вақтинча), омонат подшоҳдур. Ҳар бир ҳукм ва амру тартибни, мамлакат ва кўйга таалтуқ ишни, Миллат мажлисини(нг) қилиб берган дастуруламал, яъни қонун ва низом номалариға мувофиқ қилиб, бутун элга тобеъ бир кишидур. Ҳар бир ишга Миллат мажлиси ҳукмиға тобеъ, аларни(нг) ҳукму талабларини ўринга келтирувчидур.

Бу икки тоифани(нг) подшоҳи баъзи мамлакатда «элга тобеъ бўлуб турарман» деб қасам ичиб, баъд (кейин) мансабга чиқадур. Катта вазирлар ва мамлакатдорлик мутасаддиларини тафтиш қўлмоқға, терговга бермоқға, ҳатто, ўшал соатда бирдан бекор қилдурмоқға баъзи Миллат мажлислирини(нг) ихтиёри бордур. Ҳозирги Оврупо ҳукуматларини(нг) рафтори, одати шу уч усульнини(нг) бирига дохил, тобеъ ва мувофиқдур.

Мустақил ҳукмдорларни(нг) қўл остида ҳам мажлислар ва машварат маҳкамалари бордур. Илмсиз ҳукуматлардек неча милийн халқни(нг) майшати, рафтори, ихтиёри бир нафар

одам (подшо) ни(нг) иктиёр ё ройи ва ҳукмига йўқдур. Бир нафарни(нг) ақли, фикри ила ўн нафар аросида на қадар фарқ бордур? Ушбу сабаблардандреки, озгина Оврупо халқи бутун курраи арзга ҳоким ва мутасариф (эга) дурлар. Сабаб: ҳукумат, илм ва дароят, қонун, мусовот (тенглик), машварат (маслаҳат) ва тадбирдур».

Китобда муҳим ўринлардан бирини «Дин ва одат» фасли ташкил қиласди. «Бани одамни ҳама фирмә ва тоифаси ушбу олам барча одам ва ҳайвонларнинг холиқи борлиғига иқрор. Аммо сонеъи оламу илм, худошунослик, яъни эътиқод тўғрисинда ҳар тоифа ва ҳар миллат ва мазҳаб ахлини эътиқоди бошқадур. Илму ҳидоят топган фирмәлар Оллоҳ таолони бемисл ва бешерик ва бир биладуркни, шундай фирмәни «муваҳҳид» (бир худолик) атабдурлар. Оллоҳ таолони бир билмай, адад таъйин қиласатурғонларни «мушрик» (кўп худолик) ёинки маъжус аталадур. Муваҳҳид ва мушрик фирмәларни(нг) ҳар бири яна бир неча дин ва ҳар бир дин бир неча мазҳабга бўлунуб кетгандур. Ҳатто, ҳар бир дин ва мазҳабларга бир неча одат, расмлар қўшилуб, агарчи ҳақиқатда муҳолиф мазҳаблари бўлса ҳам одат бўлгани учун айни мазҳаб саналиб амал қилинадур».

«Ирқи башар – одамларни(нг) жинси» бобида оқ, қора, қизил, сариқ танлилар, уларнинг ўзаро фарқлари, ижтимоий-маиший турмушлари, ҳозирги мавқеъ-маргабалари ҳақида гап кетади.

Шунингдек, китобда ўлчов-миқёс тушунчалари, метрнинг келиб чиқиши, аршин, саржин, вершок, дюйм, фунт, десятиналарнинг ўзаро фарқлари, мамлакатларнинг пул бирликлари ҳам кенг ёритилган.

«Ерни ҳаракатига ихтилофи уламо ва аҳли дин» фаслида дунёнинг курилиши ҳақида гелиоцентрик тузилма ва унинг Европа илмидаги вакиллари Николай Коперник, Кеплер, Галилейлар фаолияти ҳақида гап кетади. Черков ва улар ўртасидаги кураш ҳикоя қилинади. Бундай ҳол аҳли ислом орасида ҳам бўлганлигига тўхтаб, замонида икки юздан ортиқ китоб ёзиб «кофир» деб эълон қилинган, ўлтганидан кейин мозори жоҳил ва бехирадлар томонидан топталган Муҳаммаддин Арабий тақдирни мисол келтирилади.

Муаллиф кўхна Шарқда ҳам илм фоят қийинчилик билан ўзига йўл очганини қайд қиласди ва шайх ур-раис Абу

Али ибн Синонинг мутаассиблар томонидан «кофир» деб эълон қилингани воқеасига тўхтайди ва унинг:

Куфри чу ман газоф ва осон набувад,
Маҳкамтар аз имони ман, имон набувад.
Дар даҳр чу ман яке он ҳам кофир,
Пас, дар ҳама даҳр як мусулмон набувад, –

(Мени кофирликда айблаш осон бўлмас. Чунки дунёда менинг имонимдан маҳкамроқ имон йўқ ва у ҳам кофир бўладиган бўлса, бу дунёда мусулмоннинг ўзи йўқ экан), – деган машҳур рубоийсини көлтиради. Ҳатто, бундай мисолларни бугун ҳам келтириш мумкинлигини айтиб, айrim замондошларининг Миср муфтийси Шайх Муҳаммад Абдуллоҳ ва «Миръот» журналининг муҳаррири Абдурашид бин Иброҳимларни бадном қилишга бўлган уринишлари ҳақида ёзади.

Китобда «Амиқони(нг) топилиши» деган фасл бор. Унда Колумб сафари ва янги қитъанинг кашф этилиши воқеала-ри баён этилган.

Сўнгти фасл «Тафсил ва танбиҳ»да дунёning қурилиши, Ер, Осмон, юлдузлар ҳақидағи икки қарама-қарши фикр – эски ва янги нуқтаи назар маҳсус мавзу қилиб олинган. Муаллиф «етти қават ер», «етти қават осмон» тушунчаларига тўхтайди, айниқса, Ернинг ҳўқиз шохи устида туриши ҳақидағи хурофтни танқид қиласиди. Страбон, Батлимусдан кейинги давр уламоларигача бўлган олимларнинг қараашларига тўхтайди. Туркистонликларнинг фалакиёт ҳақидағи тасаввuri ўрта асрчиллик доирасида қолганини айтади. Айни пайтда жуғрофия китобларида бир қатор саҳву хатолар борлигини, бу ҳақда китоб ёзмоқчи эканлигини хабар қиласиди.

Китобда бир қатор иловалар бор. Масалан, ҳижратдан 4500 йил олдинги Миср воқеаларидан 1324 – 1906 йилдаги Русия Давлат Думаси очилишигача бўлган жаҳон тарихидаги ҳодисалар санаси «Аҳволи тарихиядан намуна» сарлавҳаси билан берилган. Шунингдек «Европа», «Озиё», «Африқо», «Амиқои шимолия», «Амиқойи жанубия», «Австралия», «Мамлакати Русия»нинг алоҳида-алоҳида характерлари, курраи арз ярим шарлари маҳсус саҳифаларда келтирилган. Кўрфаз, бўғоз, дарё ва кўлларнинг жуғрофий шакллари, табиат ҳодисаларини, осмон ёритқичлари ҳаракатини тушунирувчи турли-туман суратлар, ирқлар-

ни фарқлаб кўрсатувчи расмлар ҳам бор. Табиийки, бу хил кўргазмалилик китобнинг илмий-маърифий аҳамиятини оширган. Мазкур жуғрофия китобини ҳозир ҳам нашр этиш фойдалиидир.

1906 йилда «Туркистон вилоятининг газети» саҳифаларида Беҳбудийнинг жуғрофия китоблари муносабати билан қатор тақризлар чиқади. Уни мақтайдилар, рад этадилар. Газета ходими Мулла Олим муаллиф китобларининг тили оғирлигидан шикоят қилиди. Беҳбудий изоҳ беради¹. Иш булар билан чекланмайди, секин-аста уни мусулмонлар манфаатига хиёнат қилишда, ўриспарастликда айблай бошлайдилар. Ва бу анча давом этади. Гап расмий доираларга бориб этади. 1914 йил 3 январда Мирзо Улуғбек мадрасаси жомесида бир неча минг киши хузурида «усули жадидачилар», «русча ўқимоққа ташвиқ қиласатурғонлар» «кофир», «ҳар ким боласини усули жадида мактабига берса, ўзи кофир, хотини талоқ»² деб эълон қилинади. Йигинда Беҳбудийнинг бир қатор маслакдошлари (Сиддиқий – Ажзий, Шакурий) тилга олинган эдилар, Беҳбудийнинг ўғли Масъудхўжа гимназияда ўқир эди. Беҳбудий бир муносабат билан ёзади: «Самарқандни катта уламо ва қозиларидан муҳтарам бир киши катта мажлисларға ва ҳукуматға сўйлаганлари учун тубандаги сўзларни юз биринчи дафъя ёзармиз: «Ойна» муҳаррирининг маслаки ўн санадан зиёда бир муддатдан бери жарида ва рисолаларға ёзган мақолалари илан ҳукуматға ва бутун ҳалойиқға маълумдир. Қози ҳазратлари «Ойна» муҳарририга икки нимарсани нисбат берурларки, кайфияти юқорига ёзилди. Аммо иккисида ваҳмий сўзлардир. Биз ҳалқни рус ва насоро қиласатурғонларни эмас(миз) ва дини мубини исломни хароб қиласатурғонларни эмас(миз), балки муҳтарам аҳли динимизни моддатан тараққий этдурмоқчи ва дини шарифимизга маҳкам туриб, Русиянинг яшамоқчимиз. Русиянинг граждани, илм ва ҳуқуқлик чин табааси бўлиб ва руслардан қочмай, балки (кўл) ни кўлға бериб, Русия ватанига болғеъл шерик бўлуб, тараққий қиласатурғон Русия давлатининг мансаблариға мустаҳиқ қиласатурғон Русиянинг илму фани замоний ўқутатурғон мактаблариға ружуъ қиласатурғон

¹ Қаранг. ТВГ. 1906 йил, 15 марта, 12-сон.

² «Ойна» ж., 1914 йил, 12-сон, 295-бет.

муҳтарам ҳамватаңларимизни даъват ва ташвиқ эттүвчи бир кишимиз»¹...

Миллат озод бўлиб, ўзининг мустақил давлатини ўрнатмагунча, ижтимоий адолатни тиклаб бўлмайди. Бу Беҳбудий келган биринчи холосалардан эди. Унинг «Вақт» газетасида чоп этилган мақолаларидан бирида шундай мулоҳазаларни учратамиш:

«Бир мадрасага 20 талаба гапи ила бир ноаҳл мударрис сайдланур. Бир волостда 40 нафар эл бошлариндан 21 нафарни садоси ила бир жоҳил қози сайланур ва Русия маъмурларина-да маъқул ўлур. Бир минг фақирнинг радду мудохаласи мўътабар ўlmaz ва сўzlari эшитилmas. Ишта бизим Туркистон шаҳарларининг бу кунги қози, муфти ва мударрис ҳам имом ва ўзга руҳонийларининг юздан саксони, сахро ва қарияларда ўланларининг ўндан тўққизи шўйла номуносиб кишилардан иборатdir². Шу газетанинг ўша йили 4 ноябрда босилган «Дума ва Туркистон мусулмонлари» мақоласида эса чор мустамлакачилик сиёсати, хусусан, ўлқадан етмиш минг русдан олти депутат бўлгани ҳолда етти милион мусулмонга беш ўрин ажратилгани ошкора танқид қилинади. Шуларга қарамасдан, Беҳбудий, истиқлол ҳақида фикр юритар экан, ҳар қандай зўравонликни рад этади. Унингча, зўравонлик файри-ахлоқий, бинобарин, файриинсонийдир. Умуман олганда эса, мустақиллик учун кураш олиб борган боболаримиз, жумладан, жадидлар келажак ҳақида фикр юритар эканлар, истиқлолга эришиш борасида бир-бирларидан фарқ қилувчи уч йўлдан бордилар;

1. Русияга тобеликдан зўрлик йўли билан кутулиш, куч билан истиқлол олиш (Дукчи эшон кўзғолони, 1916 йил воқеалари, «босмачилик»).

2. Муроса йўли. Руслар ёрдамида маърифатга эришиш. Маърифат масаласида ҳақ-хуқуқ олиш, миллий хусусиятларини тиклаш (Исмоилбей Гаспрали, Маҳмудхўжа Беҳбудий).

3. Ҳамкорлик йўли. Чор маъмурлари; сўнг эса Шўро ҳукумати билан бирга уларнинг программаларида қатнашиш ва имкон бўлиши билан мустақилликни кўлга олиш. Бу-

¹ «Ойна» ж., 1914 йил, 44-сон, 1057-бет.

² «Вақт» газетаси, 1907 йил, 3 февраль.

нинг учун маълум тайёргарлик кўриб бориш (Мунаввар қори, Ҳамза, Авлоний).

Беҳбудий ҳамиша халқ билан бирга бўлди.

Ватан тақдиди кун тартибига қўйилган 1917 йилнинг 16–23 апрелида Тошкентда бўлиб ўтган Туркистон мусулмонларининг 150 вакили иштирок этган ўлка қурултойида ҳаяжонли нутқ сўзлади. Миллатни ўзаро ихтилофлардан воз кечишга, буюк мақсад йўлида бирлашишга, иттифоқ бўлишига чақириди.

Худди шу ихтилофимиз сабабли «мустамлакат қоидаси илиа бизни идора этурлар» деб очиқ айтди.

У ҳақ эди. Мустамлакачилар «50 йил илм-маърифатдан четда сақлаб келган»лари (Куропаткин) Туркистонни осонлик билан қўлдан чиқармас эдилар. Фитна ва ифво тинимсиз давом этар эди. Шундайлардан бири 1917 йилнинг баҳорида Бухорода юз берган эди. Амир февраль ўзгаришлирини ҳисобга олиб, рус элчихонасининг маслаҳати билан ислоҳот эълон қиласидан бўлади. Ва бу фармонни ушбу элчихонанинг бошлиги жаноб Миллер тайёрлайди. Ҳар хил англашымовчиликларнинг олдини олиш мақсадида собиқ генерал-губернатор, эндиликда Русия Мувакқат ҳукуматининг Туркистон комиссари Куропаткин топшириғига кўра Самарқанд Ижроия қўмитаси Бухорога бир неча кишилик ҳайъат юбордилар. Улар орасида Беҳбудий ҳам бор эди. 7 апрель ислоҳот эълони олдиндан мўлжалланганидек тантанага, тантана эса фожиага айланади. Амир ва ёшлар, муллалар ва жадидлар ўргасида ўтиб бўлмас чоҳ пайдо бўлади. Миллер бунинг айбини Беҳбудийга кўяди. Фақат Миллер эмас, Тошкентда 9 апрель бошланган Туркистон Ишчи ва солдат депутатлари советларининг биринчи ўлка съездидаги айрим рус депутатлари Бухоро фожиасининг сабабини – Самарқанддан «ўз ихтиёрлари илан» борган депутатларга тўнкайдилар. Миллатни ич-ичидан қайраш ва низо чиқариш изчил давом этади. Беҳбудий мазкур съездда минбарга чиқиб бор воқеани тушунтириб берган ва бу ҳақда «Бухоро воқеалари ва дафъи тухмат» («Хуррият» газетаси, 1917 йил, 1 май) деган маҳсус мақола ёзган эди¹.

¹ Бу ҳақда батафсилоқ маълумот учун қаранг: Иброҳим Fafur. «Амир нега Беҳбудийга қўл бермади?», «Ўзбекистон адабиёти ва санъати» газетаси, 1994 йил, 6 май, 16–17-сонлар.

Шу йил ноябрнинг 26 сида Кўқонда Ўлка мусулмонларининг IV фавқулодда курултойи иш бошлади. 27 ноябрга ўтар кечаси «Туркистон мухторияти» эълон қилинди. Бу мустамлакадан мустақиллик томон қўйилган жиддий ва жасоратли қадам эди. Унинг маънавий отаси, шубҳасиз, Беҳбудий эди. «27 ноябрда Кўқонда Туркистон мухторияти умумий мусулмон съездига эълон қилинди. Муборак ва хайрли бўлсун! Камина ҳам мажлисда бўлушидан ифтихор этаман. Яшасун Туркистон мухторияти!»¹ – деб ёзган эди Беҳбудий. Фитрат мухторият эълон қилингандан тунни «Миллий лайлатул қадримиз» деб атади. Шоирлар шеърлар бағишидалиар. Большеевизм эса тубжой миллатнинг «қадим» ва «жадид»га бўлинганидан устамонлик билан фойдаланиб маҳаллий халқ орасига ҳам секин-аста кириб борди. Айни пайтда миллатлар орасига кутку солиб ажратиш ва жамиятни синфий асосга куриш ҳаракати кучайди.

«Мұхтарам Самарқандийларға холисона арз» деб номланган мақолаларидан бирида Беҳбудий ёшларни «оғир, хушсўз»² бўлишга унданган эди. Мухторият ишларининг эса «сулҳ ила ҳал қилинур»ига, «муҳораба» ва муқотала эҳтимоли йўқлигига астойдил ишонади³. Бу қадим оталар юртини унда яшаб турган барча қон-қариндош миллатларнинг бирлиги, ҳамкорлиги билангина сақлаб қолиш мумкинлигини теран англайди. Бутун вужуди билан Туркистонни бирликка чорлайди.

«Бовурлар! – деб ёзади қозоқ биродарларига очиқ хатида, – Билингки, ҳозирда Туркистондаги барча халқлар учун мухторият эълон қилинди ва сиз билингки, ҳақ олинур, лекин берилмас. Инчунун, мухторият-да олинур, лекин берилмас. Яъни мухториятни Туркистон болаларининг ўзи бирлашиб гайрат ила олурлар. Албатта, бошқалар тарафидан берилмас. Бошқаларнинг қўлидан келса, бермаслар. Биз бўшлиқ қылсак ва Туркистондаги халқлар бирлашиб, мухторият йўлига саъй қымасак, албатта, ҳозирги қофоз устидаги мухториятимизни ҳам йўқ қилурлар. Бул, албатта, шундайдур ва бул сўзга ҳеч ким иҳтилоф қилолмайдур... Энди ишлар шу ҳолда экан, биз ҳаммамиз, яъни қирғиз,

¹ «Хуррият» газетаси, 1917 йил, 19 ноябрь.

² «Хуррият» газетаси, 1917 йил, 13 май.

³ Шу газета, 1917 йил, 19 декабрь.

қозоқ, ўзбек, туркман, араб, форс, хуллас, Туркистондаги, Қозғистондаги ва Туркманистандаги барча мусулмонлар ва ҳам мундаги яхудий ва христианлар бирлашиб, иттифоқ ила шу мухторияттнинг амалга келишига сайдай ва эҳти момм этмоғимиз лозимдур...

Чироғларим! Бошқа халқлар, масалан, серблар, италиялар, арманлар, славянлар, поляклар ва бошқалар, ҳатто, дунёнинг у бир учидаги қариндошлари ила бирлашур эканлар, бошқа катта ва қувватли давлатларга тобеъ бўлуб, ютилуб, ҳатто, тилини йўқотган ўз жиндошларини ажратиб олиб, бирлашмоқға жон ва кучларини сарф этар эканлар, биз ўз ичимиздаги қариндошларимиздан айрилсак, уятдур, аҳмоқликдур. Турк томурига болта урмоқликдур¹.

Дарҳақиқат, мухторият бой берилди. Уни оталаримиз сақлаб қололмадилар. У Шўролар томонидан хоинона бостирилди. 19–20 февраль кунлари шаҳар тўпга тутилди. 10 мингтаг туркистанлик ўлдирилди. 180 та қишлоққа ўт қўйилди.

Беҳбудий изтироб билан майнинг бошида Самарқандга қайтади. У ерда тура олмай, Тошкентта келади. Туркистан рус совет ҳукумати раҳбарлари билан музокара олиб боришига уринади. Табиийки, музокаралар натижада бермайди.

Мутафаккир адаб Туркистан фожиасининг навбатдаги силсиласи бошланганлигини бутун вужуди билан ҳис этади. Беҳбудий ўлимни билан боғлиқ айrim ҳужжатлар ва бу фожиа муносабати билан ўргага қалқиб чиққан айrim материалларнинг сўнгти йилларда эълон қилиниши унинг 1918–19 йиллардаги изтиробларга тўла ҳаётини бир қадар тасаввур қилишга имкон беради. Чунончи, Беҳбудий «Меҳнаткашлар товуши» газетасининг 1918 йил 27 август сонида шундай ёзади:

«Каминани Самарқанд Маориф комиссарлигига Самарқанд мусулмон шўроси сайлаб эди. Баёни узр этдим. Қабул қилинмади. Бир неча вақт қўлимдан келганича ишладим. Мактаблар тўғрисинда баъзи лойиҳалар ёзиб топшурдим. Охири безгак ва оёқ оғруши ва ҳам йилнинг қимматчилиги важҳидан рўзгор ва дехқончилик ишларим кўблиги ва бошқа бир неча сабаблардан комиссарликдан истеъро бердим.

¹ «Хуррият» газетаси, 1918 йил, 26 январь.

Яна қабул қилинмади. Мунинг устинда Тошканддин телеграф билан мұхтарам Мусулмон маориф қурултойи Бутунтуркистон Маориф комиссарлыгини қабул этишимға тақлиф этибдурларки, манга эттан эътимод ва чин занлариға қат-қат ташаккур ва қурултойға арзи әхтиром этгандим, сүнгра касал ва нохушлигимни узр мақоминда ожизона баён этиб тилигром бердим. Яна ушбунинг ила баёни узр ва тарзи ташаккур этиб, маърузатимизнинг қабул этилмагини рижо этаман». «Меҳнаткашлар товуши»нинг Беҳбудийга бағишлиланган 1920 йил 8 апрель сонидаги материаллар, жумладан, унинг ҳаёти ва меросини ўрганиш учун тузилган 7 кишилик комиссиянинг «Маҳмудхўжа Беҳбудий ҳазратларининг қисқача таржимаи ҳоли» деб номланган холосаси муаллифнинг юқоридаги «арзи эътирози»ни тушунишга ёрдам беради:

«1918 йил «Иттифоқ» жамияти¹ Маҳмудхўжани Мусулмон маориф шўйбасига мудир тайин қилди². Лекин у вақтдаги тор, миллатчи руслар бул ишга истеҳзо билан жавоб бердилар. Маҳмудхўжани ёлғиз комиссия аъзоси, деб қабул қилдилар, лекин маориф коллегиясида, мусулмон маорифи учун воқеъ бўладургон ҳар бир масалани Маҳмудхўжага англатмасдан ўзларича ҳал қила бердилар. Ночор Маҳмудхўжа истеъро берди.

Яна: Осипов воқеасидан сүнгра Самарқандда кўб талон-торожлар бошланди. Ноҳақ ҳиблар кўпайди. Катта таъминотларга халқ таҳмил қила олмасдан ер ва юртларини ташлаб қочдилар. Маориф иши ниҳоят даражада тазиққа тушди. Халқнинг ҳиссияти динияси таҳқир қилинди. «Бу ишларга бирор чора топа олурманми»,— деб февраль ойинда Тошкентга борди. Лекин бу сафардан ҳеч бир натижа кўлга киргуда олмади³.

¹ 1917 йил февралдан кейин Самарқандда тузилган мусулмонлар жамияти. Октябрь воқеаларидан кейин аста-секин большевиклашиб борган. 1918 йил 8 майдан Шўрога айлантирилган. 9 май куни Беҳбудий Маориф комиссари этиб сайланган.

² Сиддикӣ-Ажзий бу ҳақда «Самарқандда мусулмон комиссар» (Хуррият г., 1917 й., 23-сон) деган хабар ҳам эълон қилган.

³ 1917–18 йилларда Тошкентда қаҳатчилик авж олиб, Русиядан озиқ-овқат ёрдами келганида эсерлар уни фақат рус аҳолисига тарқатиш керак, деган бошқа рус партияларини кувватлаб чиқадилар. Заки Валидий шу сабабли эсерлар партиясини тарқ этган эди (қаранг: Кўрсатилган асар, 181-бет).

Дарҳақиқат, истеъфо учун Беҳбудийнинг соғлиғи ва тирикчилиги билан боғлиқ муаммолардан ташқари ҳам жиддий гаплар бўлиши керак. Миллатни, миллий тараққиётни инкор этган шўролар йўли алдов ва зўравонликка асосланганлигини Беҳбудий биларди. Шунинг учун ҳам уни 1906 йилдаёқ, ақл ва шариатга зид деб эълон қилган эди.

Орзулари чил-чил бўлган Беҳбудий 1919 йилнинг баҳорида — 25 марта паришон бир ҳолда йўлга чиқади ва Шахрисабзда қўлга олинади.

Қаёққа кетмокда эди у? Кўнглида қандай түғёнлар кечайтган эди?

Саволларнинг бир қисми ҳали ҳам очиқ турибди. Тўғри, айрим тахминлар бор. Масалан, ёш истеъодли тадқиқотчи Ҳалим Сайид бир мақоласида «Беҳбудийни қатл этган ким?» (ЎзАС, 1995 йил, 6 январь, № 1) саволини қўйиб, бир қатор далиллар асосида қотил большевизм ва унинг қизил империятилик сиёсати эканлигини исботлашга ҳаракат қилади. Иккінчи бир мақоласида («Мажбурий ҳаж тафсилотлари», ЎзАС, 1995 йил, 14 апрель, № 15) эса, мазкур воқеанинг тафсилотларига оид теран кузатишларини ҳукмингизга ҳавола этади. Шу ҳақда қисқача тўхтаб ўтамиз.

Беҳбудийнинг сўнгти кунларига бағишлиланган барча мақолаларда унинг 1919 йил 25 марта Самарқанддан чиққанлиги, «асрорангиз» (сирли равиша) гойиб бўлганлиги айтилади. Садриддин Айнӣ у билан сўнгти учрашувини шундай хотирлайди: «1919 йил февраль ойида Тошкентта бориб қайтди. Мактаб программи ва Тошкентдаги илмий ҳоллар билан Самарқанд муаллимларини таништирмоқ учун муаллимлар мажлисини чақиришга буюрди. Шундан кейин кўчада кўришуб, мазкур мажлисга нима сабабдан келмаганини, иккинчи мажлис учун қайси кун тайинланса, кела олишини сўрадим.— Ҳозир бир оз хастаман, кайфим ва фурсатим бўлса, хабар берарман,— деди»¹.

Беҳбудийдек батартиб бир зиёлиниң ўзи мажлис белгилаб, келмаслиги ва бунга бирор изоҳ бермаслиги, унинг устуга кейинги учрашувни ҳам мужмал қилиб қўйиши, чиндан ҳам у билан «асрорангиз» бир ишлар рўй берадиганига ишора қиласи. У нимадандир қаттиқ ларзада эканлиги аниқ.

¹ «Зарафшон» газетаси, 1922 йил, 25 марта.

Ҳалим Сайднинг аниқлашича, Беҳбудийнинг «Фойиб бўлиши» ҳақида дастлабки хабар воқеадан бир ой ўтар-ўтмас, яъни 1919 йилнинг 23 апрелида «Меҳнаткашлар товуши» газетасида босилиб чиққан. Сўнг у «Иштирокион»га кўчириб босилган. Мақола муаллифи Ҳожи Муин бўлиб, у халқ орасида тарқаган миш-мишларни йигади ва уларнинг тагига етишга уринмаётган ёшлардан зорланади. Унда келтирилишича, шу йил март ойининг охирларида самарқандлик ёшлардан 4 киши (Маҳмудхўжа Беҳбудий, Мардонкул Шоҳмуҳаммадзода, Муҳаммадкул Ўроқбой ўғли ва турк муаллим Найм афанди) «Москвага ёки бир ерга бормоқ қасдиди ла йўлга чиқғон»лар, «от билан Бухоро тупроғидан ўтаетганиларида Қарши шаҳрида» кўлга олингандар, айрим маълумотларга қараганда ваҳшиёна ўлдирилгандар. Чамаси, бу миш-мишлар яна кўпайиб боради ва ушбу «Меҳнаткашлар товуши» 1919 йил 30 ноябрь сонида Истанбулда ўқиётган самарқандлик Темурхон деган кишининг маълумотларини ва унга Ҳожи Муин шарҳини эълон қиласи.

«Темурхон афандининг маълумотига кўра, – деб ёзади Ҳожи Муин, – Беҳбудий афанди Самарқанддан чиқиб Бухоро музофотида ҳибс қилинғони ҳамон бу хабар Бокуда шойеъ бўлғон. Бокуда тургувчи туркистонли Сайд Носир исмли бир зот бир восита топиб, Бухородан Беҳбудий ҳақинда маълумот сўраб, тахлиси ун кўшиш қилғон. Лекин бу ҳақда Бухородан ҳеч бир хабар ола олмағон.

Бу мансуқ хабардан маълум бўлурки, мундин бурунроқ Москвадан келиб, «Иштирокион» газетаси идорасида «Беҳбудий афанди Қофқозда экан», – деб хабар берган И. М. Афандининг сўзи ҳам хорижия комиссариати воситасида мусулмон ўлка бюросининг Беҳбудий ҳақида сўрапон саволига Бухоро хукуматининг: «Маҳмудхўжа Беҳбудийни ҳибсдан чиқориб узатиб эдик», – деб берган жавоби шубҳали хабарлар қисминдандур»¹.

Кўриняптики, Ҳ. Сайд қайд қилганидек, Беҳбудийни орадан қўтариш масаласига унча-мунча ташкилотлар, расмий идоралар аралашганлар.

Унинг биографиясида муҳим ўрин тутувчи 1919 йилнинг 25 март санаси айрим манбаларда Беҳбудийнинг Са-

¹ Кўчирма Ҳ. Сайднинг «Мажбурий ҳаж тафсилотлари» мақоласидан (ЎзАС, 1995, 15-сон) олинди.

марқанд сарҳадидан чиққан куни, бальзиларида эса қатл куни сифатида берилади. Ҳ. Сайд унинг қаёққа кетаётганилиги ҳақида тахминларни ўзаро солиштириб¹ Парижга, Антантада давлатлари йигилишига бораётганини тасдиқ этади. Проф. Н. Каримов факт ва материалларни қиёслар экан, буни яна да конкретроқ кўрсатишга ҳаракат қиласди. Унингча, Беҳбудий Шўролар Россиясида большевизмга қарши кураш олиб бораётган мухолиф гурӯхларнинг раҳбарлари қаторида Шаҳзода оролида АҚШ президенти Вильсоннинг таклифи билан уюштириладиган кенгашга бормоқда эди. Режага кўра Беҳбудий Бокуда Саидносир Миржалолов билан учрашиши ва Истанбул орқали Шаҳзода оролларига ётиб бориши лозим эди². Улар бахтта қарши учраша олмадилар. Тўғрироғи, собиқ «Туркистон мухторияти» ҳукумати вакилларининг жаҳон афкор оммаси олдига чиқиб, Русия большевизмининг файриус мусулмонларни қатли ом қилиб, миллат сифатида йўқ қилишга қаратилган ваҳшиёна сиёсатини ошкор этишга имкон берилмади. Шўролар ҳукумати амир кўли билан миллатнинг фидойи фарзандини қатл қилиді³. Сўнг эса ёшлар ёнида туриб, Беҳбудийга кўз ёш тўкди. Ва ўз мақсадига эришди. Биринчидан, Амир ва унинг салтанатига ёшларда газаб; нафрат уйғотишга муваффақ бўлди. Бу эса, ўз навбатида, Бухоронинг шўролашувини тезлаштиргди. Иккинчидан, Шўро-

¹ Булар асосан утга эди: Ҳаж (Хожи Муин), Париж, Антантада давлатлари раҳбарлари билан учрашиш ва шартнома тузиш (А. З. Валидий), Москвага шикоят қилиш (Садриддин Айний).

² Найм Каримов. Беҳбудийнинг сўнгти сафари, қўлёзма, 34-бет. Мунавварқори 1929 йил 21 декабрь хотирасида 1917 йилда «Иттиҳоди тараққий» партиясига аъзо бўлган Беҳбудий ва Мардонқулларни бир гурӯҳ, Убайдулла Хўжаев ва Саидносир Миржалоловлар яна бир гурӯҳ бўлиб Туркияга бориш учун йўлга чиққанини ёзди (қаранг. ДҲК архиви, 670-дело, асрор № 554395). Бу фактни бир оз бошқачароқ талқин билан архивлардан яхши хабардор тарихчи М. Ф. Ваҳобов ҳам тасдиқлайди (қаранг, Ўзбек социалистик миллати, Т., 1960, 323-бет).

³ Н. Каримов бу борада «Миллий Туркистон» журналининг 1950 йил 66-сонида босилган Беҳбудий ҳақидаги мақоладан қуйидаги характерли бир фактни келтирган: «Ул Қарши шаҳринда ўз олдига кўйиган вазифаларини ўринлов ҳаракатида экан, қизил Русиянинг Бухоро элчихона хизматчиси Уткин воситаси-ла амир томонидан тутилди. Беҳбудий амирнинг Қарши шаҳриндаги волийси Нуридин Оғалиқ томонидан 25 март 1919 йилда ваҳшиёна ўлдирилди» (Н. Каримов. Беҳбудийнинг сўнгти сафари, қўлёзма, 24-бет).

лар хукумати ўзининг ақли, жасур ва гоят эътиборли душманидан қутулди. Хуллас, бизга ҳозирча барча тахминлари мизга асос бўлиб келаётган Ҳожи Муин Шукрулло ўғли нинг «Меҳнаткашлар товуши» газетасининг 1921 йил 29 март сонида босилган ва сўнгроқ «Инқилоб» журналиниң 1922 йил 7 январь сонида қайта эълон этилган «Муфти Маҳмудхўжа ҳазратларининг қандай шаҳид бўлғонлиги ва онинг томонидан ёзилғон васиятнома»¹ да қайд қилинишича, Шаҳрисабзда қўлга олинган адаб тахминан икки ой ўтгач, шериклари Муҳаммадкул ва Мардонкул билан биргаликда Қаршига келтирилиб зинданга ташланади. У ерда ҳам бир неча кун ётиб, сўнг Қарши беги Тогайбекнинг буйруғи билан зиндан яқунидаги «подшолик» чорбоғида ўлдирилган. Бу тахминан ёз ойларига тўғри келади.

Унинг қатли ҳақидағи хабар ўша пойтахтимиз Самарқандга роса бир йилдан кейин маълум бўлади. 1920 йилнинг апрелида бутун Туркистон мотам тутади. Ўнлаб марсиялар ёзилади. «Беҳбудийнинг саганасини изладим» деб аталар эди Фитратнинг бир шеъри.

Айнийда бир эмас, уч шеър бор.

Сани мундин буён Турон кўролурму, кўролмасму?

Санинг мислингни Туркистон тополурму, тополмасму? – деб бошланарди унинг шеърларидан бири.

Машхур Чўлпон ҳам Беҳбудийнинг фожиали ўлдирилганига бағишлаб шеърлар ёзди.

Қайгурингиз, кишанларни ясовчи усталар,
Бошқаларни тубанлар деб атовчи хўжалар!
Сизлар учун ёз бошининг қоридек
Эрур кунлар келадур!
Сизлар учун алвастининг зоридек
Йиглар кунлар келадур! –

деб ёзган эди у.

Қарши шаҳри 1926–37 йилларда 11 йил Беҳбудий номи билан юритилди. Бироқ унинг асл қиёфаси халқдан сир сақланди. Адаб номининг абадийлаштирилиши шунчаки бир

¹ «Васиятнома» ушбу китобда эълон қилинмоқда. Ҳ. Сайд ва Н. Каимов «Васиятнома»нинг асл мазмунига, уни етказувчи Ҳожимурод Худойберди ўғлининг самимиятига асосли равишда шубҳа билдирадилар. Беҳбудий ўлимига бағишланган «Маориф курбонлари» драмасини Шўро ташвиқотчилиги маҳсули ҳисоблайдилар.

ниқоб эди. Қарши шаҳрига унинг номи қўйилган ўша 1926 йилдаёқ, у мансуб бўлган жадидчиликни аксилиңқилобий, аксишуравий ҳаракат сифатида қоралаш кампанияси бошлиб юборилган эди. Аслида ҳам шундоқ бўлган. Жадидлар зулм ва зўравонликни, синфий курашни, миллатни қоқ иккига ажратиб, орасига нифоқ ва душманлик солишни рад этдилар ва ҳақ бўлиб чиқдилар. Бугун улар муқаддас тутган юрт озод ва мустақил бўлди. Улар жон фидо этган истиқлол авлодларига насиб этди. Миллат ва Ватан мустақиллиги йўлида фидо бўлганлар эса шу Миллат ва Ватан умри қадар боқийдурлар.

Гап сўнгидаги яна театрчи Беҳбудийга қайтамиз, чунки унинг бу соҳадаги хизмати энг буюк хизматларидан бўлиб, миллий онг ва маданиятимиз тарихида ғоят катта роль ўйнади. Буни фақат диндошлари, миллатдошлари эмас, бошқалар ҳам эътироф этганлар. Машҳур турколог А. Н. Самойлович 1916 йилда, «Падаркуш»ни Тошкентнинг «Колезей»ида Авлоний труппаси ижросида томоша қиласар экан, Тошмуроднинг ўз ўйига ўғирликка кириб отасини ўлдиришидан халқнинг жунбишга келганини ёзади¹.

Б. А. Пестовский 1922 йилдаги «Инқилоб» журнали саҳифаларида эълон қилган «Ўзбек театри тарихи» мақолосида унинг майдонга келиш тарихи ҳақида фикр юритар экан, «Ўзбек театрининг асосини қўйиб берувчи самарқандлик Маҳмудхўжа Беҳбудийдир», деб ёзади. Таникли археолог Вяткиннинг далолатига суюниб, «Падаркуш»ни ёзишда Фонвизиннинг «Фахмсиз» (Недоросль) идан таъсирланганини қайд этади. Адид номида Тошкентда маориф клуби, Самарқандда кутубхона ва драмтруппа, Туркистоннинг деярли ҳамма шаҳарларида унинг номига очилган мактаблар, Буҳорода эса марказий босмахона борлигини таъкидлайди.

1929 йилда Қозонда босилиб чиққан «Ўзбек адабиёти» китобида эса: «Ўзбек миллий адабиётининг негиз тошини Беҳбудий билан Фитрат қўйиб берди» (8-бет), – деган эътирофга дуч келамиз.

Беҳбудийдан уч ўғил ва бир қиз қолган эди. «Саёҳат хотиралари»да номи тилга олинган 1897–1898 йилларда туғилган Масъудхўжа гимназияда ўқиган, рус тили мута-

¹ Қаранг. А. Самойлович. Драматическая литература сартов, Петроград, 1917, 3–6-бетлар.

хассиси бўлган. Таржимонлик билан шуғулланганд. 1953 йилда вафот этган Унинг фарзандлари Шавкат (1919–1990, Мидҳат (1922 й. туғ., Душанбеда яшайди), Надимхон (1922–1995, СамДУ профессори эди). Назирхон (тижоратчи) ва уларнинг авлодлари турли соҳаларда хизмат қиласидилар. Мидҳат Беҳбудийнинг Тошкентда 1945 йилда туғилган ўғли Сарват Беҳбудий – машҳур цирк артисти.

Қолган икки ўғилнинг бири Мақсадхон (1910–1931) география илмига иқтидорли ва қобилиятли бўлиб, эрта вафот этган. 1914–16 йилларда туғилган Матлубхон уруща бедарак кетган. Қизи Парвин (Сурайё) 82 ёнда 1984 йилда вафот этди.

Беҳбудийнинг ушбу сайланмаси 1997 йилда чоп этилган эди, қисқа мuddатда тарқаб кетди. Эҳтиёжни кўзда тутиб, тузатилган ва тўлдирилган мазкур нашрини ҳозирладик. Адид асарларини тўплаш, саралаш, нашрга тайёрлаш энди бошланмоқда. Олдинда иш кўп.

1997 йилги нашрда уни муқаммаллаштириш борасида ёрдам беришларини сўраб ҳамкасабаларимизга мурожаат қиласан эдик. Мусиқашунос ва тарихчи олимамиз Д. Рашидова («Хайрул умури авсатухо»), ёш беҳбудийшунослар Ҳалим Сайд («Миллатлар қандай тараққий этарлар?», «Мұхтарам самарқандийларга холисона арз», «Фалла, аскарлик, ер ва танзимоти ҳарбия», «Қозоқ қариндошлармизға очиқ хат»), Н. Очилов («Эҳтиёжи миллат») акс-садо бериб, адиднинг олти мақоласини нашриётта тайёрлаб етказдилар. Имкондан фойдаланиб, уларга ўз миннатдорчилигимни билдираман.

Бегали ҚОСИМОВ

БАДИЙ АСАРЛАР

ПАДАРКУШ

ёхуд ўқимаган боланинг ҳоли

(Туркистон майшатидан олинган ибратнома)

3 парда 4 манзарали, миллий биринчи фожиа

Қатнашувчилар

Бой — 50 яшар.

Тошмурод — бойнинг ўғли, 15—17 яшар.

Домулла — янги фикрлик бир мұлла, 30—40 яшар.

Зиёли — (оврўпо либосида), ўрисча ўқуғон, миллатчи мусулмон.

Хайрулло — бойнинг мирза ва маҳрами, 18—20 яшар.

Тангриқул — бойнинг қотили.

Давлат или Нор (бўз болалар) — киссаларига 4 сўм қадар майдада керак.

Лиза — рус хотини, қабиҳа шаклинда.

Артун — армани майхоначи.

Приступ — 2 политсейский, 2 қоровул, бойнинг 3 нафар эркак ҳамсоюси.

Бойбучча — бойнинг хотуни, 35—40 яшар.

Керак нимарсалар

Бир лаъли ширавор, нон, дастурхон, чойнак, пиёла, чилим.

Меҳмонхонага кераклик гилам, кўрпа, ёстиқ.

Бойни(нг) ётоқ асбоби ва қаравот.

Бир қалтак.

Ўн шиша сув ва кивас.

Беш-олти истакон.

Бир сандук.

Бир ҳамён ичидага пулга ўхшаган нимарса.

Бир катта пичоқ.

Бир таппонча.

Сандуқни очатурғон темур асбоб.

Муқаммал приступ либоси.

2 политсейский муқаммал либоси.

2 қоровул калтаги.

1 хуштак.

1 шоҳсақа.

1 каноб.

1 кўл кишани.

БИРИНЧИ ПАРДА

Бой меҳмонхонада ўтирас, Хайрулло ила домулла кирав:

— Ассалому алайкум.

БОЙ. Ваалайкум ассалом, марҳамат қилсинлар (*туриб мулоқот қилуб, домуллага жой кўрсатиб, ўлтирур*).

ДОМУЛЛА. Бой давлатини Оллоҳи таоло мундан ҳам зиёда қилғай (*фотиха қилур*).

БОЙ. Нафас (лари)и муборак, иншаоллоҳ, дуолари қабулдир.

ДОМУЛЛА. Балли, жумъа оқшоми дуони қабул вақтидир.

БОЙ. Хуш келдилар, тақсир.

ДОМУЛЛА. Саломат, саломат (*қўлини кўксига қилиб*).

БОЙ. Хайрулло! Чой ва лаъли келтур.

ХАЙРУЛЛО. Хўш! (*Чой ва лаъли келтирас, чой сузар, алар танаввул айлар, Тошмурод кирав, саломсиз, беадабона*).

ТОШМУРОД. Ота, томошага бораман, пул беринг.

БОЙ. Ўғлим, ким ила борасан?

ТОШМУРОД. Турсун акам ила.

БОЙ (*киссасидан пул берив*). Албатта, вақтли келинглар ва ёмон ерларга борманглар.

ТОШМУРОД. Хайр, хайр, ҳов кўп гапура(*р*) сиз-да (*чиқиб кетар. Домулла бой ва Тошмуродга бадбинона боқиб, бошини солар*).

БОЙ. Сўзлашиб ўлтуринг, тақсир.

ДОМУЛЛА. Хўб, хўб, бойвачча катта бўлубдур, Худо умр берсин, усули жадида мактабигами ўқийдур, ёинки эски мактабга?

БОЙ. Иккисига ҳам бормайдур.

ДОМУЛЛА. Ўз ҳовлингизда ўқитатурғонсиз?

БОЙ. Йўқ, йўқ. Мен ўғлимни ўқутмоқфа ўйлаганим йўқ.

ДОМУЛЛА. Ажойиб, сабаб недурки, ўқитмайсиз? Ваҳоланки, ўқумоқ қарз ва илм сабаби иззати дунё ва шарофати охиратдур.

БОЙ. Мани хаёлимға дунёнинг сабаби, иззати — бойлик. Охиратта бўлса, Худонинг қилган тақдири бўлур. Чунончи, биз кўрамизки, одамлар бойни муллодан зиёда иззат қиласурлар. Хусусан, мана, банклар кўпайди. Катта бойлар чилен бўлуб, ҳар ким чиленларни иззат қилур, ҳатто, иши тушатурғонлар чилен молини қиммат олур, азбаски, чилен

илтифотига олмаган одамларга банклар пул бермайдурки, сүнгра муомиладорлар синиб, майда-майда бўлур, билдингизми?

ДОМУЛЛА. Бу сўзларингиз ҳозирги замонага маъкул, лекин чилен ва бойларни иззатлари вақтингча ва халқни кўзи очилгунчадир. Ҳолбуки, аларни иши тушганлар иззат қўлур, муллони бўлса, барча халқ иззат қўлур, яъни муллони илми иззат қилинадур.

БОЙ. Бизни ҳам бойлигимиз иззат қилинадур, ҳатто, мусулмонлар нари турсун, ўрус ва арманлар-да иззат қўлур.

ДОМУЛЛА. Иззатни нари кўйдук, агарда ўғлингизни ўқутсангиз, дафтaringизни ёзар, намозингизни ва мусулмончилигини яхши билур ва ҳам сизга савоб бўлтур.

БОЙ. Мирзалик осон, мана, Хайруллога ойинда етти сўм бераман, кундуzlари мирзалик ва оқшомлари меҳмонхона ишини қилас ва ҳатто, уйкум келгунчча ходими қилас, китоб ҳам ўқуб берар.

ДОМУЛЛА. Шариат илми ва зарурияти динияни билмоқ учун бойваччани ўқутмоқ, албатта, сизга лозимдир.

БОЙ. Шариат илмини ўқитмоқни лозим билмайман, чунки ани муфти ё имом ва муаззин қўймоқчи эмасман, азбаски давлатим анга етар.

ДОМУЛЛА. Зарурати динияга не дерсиз?

БОЙ. Мен ўзим беш вақт намозни кераклик дуолари или билурман. Ўзим ўргатурман.

ДОМУЛЛА. Хат ва саводга не дерсиз? Ҳолбуки, саводи йўқ одам ҳеч нимага ярамайдур.

БОЙ. Бу фикрингиз ғалат, чунки мани саводим йўқ, бовужуд, бу шаҳримизнинг катта бойлариданурман ва ҳар ишни билурман.

ДОМУЛЛА. Сиз илгари замонда бир нави или бой бўлубсиз, аммо энди бой бўлмоқ нари турсун, фақат рўзгор ўткармоқ учун (ҳам) илм керак. Кўрамизки, йигирма-ўтгиз йилдан бери барча савдо ишлари армани, яҳудий ва бошқа ажнабийлар кўлиға ўтди, муни сабаби бизларнинг ўкумағонимиздур. Ўкумаган бойваччаларни кўрамизки, ота молини барбод этар ва охири хор ва зор бўлур, бинобарин, ўғлунгизни ўқутмоқни сизга таклиф қўлтурман.

БОЙ. Ай, домулло! Сиз манга таҳқиқчими? Ўғул маники, давлат маники, сизга нима? Ўқуганни бири сиз, емоқфа нонингиз йўқ, бу ҳолингиз или манга насиҳат қилурсиз:

Хайрулло! Мәҳмонхонани қулфла, уйқум келди (*Хайрулло лаъли ва асбобларни жамлаб, мунтазир турар*).

ДОМУЛЛА (*одамларга қараб*). Ўқумоқ ва мулла бўлмоқ учун пул керак, бадавлатларимизни ҳоли бул, бас, бу кетиши ила наузамбилоҳ, дунё ва охиратга расво бўлурмиз, ўқумоқ барча мусулмонга, эркак ва ё хотин бўлсун, фарз эди. У қайда қолди? Оҳ,вой бизни ҳолимизга! (*Бойга қараб*). Бой, ман сизга амри маъруф этдим ва менга шариат бўйича лозим бўлган ишни бўйнумдан соқит қилдим. Иншооллоҳ, мўйлаб чиқариб, алифни таёқ демайтурган ўғлунгиз ҳолини кўрармиз ва ўқутмаганингиз учун гуноҳкор бўлурсиз (*домулла нос чекар*).

БОЙ. Ай, домулло! Манга насиҳатчи кераги йўқ, безор қилдингиз, (*одамларга қараб*) ишимидан, уйкумдан бу одам мани қолдирди. Хайрулло, мәҳмонхонани қулфла (*домулла аразлаб чиқиб кетар, бойни димоги куйиб ўлтурад*. Зиёли мусулмон кирав, пальто ва асосини михга қўяр, бой ола-ола қарав, хушламас).

ЗИЁЛИ. Ассалому алайкум.

БОЙ (*карахтилик ила*). Ваалайкум ассалом, Хайрулло, курси келтур. Бу киши ерга ўлтуролмайдур (*келтурад, зиёли ўлтуруб, папирус чекар*).

ЗИЁЛИ. Жаноб бой, сизни кайфсиз кўраман, мумкинми сабабини билсам?

БОЙ. Бир мулло келиб эди, ўғлингни ўқутмайсан деб жуда жонимни олди, кувлагандек қилиб зўрға қутулдим, фақат муштлашмадик.

ЗИЁЛИ. Аҳ-ҳа, қизиқ ва интересний ҳодиса эмиш (*одамларга қараб*), бу шаҳарда бойларга амри маъруф қилатургон мулла бор экан, Худога шукур. Ул жаноби ҳаққоний домуллани топиб, зиёрат қилмоқ керак. Бой афанди, сизга малол келмасун, ушбу тўғридан мен ҳам сизга қачонлардир бир неча сўз айтмоқчи эдим. Ва аммо соати ушбу дақиқага мавқуф экан, энди сиздан илтимос қиласманки, бир неча дақиқа менга қулоқ берсангизки, илм нафи тўғрисида сўзлайн.

БОЙ (*ола-ола қараб*). Энди билдим, сиз ҳам ўғлунгни ўқут деб мани қисар экансиз (*одамларга қараб*), бугун чап ёним ила турганиман, ўйламаган ишлар олдимдан чиқар, мазмуни – қордан қутулиб, ёмғурга учраймиз. Хайрулло!

Чилим келтур! (*Тарафайн сукут, чилим келар. Бой чекар, ўталарап*).

БОЙ. Хайрулло!

ХАЙРУЛЛО. Лаббай, тақсир!

БОЙ. Жойнимни ташла, уйқум келди. (*хомузга тортар*), эртага иш күп, вақтлик ётмоқ керак (*яна хомузга*).

ХАЙРУЛЛО. Хүш, хозир.

ЗИЁЛИ (*жиддият ила*). Бой афанди! Мен сизга дедимки, миіллатта кераклик ілмлар тұғрисиңде сүзламоқчиман, аммо сиз мени(нг) сүзимни эшитмоқға хоҳлайматурғонға ўхшайсиз. Иккінчи дафъа айтаманки, қулоқ беринг ва бу сүзлар сизни(нг) ва миіллатни(нг) нафьидур.

БОЙ. Сүзингизни жабр ва зұр ила эшиттирасизми? Ва ё мени азоб бермакками келдингиз?

ЗИЁЛИ. Йүқ, мен асли бошқа иш учун келиб әдим ва лекин илм баҳснининг устидан чиқып қолдым. Ушбу сабабли муддаони табдил қылып, илм тұғрисиңде сизга баён қилмоқни қасд әтдім. Шоядки, жанобингиздек бойлар миіллат болаларини ўқутмоқға саяй қылсалар.

БОЙ (*халққа қараб*). Кошки, домулло ұқоялари етмаса эди. Хүб, модомики қўймайсиз, эртароқ сўйлаб тамом қилинг, уйқум келган (*хомузга тортади*), одамлар боласини ўкут, дейдур-а.

ЗИЁЛИ. Ҳозир янги ва бошқа бир замондир. Бу замонга илм ва хунарсиз халқни бойлуги, ери ва асбоби кундан-күн кўлидан кеттандек, ахлоқ ва обрўйи ҳам қўлдан чиқар, ҳатто, дини ҳам заиф бўлур. Бунинг учун биз мусулмонларни ўқутмоқға саяй қилмоғимиз лозимдур, ваҳоланки, дини шарифимиз ҳар нав нафлик илм ўқумоқни бешикдан мозоригача бизларга фарз қилгандир. Бу ҳукм — ҳукми шариатдир. Биз мусулмонларга, алалхусус, бу замонда иккى синф уламо керакдур: бири олимни диний; дигари олимни замоний. Олимни диний: имом, хатиб, мударрис, муаллим, қози, муфти бўлуб, халойиқни диний ва ахлоқи ва руҳоний ишларини бошқарар, бу синфга киратурғон талабалар, аввало, Туркистанда ва Бухорода илмий, диний ва арабий ва бир оз русча ўқуб, сўнгра Макка, Мадина, Миср ва Истанбулга бориб, улуми динияни хатм қылсалар керак, ёки комил мулло бўлсунлар (*бой мудрайдур*), англадингизми бой?

БОЙ (*бошини кўтариб*). Ҳа, ҳа, айтаберинг, қулогим сизга.

ЗИЁЛИ. Олыми замоний бўлмоқ учун болаларни, аввалио, мусулмоний хат ва саводини чиқаруб, зарурияти диния ва ўз миллатимиз тилини билатурғондан сўнгра хукуматимизни(нг) низомли мактабларига бермоқ керакдур, яъни гимназия ва шаҳар мактабларини ўқуб тамом қилғонларидан сўнг; Петербург, Масков дорилғунунларига юбориб, доктурлик, закунчилик, инженерлик, судьялик, илми санъат, илми иқтисод, илми ҳикмат, муаллимлик ва бошқа илмларни ўқутмоқ лозимдир. Русия ватанина ва давлатина билфеъл шерик бўлмоқ керакдир ва давлат мансабларига кирмоқ лозим. Токи майшати эҳтиёжи замонамиз тўғрисида ватан ва миллати исломга хизмат қилинса ва ҳам давлати Русия подшоҳлик мансабларига кириб, мусулмонларга нафеткурулса ва ҳам давлати Русияга шерик бўлинса, ҳаттоқи, шул тариқа ўкуган мусулмон болаларини Фарангистон, Америка ва Истанбул дорилғунунларига тарбия учун юбормоқ керакдур. Ҳазрат пайғамбаримиз: илм Хитойга ҳам бўлса, талааб қилингиз, демадиларми? (*Бой уйқуда.*) Бул ишлар бўлмас, магар пул ила, сиздек катта бойларни ҳиммати ила, чунончи, Кафказ, Оренбург ва Қозон мусулмонларини бой ва аҳли ғайрати илм йўлига кўп пуллар сарф этарлар ва камбағал болаларини ўқутдиарлар (*бойга қараб*), албатта сўзларимга тушунгансиз, жаноби бой. Бой бова, хой!

БОЙ (*мудрайди, бош қўтариб, эснаб*). Ҳа, ҳа...

ЗИЁЛИ. Ал-он биз Туркистон халқига бир ёмон одат борки, бир киши русча ўқуб, подшоҳлик ишига кириб, расмий формасида юрса, масхара қиласурлар, агар извошлицик ва ё қора меҳнаткаш бўлуб, оврўпалиларни эски либосини кийса ва ё ўйинчиларнинг либосини кийса, ҳеч ким бир нима демайдирки, бу камоли нодонлик ва дунёдан хабарсизликдир. Шундай эмасми, бой амаки.

БОЙ (*ўлтуриши еридан бир тарафга оғиб ётиб*). Хур, хур, хурра, хурра, хурра...

ЗИЁЛИ. Илоҳи худоё! Уммати исломияга, хусусан, биз туркистонликларга раҳминг келсун!.. (*рўмоли ила кўз ёшини артиб, чиқиб кетар*).

Парда инар

ИККИНЧИ ПАРДА

Пивахона манзараси: бойвачча ила уч нафар ўлтуарлар.

ТАНГРИҚУЛ. Бу оқшом, билмайман, нима учун ичкилик мени тишламайдур. Намози дигардан бери бир дюжина шишани бўшатдим. Даюсни пивоси қулогимни қизитмади. Тўлдир, ичайлик (*Нор қадаҳларни тўлдирад*).

ҲАММАСИ. Тошмурод бойваччани саломатлигига ура!
Ура! Ура! (*ичарлар*)

ДАВЛАТ. Жўралар. Манувни ичдим, энди ёдимга Лизажон тушди. О, Лизажон!

ҲАММАСИ. Оҳ, Лизажон, воҳ, Лизажон, қайдасан?

НОР. Золим фалак фироқига куйдирди мани; биллоҳки, келмаса, бўмийди.

ДАВЛАТ. Бу доду бедод ила ҳеч нима бўлмас. Хўжайнини чақиравмиз, отам ўлди базми қилармиз.

НОР. Кўлингни бер, эй, номард, топдинг (*кўлинни сиқар*). Бўлди.

ДАВЛАТ. Эй, тўтабурут Тангриқул, даминг чиқмайдур. Шунча одам сўзини ўғирлаб ўлтурасан. Эрга навбат, шерга навбат. Гап бериб ўлтур. Ё бу одамларни писанд қилмайсанми? Бизларни ҳам ёнимизга беш тангалик ақчамиз бор. Жўра! Бу мастилик ростликдир. Ковоғингни очиб ўлтур.

ТАНГРИҚУЛ. Жўралар, Сизлардан яширатурғон сўзимиз йўқ. Тўғрисини десам, мануни ичдим, қулогим қизифан, сен Лиза дединг, энди ўзим шунда бўлсамда, хушим Лизага, то Лизани келтурмасанг, мани гапиругорлмайсан. Аммо гап келтурганингта, Давлат зўр!

ДАВЛАТ. Фам ема, муддаонг Лиза бўлса, шул замон ёнингга кўрарсан, келмасами? Бошини оларман.

НОР. Бойвачча! Баришнага тобингиз борми?

ТОШМУРОД. Майли, одам юборинглар, базм қилсун.

ТАНГРИҚУЛ. Гап, гап ила вақтни ўткарасизлар, буюратурғон бўлсанглар, буюоринглар, эртароқ келсун, кайф қилайлик (*Давлат қўнғироқ чалар. Артун армани майхоначи кирап*).

АРГУН. Нима дейсан?

ДАВЛАТ. Лизага бирорни юбор, келсун.

АРГУН. Бунда?

ДАВЛАТ. Ҳа, мунда келтурмасдан мозоргами кетурардинг?

АРТУН. Извинит, сўришдим-да.

ДАВЛАТ. Бўл. Бўл. Бирорни юбор.

АРТУН. Баҳ, не вор, билурсин, Лиза банга демишки, ўн беш манатсиз бангагиши кўндарма. Ҳа, ўн беш манатда ва файтун пулини-да вер, гейин Николай кўндарайум. Лиза ўлмаса, бошқасини гетирсин, кайфинг нечик?

ДАВЛАТ. Аввал келтуруб, сўнгра пулни олсанг бўлмасми?

АРТУН. Давлат зўр! Бан сана демишмеки, Лиза ақча олмайинча гелмаз, бана не? Сен ўзинг билирсанки, у гавур қизи, баним дегил.

ТАНГРИҚУЛ. Артун. Бир оз тўхта, пул берамиз.

АРТУН. Бош устина, ҳозирам (*чиқар. Жўралари кайфла-ри учуб, сукут этарлар*).

ДАВЛАТ. Суз. Ичайлик! (*Нор сузиг қуяр*).

ТАНГРИҚУЛ. Пулни пешаки талаб қилгани ишни белини синдуруди.

ДАВЛАТ. Иш аксига олса, шундай бўлур. Пулларинг борми? Ҳаммаларинг чиқаринг (*ҳаммаси чиқаради, Давлат санар, беш сўм етмас*). Бу минан ҳеч нима бўлмас. Бир иложини топмоқ керак.

НОР (*таъмагирлик ша*). Эй, бойвачча, бизлар-ку, камбағал. Сизга нима, киссангиздан пул чиқмайдур? Ана бойваччанинг ҳоли (*қўли ша кўрсатур*).

ДАВЛАТ. Парво қўлма. Нор, Мен бир нимарса ўйладим, агар бойвачча кўнса.

ТАНГРИҚУЛ. Нима экан? Нима?

ДАВЛАТ. Тўхта, нима эканлигини биларсан. Аввал бойваччанинг (*нг*) саломатлигига ичайлик (*Тангриқул сузар, ичарлар бойваччанинг саломатлигига*).

ДАВЛАТ. Бойвачча. Бу кечадек чаҳоршанба сайри ойдалда бир бўлур ва (ё) йўқ, бир кеча минг кеча бўлмас, агар қабул қилсангиз, Тангриқулни сизга қўшарман. Бирга бориб, отангизни сандугини кўрсатурсиз. Бошқа ишни Тангриқул бажарадур.

ТОШМУРОД. Тангриқул ака, борасизми?

ТАНГРИҚУЛ. Улфатлар буюрса, у дунёга бораман. У-ку сизнинг ҳовлингиз.

ДАВЛАТ. Сен нима дерсан. Нор?

НОР. Мен ҳам кўпни бири, бор десанг, борарман.

ДАВЛАТ. Йўқ, икков бас. Кўрганлар бадгумон бўлмасин. Буқунни эртаси бор.

НОР. Бойвачча! Отангиз сандигини жойини биласизми?

ТОШМУРОД. Отамнинг ётатурғон уйинда.

ДАВЛАТ. Ётатурғон уйни неча эшиги бор?

ТОШМУРОД. Уч.

ДАВЛАТ. Қайси эшикдан кирасизлар?

ТОШМУРОД. Эшикнинг бири онамнинг уйиндан очилур, мен кириб, ҳовли тарафидаги эшикни очарман, сўнгра Тангриқул акам кирав.

ДАВЛАТ. Баракалла! Илгари ҳам ўғирлик қилганга ўхшайсиз. Нор! Тўлдур, ичайлик! (*Нор тўлдурапар, ичарлар. Тангриқул ва Тошмуродга қараб*) Энди борадургансизлар?

ТАНГРИҚУЛ. Албатта. Бормай нима бўлубдур (*Давлат тўппончасини бойваччага берар. Нор этик соғидан пичоқни олиб, Тангриқулга берар. Алар эҳтиёт қилиб туарлар*). Энди борадургансизлар?

ДАВЛАТ. (иккисига қараб) Йўл бўлсин, ботирлар?

ТАНГРИҚУЛ. Олгани (*Давлат Тангриқулни бир четга олиб, ишорат ва хуфия маълумот ва амр берар*).

НОР. Омин, Оллоҳ... (*Хаммаси*) Оллоҳу акбар. (*Давлат фотиха берар*).

Парда инар

УЧИНЧИ ПАРДА

Одат бўйича бой ётар каравот устига уйқуда, уйни бир тарафига сандуқ. Тошмурод бир эшиқдан оҳисталик ила кирав, бу тараф, у тарафга қараб, бошқа бир эшикни очар ва бир четта туар. Тангриқул кирав, кўлида калид ва темир асбоб, белига пичноқ, сандиқ тарафига бориб, калид солар, сандиқ очилмас. Тошмуродга қарайдур. Ишорат ила маслаҳат сўрайдур. Тошмурод сандукни темир асбоб ила синдиримоқга амр берар. Тангриқул темир асбоб ила сандукни синдирап. Сандини овози ила бой уйғонур. Бой чўчиб туар, калтакни олиб,вой,вой деб Тангриқулга югарар. Тошмурод калтакни келиб ушлар. Тангриқул пичноқ ила бойни кўлтиғига урар.

БОЙ. (*тарақлаб ииқилар*). Воҳ, жоним (*жон узар типирлар, хириллар. Тангриқул сандиқдан танга халтасини кўтапар, пичноқ ва темир асбобни ўзига беркитар, ташқаридан бир неча одам товуши эшишилур*).

ОДАМЛАР. Нима гап, бирор дод деди? (*Бир неча эркак ила бой хотуни кираплар, Тангриқул ила Тошмуродни кўрарлар*).

ТАНГРИҚУЛ. Тошмурод, от! (*Тошмурод ҳавога түптон-ча отар ва ҳозир кишиларга силоҳ кўрсатиб қочарлар*). .

БОЙВУЧЧА. Вой золим дастидан! Бу қандай кун эди, вой дод! (*Чапак чалар, бой устига ўзини ташлар, юз ва сочи-ни юлар*). Ҳе жувонмарг Тошмурод! Қон қус! Кошки чечак-да кетсайдинг! Вой, падаркуш! Тошмурод! Вой, дод-ей!

ДОМУЛЛА (кирап). Онажон, сизга сабрдан бошқа чора йўқ. Бу бадбахтлик ва мусибатта сабаб жаҳолат ва нодон-лиkdir, бемаънилик ва тарбиясизликдир. Ўйингизни но-донлик бузди. Ўғлингизни беилмлик Сибирга юборади. Жо-нингиздан азиз фарзандингизни тарбиясизлик балоси сиз-дан умри айритадур. Болангизни отаси тарбия этмади, ўқут-мади. Охири балога учради, ёмон рафиқлар йўлдан чиқар-диларки, қурбони жаҳолат бўлдингиз.

БОЙВУЧЧА (тўлғониб). Ой, вой-вой болам! Вой бойим, оҳ, вой у-у-у!

ДОМУЛЛА. Бойингиз-да насиҳатга кулоқ солмади ва охи-ри ушбу ёмон ҳодиса пайдо бўлди. Энди сизга, очиги, сабр-дан бошқа илож йўқдир, онажон. Оллоҳ сизга сабр берсун.

БОЙВУЧЧА (камоли бетоқатлик илан оҳ-вовайло этар). Дод, вой болам! Вой бойим! Иккисидан ҳам айрилдим, эримни мозорга, боламни Сибирга юборарлар! Вой, вой, вой у-у-у!..

ТЎРТИНЧИ МАНЗАРА (Иккинчининг айни, майхона)

Нор, Давлат ичиб, ашула айтиб ўлтуар. Тангиқул ва Тошмурод писиб бориб кирап, тўппончага ва қонлик пичоқни бир четга яширас, ҳамённи чиқариб, стол устига отар: ўлтуарлар.

ТАНГРИҚУЛ. Чилим келтур-ей!

Артун чилим келтурур, чекарлар. Артун кетар. Тангиқул Давлат-ни бир тарафга олиб, хуфия бўлган ишларни сўйлар, ишоратлар қилас. Давлат «бечора» деб хуфия сўйлаб, ишорат ила хотиржам қиласидир.

ДАВЛАТ (ҳамённи очиб кўриб, суюнар, Тангиқул ва Тош-муродни елкасига қоқар). Баракалла, баракалла (*Давлат занг чалар, Артун кирап*).

АРТУН. На буюарсиз?

ДАВЛАТ. Ма, пулни ол, тезлик илан Лизани келтур!

АРТУН. Бош устинан. Ҳозир келур (*пулни олар, ичарлар. Лиза кирап*).

ЛИЗА. Добрий вечерим! (*ҳаммаси-лә күришар*).

ДАВЛАТ. Исприздим, испасибо, испасибо, прихал...

ЛИЗА. Мерси (*үлтүрар*).

ДАВЛАТ. Суз, Лизанинг саломатлигига.

НОР (*сузар, чүкүшишириб*). Лизанинг саломатлигига ура, ура (*ичарлар*).

Нор ашупа ўқур, ташкаридан хүштак садоси келар, оёқ товушла-
ри эштилар. Мажлисдагилар саросима, ҳайрон бўлар. Силоҳлик по-
литсейскилар, пристуф, қоровуллар бостириб киарлар. Лиза қочар.

Политсия тўрт нафарни ушлар, баъзиси буюмларини ва ҳар та-
рафни ахтарур, қонлик пичноқ ва тўппончани топар. Тўппончани
пристуфга топширап. Искаб кўрар, ўқини бўшатар.

Тангриқул ва Тошмурод қочар, қоровуллар ушлар.

Тошмурод хўнгир-хўнгир йиглар, бетоқат бўлур.

Приступ ишорат қилур. Қўлкишанни келтириб, Тангриқул ва
Тошмуродга урарлар. Бошқа иккисининг қўли боғланур.

Приступ гуноҳкор ва қоровулларни саф қилидир.

ЗИЁЛИ (*кирар, гуноҳкорларга қараб ағсус қилур. Одам-
ларга қараб*). Илм ва тарбиясиз болаларни(нг) оқибати шул-
дир. Агарда буларни отаси ўқутса эди, бу жиноят ва падар-
кушлиқ алардан содир бўлмас ва булар ичкиликни бўйла
ичмасди, хун бегайри ҳаққин қилмас эди. Умри борича Си-
бир ва бандга ва қиёматга жаҳаннамга қолмас эди. Агарда
булар ичкилик ичмаса эди, дунё ва охирадта илалабад азоб
ва меҳнатда қолмас эди. Оҳ, ҳақиқатда бойни ўлдирган ва
бу йигитларни азоби абадийға гирифтор қилган беилмлик-
дур. Бизларни хонавайрон, бачагирён ва беватан ва банди
қилғон тарбиясизлик ва жаҳолатдур: беватанлик, дарбадар-
лик, асорат, фақру зарурат ва хорликлар ҳаммаси илмсиз-
лик ва бетарбияликнинг меваси ва натижасидур. Дунёга
тараққий қилган халқ илм воситаси ила тараққий қиласди.
Асир ва забун бўлганлар-да беилмликдан. Модомики, биз-
лар тарбиясиз ва болаларимизни ўқутмаймиз, бул тариқа
ёмон ҳодисалар ва бадбаҳтиклилар орамизда доимо ҳукм-
фармо бўлса керак. Бу ишларни йўқ бўлмоғига ўқумоқ ва
ўқутмоқдан бошқа илож йўқдур. Оллоҳу таоло бошқаларга
ҳамиша ибрат ва сизларга сабр бергай.

ПРИСТУФ (*амирона*). Ҳайда, турма, марш (*йўналадур*).

Парда инар

ОҚ ЕЛПОГИЧЛИ ЧИНЛИ ХОТУН

(хикоя)

Сунгий мамлакати аҳолисидан Чунгичин ном зот бир адид бор эди. Бу олами фаноға инонмас ва ҳар замон андин пировоз ва риҳлат этмоққа толиблик қўлидан келмас эди. Они учун жонини овунтиримоқ учун хаёлилар фикр ва бе-фикрга хотур эткувчи ишларға ружуъ этмоқла ўзига тасалли берарди. Вафотидан сўнгра дунёни некбахт ва маҳсудларидан ҳисобланди.

Чунгичин Хитой музофотларидан биринда номи Ҳаво тоғининг этакларинда кезар экан, бирдан ўзини бир мозористонда кўрди. Оҳ, мозористон – минг-минг номунтазам тепачалар садо ва нидодин холи маҳсус замини маъволар (бошпана, макон). У тепалар остинда чёр ва ночор инсон ётарлар эди. Уфқи жадид сари тамоман муштагил (банд) қабрларни кўрар-кўрмаз сайёҳ шу фикрга ботди. Афсус, бутун тириклик ҳаёт йўлини охири келиб ётган жойи будур. Бу иқоматга мавт ва манзилга хомушона бир карра кирилдими яна қайтмоқ мумкин йўқ. Боқ хотима ҳаёт на ўлди? Чин аҳли фақат бир тириклик билар. У ҳаётки шульлаи шамс ила мунаvvар, ҳавои соғ ила иҳотадур. Чин файласуфи бу фикрларга сирона қабрга-да юрар экан, либоси мотам киймиш ёш бир хотунга рост келди. Бу хотун янгидан тепаланган бир қабр каноринда ўлтурууб қўлинда елпогичи лукурни елпийур ва ҳам доимий елпийур.

Бу қадар ажиб бир ҳаракат сабабини англамоқ шавқина тушуб, сайёҳ ёш бонуға одоб-ла салом берди.

– Хоним, о, бу мозорға ётган кимдур, на учун шу туфроқни муттасил елпимак заҳматига тирифтурсиз, сўрамоғим мумкинми?

Мани файласуфим ҳар иш сабабини билмоқчи, аммо сизнинг бу амалингиз асло иҳота тафаккуримға кирмайдур, деди. Бечора хотун елпогични елинимоқда муттасил ло-йан қатъи давом этарди. Хотун қизарди, бўзарди, бошини олдинга энгди. Файласуф бехуда ерга саволини такрор айтди. Мотамкаш хотундан жавоб эшитмади ва асло қулоқ бермай жонининг бор қуввати-ла елпогични ҳаракатга келтурууб турар эди.

Чунгичин у маҳалдин мутаассуфона айрилди. Хотуннинг иллат ва сабаб ҳаракатини билмай орзусидин ҳамда шиддатлик орзусидин ўзини сақлаб билмоқ эди. Шабпаррак қано-

ти каби мутавалли ҳаракатланиб турмиш елпогигу ҳар замон дүнуб әңг чуқур ва мутаҳаййирона бир фикр ила боқиб бечора файласуф асло бир шай англамайур эди. Аснои таҳаййурда муқобилинда бир ожиза чиқиб файласуфни бир қабр қанориға имлаб, шу сўзларни сўйлади: «Эшигдимки, хонумдин савол сўрдингиз, аммо жавоб ололмадингиз. Ман орзунгизни дафъ этарман. Аммо муқобили умид айларманки, сиз ҳам манга бир неча пул берсангизки, бориб, умрумни узун бўлиши учун дуохонлардин бир тумори сеҳрангиз олайин». Чунгичин киссасидин оқча чиқарди ва аъжуза хотун ҳам бу можарони сўйлади:

«Қабр қаноринда кўрганингиз шу хотун Лу исмлик хонумдур. Узун бир беморликдин ўлмиш Төбу номинда бир адабни беваси ва у қабр ўлган эрининг қабридур. Эр ва хотун яки дигарини шиддатлик бир ишқ ва муҳаббат ила севарларди. Ҳатто, охирги нафасинда Төбу хотунидин айрилмоқ кулфатидан шикоят этар, гўзал бу хотинини ҳануз баҳор ҳаёт ва ҳуснини ситоратлик замонда ташлаб кетмоқ дарди фикрига сўзан уради. Лекин на чора, муқтасиб қадрга тобеъ бўлди, бошқа илож йўқ.

Беморлик ҳолида Лу хоним хаста Төвунинг бошидин ҳеч айрилмас, эридин сўнгра дунёга тирик қолмасликни ва болин ҳаётга иштирокидек қарорға, мамотга ҳам шерик бўлушкини аҳд ила баён айлади. Лекин Төбу мунга жавобан: «Зинҳор хоним буйла аҳд ва ямин айтмангиз», — дер эди. Хотун: «Агарда сиздин сўнгра шериклик балосига гирифткор бўлиб, кўзларингиз юмулганидан сўнгра шу зиёи офтобни кўрмоқға мажбур бўлсам, яхши биллингки, бошқа бирорнинг хотини бўлмоқға асло рўйи ризо кўрсатмайман», — деб жавобини берди.

Төбу «Хоним бону, зинҳор бу фикрдан воз кечинг», — дерди. Төбу хоним: «Эй Төбу, қўйингиз асрор этмангиз, бори беш санағача уйланмасликга аҳд этойинг».

Лекин бу сафар дея Төбу: «Бону, бундай аҳд этманг, фақат мозорим устидаки туфроқ куригунга қадар мани унугмасликка аҳд этсангиз кифоя»...

Лу хоним мунн учун маҳкам аҳд этди. Төбу иккинчи очмаслик учун кўзини юмди. Бону қадаридин девона каби бўлди. Хумор ва хитойи кўзларидин думуу (кўз ёшлари) оташин шашқатор жорий, хумои (иситма, касаллик) шадид (шиддатли) маҳдумлари каби ўзини шаш жиҳатга этарди бедард-бедаво.

Дунё одати узра ҳар шай кечар. Бу сил ғамум ва барои

хужумда кечди-кетди: Оҳ-нолалар кечмас, фақат келмасун — Төънинг вафотидан уч кун сўнгра Лу хонимнинг кўзи бир маъкул сифатга кирди. Шуйлаки эрини шогирдларидин бир жавон (ёш йигит) таъзиятта келди. Қадрдон шогирдни оҳ ва оҳ ила қабул этди. Бу жавон ниҳоят музайян (безанган) бир чехра соҳиби эди. Аснои муколамада бир оз Төъдин ва кўброқ бонудин баҳс этди. Беканинг латофат андомидин, гўзаллигидин ва зиёдаси-ла хушлаганидин баён этди. Хоним ҳам андин мамнун ва рози қолди. Жавон шогирд яна келишини вайда ила виðоъ этди.

Бир видоъи умидворий...

Содик ул-вайда Лу хонум у вайдаларга интизоран, кўрганингиз, қабр устига келди. Кунларни елпогич шамоли-ла эри қабрининг туфроғини қурутуб аҳд этмоқға вақф этар...» Кампир ҳикояни битирап-битирмас файласуфингиз шу фикрға ботди. Умр қисқа, ёшлиқ ширин, ёш хотун ва эрларни завқ ҳаволарға учирар. Ҳар ҳолда Лу хоним солиҳа бир хотун эмишки, аҳдини паймол этмак истамаз.

Интиҳо

Эй қори, ҳикоянинг ҳосили мундин иборатдур. Адабиёт жадиди мустақбала (келажак замон) мизга рақамидин ёдкори хайр илтифотига етса, хўжанди шоир муҳтарам Сайрий афандига бир тухфадур. Мутолаасига танзил буюрсалар, шоядки, риштан назма чекилса, бизу сиздин бир хотираи мустақбала қолурди. Бу даҳми шеър билмам қалбимдин чиқди. Муқаддам шоир эмас эдим:

Бу олами ҳама ҳайҳот бехуда,
Нақши зар об паймуда (омонат)...!

1909 йил, далви девона, Самарқанд, Маҳмудхўжа ибн Беҳбудхўжа.

¹ Ҳикоя «Тасодиф» деб. номланган дебоча билан бошланиб, унда ушбу ёзилиш тарихи берилган. Муаллиф 1909 йил қиши (далв – 20 янв.– 19 февр.) кунларида гоҳ ўғли Масъудхўжа билан турли дарсликлар мутолаа қилас, гоҳ сиҳнат, мантиқа оид китобларни, гоҳ эса турли бадиий асарларни кўздан кечирар экан, бир куни ногоҳ мазкур ҳикояга дуч келиб қолади. У буни олдин ҳам кўрган эди. Беҳбудий асли хитой адабиётидан олинган ушбу ҳикояни ўз қалби ва қалами билан ўзбек ўқувчисига тақдим этмоқчи бўлади. Ҳикоя «Туркистон вилоятининг газети»да 1909 йилти 12-сонида эълон қилинган. 1995 йил «Ватан» газетасининг 28-сонида ёш тадқиқотчи Ҳалим Сайдид кичик сўзбоши билан қайта чоп этди. Ҳикоя Ҳ. Сайдид нашри асосида тайёрланди.

БИР АЬМО БОЛАНИНГ ҲАСРАТИ

Эшитарманки, кун (офтоб) кўб гўзал... Наҳр бўйинда,
сувнинг устида узайиб осилган гулларнинг кўруниши кўб
латиф эмиш... Нозик-нозик сайраган қушларнинг ...ҳавойи
кўш қанотларининг учишнда кўрулатургон нимарсалардан
эмиш!.. Эшитарманки, кечалари кўк юзинда ёшурунгон ёruk-
лар кўрунар эмиш... Мавж ва гирдбларицек ҳазин бўлган
денгиз ичинда оқ ҷотирлик кемалар окуб кетарлар эмиш..
Эшитарманки, гулларнинг ранглари ислариндан, сулувликда
яна зиёда эмиш. Дарапар... Тоғлар... Майдонлар... Сувлар,
бешалар, хусусан, тонг замонлари у қадар латиф... у қадар
тотли эмишларки, бу қадар буюклиқ ва эҳтишомга қарши
инсон ҳайратиндан саждаға кетармиш. Лекин, ман ана ул
гулдурагани эшитилатургон денгизни... на у ранглик гул-
ларни... на кўк юзини... на кунни... на бешаларни... на у
яхши меваларни... на қушларни... на ойдинликни... кўрол-
маслигимдан таассуф этмайман. Хайр, Оллоҳим! Хайр! Шу
фоний оламнинг яхшилигиндан ҳеч бирини орзу этмай-
ман, магар... Ҳайҳот!.. Онажонимни кўрсайдим!

Муҳаррири: француз қизи Соррун (?)

Мутаржими: Рижоизода марҳум Маҳмуд Акрам¹.

Усмонличадан табдил эттони: Маҳмудхўжа.

«Ойна» ж., 1914 й., 27-сон, 505-бет

¹ Рижоизода Акрам (1847–1914) – машҳур турк адиби.

ҚАСДИ САФАР

1318¹ санаи ҳижрияси тавофи Байтұллохға Кафказ йўли ила Истанбул ва Миср ал-Қоҳира воситаси-ла бориб эдим, муддати сафарим саккиз ойдан зиёда сўзуб² эди. 1325³ санаи ҳижриясинда Русия мусулмонларининг муҳтарам зиёли ва акобирларининг Нижний ёрминкасинда миллий ишлар тўғрисинда машварат қилинатурган мажлисга мушарраф бўлмоқ учун Ўрунбург йўли ила Москўв, Петербург, Қазон воситаси-ла Нижний Новғурӯд бориб эдим, Сафар 25 кун сўзулуб, 7 санадан бери икки дафъя Бухоро ва бир дафъя Фарғонани зиёратидан бошқа сафарга чиқтаним йўқ эди. Азбаски, «тириклиқ» касалига мубталолик, рўзгор қайдига гирифторлик саёҳат неъматидан маҳрум этар. Етти йиллик хонанишинлик, дигар тарафдан алойиқи рўзгор*, тижорат ва 7–8 рисолалар таҳрир ва нашри, дорулқазо* ишлари, хусусан, бир санадан бери собиқ «Самарқанд» жаридаси ва ҳозирги «Ойна» идорасининг ишлари руҳан ва жисман заиф этди. Аъзо ва ҳавос*ларга касолат*, пайдо бўлди. Сингир (асаб)... ғайри мунтазам ишлайдур. Аттиббо* истироҳат ва сайёҳатта машварат берарлар. Табиат у қадар ноқобил ва бузуқки, саёҳатдан ҳам нафрат этар. Истамаз. Дигар тарафдан, «Кутубхонаи Беҳбудия» исминда «Ойна» идорасинда китоб савдоси очмоқ учун руҳсат олинган. Истанбул, Миср, Қирим, Кафказ, Қозон, Ўрунбург, Ҳиндистон китобларидан келтурмоқ керак. «Ойна»да кўймоқ учун Русия ва хорижиянинг машҳур иморат ва манзара акобирларининг расм ва суратлари, илмий ва фанний мақолалар учун фанний ва тарихий нақшларни қолиби-клишеси лозим яна... керак. Оқибат қарор берилдики, Кафказ ва Қирим воситаси-ла Истанбулга, андин Юнонистонга кириб, сўнгра Байрут та-

¹ 1899/1900 милодий.

² Чўзилиб.

³ 1906/1907 милодий.

* белгиси кўйилган сўзлар лугати китоб охирида алифбо тартибида берилган.

рийқи-ла Миср ал-Қоҳирағача бориб, яна қайтишга Истанбулға кириб, Рум эли темур йўли ила Булғористон, Австрия ва Берлин тарийқи-ла ватани азизимиз Россия ва Туркистонға авдат этилса, икки-уч ойдан бери ушбу сафарнинг таҳийя*сида эдук. Бул аснода Петербургда бўлгучи Миллий мажлис машваратига бормоқ учун Дума вакили жаноби Тафкилуфдан таклиф тилигрофи ва саволномалар келди. Саволномалариға кераклик жавоблар юборилиб, матаассуф, боришга сафар монеъ бўлди. Энди сафарға азм этдук. Биринчи ионгача чиқсан керак. Афсуски, рафиқимиз йўқ. Үглум Масъудхўжани бирга олмоқчи эдим. Аммо гимназиянинг учунчи синфиға ўтмоқи учун ҳисоб, жуғрофия, тарих, илми ашё, расм, ахлоқ, немисча, французча дарслари дуруст ва кофий даражада бўлур. Фақат русчани ёзуб, ўқуб, кузга яна имтиҳон бермоқлиги лозим бўлган учун бирга ололмадук. Ва бизча ушбу узун ва машаққатлик сафарға якка ва танҳо чиқмоқ лозим бўлди. Бир санадан бери идора ишига ошино бўлган Сайид Ризо афанди Ализода¹ жанобларининг «Ойна»ға масъул мудирлиги муаллим Ҳожи Муин² жанобларига ҳавола қилинди. Китобат ва тартибиға Мулло Фахриддин Рожий³ жаноблари мутасадидур. Олиоҳ таолонинг инояти ва қориларнинг таважжуҳдари ила камина бўлмаса-да, «Ойна» эскича чиқиб турар ва саёҳатимиздан муҳтасар суратда ҳар ҳафта ёзиб туармиз. Агарда саёҳатдан эсон қайтсан, саёҳатномамиз муттасил ва мусаввар^{*} босилиб чиқса керак. Муддати саёҳат тахминан икки ой сўзар. Бир санадан бери ҳар на ёздук, ҳар на дедук. Кўб сўйлаган кўб хато этар. «Ойна»нинг хато ва номулоийим сўзлари тикон ва дилгир бўлган муҳтарам кишиларға узр айтиб, афуларини тилаймиз. Бизга маънан ва моддатан ёрдам этканларға ва барча хонандаларға чин кўнгулдан ташаккур айтиб, хайр дуоларини истаб видоъ этармиз. Боқий салом ва эҳтиром.

«Ойна» ж., 1914 йил,
31-сон, 598–600-бетлар

1, 2, 3 Беҳбудий замондошлари, самарқандлик таниқли зиёлилар: С. Ализода (1887–1945) – педагог, таржимон, публицист; Ҳожи Муин (1883–1942) – шоир, драматург; Ф. Рожий – шоир.

29 май 1914 сана 17 ражабул муражжаб¹ 1332 санаи ҳижрия панжшанба куни қеч соат 7, қатори*миз маҳбуб ватаним Самарқанддан ҳаракат этди. Ўғлум Масъудхўжа манглайидан шафқат бўсаси олиб айрилдук. Оҳ, видои оила, Ватандан чиқмоқ нақадар мушкул! Бу мушкулотдан қутулмоқ учун инсонни ўлуб ватандан чиқмоғи келур.

«Дили аз санги бояд бар сард оҳ видоъ
То таҳаммул кунад он рўзки, маҳмил беравд».

(Айрилиш вақтингда тошдан кўнгул керак, токи қоғила* кетсун).

Вагонда бир уйчага² бир ўзим, Сафарнинг аввали ҳам танҳолик таваҳҳуш* келтурап. Абёт ўқуйман, фоида этмас. Куръони карим ўқумоқға шурӯъ* этдим, фараҳ* келтурди. Оқшомни ним уйку ҳолиға ўткарилди. Кун чиқар. Байрамали маҳаттасига* яқинлашармиз. Ҳар тараф кум денгизи, Байрамали шаҳри обод эди. Бухоро амирларидан Шоҳмурод оталиқ (ҳозирги Бухоро амирлари силсила манғитиянинг муассиси) замонида Бухоро ва Самарқанд ўзбеклари келиб, Марв ҳам Байрамалини сувбандини бузуб, истило этиб, халқидан Самарқандга нақл* қиласурлар. Бу муҳожирлардан бир қисмини Самарқанд шаҳарини шарқифа, дигар қисмини гарбиға ўтқузадурлар. Шаҳарни атроф ўзбекларини босқунидан сакламоқ учун (ва) алар бугунғача мазкур ўрунларида дурлар.

Бухоро амирлари боргоҳ ва сарой ишларини ва таҳсиллик ва ҳазина ишларини муҳожирларга топшурарлар. Азбаски, булар муҳожир ва амирларга молан ва жонан тобедурлар. Ҳатто, амирлар буларни ўзларига асир билур эдилар. Ва буларни ортдурғон моли гўё амирларники эди. Бошқа ерни халқи ўзларига ўзларини хожа биларди ва бу қоиддани асари бугунғача Бухоро ҳукуматига жорийдур. Бу муҳожирлар шитъа мазҳабига бўлуб, Самарқандда ўн минг қадар бордур. Ва алар ўзларни эроний атайдурлар. Ҳолбуки, аларни аксари турк қабилаларидан бўлуб, ичларинда балки юзда бир эрон форси ва эронлашган араб ва саййидлар бордур.

Марв тарафини истило этган бухорийларни сардори сариг ва кўк кўзли бир киши эканки, шоир деюр:

¹ Ардоқли ражаб ойи.

² Муаллиф Самарқанд шевасида ёзади ва ўрин-пайт келишиги кўшимчаси ўрнига жўналиш келишигиги кўшимчасини ишлатади.

Бубрид сари мурғ беҳишти сақ зард

(жаннат куши бошини сариг ит кесди). Мурғни боши ташланилса¹, «РF» қолиб 1200 сана учун таърих чиқар, яъни, Байрамалини буҳорийлар ҳалок эттганларига 132 сана бўлур. Голиблар шоири ҳам «Сари Байрамали шуд ҳалқаи дор...»² шеър айтганлар. Ал-он Русия ҳукумати эски бандни тузатиб, Байрамали ва Марв тарафларини обод этиб турубдур. Байрамали ерлари ҳазрат императўрга мансуб бўлуб, ҳалқга ижораға берилур. Бевосита Байрамали Марв шаҳри бўлиб, қадимда «Марви Шоҳжаҳон» аталарди.

Марвда аҳоли аксарият ила рус, арман ва эрон табъала-ридур. Атроф ҳалқи туркман бўлуб, шаҳарий (шаҳарли) бўлғанлари йўқ. Ҳануз қора уй-чодирлариға тирикчилик қиласурлар. Марвда узоқдан рус калисосининг куббаси кўрилур. Атрофдаги юз минглар ила «мусулмон» (!)ни масжиди кўринмайдур. Аҳоли шариатдан зиёда одатга тобеъ ва асири жаҳолатдур. Марвда тижорат аксарият ила Эрон табъалари³ қўлиғадур. Русия ҳукумати буларга ер олмоқға изн бермасада, ҳавли ва дўкон олмоқға рухсат берар. Мундаги эронийлар уч қисм бўлуб, бири шиъа, дигари баҳойи, бобий⁴, бошқаси Эрон яхудийсидан мусулмон бўлган жадидийлардур. Бир эронийни сўзиға қараганда, ялғуз баҳойиларни мактаби бўлуб, бошқалари учун ва ерли туркманлар учун муンда мактаб йўқ. Иссиқ биёбонларни наъраси-ла тўлдурив, қаторимиз илгари кетмоқдадур. Ҳаво иссиг, вагон ичинда 33 даражага ҳарорат бор. Энди Самарқандни ҳаво ва латофати ёдга келур. Вагондаги руслар: «Оҳ, Самарқанд. Вой, беҳишт», – дер.

Том 24 соатда Ишқободға етдукки, Самарқанддан 895 чақиримдур. Бу шаҳар кундан-кун ободлашиор. Рус ва арманлар жамъияти орта борадур. Бир оз эроний-да бор. Фақат атрофдаги бечора туркман қариндошларимиз ҳануз нимваҳшӣ ҳолатда кулфат ила умр сурарлар. Дунёдан, ҳатто,

¹ Муаллиф муаммо қоидасини тушунтияпти. «Мурғ» (куш) сўзи араб имлосида уч ҳарф («мим», «ре», «ғайн») дан иборат. Унинг боши (бош ҳарфи – «мим») кетса, «ре», «ғайн» қолади ва иккаласи абжал ҳисоби билан кўшилганда 1200 сана чиқади.

² Байрамалининг боши дор ҳалқаси бўлди.

³ Фуқаролари.

⁴ Шиъа, баҳойи, бобий – Эронда XIX асрда кенг тарқалган мазҳаблар.

ўзларидан хабарлари йўқ. Шу қадари борки, шаҳарға муттасил ерларда боғу токистон¹лар этиб, туфроқ иморатларга ўлтурғонлари-да кўрулур. Яна бир оз туруб машхур Кўк тепага етдук. Туркман – рус уруши ёдгорисига мунда кичкина бир музга² бйно этилган ва ичинда туркман-рус муҳорабаларини ясалган суратлари ва қўлларинда милтиқ ва шамширлари бўлуб, ҳамда туркман ва рус тўпу уруш асбоблари намунаси бордур. Музга мухта муқобилига 40–50 қадам бўлуб, кечаву кундуз ҳалқ учун очуқ ва туркман шиҷоатини далилидур.

Йўл устундаги туркманларни бошиндаги узунлиги уч яrim қариш, эни икки қаришдан зиёда телпагидан бошқа кўргу ери йўқ, фақат ҳануз белида аксарият ила ҳанжари бордур. Аммо алар ҳанжар ўрнига қалам тутиш замони келганини билмайдурлар. Кўз олдидаги маданият асари бўлган шаҳар ва оташ аробадан ибрат олмайдурлар.

31 май эрта бирлан Қизил Арвотдан нари қазоқлар жавлонгоҳидамиз. Мундаги бечора қазоқ қариндошларимизни фақру зарурати* шаклларидан билиниб турубдурки, туркманлардан кўра буларни яна йўқсулликларидан билгуликдур. Ер – кум. Бир тараф ўтсиз тоғ, беш-ён тева, бир-икки эски олачиқ ҳар ерда оз-оз кўрунур. Мунинг муқобилинда гурурлик маданият аждахоси ва устинда маданий инсонлар. Бу қазоқларга лозим эдики, ўзларига яқин шаҳарлар атрофинда йиғилиб турғун бўлинсалар, валилоҳ, бу кетишни охири йўқ бўлмоқдур. Муҳтарам қазоқ талабалари, қазоқ уламо ва зиёлилари муни талқин этсалар керакдур.

Энди Жабал маҳаттасигамиз. Мунда шимолдаги тоғдан келатурғон сув ҳам ҳаво бор. Маҳаттанинг жануби тарафида тўрт чақирим масофатда аъзо оғруғи учун киратурғон туз кони борки, конғача бошқа темур йўл ила борилур. Дўқтур, уй, нўмра ва қара уй, хулоса, ҳар шай мавжуддур. Дўқтурсиз ва уйсиз кирмоқ-да мумкиндор. Самарқанддан чиқгон киши 2-кунда соати 12 (да) келиб конға тушар. Мавсуми – биринчи саратондан асад охиригичадур.

Билик маҳаттасигамиз. Баҳри Хазар ҳайбат ва виқори ила намоён ўлур. Насим ила бизларға руҳ берар. Иссиғлигидан қутулдик. Кундуз соат бир яrimга Красноводскига ет-

¹ Токзор демоқчи.

² Музей.

дук. Тотор ва эроний биродарлар масжидини зиёрат этдим.
Шул кун парахўдга кирдук. Кеч соат 6 ва ҳаракат этар. Эрта
— биринчи июн. Иншооллоҳ, бодгўяға* чиқармиз.

31 май. Баҳри Ҳазар.
«Ойна» ж., 1914 йил,
34-сон, 809—813-бетлар

2

Денгиз тинч бўлганда Красноводскидан Бокуғача 14 соатлик йўлдур. Аммо толеъда бор эканким, парахўд юрганидан бир соат сўнгра қаттиғ бир фўртана бошланди. 2-даражадаги қирқ қадар кишидан ялғуз тўрт-бешифа таъсир этмасдан, бошқа ҳамма аёлу эркак ва болалар Бокуға икки соатлик йўл қолгунча оху нола ила ўткардилар. Ман ҳам аларнинг энг кулфат кўрганларидан бўлиб, 9 сўм 20 тийин бериб, эни уч, бўйи етти қаришлиқ осилган ва ўлтурганда шифтиға бош тегадургон бир кути ичида 16 соат комил қимирлолмай ва тушолмай қолдим. Мунинг устида бош айланиб, қон қусмоқ ортуқча кулфат эди. Парахўддаги 3-даражадаги йўлчиларнинг устига 16 соат муттасил денгиз сув отарди. «Ё Олло!», «Ё Ҳусайн!» фарёдлари осмёнга юксалирди. Минбаъд Баҳри Ҳазар ила юрмасга аҳд этдим.

2-июнда якшанба қуни Бокуға чиқдик. Шаҳарнинг рус ва мусулмон қисмидаги мусулмон дўконлари, катта корхона ва мағозалари, матбаалари тамоман очуқ, чунки мусулмонлар жумъя қуни дўкон ва корхоналарни беркитиб, ийд қилас эканларким, бул жой ибрат ва таҳсиндур.

Боку(ни) кўргонимга 15 сана бўлур. Ондан бери хийла вўсъат топиб, иморатлари беш-олти табақағача юксалибдур. Денгиз канорида янги беш табақалик катта бир иморат бор экан. Сўрадимки, бу мусулмон бой ўзи ўлтурмоқ учун бино этиб, 2—3 юз минг сўм харж қўйган экан. Муҳтарам бир кишидан сўрадим: «Охират учун ҳам бирон уй ва буқъя* бино этдими?»

«Хайр!, дунёу охирати ҳоло ушбуудур», — жавобини берди.

Боку шаҳри Русиянинг ободонлик жиҳатидан бешинчи

шаҳри бўлиб, аммо мусулмон давлатлигининг кўплиги ила Русияда иккинчи шаҳардур. Чунончи, мунда юз милийён сўмлик мулку сармояға доро* бир неча мусулмонлар бўлиб, милийён соҳиби мусулмонлар юздан зиёда, ярим милийнлик мусулмон яна ортуқроқ, юз минг сарватлик мусулмон минглар ила бордур. 20–30 минг сўмлик сармоядор мусулмон эса, ўн минглар ила бўлиб, шаҳарнинг аксари мулки мусулмонлар қўлидадур. Оллоҳ зиёда этсун!..

Бул шаҳарнинг еридан нафт (керосин), бошқа тил ила, олтун чиқар. Бу кун меҳнаткаш бир кишининг еридан нафт чиқса, эртага милийнчи оға бўлур. Бу бойлардан дин ва миллиат йўлида, қўлларидағи сармояға нисбатан эҳсон қиласурғонлардан жаридаларда тўрт-беш исм ёзилиб, бошқалари ҳануз майдони саховатга зоҳир бўлғонлари жаридаларда кўрилмайдур. Мўътабар «Садо» ва «Иқбол» жаридалари идораларини ҳамда муриди муҳтарамлари Ҳошимбек Вазириф ила Содикийни зиёрат этдим. Идораларининг аҳволи зоҳириясини ниҳоятда танг ва машаққатда кўрдим. Боку аҳли хайроти армани, рус ва бошқа ҳамشاҳарларининг матбуотидан ибрат олиб, моддатан* бу жаридаларнинг тараққий этмоқига ва «мусулмон жаридасининг идораси» демоқға лойиқ бир манзара ташкил этмоқига ҳаракат қилмоқлари керак эди. Бечора мудир ва муҳаррирларнинг бири қоронгу бир ертўлада, дигари тор ва иссиғ бир дўконда мураттаблари ила умр ўткарурлар эканким, манга кўб таъсир этди.

Бу нимадан? Йўқликдан ва миллиатнинг эътиносизлигидан*, муҳарриру мудирларнинг чорасизлигидан бўлиб, айби мусулмонларга тушар.

Боку тўғрисида яна бошқа вақт ёзармиз. Эмди йўлимизга давом этайлук. 2 июнда Бокудан чиқиб, Минерални вўда (Маъдан сувлари) маҳаттасига мутаважжих бўлдикким, ораси 755 чақарим бўлуб, бир кеча-кундуз юрулди. Мунинг олти юз чақирими комилан мусулмон ерлари ҳам ниҳоятда манбит* ва аъло ерлардурким, арпадан шолигача экилган ва аксариятан баҳорикори ва ерлари қарагасадур*. Дараҳтлари у қадар кўпким, Самарқанднинг Қарадараҳту Миёнколи анга нисбатан ҳечдур. Ҳалқи бизнинг пирсиён, лазги, доғистоний деган ҳалқлар бўлиб, яна доҳилан чечен, кумук ва бошқа исмлар ила аталадур. Таажжуబи шулки, мавқуфлар (истансалар) атрофида алардан савдо қиласурғон эр-

как, аёл ва бола кўрунмайдур. Қишлоқлари йўлдан узоқдур. Шу қадар узоқ йўлда ялғуз иккигина масжуд кўринди. Аммо рус мухожирларининг қишлоқ ва калисолари йўлга яқиндур. Мусулмонларнинг ерлари ҳосилсиз*, кўй, пода ва илқилари-да кўп ва аларнинг жунидан яхши матоълар тўқидурлар. Заргарлик, мисгарлик ва чармгарлик ва бошқа ишларда аёлу эркакларнинг маҳорати кўп, фақат замонча илмлари йўқдур.

Биз, туркистонийлар топганимизни тўй, ўлук ва кўпкарига сарф қилгандек, бу мусулмон қариндошларимизнинг аксари ўз молини қиз олиб қочиб, жанжолига сарф этмоқ, бир-бировларини ўлдуруб, яна қасоси номашшу тариқида тарафайндан бир нечалаб ўлдуруб, сўнгра бор пулларини суду синод йўлига ва умрларини Сибириё чўлларига сарф қилиб, нобуд бўлар эканлар. Ароларида мадраса номида бир шай* йўқ эмиш. Аммо ўzlари ниҳоятда имонлик ва амалсиз мусулмонлардур!..

Бокудан Маъдансуйи махаттасигача* тарафайн бутун кўклиқ ва аксариятган кўз олганигача экинжой бўлиб, бўш ер йўқдур. Ҳавонинг муҳталифлиги важҳидан бир тарафи-нинг буғдойи ўрулур экан, дигар тарафи ҳануз майса ва баъзан янги бош тортгандур. Хусусан, Маъдансуйи тарафи ҳануз бизнинг охир ҳамал кунлариdek салқиндор.

Буқун 3 июн Минерални вўда (Маъдансуйи) махаттасидан маъдан сувлари тарафига азимат этдим. Қаторларга тўла Русиянинг ҳар тарафидан аҳли давлат ва шавқ ҳужум эткан-дурлар. Зотан, ҳар сана ўн бир ой кечаву кундуз ишлаб, биргина ойни мумкин бўлса шунда ўткармоқ керак экан.

4 июн. Кисловодск.

«Ойна» ж., 1914 й., 35-сон,
833–836-бетлар

3

Бокудан ёинки Туркистоннинг ҳар бир шаҳридан тўғри «Минерални вода»¹ маъдан сувлари махаттасигача ёинки маъдан сувини энг охиргиси Кисловодскигача белат берилур. Минерални водадан Кисловодскигача 61 чақирим бўлуб, Эсингуки ва Петигўрскидаги маъдан сувлари шул ародадур. Масалан, Минерални водадан биринчи махатта Бештоғ,

¹ Муаллиф гоҳ «вода», гоҳ «вода» ишлатади. Ўзгаришсиз қолдирилди.

Петигорски шаҳри, андан Эсингуки шаҳри, андан Кисловодски шаҳрига борилур. Бештоғдан Темурсуйи (Жализнувудски) шаҳри 7 чақирим бўлуб, бошқа бир бутоқ ила кетиладур. Мавсум замонида бу шаҳарларнинг ҳар биридан 1, 2 ва 3 синфлик қаторлар ҳар ярим соатда ҳар тарафга юриб туарлар. Бу шаҳарлар орасидаги темур йўллар тамоман икки хатлиқдур. Мазкур шаҳарлар кичик бўлса-да, ниҳоятда катта ва олий вагзаллар бино қилинубдур. Биз Минерални водадан тўғри Нарзан суйи Кисловодски маъданига кетдук. Икки тараф ям-яшил, вагўнимиз соядор ва ери кўринмас ёввойи беша* орасидан кетар.

Бештоғнинг катта тоғ тепалари доимо бошига оқ абрдан салла ва чодир* ўраган. Бу тоғларнинг тепасидан охиригача тамоман ўрмон (беша) қоплаган ва булутнинг аксила ажойиб ва кўргон ила манзарасидан тўйёлмайдургон бир шакли назарфириб* ташкил этар.

Тоғ этакларидағи қишлоқларни бутун қудратнинг ажойиб, ранго-ранг гул ва чаманлари табиий зийнат берилган. Шаҳарлари бўлса, фавкулодда чаҳорбоғ ва суный гулистонлар ила ўхшатилиб, дилрабо ва манзарфириб хосият пайдо этгандур. Бул масофат тамоман ўрмон, чаманзор, гулистон ва ҳар ерда ажойиб кўшку иморатлар бино этилгандур.

Баъзан икки тараф буюк тоғ, баъзан бир тараф туби йўқ зов, баъзан мусаттাখ*. Ва бир замон кўрарсан, оризали*, хулоса, ҳар лаҳза ва ҳар замоннинг манзараси бошқа ва ажойибдур.

Вожиби таоло ҳазратларининг қудрати комиласи ҳузурида инсон сари фарр* ва бурдаи убудият* бўлур.

3-июн. Киловодскига етдук. Бу шаҳар, тахминан, 20–30 минг халқлиқдур. Тўр-беш ошиёналик меҳмонхона ва ҳар бири биздаги «қуслуб» ёинки мадрасалардан катта бир неча мусулмон ҳаммолари, ости ҳаммом, усти мағозин, онинг усти меҳмонхоналар ва буларға чиқмоқ учун «осонсур»¹ мосиналари бино қилинубдур. Темур йўл идораси 50–60 зина ила чиқилатургон катта ва мусаттаги бир тепа устидаги бир неча таноб ерлик-чаҳорбоғ ила энг катта бир неча тавақалик бир иморат ясадурки, кечеу кундуз мусики, рақс ва таом мавжуддур. Бу чаҳорбоғдан бир неча юз зина ила баланд тепалар устига чиқилур. Ал-он биз Кисловодски-

¹ Эскалатор.

нинг энг баланд тепаси устида ва денгиз юзасидан 3000 фут юқорида! Бул тепадан ҳар тарафдаги ажойиб манзаралару шаҳарнинг ҳар тарафга сочилган қитъаларини тамошо қилмоқдамиз. Мундан бошқа яна бир катта чаҳорбог борким, ичинда энг катта «Голирия», юз-икки юз олчин узунликдаги равоқ ва қулублар мавжуд бўлуб, маъдан суйидан мил* ила келтуруб, шишадан мусаддас* ҳавзлар бино этиб, устида рус қизларини қўюбдурларким, ҳар кимга лоян-қатъ* мажжоний* сув берарлар. (Боғга кирган киши 20 тийин пул берур.) Дигар тарафда бир неча ерда мусиқилар, фавворалар, ҳар ерда гулистон ва сунъий гулхона, жаво-хирфурушлик, мева ва таомфурушликлардур.

Чаҳорбог ичинда минглар ила халқ учун чой ва таом сарф этмоқга очиқ ҳаво ва ҳам бир неча табақалик кўшкларда жой тайёр қилингандур. Чаҳорбоғ хорижида яна маъдан суйидан келтурулган худойи миллар бордур. Маъданнинг сунъий ҳаммомлариға ҳар бир киromoқ учун 75 тийин олинур. Ҳар бир киши учун. Эркак ва аёл учун бошқа-бошқа уй ва ҳам «ванна»лар бордур. Касал кишилар учун маъдан суйининг ҳарорати ва қанча турушлиқни табиблар (дўхтурлар) тайинлаб хат берарлар. Мен икки дафъа кирдим, 20 дақиқадан... Туруш ер ҳар кун ярим сўмдан 15 сўмгача мавжуд бўлур. Таомға ҳар кун бир сўмдан ўн сўмгача сарф бўлур (мускиротсиз*)...

4 ионнда Эсинтуки шаҳариға келдим. Шаҳар вагзалға муттасилдур. Ашёмни вагзалға қўюб, шаҳарни қездим. Эсинтуки маъдан суйи чашмасининг атрофида узунлиги 2 чақиримдан зиёда пасту баланд катта бир чаҳорбог бино қилинибдурким, ичиди Кисловодскидагидек бир неча ҳаммом ва қулуб ва ҳар ерда кўшк ва қуббалар ва шишадан ҳавзлар, ажойиб гулистон ва толорлар* ва мусиқахоналар бино қилиниб, ичи сайёҳлар ила тўп-тўладур.

Мунда турмасдан Петигўрски шаҳриға келдим. Бу шаҳар каттароқ ва электрик трамвайлар ишлайдур. Мунда ҳам неча чаҳорбоглар ва юзлар ила олчин узунлигидаги ранго-ранг шишадан бино қилинган катта кўшклар ва маъдан ҳаммомлари ва бу шаҳар уфқини манзараи ажибаси ила музайян қилган забаржад ранглик тоғлар бордур. Бу шаҳар чаҳорбогларини юриб, кўча манзараларини ароба ва трамвай ила кезиб, кечроқ Железнодорск (Темирсуйи) шаҳриға азимат этдим.

Темирсуйи шаҳрининг манзараси ҳар биридан ажиброқ-

дур. Шаҳар тор бир водийнинг икки тарафида бино бўлиниб, ҳар тарафидаги забаржадлик тоғлар осмонга юксалур. Мунда энг дилрабо табиий бир чаҳорбоғ ичидаги манзаралик рангоранг гулистон ва алар орасида юз олчинлар или узулғон шишалик кўшклар ва аниңг ичидаги китобхона, шатранжхона ҳам рақс ва мусиқи учун ажаб бинолар, таомхона, чойхона ва майхоналар бино қилинубдур. Чаҳорбоғ бир неча чақиримлар или узайиб ва аниңг бир тарафи 1722 сажинлик баланд бир тоғга марбут* бўлиб, бу тоғга бир морпеч* йўл или чиқилур. Бу тоғдан мил или Темирсу маъданидан сув келтирилубдурким, темур қубурдан шиддатлик суратда отилиб оқмоқда ва қўлни куйдуратурғон даражада иссиғдур. Муни совутиб, шишалик бир ҳавзда сақлаб, ми illар воситаси или рус дилбар қизлари ҳар кимга икром қўлмоқдадурлар.

Ики пиёла бу сувдан ичдим, ўзимни қизитиб, бошимни оғритди. Бул сув инсоннинг қонини кўпайтуар экан.

Темирсуйи шаҳри богининг тоғ тарафида оташ ароба учун араб усулида ва муаззинхоналик бино қилинган сутдек оқ бир қасри олийни узоқдан кўриб минорасидан масжид гумон қилиб эдим. Бонга кириб энг яқинига бордимки, қаср атрофини алоҳида бир тоғ иҳота этиб, мунга маҳсус бояни темур панҷаралар или иҳота қилинибдур. Яна араб усулида дарвозалар курулиб, баридаги кошинили «Ассалому алайкум ва алҳамдулилоҳ, омин» ёзилгандур. Устида русча «Кирмоқ мумкин йўқ» деб ёзибдурлар. Қоровулни топиб сўрадим.

Деди: «Бу қасрни Бухоро амири бино этиб эди. Ўзи баъзан мунда келарди. Вафотидан сўнгра ҳозирги амир бизни импературға туҳфа этди». Ва ал-он, табиблар ва баъзи касаллар турадур. Ўтайлук, мунда тўймоқ қиммат, икки парча балиқ или бир парча нон бирор бир сўм. Бир пиёла обжўш ёинки чой 10–15 тийин. Хизматчиға ҳам берарсан. Кўп турғучи касаллар, албатта, хусусий хоналар ижара олиб, мосхина қазонида ўзлари таом пиширадурлар. Ёинки нўмрага эмас, хусусий рус хоналарига тушаларким, арzonроқдур. Ажала шайтонцур*. Эртaroқ ақсойи сафарға* етмоқ учун букун уч шаҳарни кездим. Аммо бир вақт қарасам, белим, оёғим ва бутун аъзом оғрийдур. На ўтурмоқ ва на ётмоқга тоқат йўқ. Минг кулфат или мавқифға* этиб темур йўл или оқшом яна Маъдан суйига етдим. Мунда уч-тўрт соат қиторға интизор этдук.

Шуни-да ёзайин, Эсингукида қолинбуруш эроний мусулмон мағозаси бор. Шарқнинг ҳар навъ матоиданда мав-

жуддур. Бир неча кундурким, жарида ўқутаним йўқ. Эрон, Қафқаз жаридаларидан сўрадим. Йўқ! Ана, сизға мусулмоннинг катта саводхонаси. Ватандан ва бутун олами исломдан хабарсиз яшайдур, оҳ...

Бу маъдан сувларға ҳар навъ касаллар келур. Қартайган, бир мушт ила охиратга кўчатургон мўйсафиц бойлар, боши қалтирайтургон чоллар, ҳолсиз генераллар, бинисидан* тутсанг, жони чиқатургон сил ва қонсизлар, кўб ўкутон, мияси ачитган талабалар ва муаллимлар... Хулоса, ҳар навъ касаллар кўринадур. Табиий, юролмайдургон қаттиғ касаллар дўқтурхоналарда бўлиб, чиқмайдурлар. Аммо касалдан зиёда шавқу шаторат* ила келиб, ичкулик этиб, фаҳш ва бузукликлар ила касал бўлиб кетадургонлар кўп кўринур. Петигўрскнинг мавсуми биринчи мойдан 5 сентябрғача бўлуб, ушбу касалликларга нафъ этар: оёқ оғруки, сингир¹ хасталиги ва бир неча тери (жилд) хасталиклирига... Эсинтуки мавсуми 10 майдан 10 сентябрғача: меъда хасталиги, ўтал (сулфа), жигар хасталиги, сингир ва бошқаларға... Кисловодскининг мавсуми биринчи июндан биринчи ўктабрғача: юрак, сийна ва бошқа маразларға фойда этар... Железноводскининг мавсуми 15 майдан биринчи сентябрғача: қонсизлик, бош айланиб, кўз тинмоқ ҳам сингир ва асаб хасталиклирига нафъ қилур.

Ростўф, 5 июн,
«Ойна» ж., 1914 йил,
37-сон, 880—886-бетлар

4

5 ион. Ростўф шаҳрига кирдим. Шаҳар ниҳоятда обод. Ҳар тараф кўша электрикли трамвайлар. Шаҳар ўртасида кігкина бир чаҳорбоғ бор. Беш-олти қатлик иморат ва зийнатлик калисолар мавжуддур. Ҳар нимарса русларнинг гайрати ва маданиятини забони ҳол ила баён этмоқдадур. Бу шаҳарда беш мингдан зиёда мусулмон бўлуб, мунинг 300 қадари туркиялик мусулмонлар ва бу шаҳарнинг нонвойлиги тамоман алар қўлида эмиш. Аммо ўзларидан мактаблари йўқ. Мунда Туркия давлатининг кўнсулхонаси ва имоми бордур. Тасодифан имом афанди ила мулоқот этдук. Ерли мусулмонлардан фақат 20 қадар оиласининг мулки бўлуб,

¹ Асаб.

бошқаси тамоман ижоранишин эмишлар. Оллоҳ бу ижора-нишинликни биз, Туркистонийларга насиб этмасун! (Ер қиммат бўлди, сотайлук айта тургонларга, ёинки ерларини со-тиб тўй қиласатургонларга ибрат!) Мусулмонлар икки маҳалла бўлуб, бири ижора олинган уйда намоз қилур, начора, мискинлик!.. Дигарининг янги солинган масжиди бор. Аммо биз мусулмонларни, на дин ва на дунёға аҳамият бермага-нимиз учун шувоқсиз ва усти томатургон ҳолида қолиб, бир тарафида намоз қилурлар. Масжиднинг саҳни бир таноб қадар ва шаҳарнинг яхши еринда! Уч тарафи йўл, аммо дўкон солиб ижорага бермоқ йўқ. Мунинг бу қадар катта жойи бор экан, ҳар ердагидек мусулмонлар икки тараф ихтилоф қилиб, хорижда икки мактабни ижора олиб, ҳар сана 3000 сўм қадар оқча берар эканлар. Нақадар девона-ликур! Биринчи имом Мулло Вафо жаноблари ва ўзга муҳ-тарам кишиларнинг гайрати или 15 минг сўмдан зиёда оқча тўпланиб, икки ошиёналик масжид солинибдур. Узоқдан минорасидаги олтун ой шакли забони ҳол или: «Бу муқад-дас мақом ибодаттоҳи муслимин ва байти ҳазрати Раббил оламиндур!»— дейдур. Аммо начора, ҳануз нотамом ва шувоқсиз, атрофида мактаб йўқ ва касифдур. Иккинчи имом Мулло Бекошуф жаноблари или мулоқот этдук. Мусулмон нашри маориф жамиятининг раиси ёшлардан Билолиддин жаноблари бизга шаҳарнинг ҳар тарафини кўрсатди ҳамда жамъият мактабини зиёрат этдук. Мулло Вафо жаноблари-ни тобмоқға вақт озлик қилди. Мунда мусулмондан пристўғ бор эмиш ва ҳукумат мактабларида 15 нафар мусулмон та-лабаси бўлуб, яна 18 нафар қизлар-да ҳукумат мактабида ўкур экан. Масжид ишининг ярим йўлда қолишиға ва мусулмонларнинг ихтилофлигига масжид иморати мубошир-лигининг ҳар сана ҳисоб бермагани сабаб кўрсатилур. Ожи-зона тавсия этилдики, ўтган ўтди. Энди иттифоқға келиб, масжидни тамом ва мактабларни бир этмоқға ҳаракат қилмоқ керак деб... Шаҳарнинг ва бошқаларнинг ҳаёт ва тараққий-сига нисбатан мундаги мусулмонларнинг борлиги йўқ ҳук-мидадир. Йўлларни тилфўн ва трамвай симлари у қадар ишғол этканким, энди тилфўн симларини ер остидан тортмоқ учун ишлаб турубдурлар. Аммо мусулмон масжидининг бир та-nob ери бўш ётадур.

Кеч оташаробага ўлтурдим. Одис шаҳрига кетармиз. Сабоҳ

Динапр нахрини ўтдук. Оқшомгача ҳар замон катта ва ки-
чик шаҳарлардан ўтармиз. Тарафайн тамоман ҳеч фосиласиз
буғдой, арпа ва маҳаллали қардошларимизнинг сўзича
«крошка» ер йўқ. Рус хотун ва қизлари қўлларида кетмон,
қатор-қатор ишламоқда ва қаторимизга қўл соллаб, баёни
хуш омади этарлар. Бизнинг сахро хотунларига нисбатан
алар жабркаш эканлар. Кеч хотунлар хил-хил ишдан қайт-
моқда. Ўтун, ўт ва асбоб орқаларида кўтарган, баъзан хо-
туnlар аробасини чоптуруб кетмоқда, аммо бизнинг сахро
хотунларини гийбат сўйламоқдан бошқа иши йўқ.

Инсон баъзан ажойиб ҳолларда қолур... Бир замон Пе-
тербургда эдим. Бир якшанба куни, дўконлар берқиттилган.
Майда пулим йўқ. Эрта бирлан сут ва нон емоқ керак. Қўлумда
бир юз сўмлик қоғаз, майда топилмайдур. Соат 12 гача оч
юрдум... Энди мунда ҳам оқшом чоғи, майда топилмайдур.
Махатталар кичик, бирор нима емоқ керак. Пулсиз бермай-
дурлар. На чора, эрта Одисга боргунча сабр лозим. Оқшом
рўза тутармиз...

Энди қиторимизда русча эшитилмайдур. Яҳудийча, рум-
ча, полак ва немисча, ҳатто, булгорлар-да кўп. Ҳар навъ
кишилар ва Булгариёдан келиб, бизнинг Русия мактабла-
рида ўкуб, офицер бўлганлар-да ватанимизда бордур...

Эрта бирлан Одисга етдук. 7 июнчур. Бокудан Одисгача
2409 чақирим кезибмиз. Нўмирга нарсаларимизни қўюб,
тазкира (билет) имзоси учун Туркия кўнсулиға бордим. Аммо
йўқ! Одисдаги мусулмон масжидаға бордим. Имом мулла
Собиржон жаноблари ва муҳаррир Усмон афанди ила сух-
бат этдук. Бизни икром этдилар. Шул кун Истанбулға па-
рахўд борар экан. Ёлғуз тўрт соат қолибдур. Имом афанди-
нинг ионати ила парахўдға кирдук. (Одис аҳволидан қай-
тища ёзармиз.)

Соат 12, кундуз. Рус ширкатининг «Чахўвич» пароҳўди
йўлға кирди. Денгизни қўпиклантириб Истанбул сари юр-
моқдадир. Иншооллоҳ, эртага Истанбулға киравмиз.

7 июн. Қора дengiz,
«Ойна» жс., 1914 йил,
38-сон, 902-905-бетлар

7 июнда Одисса кирилди. Бу шаҳар Русиянинг З-шаҳри бўлуб, аммо тижоратда Қора денгиз соҳилида бўлгани учун ниҳоятда тараққий эттандур. Русиядан чиқатурғон фалла ва хом нимарсалар Оврупога шул аскаладан чиқар.

Аҳолиси: рус, яхудий, рум ва бошқалардур. (Мундаги мусулмонларнинг аҳволи сўнгра ёзилур.)

Нарсаларимни бир ерда қўюб, тазкира (белат) ни кўл қўйдурмоқ учун Туркия қўнсулхонасиға бордим. Узунлиги бир газ, эни ондан озроқ, тўлони бир унвон эшигини устидга осилган. Унвон, ким билур, неча сана муқаддам ясалгандур. Ал-он ранги ўқулмас даражага келиб, унвоннинг темур ва тунукаси чуруб тешлибдурким, мундан қўнсулбекларнинг қайдсиз ва бепарволиги маълум бўлур.

Соат 10. Аммо қўнсулхонада киши йўқ... Андан Одис шаҳри жомеъ шариғифа келдим. Имом афанди Собиржон ҳазратларининг ёрдами ила кундуз соат 12 да парахўдга кирдук. 2-мавқега 16 сўм, 3-сига 5 сўм бериб бир белат олдук. Оқшом икки сўм бериб, 2-даражанинг салўнидан ётар жой олдим. Ана, 9 сўм фойда!

2-даражада золига яхши либоссиз киши қўюлмайдур. Парахўдга тезлик ила кирдук. Одисда турушимиз фақат 2 соат, авқот олмаган эдук, 2-даражанинг салўнига 2 дафъя таом ва икки дафъя нон ва сут учун 4 сўм оқча тўладим. Эй, зарари йўқ, яна 5 сўм фойдамиз бордур.

Соат 12 кундуз парахўдимиз дengизни кўпуртуруб ҳаракатга кирди. Ва андак муддатда шаҳар ва ер кўздан ниҳон бўлди. Денгиз ойнадек шаффоф ва сокин, ҳаво латиф, ялғуз остилизда суву устимизда бухаридур*. Денгизнинг барроқлик* ва латофати сўнг фишфиши, парахўднинг гумбур-гумбури табиатга жило берар. Дигар тарафдан мўътадил ва фором бир шамол эсар ва неча кундан бери сафар машиқати тортган жисмга ниҳоятда ёқишар. Сатҳий бир назар ила боқилса, бутун ер куруқлик ва дунёлар йўқ. Ҳар нимарса, яъни шаҳарлар, чўл, тоғлар ва мамлакатда қолган оила ва аҳбоблар хаёл оламиладур. Энди дengиз ила парахўд фикрини ўзига жалб этар...

«Ердагиларни Сизға мусаххар қилдим – Оллоҳнинг амри ила марокиби баҳрия¹ дengизға жорий бўлур» мазмунидаги

¹ Кема.

оятлар мулодаза қилинур. Ох! Биз, мусулмонлар на учун Куръондан, санъат ва гайратдан узоқ кетдук? Остимиздаги парахўднинг тўли 150 газ зиёда, ичидаги ёлғуз ҳайвон нотиқ¹ 300 дан зиёда ва гайри нотики-да бордур. Фалат ва бошқа юки ҳам кўп. Бу жонсиз ҳайвон биздек жонли ҳайвонларнинг асари санъатидур. Ўтайлук, бу уч юз сўйлағучиларнинг ярмидан зиёдаси 1–2 даражада бўлуб, мусулмондан маним ила фақат уч нафардур. З-синфдагининг аксари мусулмон бўлиб, фақру заруратдан оёқ остида ва ҳожатхоналар ҳамсоялигида ўлтуруб ва оқшом анда ётарлар.

Параграфдан аксарият яхудийларгинадур ва бир оз рус фуқаросидан ҳам борким, бир неча кашиш(пўп) лар ҳам бордур. Аларнинг аксари З-синфда ва анбордадурлар. Бу яхудий ва руслар аввалан Истанбулга кириб, «Аё Суфия» ва «Қаърия» жомеъи ва бошқа азиз калисоларни ва яхудийлар «Хоҳом» бошини зиёрат этуб, сўнгра Куддуси шарифга кетарлар, яъни рус ва яхудий ҳожилари дурлар. Яхудий ҳожиларининг аҳволи рус ҳожиларидан яхши ва аммо бизнинг мусулмон ҳожиларининг аҳволи оғирдур. Тил билмаслик, пулсиз ҳажға қасд қўлмоқ ва пулликларнинг хайсу* чиркинлиги яна машаққатини зиёда этар.

2-дараҷа золига оқшом мандан бошқа яна уч-тўрт нафар яхудий ва рус бор эди. Демоқим, алар ҳам З-дараҷа ўйлчилари экан. Азбаски, 1–2 синфнинг ётатургон жойи бошқадур. Яхудий ва руслар ила суҳбат этдук. Яхудийдан бири дерки, «Туркистон эски дунёнинг Амрикосидур. Пахта, маъдан, фалла, хулоса, ҳар нимарса бор. Туркистон олтундур. Агарда Русия ҳукумати монеъ бўлмаса, барча мулкимни сотиб, пулига Туркистондан ер олиб, дехқонлик этардим. Олтун бериб, ер олиб, сўнгра олмос кўтарар эдим. Аммо, начора, Русия қонуни биз, яхудийларни қисар...»

Мен, ичимда дедим: «Ташаккур Рус ҳукуматигаким, сизни қўймайдур, валлоҳ, сиз яхудийлар, биз аҳмакларни дарбадар ва беватан этарсиз...»

Яна бир яхудий Турк ҳукуматини таъриф ва анга ташаккур этар. Ман дедим:

— Куддус атрофидаги янги шаҳарларингиз қандай?

Деди:

— Алҳамдулилоҳ, кундан кун тараққий этмоқдадур.

¹ Инсон назарда тутилмоқда.

Дўқтур Хретсил бу шаҳарни кўп меҳнатлар ила халойиқдан оқча жамлаб бино этди ва биз, яхудийлар ҳам дунёда бир шаҳарлик бўлдук. Энди анда яхуд банки ҳам бино қўлинидӣ. Дорулмуалтимиёнлар, тимназиёлар, ...лар бордур. Дўқтурнинг таклифи ила ҳаммамиз эски яхуд тили (иброний) ўқумиз. Ман ўзим русчадан бошқани билмас эдим. Бир йилдан бери ҳафтада икки соат ибронийча ўқудим. Энди ибронийча сўйлайман, ўқиб-ёзаман...

Ушбуларни деб суҳбатимиздаги бир Фаластин яхудийси ила ибронийча сўйлайдур ва суюнадурким, дунёдаги бутун яхудийларнинг энди тили бирлашур (Арабийни тилларидан чиқаратургон мусулмонларға ибрат.)

Бир яхудий бир оз иброний билар экан, русчадан бошқа тилни билмайдургон хотун олгон. Хотунига ибронийдан бошқа сўз демас экан. Хотуни йигламиш, сихтамиш, чора йўқ. Эри ибронийдан бошқа қас(д)дан сўйламас. Хотун икки йилда ибронийчани яхши билибдур.

Энди мазкур хотун иброний жаридаларға мақола ёзармиш. Аммо биз 20 йил ўқуб, араби сўйлаб, ёзолмаймиз...

Параҳўдимиз соатда 18 чақирим юрадур. Оқшом фўртнасиз ўтди. 2-кун ҳам денгиз сокин, бир-икки олчин бўйидаги балиғлар узоқдан парахўдга қараб сакрайдур. Сувдан чиқиб, 3–4 газ ердан отилиб, парахўдга яқин келур. Зоҳирий, парахўд ташландиларидан еб одат қилибдурлар. 2-кун соат иккода Бўсфўр бўғозига кирдук. Бўғоз оғзида парахўд турди. Туркия маъмурлари кичик парахўд ила келиб, кўруб бўғозга кирмоқға жавоб берди. Бир оз юргандан сўнгра рус қўнсулхонасидан маъмурлар келиб, почта коғазлари таото¹ қилинди. Бўғозга кирилгандан икки тарафи катта иморатлар ва бўғоз тишида ҳарбий қалья ва тарафайнда аскархона ва тўплар, катта-кичик ҳарбий парахўдлар бордур.

Бўғознинг оғзидан Истанбулғача 2 соат қадар масофат бўлиб, кичик шаҳардек қишлоқ ва маҳаллалар бино қилингандур. Давлатлик кишилар, қўнсуллар бўғозни чаҳорбоғ ва иморат ила тўлдурубдурлар. Бир неча сана сўнгра бўғоз бошига Истанбул шаҳрининг иморати етишар. Ҳозирда очиқ ер оздур. Денгиз бўйларининг мураббаъ* сажини* 20 сўмдан 300 сўмғача эмиси. Денгиз лабидан юқорироғи арzonроқ бўлиб, қишлоқ ва экин ҳам обчакорликдур*.

Бир оз юргондан кейин Истанбулнинг катта сарой ва

¹ Қабул қилинди.

бортогълари, ҳаммадан аввал жомеълари ва бошқа иморати күрүнди. Ўрта Барроқ¹ су(в), тарафайнда катта иморатлар. Ора-сира чаҳорбоғлар, сўнгра тоғу тош ва бутун ер яшилик ва ул зумрадин* ер устида оқ ва мармар, муқаддас жомеъ миноралари ва сарв оғочлари осмонга узалгандур. Хулоса, тўёлмас бир манзара ўртасидамиз. Эмди Истанбулга яқинлаштурмиз. Атроф бутун парахўд, қайиқ. Бир тарафдан муқаддас жомеъларнинг олтун ҳилол (ой) қўюлгон ва қубба ва миноралари. Дигар тарафдан мармар кўшклар, подшоҳлик бортогълари бутун назарни ўзига тортар. Қараган ила тўймайсан. Хулоса, Истанбулда Бўғозичи* латофати фавқулодда бир манзара бўлиб, Оврупо ва амрикайилар-да мунинг ошиқидур. Биз, албатта!..

Қайиқчилар парахўдни сориб* олди. Парахўд турмасидан* тирмашиб чиқдилар. Биз 3 киши 24 гуруш (2 сўм) га савдо этиб, бир қайиқ олдук. 15 дақиқа су(в) юзиға солланиб, Истанбул божхонасига чиқдук. Денгиз ичида пўлислар ҳар қайиқдаги одамни санаб, қайиқчи нўмрини ёзив, санад* берадурлар. Ана биз энди Истанбулдамиз.

Истанбул, 8 июн.
«Ойна» ж., 1914 йил,
39-сон, 927-932-бетлар

6

8-ионда Истанбулда кирганимиз қориларға маълумдур. Ёзилатургон матлаблар ҳар нимарсадан кўп. Қайси ва нимадан бошламоқни билмайман. Бинобарин, Истанбул ҳиссиятимни сўнгга қолдуруб, ҳозир бошқаларни ёзарман.

16 ион кеч Истанбулдан оташароба қиториға кирдук. Наманганилик муҳтарам бир муддарис-да рафиқимиздур. Истанбул ила Адрна ароси қитор ила ўн соатлик йўл бўлуб, Австриё насоролари темур йўлнинг соҳиби ва 2-синф белати ўн сўмдур. Бечора мусулмонлар беш юз йилдан бери Оврупода ўлтуруб, Оврупо одати, либоси ва ямон ишларини одат қилиб, аммо илм ва хунаридан керагича ҳисса олмабдурлар. Бул ҳар ерда шундайдур. Бу кунгача бир чақирим темур йўли бино қилмоқға бутун мусулмонларнинг илм ва иқтидори йўқдур. Аммо попирус, ичкулик ва бузуклик тарафиға бор кучимиз ила аъло ҳолда тирмашармиз.

Темур йўл бир соатдан зиёда шаҳар ичидан ўтар. Андан

¹ Йилтироқ.

сүнгра тарафайн боғчалар, обчакорликлар, аскархона, сарбозлар чодиргоҳи, корхона ва фабрикалардур. Баъзан қатор денгиз каноридан ўтар. Эски «Бизанс»ликлар* тарафидан бино қилинган қалъаларнинг хароба деворлари ҳануз боқийдур.

Шаҳардан чиқиб, бир соатда Миср кўйига* етдук. Мунда Истанбул кибор ва давлатликларнинг боғистон ва сайфияси* бўлуб, аъло ва бир неча ошёналик иморатлар бино қилинган ва ҳар тараф кўклик ва хуррам* ва бир тарафи денгиздур. Мунда Турк давлатининг фишанг (ўқ) корхонаси бор. Яна бир неча кўйларни ўтар эдук, офтоб ётиб, ҳар нимарса кўздан гойиб бўлди. Оврупо қиторларига ётиб бўлмас. Икки киши ётадургон ўринга саккиз кишининг ўтурмоғи лозимдур. Ётмоқ йўқ.

Қиторга турк оғисарлари кўп. Истанбулдан Адрна ва ондан охир ҳудудгача ҳар тараф аскар чордиргоҳидур. Оғисарлардан баъзиси намоз ўқийдур. Баъзиси юрмоқда. Оқшомни ўлтуруб ўтқардук. Ходимкўй ва Чатолчани ўтдук. Тонг отар, ҳар тараф чаманлик. Буғдой, арпа ҳануз пишгани йўқ. Атроф чоқир-чукур ва оризаликдур. Ҳануз Адрнаға икки соатлик йўл бор. Калисо бўлмоқдан кутулғон машҳури жаҳон Салимия жомеъи шарифининг миноралари кўрунур. Булғорлар тарафидан ёндирилган қишлоқ ва иморатларнинг хок тўдалари ҳар ерда намоёндур.

Махаттага етдук. Адрна мавқифи ҳам булғорлар тарафидан ёндирилуб эканким, энди янгидан бино қилинадур. Махатта атрофидағи кўп иморатларни ёндуруб эканлар ва Адрнани ташлаб қочиши вақтларида булғорлар ҳар тарафга оташ бериб эканларким, турк аскарлари етиб, сўндуруб ва булғорларни, ниҳоят, кўп озуқа ва асблори ва йигирмадан зиёда энг катта тўп, агадсиз милтиқ ва асбоби ҳарбияларини ўлжа олиб эканлар. Тўплардан бир нечаси Истанбулдаги Гулхона майдонидадур. Махатта атрофида турклар тарафидан овруповорий янги бир шаҳар бино қилинибдур.

Адрна шаҳри махаттадан 5 чақирим қадар бўлуб, мармар тош фарш қилингон яхши бир йўл ила марбутдур. Тарафайн боғчалар ва ери ниҳоятда ўтлик ва бир тарафи подшоҳлик катта бир беша (ўрмонлук)дур. Қамов вақтида бу ўрмондан кўп кесилиб ўтун қилинибдур. Йўл канорида, ўрмонни бир тарафида мусулмон қаҳрамон шаҳидлари учун мазор ва оқ тошдан ёдгорий бино қилиб турубдурлар.

Эмди Мерич нахрини ўтармиз, Самарқанднинг Зарафшон нахридан етти-саккиз дафъя катта ва сокит* бир нахр. Ва устида юз газдан зиёда бир неча равоқлик турклар бино этган ғиштин, муҳташам ва василь бир кўпрук. Ва икки тарафи мармар девор. Ўрта ерида икки тарафга нозир икки кўшк бордур.

Адрнага кирдук. Барча йўллари тош фарш қилинган ва ҳар тараф олий қубба ва минораси булатларға узайган жомеълардур. Ҳар кўча ва ҳар ерда бузулган ва ёнилган ҳавлиларға учралур. Шаҳарнинг энг обод ер(ида) энг харобазорлар учраладурки, муҳорабанинг зарапидур. Муҳорабадан аввал бу шаҳарда юз мингдан зиёда киши бор экан. Энди 40 минг қолубдур. Мундаги рум ва яхудийларға ҳам булгорлар жабр қилубурлар. Румлардан бир нечасини ўтундек бирга боғлаб, Мерич нахрига отиб, йўқ қилибдурлар. Мусулмонларни тириклай кудуқға солиб тўлдурубдурлар. Энди бу жойларда мазор ва ёдгорийлар бино қилинур.

Энди Султон Салим жомеъи шарифидамиз. Тўрт тарафи кунгиралик тошлар илан айлантурилган 8–10 таноблик бир майдон ва ҳар тарафида дарвозалар. Бу майдон ўртасида жомеъи шариф бино қилинган. Чунончи, қиблага муқобил тарафга бир таноб қадар катта бир саҳн, 3 тарафи 21 равоқ или айлантурилиб, равоқ қуббалари якпора мармар, рангранг устунлар устиладур.

Равоқ ичкарисдан оят ва ҳадис ёзилгандур. Бу саҳннинг кириш дарвозасига садаф ва бошқа тошлар ўткурилган ўймакорлик ҳалқа ва занжирлари муталлодур*. Дарвозанинг тоқидаги мармар устида олтун или қабартма (манбит) шу байт ёзилгандур:

«Қад бана ҳаза-л-мақом ул-мужаббату ал амир ул-ҳақ султон ул-аном, аъни султон ус-салотин шоҳ Салим муслиху ябна лаҳу дор ус-салому баракаллоҳу таоло хайраҳу дафафуллоҳу ажран явм ул-қиём сора фазлуллоҳ таъриҳ ул-асос 976–982 фазлу баядаҳу кона тарих ал-итном»¹.

Саҳн юзи мармар или фарш этилиб, ўрта ниҳоятда санъатлик шашсу, мармар қубба ва остида катта бир ҳавз бўлуб,

¹ Маъноси: Бу улуг мақомни ҳақиқат амири, инсоният султони, султонлар султони шоҳ Салим мислсиз бир суратда меҳр билан бино қилгандирки, Аллоҳ таоло унинг бу эзгу ишига барака бергай ва мукофотини қиёмат кунида ўз фазли билан насиби рўзи эттай.

Асос ва битишининг сана тарихи: 976–982.

атрофи темир тўр ила иҳота қилингон ва мармар ҳавзнинг ҳар тарафидан миллиар ила сув олиниур. Мунинг муқобилида жомеъи шарифнинг тилло ва садафкорлик катта дарвозаси бордурким, андан кириб, бу муқаддас жомеъи шарифнинг ичидағи осор ва санъатларким, аввалги мусулмонларнинг асарибур, кўрган кишиларни баҳс ва ҳайратларга гарқ этар. Муни ман сўйламайман. Оврупонинг мудакқиқ мухандис ва олимлари сўйлайдур.

Мундаги осори нафисаи саноъиянинг баён этмоқға маним қаламим ожиз бўлиб, сатҳий баъзи нимарсалар ёзарман.

Жомеънинг ичи эшикдан меҳробиғача 80 газ; 66 газ саккиз дона қизил, қаро, кўк ва облик мармар якпора устунлар устида катта бир кубба турар. Куббанинг атрофи икки табақалик бўлуб яна тўрт қубба, 8 ним қубба ила давр этар*. Масжиднинг ўрта еридан ўн мураббаъ газлик мармар ва мақсур* ва анинг устида минг қадар шамъ ёқилатургон бир қандил бордур. Остида мудаввар* садаф ва мармарлардан бино этилган бир фаввораким, ичидан аъло бир сув набъон* этмақдадур. Меҳроб қуббасининг бир тарафida қимматлик тошлардан бино этилган 20 қадар зариналик* бир минбар борким; минбари шарифнинг аъло гилам ва китоб ва эски асарларини ва олтунлик пўшишини* булғорлар олиб-дурлар. Жомеъи шарифнинг ич деворлари 4—5 газ иртифоғача* хитойи табоқ чиннисидан ҳам аъло бир чинни ила ранго-ранг ҳам оят ва ҳадислик чиннилар ила қопланған-ким, дарзлари маълум йўқдур. Андан юқориси асл ранглар ила исломий ва гиреҳмў* зоик* ва ранглар ила нақшланиб, қуббаларнинг сақғи¹ бутун оят ва ҳадис музойиқи* ва чиний кошини ила зийнат берилгандур.

Меҳроби шарифни иртифоъи 8 қадар бўлуб, муқарнас* мунаффаткори* ўймалик аъло мармардан бино қилинган. Ва мундаги морпеч ва занжира ва ўймакорлик ва олтун мунбат хат ва торларни латофати кўрулгон сайин тўюлмайдур.

Меҳробнинг ўнг тарафидаги кунжда* саккиз газ юқорида бир сандуқча ичидан «Мўйи муборак» бор эканким, булғорлар тарафидан тушурулубдур.

Масжиднинг ҳар тарафida девори ашкоф ва темур сандуқлар ичидан эски китоб ва Куръони каримлар эски осори исломия бор эканким, булғорлар сундуруб, ўлжа қилибдур-

¹ Шифт.

лар. Алардан Султон Муродхоннинг тишло ила Куръони ка-
рим ёзилган кўйлагини Туркия давлати бир неча минг сўмга
қайтадан ўлжа этган кишидан сотиб олгони маълумдур.

Жомеънинг ичида 1800 ҳандил, кирилатурган 9 дарво-
за темур баъзан ҳаллик ва баъзан мармар ўйма шабака^{*}лик
900 дан зиёда равшанлик панжараси бордур. Тўрт минораси
бўлуб, ҳар бири 3 шарафалик^{*} ва ҳар бир минора ичида 3
йўл ила ҳар бир шарафага алоҳида зиналар ила чиқилиб,
минораларнинг учи 80 газдур. Ийд ва рамазон оқшомлари
бу минораларға 1200 зайдун чироғлари ёқилур.

Муҳосара^{*} асносидағи булғор тўпларидан жомеънинг уст
тарафлари зарап кўруб эканки, энди тузатмоқдадурлар.
Шарқий тарафидан етти панжара ўқлардан синибдур. Яна
шарқ ва хориждаги сим устунлардан бирига тўп гулласи^{*}
тегиб, барчасини учурубдурким, ҳануз маълумдур. Жомеъ
майдонининг бир тарафида катта иморатлар бор эканким,
ал-он аскар озуқалари ила тўладур.

(Бақияси^{*} бор)

«Ойна» ж., 1914 йил.
40-сон, 957-962-бетлар

40-рақамдан мобаъд¹

Манзарасидан тўймасдан чору noctor Султон Салим жо-
меъни шарифидан чиқдук. Бу жомеъни шариф мусулмонлар
учун энг қадрлик ва азиз жомеълардандур. Чунки булғор-
лар Адрнани олганда бу жомеъни қўлга олиб ва эшиклари-
га аскар қўюб, аzonу намозға рухсат бермай, «Аё Суфия»
калисоси бадалига калисо қўлмоқчи эканлар. Бул арода Тур-
кияни босган булғор, серб, қаратоғ ва юнон ҳукуматлари
арасида ихтилоф воқеъ бўлди, шундайким, Адрнани ол-
моқға ялғуз булғорни кучи етмади. Анга ёрдам учун серб
аскаридан 20 минг қадар келди. Ва охири очликдан Адрна
сукут этди. Турк аскари очликдан дарахтлар пўстини ва ги-
ёҳлар томурини ебдурларким, қобуғи очилган ва тикка турган
юзлар ила² дарахтларни кўзум билан кўрдум. Аскарлар оч-
ликдан кўб ўлубдур. Кувватсизликдан бир тўп ўқини ўн
қадар аскар зўрга тўпға кўяр эмишлар: Бовужуд, шул ўлганча

¹ 40-соннинг давоми.

² Юзларча.

ишдан қолган ва ё қочган аскар бўлинмайдур. Шу ҳолда бўлса ҳам шаҳарни душманга топшурулгани учун аскар норозилик қилибдур. Сербия аскари келгандан сўнгра Адрна қаҳрамони Шукри пошо яна аввалгидан зиёдароқ қаттиглиқ ила Адрнани муҳофаза қилиб, ҳам душман ва ҳам очлик ила мубориза қилубдур. Дигар тарафдан Истанбулда Комил пошо «Буюк мажлис»ни жамлаб, Адрна ахволи ва Туркияning қувватсизлиги ва Оврупо давлатларининг: «Адрнани булғорларға берингиз», – деган таклифини музокара қилиб, охири сұлтан Адрнани булғорларға бермоқға қарор берилиб, ҳатто, коғазлар ёзиладур. Муни «Ёш турклар»нинг катталаридан ҳозирги Анвар пошо ва шаҳид бўлган Маҳмуд Шавкат пошо ва бошқалари эшишиб, ихтилол чиқариб, «Боби олий»ни босиб, ҳарбия вазири Нозим пошони ўлдуруб, Комил пошони банди этиб, Султонға маъқул қилиб, Маҳмуд Шавкат пошони садри аъзам қилдуриб ва Анварбек бош бўлуб, «Глибули» тарафидан Адрна устига аскар чиқорди. Чатолча атрофида урушлар ҳам бўлди. Охирни, лоиложона суратда очлик сабабидан Шукри пошонинг бу сиёсати душман аросида ихтилофга сабаб бўлди. Чунончи, Туркиядан олинган шаҳарлар устида Булғор, Серб ва Юнон орасида низоъ чиқди. Буларнинг орасида аввалдан ёзилган шартнома бор эди. Сербия у шартномадан зиёда ҳақни Булғордан талаб қилди.

Булғорлар деди: «Шартнома юзасидан тақсим қиласмиз». Анга серб дедики: «Адрнага аскар юбормоқим шартномада йўқ эди. Санинг илтимосинг бўйинча ман Адрнага аскар юбордим ва ҳам Адрнани маним аскарим таслим олди. Бинобарин, Кўсўва ва Маностири тарафидан манга кўпроқ жой бермоқинг лозимдур». Булғорлар мунга кўнмади ва охирда серб ила юнон бир бўлиб, булғорларни урдилар. Бул аснода Анварбек тўрт кунлик йўлни бир кунда юриб келиб, Адрнани босиб, булғорлардан қайтиб олди. Булғорлар муни билиб, Адрнанинг обод еру хонау аскархонау анборларға ўт кўюб эканларким, бу ўтларни ҳам вақтида турк аскарлари этиб, сўндуруб, булғорлардан бениҳоят озуқа, асбоб, милитик ва кўп агад тўпларни ўлжа ғолибдурлар. Ва Султон Салим жомеъи шарифини калисо бўлмоқдан қутқардилар. Агар-

да Комыл пошо қарорномаси бўйинча Адрнани булгорларга сулҳан берсайдилар, балки муттафиқлар ўртасида уруш пайдо бўлмас ва Адрна шахри абадан кетган бўлур эди...

Хулоса, Адрнанинг қайтиб олингонлигининг шарафи ёш туркларга ва Анвар пошоға насиб бўлди.

Энди саёҳатимизга давом этайлук.

Адрна хорижда Сарой ичи аталган ва Тунча нахрининг икки тарафида ёйилган энг ҳавондор* ва ниҳоят катта дарахтзор беша бордурки, қадима сultonлардан қолган боргоҳларни(нг) харобалари мундадир. Бу бешанинг бир тарафи Адрна, дигари баландгина тоғлик ва бир тарафи ниҳоятсиз аскархона ва аскарий анборлар ва энг катта машқтоҳ, лашкаргоҳ ва майдонлардур. Мунинг аросидан Тунча нахри ўтадурки, биз келганда аскарлар Тунча устида уруш вақтида ва ҳужум замонида ажала кўфрук солиб ўтмоқ машқини қилиб туруб эдилар.

Дигар тарафда пиёда ва отлик аскарлар машқи ва дигар бир тарафда янги ясалган кичкина оташ аробалар ила аскархоналар аросида уруш асбобларини ташир эдилар. Мунда ададсиз харобазор, ёқилган иморат, анбору аскархоналар кўбдур. Азбаски, бу ерни икки дафъя бўмбалар ила барҳаво этдилар. Бири усмониллар тарафидан барҳаво қилиндики, мундаги асбобу аслаҳалар булфорга қолмасун, дигари ҳам шул матлаб учун булфорлар тарафидан ёндурилди. Бовужуд шу тошдан бўлган деворлариға таъсир қилмаган. Ниҳоят катта аскарий қишлоғ бутун турган истеҳком ва қалъалар кўпдур ва яна таъмир бўлуб турубдур. Мундаги майдон ва бешаларда юзлар ила катта чинор ва бошқа дараҳтлар кўрулурки, қобуқлари очилиб, оч аскарлар тарафидан ошалибдур. Ерларни қозиб, томирлар қобугини еbdурлар. Ана, 20-асрнинг маданияти ва миллиатчилиги.

Бу бўлмаса ва мундок фидокорлик қилинмаса, миллият ва динлар маҳв бўлуб кетар...

Бу катта саҳронинг ҳар тарафи кўз олгунча аскарлар чодиргоҳидур. Ер-ер аскар, тўп, милтиқ ва озуқа ҳамда тоғлардек пигчан анборлари. Турклар-да энди кўзини очди. Кафанини бўйнига солиб, ўлумини кўзға олиб, маҳкам ерлашмоқдадур. Ҳақиқатан, Адрна Истанбулни(нг), бошқа тил илиа Туркия давлати(нинг) дарвоза ва устунидур. Бу жонхарош* ва қон асли қиёмат намуналиқ манзаралардан ўтуб, тўплар ила хароб бўлган бир-икки маҳалладан ўтуб, Сул-

тон Боязид жомеъни шарафига кирдук. Катта бир майдон ва боғчалар, ундан сўнг атрофи мармар равоқлар ила иҳота қилинган. Ўртаси фаввора – шодурвонлик*, ери мармар бир ҳовли ва онинг қибла тарафинда ниҳоят катта бир жомеъни бевосита орқасинда Тунча нахри оқиюр. Ва устинда узун бир тош кўфрук бино қилиб, бу маҳаллаларни асл Адрна шаҳрига рабт* қилингандур. Жомеъ майдонининг бир тарафида 200 газ узунликда, 30 газ баландликда мармар бир иморат борки, бир неча қитъаларга бўлунуб, жомеъ ва мадраса ва шифохонаси учун вақтинда ошхона эмиш. Муҳорабадан бери ош йўқ. Майдонни бошқа тарафинда узунлиги 300 газ, эни 60 газдан зиёда ерларни босган кўп мармар иморатлар борки, мадраса ва шифохонадан иборатдур.

(Бақияси бор)

«Ойна» ж., 1914 йил,
41-сон, 981–984-бетлар

41-рақамдан мобаъд

Мадраса бутун хароб ва ичинда бир неча жонлик жамоддан* бошқа нимарса йўқ. Ва Бухоронинг Баҳоуддин живориндаги Амир Дониёл мадрасасидек харобдур. (Амир Дониёл мадрасасинда жазом – моховлар турар.) На таҳо Бухоро ва Адрна, олами исломнинг аксари мадрасалари шундай хароб ва ҳашаротхонадур.

Султон Боязид шифохонаси ал-он мажнунхонадур. Ичиға кирдук. Катта бир иморатда аёл девоналар ва бошқа иморатда эркак мажнунлар турар. Бир тарафида табиб ва ходимлар ва дигар тарафинда кўп ҳужралар борки, энг кўркунч девоналарни бирин-бирин ҳибс қилинубдур. Девоналарни ҳар бири бизларга бир навъ ҳаракат этар, баъзиси кулар, яхши сўйлар. Баъзиси сўкар, наъра ураг, дигари йифлар, мадад истар. Хулоса, ажойиб бир манзара ичиндамиз.

Султон Боязид жомеъининг музайян ва зумуррад рангидаги мармардан меҳроб ва минбари ва у тошларга ўолган мунбат ва нақшлар ва муқарнас меҳроблар инсонни ўзига жазб этар. Масжидинда ва атрофинда ҳар нимарса бор, ялғуз одам йўқ. Масжид атрофи мурдор ва ҳар тараф ифлосликдадур.

Жомеъ ва мадраса ва ошхона иморатлариға Булғор ўқлари тегиб, енгил зарарлар этибдур..

Адрнанинг ҳар тарафи харобазор ва ҳатто, шаҳарнинг ўрта ерлариға вайроналар бордурки, бунларнинг аксарига муҳораба сабабдур. Муҳорабадан муқаддам мунда юз мингдан зиёда халқ бор экан. Энди 20 минг киши қолибдур. Булғорлар ёндургон баъзи қишлоқлар бутун бўш эмиш. Ясмана қишлоқи беш юз хоналик экан. Энди 5–6 хона қолибдур. Хулоса, Адрна ниҳоятда хароб бўлубдур. Сув, ер, тупроқ маъмур, лекин одам оз, 13 мортдан 10 июлғача бу шаҳар булғорлар қўлинда қолиб, мусулмонлари кўп азият чекибдур. Куввати етгони ҳар нимарсасини ташлаб қочибдур. Энди навбати ҳижрат булғорларға етиб, мусулмонлар бутун Адрна вилоят – облўстидан булғорларни қувидурларки, бу ҳун вилоятда бир уйлик булғор қолмабдур. Яъни Булғория тасарруфинда қолган мусулмонлар Туркияга, Туркиядаги булғорлар Булғорияга ўтибдурлар. Насороу яхудийлар тарафидан ёлғуз Адрна шаҳрида 166 майхона очилиб экан. Адрна волийси Ҳожи Одил афанди мунинг аксарини ёпдурмиш ва ҳаммасини ёпмоқчи экан, қўнсуллар мудохала қилибдур. Туркларни бир дорулмуаллиминлари бўлуб, ал-он 105 талабаси борки, ҳаммаси лайлидур*. 200 талаба учун ер бўлуб, мактаб уч табақадур. Ошхона, таомхона, ҳаммом, машқ ва ижтимоъхоналари* бошқадур. Атрофида чорбоги-да бор.

Мактабга 12 муаллим ва бир ҳикматхона-да бордур. Булғорларни олган бир олчинлик тўп ўқлардан бир нечасини мунда қўюбдурлар.

Мундан бошқа мактаби сultonий, саноель, дорулайтом (урушда етим қолганлар) ва рушдий* ҳамда 17 боб мунтазам ибтидоий мусулмон мактаблари бордур.

Яхудий мактаблари бошқа бўлуб, Адрнада икки минг уйлик яхудийнинг 2100 талабалик мактаблари бўлуб, барча мусулмон шогирдларини адади 2100 га етмас экан. Мундан бошқа рум ва насороларнинг бир неча мактаблари бўлуб, яна икки олмон, икки франсуз, бир итолён, бир инглис мунтазам мактаби ва бир франсуз ҳастахонаси бор экан.

Адрнада савдо ва тижорат бутун яхудий ва насоролар қўлинда бўлуб, ялғуз ҳукумат ва ўлмоқ мусулмонларғадур. Катта раста ва чорсуларни кездим, 50–60 дўконда зўрга бир мусулмон лавҳаси (вивеска) кўрулуб, аксари «Юҳана», «Шолом», «Никӯла», «Ўрхайдмиюс» ва амсоли яхудий, рум ва насоро исмларидур.

Елдирим Боязид Султоннинг жомеъи шарифи бутун хароб бўлуб, ичи мазбалагоҳдур*. (Ана, мусулмонлик.)

Ва зариф ва якпора нуқрадек тахта, санг ва мармар стун ва муқарнас бошлиқ порулар* остиндадур.

Адрнада Михолбек жомеъи. Уч шарафли жомеъ ва бошқа бир хейле музайян жомеъларни атрофи бутун ҳарб харобаси, илмисизлик ва идорасизлик харобалари ила ишота этилгандур. Маориф боғчаси, Ришодия боғчаси исминда кичик ва зийнатлик боғчалари бўлуб, ичинда яхудийлар тарафидан синаматўграфлар очилиб, кундуз хотунларга, оқшом эрларга кўрсатилур. Бечора мусулмонлар бу касбни ҳаром деб қўймай, аммо бор гуноҳ пулларини элтиб берарлар. Ана аҳмақлик.

Адрнада ҳар навъ мева ва галладан етишиб, суйи кўпдур. Мерич ва Тунча нахрлари шаҳар ичидан ўтуб, мусулмонлар устинда бир неча кўфруклар бино этибдурлар ва бивоситай Адрна бу икки нахр бир-бирига қоришур.

Ал-он темур йўл маҳаттасига Адрнани 4 чақирим масофатида овруповорий янги бир шаҳар бино қилинибдур. Ва асл шаҳарга тош ва соядор бир йўл ила марбутдур.

Адрнада бир кун туриб, тамоман ароба ила юруб, оқшом маҳаттага келдук. Ярим оқшом оташ аробага ўлтуруб, эрта бирлан Чатолчадан ўтдукки, ҳар тараф ўр, истеҳком ва аскар чодиргоҳидур.

Йўлда арози пасту баланд, аммо ўтлик ва зироатдор ерлардур. Таран¹да доимо яроқлик пўлис ва жандармалар бўлуб, Тарандаги одамлар исмини ва паспуртини ёзиб турадурлар. Демакки, туркларни кўзи очилди. Аммо баъд хароб ал-Басра. Кундуз соат 10. Истанбулга тушдук. Вагондан тушганда бири Оврупо, дигари ерли либосинда икки шақий² анқариб*, кийимни уруб эдилар. Аммо лутфи ҳақ ила огоҳ бўлдум...

«Ойна» ж., 1914 йил,
42-сон, 1001–1004-бетлар

Исмоилбек Ҳазратлари ила сұҳбат²

...20 июнь, аср вақти эди. Марғilonлик бир мударрис жаноблари ила Истанбулнинг Гулхона паркининг соядор

¹ Аҳоли пункти.

² Журналда шу сарлавҳа билан берилган. Муаллифнинг мазкур саёҳати хотиралари билан боғлиқлиги учун киритилди.

йўлагинда юрар эдук. Олдимизда тоторча барра қаракўли телпаклик бир тотор ила фаслик бир турк оҳисталик ила кетарлар эди. Биз тез юруб ўтдук. Иккиси-да ошинодек кўрунди. Бир кўлумни кўксимга кўюб салом ишорати бериб ўтдим. Кўнглумга келдики, бу тотор Исмоилбекга ўхшайдур. Балки онга ўхаш бир кишидур. Фаслик турк бўлса муҳаррир Ҳамдуллоҳ Субҳибек жаноблари эди. Ҳануз ўн қадам кетмаб эдук, «Ай, хожа», деб орқамдан ошино бир садо эшиттим. Қалбим уруб, ман бу зотни Исмоилбек ҳазратлари эканлигига шубҳам қолмай, қайтиб мусофаҳа этдук.

Ҳамдуллоҳ Субҳибек ҳувийятимизни* баён қилиб экан. Мулоқот асносинда дердилар: «На ичун бу қадар кўчаланмоқ?» (яъни на учун мунча тез мўйсафид бўлмоқ?) Ман ҳам билоихтиёр*: «Афандим на учун бу қадар ориқланмоқ?»

Устод ҳазратлари буюрдилар: «На чора, ҳиссамиз бўйла...»

Эртага Шом ва Мисрға азимат этишими арз этдим. Ундей бўлса сұхбат этайлук, дедилар. Ташаккур айтдим. Ҳамдуллоҳ Субҳибек афандина жавоб бердилар. Ман ҳам мударрис афандидан айрилдим.

Паркдан чиқиб, арбаға миниб, устод ҳазратларининг манзили шоҳин пошо ўтелига келдук. Таом буюрдилар. Аммо иштаҳалари йўқ. Садолари хаста ва ҳар 3–4 дақиқада ҳафиғина* йўталиб, балғам ташлайдурлар. Ҳужрада манга Ру西亚дан, Туркистондан, умум олами исломдан, дунёдан сўйлайдурлар. Мусулмонларни кундан-кун тараққий этишини сўйлаб хурсанд бўлурлар. Яна дерларки, Маҳмудхўжа, энди сиз сўйланг, боқолим.

Самарқанд, Бухоро, Тошканд, Хива, Фарғона, хулоса, ҳар биридан сўйлайман.

— Оллоҳга шукур. Ҳукумат мактабларинда Туркистонли қардошлар бола бермоқға бошламишлар. Бугун 2 жаридада бир мажаллангиз вор, мактабларингиз-да бир оз тараққида. Албаттга мустаиди¹ тараққий ҳукумат мактабларинда зиёдароқ бола берингиз. Рус маданиятидан қочмангиз... Оҳ, билмийм, шу Бухоро на ўлур,— дерлар.

Ман дерман: «Афандим, Бухорони ҳукуматимиз, яъни Россия тарбият этмагунча Бухородан бир шайъи умид этиб бўлмас».

Чунончи... устод дерлар:

¹ Элтувчи; ёрдам берувчи.

— Эвет*, охири шўйла ўлмоғи лозим келур.

Яна сўз бошқа тарафга кетар. Ман бир неча дафъя тала-
би руҳсат этдим: «Балки зотингиз истироҳат этарсиз?»

Устод ҳазратлари дер: «Хожа афанди, сиз бурада бўлин-
сангиз, баним роҳатим зиёда бўлур. Агарда кетсангиз, мак-
туб ёзмоқға тутинарман».

Устод ҳазратлари феврал ойинда Петрўградға бориб мусулмон фраксиясини Мұхаммад Фотиҳ афанди ва бошқалар ила эм этиб келганда; иттифоқан совуқ олиб, андан бери ноҳуш бўлиб эканларки, Петрўграддаги мажлис машваратға хасталикдан боролмаганлари учун ниҳоятда таассуф этарлар эди. Агарда Истанбул ҳавоси ёқса, бир неча муддат турмоқчи эдилар. Олдимиздаги қишини, Оллоҳ қўйса, Миср ал-Қоҳираға ўтказиб, анда ҳам баъзи ишлар ишламоқчи эдилар. Қайтишида мани Богчасаройда даъват ва Кримни афтобомил ила бирга юруб мангра кўрсатмоқни ваъда этдилар. Мен ҳам қайтишида Богчасаройга кирмоқни ваъда бердим, аммо бу манхус* муҳораба монеъ бўлди. Муҳтарам устод ориқлаган, йўғал ва балғам ҳар замон машғул қилас. Ҳар замон руҳсат хоҳлайман, жавоб бермайдурлар. Изн сўраб, каравот-қорбўлаға чўзу-
луб, соатлар илан сўзлайдурлар. Бир замон қарасак, яrim оқшомдан бир соат ўтубдур. Яъни том 7 соат суҳбат этибмиз. Зўрга жавоб бериб зина бошиғача узатиб, қайтишга Богчасаройға киришимга қайта-қайта сўз олдилар.

7 сана мұқаддам устод ҳазратлари Самарқандға келиб, муаллим Шакурий ва бизга меҳмон бўлуб эдилар. У замон-гидан кўра энди кўп ориғлаб эканлар. Устод ҳазратларини Истанбулда кўрмоқ ва суҳбат этмоқ ҳеч хаёлимға ўтмаган эди. Оллоҳнинг лутфи ила устод ҳазратларининг танҳои 7 соат суҳбатларидан у қадар файз топиб мамнун қолдимки, айтган ила адо этолмайман ва ул суҳбатнинг лаззати асло мандан кетмайдур. Кошки эртаси Шомға кетмай устод ҳазратлари ила зиёдароқ суҳбат этса эдим. Оҳ! Ул устоди комилни энди қўлдан бердук ва олами руҳонийға учди. Балки уйкуларда, хулёларда* ул зоти сотуда* сифатнинг руҳи ила суҳбат этармиз.

Он айш гузашта, ки дигар бор нагардад...¹

«Ойна» ж., 1914 йил,
49-сон, 1162–1164-бетлар.

¹ Таржимаси: у ишрат ўтди, бошқа қайтиб келмайди.

Истанбул. Бўсфўр бўғози¹

...Қора дengиз ила Мармара dengизи бир-бирига Истанбул бўғози ила етишур. Қора дengиз соҳиллариндаги давлатлар: Русия, Туркия, Рўмония, Булғория бўлуб, Қора дengиз соҳилларини аксари аввалдан Русия, сўнгра Туркия тасарру芬да бўлуб, озгинаси Рўмония ва бир парчаси Булғория ерларидан иборатдур. Юз сана муқаддам Қора дengиз соҳил бўйларини(нг) аксари, балки ҳаммаси турклар тасарру芬да эдикни, бепарволикдан ва замонча ҳозирланмаганиликдан аксарини кўлдан бердишар. Қора дengиз ила Мармара dengизларини бир-бирига улаштургувчи бўғозни Қора дengиз тарафиндаги оғзини Истанбул – Бўсфўр бўғози аталиб, киринтили ва чикқинтили бир суратда Истанбул шаҳригача шимолий гарбидан жанубий шарқига мойил бўлуб, узаядур.

Истанбул бўғозининг шарқий соҳили Осиё, гарбий лаби Оврупо қитъаси бўлуб, бул бўғоз икки дengиз ила икки қитъанинг бир-биридан айириб ва етишдургувчицур. Бўғознинг Қора дengиздан Истанбулғача узунлиги 30 километру бўлуб, икки соҳил орасиндаги энг тор маҳали 550 метр ва энг кенг ери уч километрудур (1 метру – 22,5 вершўк).

Бўғознинг энг чуқур маҳали 52 метру даринликда бўлуб, энг саёз ери 27 метрудур. Қора дengизга бир неча ширин ва катта нахрлар қуялгони сабабидан Қора дengиз суйи фақат танжир ила озаймасдан ортуқча сувлари бу бўғоз воситаси ила доимий суратда Мармарага ва андан Оқ дengизга оқгани учун Бўғозичи доимо оқинтилик ва баъзан фўрганаликдур.

Қора дengиздан Бўғозга ўтатургон сувини ҳар сонияга 30 минг макъаб* метр тахмин қилинур. Ва шул оқинти ва фўрганалар талоф* пароҳўларини хужумларига баъзан монеъ бўлмоқдадур. Бўғознинг икки тарафи тоғлик ва тепалик оризали ерлар бўлуб, бу ерларни усти ҳар навъ мевалик ва бемёва дараҳт ва сабза ва зироатлар, боғ ва боғча, кўшк ва қаср ва дилнишин манзил ва иморатлардан иборат бўлуб, манзара ва кўрунуши ниҳоятда дилфириб ва ажойиботи оламдан бўлуб, бутун сайёҳларни «валлоҳ» этар. Истанбул бўғозининг Осиё ва турклар истилоҳатинча Анатёли соҳилиндаги шаҳар, қасаба ва кўйларини исми шудур: Ус-

¹ Ўз номи саклаб қолинди. Ўрнига кўра Истанбул даврита олинди: Муаллифнинг ўзи: «Истанбул хотироти сўнгра ёзилур» («Ойна» ж., 1914 йил, 43-сон, 1030-бет), – деган эди.

кудор, Қодикүй, Қызылтупрок, Аринкүй, Чомлича, Бўлгурли ва бошқа бир неча қасабалар бўлуб, Бўғозни тор ерлариндагилари ушбуудур: Қузғунчиқ, Бекларбеги, Чангалкүй, Воникүй, Қандилили, Анатўли ҳисори, Қоғлича, Чубуқли, Аңжиркүй, Беккўз, Анатўли қавоги ва ўзга кўй ва қишлоқдан иборат ва бунлар бир-бирига муттасил бўлуб, Қора денгиз оғзидан Истанбул рўбарўсидаги Ускудор шаҳаригача узаядурлар.

Истанбул бўғозининг Оврупо тарафиндаги машхур кўй ва қасаблари ушбуудир: Ўртакўй, Арновудкўй, Бабак, Рум эли ҳисори, Амиркон, Испания, Янгикўй, Таробия, Буюқдара, Сориер, Рум эли қавоги ва ўзгалари. Бу қасаба ва кўйларда энг олий бинолар ва яхши музайян боғчалар, тўртбеш табақалик бинолар бўлуб ва аксари ажнабий қўнсула-рининг ёзилик кўшклари шунда бўлуб, бу кўйлар-да Истанбулға муттасилдур. Бўғозининг икки тарафидаги кўй ва боғчаларга кибор ҳалқи бўлганидек, деҳқон ва боғчадор ҳалқи-да кўпдур. Истанбулдан бу кўйларда доимо ширкати хайрия ва бошқа ширкатларнинг парахўдлари гашт ва гузор этмоқда бўлуб, бу кўйлар Истанбулнинг маҳалла ва майсаларари ҳукминдадурлар. Бўғозининг Анатўли ёқасинда Султон Елдирим Боязидхон тарафидан бўғоз мудофааси учун Анатўли ҳисори тўпхона ва қалъаси ва Рум эли тарафинда Истанбул фотихи Султон Маҳмудхон соний тарафидан Рум эли ҳисори, қалъа ва тўпхонаси бино қилингандурки, бунлар эски усулда ва катта тошлардан хейли метин бинолар бўлуб, бу кунгача пойдор, аммо маътал* эди. Ва ҳозирги муҳораба замонинда яна бунлардан тўрклар фойдаланиб, тўп кўюбдурлар. Бу ҳисорлардан бошқа янги усулда ер остинда ҳам устинда маҳфий ва ошкора суратда бўғозни икки тарафинда, баъзан тепаларда ва баъзан чукурлар ичинда кўп агад қалъа, таъбия* ва тўпхоналар бино қилиниб, ҳар навъ тўплар кўюлгандур. Ошкора таъбияларнинг тўпи дengizdan кўруниб, ҳатто, баъзи тўпларнинг оғзи ва уни сувдан бир-икки аршин юқори ва сув устига бир аршин қадар чиқиб парахўд устинда ўтатургонларга даҳшат берар. Тўплардан бошқа бўғозни таҳт ал баҳр мино* ва қайиқ ва топлатқиҷлар ила муҳофаза этиладур. Мана шу бўғозни оғзига яқин бориб, Русия ҳарбий парахўдлари Истанбулни таҳдид этмоқдадурлар. Ва ушбу бўғоз Истанбулни шимолий дарвоза-

си бўлуб, жанубий дарвозаси бўлса Қалъаи Султония – Дарданел бўғозидур. Истанбул шаҳри шимолдан Русия баҳриясиға, жанубдан англис ва франсузларнинг юздан зиёда парахўд ҳам таҳт ал баҳр* ва фавқ ал баҳр*, учкуч, сузгучлари ҳужумига ҳадафдур. Бу ҳужумларни натижаси ва бўғозларнинг чидаши ёинки таслим бўлуши тўгрисинда дунё оқилларининг фикри ҳар наъв бўлуб, тирик киши мунинг натижасини яқинда кўур. Қалъаи Султония, яъни Дарданел бўғози ҳақинда келар адан «Ойна»да маълумот берилур...

«Ойна» ж., 1915 йил,
13-сон, 343–346-бетлар

42-рақамдан мобаъд

(Истанбул хотироти сўнгра ёзилур)

19 шаърон – 21 июн франсуз попури-ла зиёрати Куддуси шариф ва барои Шом учун Байрутга азимат этдим. Змавқеъ 9 сўм. Баъд аз зухр* соат 5 ҳаракат этди. 2 соат юармиз. Ҳануз Истанбул шаҳрига муттасил хоналар, кўйлар мавжуд. Яъни ўнгда Истанбул шаҳри ва сўлда Осиё қитъаси сузулунур. Бўғоз ичинда оқ чодирлик балиқчи қайиқлари хейле кўб бўлуб, дengiz қушларицек гашту гузор этмакдадурлар.

Оқшом дengиз юзи ойдинлик ила гўё кумуш қопланди. Ва поёнсиз кумуш мавжлари ичинда парахўдимиз сузулур. Маркаби баҳриямизға яхудий, турк, араб, туркистоний, насоро, хулоса, Байтул Муқаддасни(нг) ҳар диндан ҳожилари бордур.

Бир неча туркистоний биродарлар аёл ва болалари ила ҳажга бораарлар ва тўрт оила Фаргона халқидан ҳижрат этиб кетмоқдадур. Парахўдга бизни(нг) Туркистон аёлларини(нг) аҳволи ниҳоят қаттиқ ва асафликдур*. Бу ҳанжор* ила аёлларни судрамоқ ва аларни аёқлар остида ва парахўдни энг ямон жойларида сақламоқ, «дум»ларига ўралтуруб, парахўд нардбонидан йиқитмоқ... гуноҳдур. Ҳамда аларни боиси кулфат ва азийят ва касалликлари бўлур. Бу бечора аноларимизни бу ҳолат ила келтурулмаса, яхшидур. Фаранжи-чоршофлари бўлсун, бу «дум» – «куйруқ»лар нимага керак? Қирқилсун бу думлар, токи азият ва меҳнатлари озайсун.

Баъзи ҳожилариимизни киссалариға оқчалари бўлуб, сарф этмасликлари ва ялғондан, биз мискин, деб ҳаммол ила ва

бир-икки фуруш расм олатургон, карантин ва бандар* маъмурлари ила урушуб юргонлари боиси таъсифдур*. Баъзилари бир ой муқалдам Туркистонға пишурулган сассиф гўштилар еб, касал бўлурлар. Ҳаво иссиг, мaa фиҳи* қази ва от гўшти еярлар. Бир қисми нонни қаланфурға ботуруб устидан чой ичиб, охири қабзият ва касал бўлур. Кошгарий ҳожи афанди қариндошларимизни касал ва ифлослиги кўб кўрунур. Бу сўзларни айтиб, ислоҳ этмак керакдур.

Кун чиқар. Чаноққалъя бўғозидан чиқармиз. Паражуд туриди. Турк маъмурлари муойяна* ва таҳқиқ* этиб, жавоб бердилар. Тўпларни оғзи бизга мутаважжихдур. Бир неча ҳарбий паражуд ҳам бор. Тўпларнинг оғзи аждардек очуқ ва устинда тўпчилари-да бордур. Денгиз остинда мино, яъни жаҳаннам мошиналари-да бордур. Паражудимиз бандардан ўтуб, ҳанграб-ҳанграб йўлиға давом этди. Энди Оқ дengiz, яъни Баҳри абязи мутавасситдамиз*.

Чошт* бўлди, Ядалла жазирасига* етдук. Бу жазира Юнон ила Турк аросинда мутанозеъ фий-йадур*. Осиёйи Усмонидан бу жазира тор бўғоз ила ажралгандур.

22 июн, соат 6. Измир кўрунди. Кўрфази узундур. Измирдан бир қайиқ келиб, минасиз жойлардан паражудни Измирга яқин олиб борди. Бир неча ҳарбий паражудлар-да бордур. Шаҳарда электрикли трамвай ва шаҳарни юқори тарафиға чиқилтурғон осонсур – элеватёр! йўли бордур. Атрофи боғчалиқ ва обод бир шаҳардурки, Истанбулни Ускудор қисмига темур йўл ила марбутдур. Бу замон устимизда бир турк тайёраси учуб, муаллақ урмоқда ва ердагилар «Яшасун...» садоси-ла гурламоқдадур.

Паражудимиз ишини тамом қилса ҳам турпил-миналлардан кўркуб, оқшом юролмай қолди. Измирга етмасдан дengиз каноринда мустаҳкам ҳарбий қалъя-да бордур. Измирға 500 минг қадар халқ бордур атрофи илан.

Эртаси кун чиқтон сўнгра паражудимиз юрди. Бир оздан сўнгра Сақич жазирасига етдук. Бу-да Осиёйи Усмонига ниҳоят яқин ва баъзан ораси икки минг қадар бўлиб, Туркия ила Юнон орасинда мутанозеъ-ан фий-йадур.

Туркияning катта паражудлари келгандан сўнгра бу жазиралар устинда уруш бўлиши муқаррардур.

Попурда бир неча Мадинаи мунавваралиқ арабларда бор-

¹ Эскалатор демоқчи.

дур. Бириси ҳарами шарифни(нг) муаззини эмиш. Суруш дум, ул деди: «Ҳарами шарифи набавийда 150 мударрис, 200 дан фазла* имом ва хатиб бўлуб, аксарини ойига 216 гурушдан, сўфийлардан қирқини 120 гурушдан ва қолмаларини озроқ вазифалари бор экан. Ал-он ҳарами шарифи набавий электрик ила танвир* топилиб, боблар, миноралар ва дару деворни оқшомлари минглар ила чироғлар ва ҳам ҳадис ва калимоти шарифани чироғ нурлари ила ёзиб, танвир қилдуар эмишлар, яъни ҳарами шариф бир жаннатдурки, инсонни чиқғони ва кўз айиргони келмайдур.

Ё хайра ман дуфина фит-туроби аъзам,
Фатоба ман тайибаҳунно алқоъ ва-л-окам.
Нафси фидоъи лиқабриҳи анта сокиниҳи,
Фиҳи-л-фаофу ва фиҳи-л мажду ва-л-карам!

Бадавийлар ал-он темур йўл нафъини билиб, хурсанд эмишлар. Ҳатто, Макка йўлинидаги бадавийлар аросинда темур йўл устинда талош бор эмиш. Яъни ҳар бири бизни тарафдан ўтсун дер эмиш. Мадинаи мунаввараада араб шильдари бўлуб, аксари қассоблик ва дехқонлик ила машғул ва масжидлари йўқ эмиш. Мадинаи мунаввара шахри темур йўлдан сўнгра обод бўлуб, катта бўлмакда ва муҳожирлар ҳар тарафдан кўпаймоқда эмишлар. Мадинаи мунаввараада бино қилинатургон дорулфунунга араблар яхши кўз ила қарап эмишлар. Ва Туркия хукуматига муҳаббатлари яна зиёда бўлган эмиш. «Ан-назофату мин ал-иимон»² эди. Аммо бизларда эмдиллик ҳолда, назофат юзда бир кишиғадур. Паражуддагиларни аксари, балки ҳаммаси нос, попирус, чилим чекар. Ҳар тараф дуд, бадбўй ва ифлослик. Темур йўлда бу бадбўйлик яна зиёда бўлар. Денгиз иккигина қадам экан.

Яна пўстхўрда*, пиёз ва узум пўчоги ва бошқа нимарсалар ила биз ҳожиларни атрофимиз тўладир.

(Бақияси бор)

«Ойна» ж., 1914.йил,
43-сон, 1030–1034-бетлар.

¹ Маъноси: ушбу туфроқда дағн этилган, эй Сиз табаррук, фазилатли, улуғ инсон. Бу жой (Сиз туфайли) хушбўй (бинобарин), файзлидир. Сиз ётган қабрга жонни фидо этмоқ (ҳар нарсадан) афзалдир. (Чунки) бунда поклик, улуғлик, шараф бордир.

² Тозалик иймондандир.

23-саратон эртадан оқшома қадар Осиёйи усмоний ерларини чап тарафимизга олиб, бинафшарант сув сахросини поёнисиз мавжлари орасидан сузулармиз. Ҳар замон бир жазира ва баъзан балиқчи қайиқларига учармиз. Эрта бирлан тулув ила баробар икки қулочгача балиқларни бир-бири ила ўйнашгани ва бу хур ҳайвонларни ҳаракати шоён тамошадур.

Параҳўдимиз 24 июн Рўдус жазирасига турди. Бир италён дўхтури одамларни муайяна учун суруклаб* бирин-бирин олдидан ўткарди. Италён пўлиси нардбонға* турар ва ондан рухсатисиз бир киши жазираға оёқ босмас. Тураблис маҳорабаси вақтинда 12 жазирани Усмонлидан забт этиб эди, буларнинг биридур.

Италёйнинг икки ҳарбий фўлодлик парахўди жазирани қўриқлаб турубдур. Параҳўдга бир неча кафказлик черкас мусулмонлар ҳажи шарифға кетарлар. Русча ва чёркасчадан бошқа тил билмайдурлар.

Русча: «Сан насоромисан?»— деб сўрадим. У қадар оташин бўлдики, кўзлари ила мани ерди. Жавобига: «Черкас ҳамаси мусулмон, христиони йўқ, билмаюрмисан?»— деди. Сўнгра ман узр истадим!

25-саратон Кібрис жазирасини ўтдук. Бу туркларники эди. Энди инглиз тасарруфиндадур. Икки кундур ҳам иссиф, ҳамда туш вақти бир оз фўртана ўлур.

Икки қариш узуунликда пишакдек катта бир каламушни попур хизматчилари қувадурлар. Каламуш одамлар ва юклар устидан қочар, тутуб бўлмайдур. Қуватургон хизматчиларни агади кўпайди. Ани ҳар тарафдан иҳота этдилар. Қаҳрамон каламуш охири йўл топиб, ип нардбондан юқори чиқди. Хизматчилар-да орқасидан чиқди. Каламуш бошқа тарафдаги 20 газлик ип нардбондан тушиб, парахўд ичига қочиб кутулди. Матрослар-да лабини ялаб қолди.

Бу кун 5-кундур, парахўдгамиз. Ҳар ким зериккан. Оқшом соат 11, Байрут соҳилига етдук.

Байрутни ҳар тарафи чароғон, электрик нурлари назар жазб этар.

Параҳўдга ётдук. 26-июн эрта бирлан қайиқ ила чиқдук. Тураблис муҳорабаси вақтида италёйлар ботургон бир турк парахўди шаҳардан юз қадам денгиз ичинда ҳануз ётар.

... Бир соат тавқиғ әтдук. Оташ ароба ҳозирланди. Үлтүрүб Шоми шарифға жүнадик. Бир-икки кичик тунел ва тош күфруклар остидан ўтиб, икки тарафи бөгчалик ерлардан кечармиз. Ҳама ток, зайдун, анор, хурмо, аңжир, патак аңжир бөгчаларидур.

Экинжайларға ҳар уч газға бир тут ниҳоли ўтқурулуб-дир. Ҳар йил бир-икки дағы тутларни шохи ўрулуб, ипак курти ва ё ҳайвонотға берилүр экан. Барғи аларға туъма* ва чүби ўтун бўлур. Тутни фақат танаси қолиб, экинга соя солмас. Мундай тут ва ости экин майдонлари ниҳоятда кўпдур, бўш ер йўқ. Бөглар темур йўлға у қадар яқинки, меваларни оташ ароба устида узмоқ мумкиндур.

Иккинчи маҳаттадан Жабали Лубнон айалат* мұмтозасыға киравмизки, бу ер насоро араб бир бек тасарруғиға бўлуб, Туркия ҳукуматига тобеъдур. Халқи араб насородур. Бир оз мусулмон-да бор. Ҳамаси араб либосиндадур. Оташ ароба доимо баланд тоғларға эгри-буғри йўллардан чиқар. Темур йўлни ўртасинда яна соат чархидек дандоналиқ бир темур хати борки, вагонларни сахлайдур. Бутун Жабали Лубнон қишлоқ ва қасабалари хуш ҳаводур. Тоғларни тепа ва ямоч ва сойларинда ёйилған ва яхши ерларинда аъло сайфия* бօғ ва уч-тўрт табақалик тош оврупойи йоморатлар бино қилингандурки, Миср тарафиндан бойлар келиб, ёзни мунда ўткарарлар. Мева-да кўп.

З соат юруб, тоғ туннелларидан ўтуб, Жабали Лубнон худудидан чиқдук. Эмди Шом ерларигамиз. Очиқ бир водий. Ҳар тарафи бөгча ва экин ер, ҳар навъ мева ва чащма сувлари ниҳоятда кўп. Араб болалари мева сотарлар ва бизни Туркистондек меваси арzon, ери қизыл кесакдек қизилдур. Салқин ва соғ бир ҳаво ютармиз. Токларни аксари, балки ҳамаси лалми ва токларни бир-икки кулоч тана-зирнаги бўлуб, учидан шоха кўюлган, яъни токлар ерга ётган дарахтдекдур.

Бир-икки маҳатта бу кенг водийдан ўтуб, яна оқ ва қизил ранг тоғлар орасыға кирдук. Тарафайн* баланд тоғлар ўртасидан бир наҳр* оқар. Наҳрни икки тарафи муттасилан бөгчалар, кўй ва қишлоқлар, беш-үн маҳатта бу латиф манзаралардан ўтармиз. Музлик сув чашмалари. Араб болалари чашмалардан тўғри сув олиб мусоғирларға сунар. Биз-да баҳшиш берармиз.

Шомға икки маҳатта қолди. Шом сайфиялари ва кибор

халқи учун қилингган жавлонгоҳ ва қаҳвахоналар умумий ва табиий боғчалар орасидан кетармиз.

Хулоса: баланд тоғларни ямочиндан боғча ва ўртасиндаги шаффоғ нахрлар орасидан ўтуб, Шоми шариф шахрининг маҳаттасига етдук.

«Ойна» ж., 1914 йил,
44-сон, 1045–1048-бетлар

44-рақамдан мобаъд

Шоми шариф маҳаттасига индим. Бир неча туркистоний, бухорий, эроний ва араб даллол ва нўмириётел хизматчилиари атрофимни олдиilar. Ҳар бири юкларимга қўл узатмоқда ва юкларни олмоқ учун бир-бири ила сўкушмоқда ва ҳар бири тумшуқунгни остига суқулуб, ўз манзилига сени таклиф этиб, бошқасининг манзилини ёмонламоқдадур. Чарчаган кишини яна кулфат бериб, номулоим ҳаракатлари нерв-асабингта тўқинадур. Ўн қадар бу мусофиirlар сайёдини ҳар бири ила ғовға этиб, қўлларидан нимарсаларни тортиб олиб, ҳаммолига кўтартуруб, аробага қўюлди.

Яна орқангдан қолмайдурлар. Бириси дер: «Ман эроний ва санга ҳамشاҳардурман, сени ўз манзилимга олиб бормоқға ҳаққим бор».

Ман дедим: «Фақат кулоҳим эронийдур». Мaa фиҳи атрофингдан кетмайдурлар.

Дедим: «Сизлар бу мамлакатга келиб шу қадарми одамгарликдан чиқдингиз?..»

Сўз таъсир этмас. Бири ароба ичиға, дигари аробачи ёнига минди.

Ман дедим: «Ҳеч бирингни ўтелингта бормайман, модомики сизлар бу қадар адабсизлик қиласиз». Кулогига олмас.

Ароба жўнади. Аммо аробада икки нафар ҳожи сайёди. Аробачига дедим: Бу иккисининг ўтелифа кетма. Балки шаҳарнинг ўртасинда ва энг айло бир ўтелга ҳайди. Аробачи арабча: «Бил-раисва ала айн», – жавобини берар. Бир хейли ҳайдади. Бирисининг ўтели олдидан ўтдук. Аробани сахлаттурди*. Нимарсаларни ўз ихтиёри ила тушурмоқчи. Лоилож қўлум ила, шамсия ила ўтелчининг туркистоний хизматкорини урдим, азбаски ҳайвонча этиб сўкмоқ ҳам кор этмайдур. Бошимга салла, эйнимда жома йўқлиги анинг шарридан* кутугтириди. Агарда ҳожи либоси ила бўлсанг, бу нобакор даллолларни бандаси бўлдинг-кетдинг.

Бир оз нари кетиб аробачи ёнига ўлтурган арабнинг ўтелига индум.

Дорус-сурур ўтели З табақалик, бօғча ва фаввора ва ҳар нав гулистонлик таомхона ва чойхоналик, усти шиша ва ости мармар фаршилик аъло бир ўтел. Чиқиб кўрдум. Мани хоҳлайдургон ҳужра йўқ. Ўтелдан чиқиб қарасам, аробадаги юқ устинда ушбу ўтел хизматчиси ила бошқа бириси урушубдур. Пўлис ҳозир бўлуб, мудохала қўимоқда.

Пўлисдан сўрадим, мусулмон мулки ва мусулмон ижорасиндаги З табақалик ости мармар, усти шиша аъло бир ўтел кўрсатди. Ангилтара ўтели мусафро, карават ва асбобликдур.

2-табақадан бир ҳужрани етти фуруш, яъни 6 тийинға олиб кирдим. Ўтел ҳодимлари ва ҳамشاҳар далолларни маҳаттада ҳожиларга бературғон азиятлари таҳаммуддан зиёдадур.

Шоми шариф ўтеллари аъло ва арzonдур. Таом ва мева-да арzon. Ўтелларга фаввора ва деворлар орасиндан ҳожатхона ва ошхоналарда мил ила келтурулган жорий сувлар доимо бордур. Ҳар ўтелда мажоний совуқ ҳаммомлар ва аъло таомлик ошхоналар ва ҳар ҳужрага сув ва мажжоний собун ва сутдек ётоқ пардалар ва дастмоллар ва карават устинда оқ турун (пашашахона), электрик чироғлар, хулоса, асбоби истироҳат мукаммалдур. Миср, Истанбул, Шом ва Байрут нўмералари арzon ва энг аъло ва мукаммал ва ялғуз кишига бир уйи бир ярим сўмдан 50 тийинғачадур. Баъзи уйға 3–4 карават борки, 20 тийиндан 50 тийинғача ҳар каравати ижараға берилур.

Ҳожилар учун дуруст манзилға кирмоқ муҳим масала-дур. Далоллар сўзига кириб, кир ва таҳтаканалик жойларга бормоқ дуруст йўқ. Аммо бу қадари борки бизни баъзи ҳожилар давлатлик бўлсалар ҳам таблик, ифлос, мажжоний такя ва ёинки ниҳоят арzon, мурдор ерларни таржиҳ* этарлар. Бизни ҳожилар йўлда аксариятан у қадар кир бўладурларки, дуруст ўтелларга боргандга ҳам қўймайдурлар.

Шоми шарифда мажжоний такя ҳам бордур. Одам бошига 15 тийин оладургон жойлар-да бор. Далолларни ҳожи овламоги бутун аскала* ҳам вагзолларда жорийдурки, бу овчилярни(нг) аксари, балки ҳаммаси ўзимизни бухорий, туркистоний сарсари ҳамشاҳарларимиздур. Табиий, ичларинда тўғриси-да бор, аммо аксари каззоб ва алдовчиидур. Ҳожиларни шайтанат этиб* баъзан Истанбул ва ё Шомдан Макка ва ё Миср учун тижорат моли олиб берарлар. Ватанға

савғо олиб борарсиз, деб ҳожиларни оғур қылғиб мол олиб берарлар. Ҳожиларға лозимки, қайтишға кераклык нимарсаларини олсалар ва ҳожиларни доимо күштегі енгіл бўлишлари лозим. Ҳар ердан нон ва таом топилур. Тўрбаларга қоқ нон ва талқон кўтармоқ кулфатдур.

Бир-да пул масаласи бор. Ҳар бир ҳожига лозимки, мамлакатидан ёниға юз сўм сақлаб, бошқасини бонкага бериб, Одис, Севастопўл, Ботум, Истанбул, Байрут, Шом (Дамашқ), Куддус (Иерусалим), Қоҳира, Искандария, Пўрт Саид, Жиҳда шаҳрларидан истаганимча оларман, деб бонкадан аккердитив исминдаги ҳаволанома коғаз олсун, бу тақдирға бонка ҳар бир минг сўмға 3 сўм қадар масриф* олур. Ва ҳам берилгон пулға бонка фойда берар. Олган кунигача пулни бонкага беришга паспуртдаги исмини айнан бехато ёздуromoқ керак. Қўли бор одамни қўлининг намунасини тейишли бонкларға аввалан юборилур. Пул эгаси, масалан, Истанбулдан бориб олмоқчи бўлса, яна қўл қўйдуруб, аввалги қўл ила солиштуриб кўрадурлар. Агарда қўли бошқа чиқса, пул берилмайдур, балки тафтишға берилур. Ва ҳамда пул эгасининг қўлиға бир дафтар ва бир тахта бланка коғаз берилур. Бу коғазлар ила бошқа одам борса, оқча ололмайдур. Агарда пул эгаси ўлса, оқча ҳамроҳларга ва ё даллол ва байтул мол*ға қолмасдан варасага* тегадур. Ва ҳам ўғридан хотиржам бўлуб, ҳожи тинч бўладур. Аммо зинҳор бирорни коғази ила бошқа киши бонкадан пул олмоқчи бўлмасунки, тергов ва ҳибсға тушуб, ҳаждан ва йўлдан қолиб жазо чекар. Туркия ва ёинки хорижия бонклари ё коғаз оқча ва ёинки оқча бозорининг нархи юзасидан ҳожи талаби бўюнча Тўркия олтуни ва ёинки франсуз, англис ва ёинки Миср олтуни ва ё коғаз оқчасини берарларки, ҳар ерда ўтар. Аларни синдургонда бонкаларга синдурумоқ керак. Чунки саррофлар* сарфини кўб олур. Ва ҳам тезобға* солинган ноқис* олтунларни берарки, кам юрар.

Шоми шарифда келган ҳожи афандилар «Куддус» ўтеглиға тушсалар, мамнун бўлурлар. Махаттага ва шаҳарға яқин, пиёда бормоқ-да мумкинлур.

(Бақияси бор)

«Ойна» ж., 1914 иш,
45-сон, 1077-1081-бетлар

45-рақамдан мабаъд

Шом шаҳрининг асл оти Дамашқдур. Шом исмининг асли «Шоъмун» бўлиб, арабий сўл, яъни чап маъносини ифода этгувчи ва Яман қитъаси муқобилинда, яъни Ҳижози мағфират тарозға* нисбатан чап тарафда воқеъ бўлган мамлакатга араблар тарафидан берилган бир исмдур. Бутун мамлакатни «Барон Шом – Сурия» ҳам аталиб, Нафси шаҳрини ўзини «Дамашқи Шом» аталадур. Ушбу шаҳр Қосюн ва Жабалушшайх тоғларининг этагидаги ҳаводор бир водий – сойга ва яшил боғчалар аросинда воқеъдур. Қосюндан инатургон Барди нахрининг барроқ ва латиф-ул-ҳамимлик* муз суйи бир неча ариғлар ила шаҳар ва атрофини сувладур. Ушбу сувдан Шомни аксар ҳавли ва уйларига фаввора ва таҳвили маъ* ила ҳатто, ошхоналаргача жорий сув келтургондур. Шаҳарнинг бир қисми Имора ва бир қисми Салоҳия аталур. Шаҳарда уч-тўрт табақағача иморатлар бўлуб, ахийран йўл ва ободликиға ҳукумат ҳаракат этубдур. Шаҳар Сурия вилоятининг марказ ҳукумати бўлуб, Туркияning Осиёи Усмонияға биринчи шаҳридур. 200 минг қадар халқи бўлуб, 170 минг муслим ва бақиаси рум, катўлик, прутистант, сурёний ва олти минг қадар яхудий бўлуб, бу халқнинг барчаси хоҳ мусулмон ва гайри мусулмони арабий сўйлайдурлар. Шаҳарга 300 қадар жомеъ ва кўб эски мактаб ва бир неча эски мадрасалар бордур. Янги мактаблар бўлса, шундан иборатдур: ҳукуматнинг Мулки эъдодий*, Мулки аскарий*, Мулкияти рушдий*, Аскарияти рушдий, Султони туркий, Султони арабий ва яна бир неча ибтидоия мактаблари бордур. Ҳукуматнинг яна бир «Мактаби санойеъ»* и ва иккι катта кутубхонаси бордур. Нафс шаҳрида бир неча матбаа ва 2–3 жарида чиқар. Халқ ва жамият тарафидан идора қиласатургон арабий Ислом низоми мактаблари ушбуудур: Ватан эъдодийяси, Мадраса ат-тараққии рушдийя, Иттиҳоди* рушдийя, Савқ ут-Тийн рушдийя, Мадраса аш-шарқия рушдийя, Таълим ул-ватания рушдийя ва яна булар учун бир неча ибтидоия мактаблар, шаҳарда мусулмон араблардин ажザҳона – аптик бор. Ва ҳар ерда мусулмон дўқтурларнинг лавҳалари кўрунур. Мусулмонлар қўлинда муз фабрикаси, тамбоку* ва попирус, нажжори ва садафкори йиғоч ишлари фабрикаси, ипак фабрикаси, ҳарир боқи фабрикаси ҳамда шиша фабрикаси бордур. Жомеъла-

рининг биринчиси ва балки Макка, Мадина ва Куддус ҳарамларидан сўнг шарафлик ва музайян жомеъи — «Уммавийя жомеъи шарифи»дур.

Шаҳарға кирган кунни(нг) эртаси зиёратига мушарраф бўлдим. Бу жомеънинг асл еринда эски бир маъбад ёинки бутхона бор эканки, сўнглари калисога табдил ва хароб бўлуб экан.

Хулафои Уммавийадан Валид бин Абдумалик бин Марвон тарафидан санаи ҳижрияният авваланчи юзинда ушбу назирсиз жомеъи шариф бино қилинган ва дунёнинг биринчи музайян ва санъатлик жомеъидурки, муҳтасар ва сатҳий суратда муҳтарам хонандалар учун кайфиятидан ёзармиз.

Аввалан ҳар тўрт тарафи баланд току равоқлар айлантургон ва мармар сайқал берилган тошлардан бино қилинган катта бир мураббаъ ва мустатил* ҳарамга кирилур. Ҳарамни(нг) ичи тамоман сайқал берилган мармарлар ила фарш бўлуб, сафоси ва тозалиги муболагасиз, сут тўкулса, яламоғи мумкин даражададур.

Ҳарамни(нг) барча тарафи бозор ва раста бўлуб, ҳар тарафидан бир неча дарвозалари борки, ҳарамга киратургон хоҳ аёл ва эр бўлсун кафш ва этикларини суғуруб киарлар. Ва ҳар тарафинда доимо баввоб* ва худдомлари* бордур.

Ман калушни чиқориб этик ила ҳарамға кирдимки, орқамдан ўн қадар араб болалари эргашиб, «Ихлаъ, ё ҳожи, ҳарам», деб безор этдилар. Охири, чиқармоқға мажбур бўлдим. Уч тарафи равоқ ва бир тарафи масжиди муштамил*. Ҳарамни узунлиги 240 газ, эни юз газ бўлуб, ўртаси мармар саҳндор. Ва саҳн ўртасинда ҳаштсу бир мармар-фаввора шодурвонлик жорий ҳавз бор. Ва ҳарамни ҳар тарафинда бир неча фавворалик, вузуз* маҳаллари бордур. Асл жомеъи шариф ушбу ҳарамни қибла ва тўлоний тарафинда бўлуб, нафси жомеъ* ичининг тули 210 газ, арзи* 58 газ бўлуб, масжидни ичинда якпора қирқ дона мармар стун бордур. Ҳар бир мармар стунлар яна мармар равоқлар ила бир-бирига марбут бўлуб, яна бир равоқларни ҳар бири устида ажойиб суратда икки донадан равоқлар ясалиб, онинг устинда масжидни саҳфи бино қилингандур. Масжидни тўрт тарафи ердан 8 газ юқоригача деворлар мусайқал, гулдор ва жавҳардор оқ ва кўй ва қора аъло жинс катта ойинадек жилолик самоқ* ва мармарлар ила бино қилиниб, бу мар-

марлар ундаи устолик ила бир-бирига васл қилинибдурки, дарзини топмоқ мушкулдур.

Узунлиги 4–5 газ, эни 2–3 газ мармарларни устига қозма ва қабартма мунаббат* исломий гиреҳ ва нақшлар қозилиб, бизни мамлакатда ганч устинда деворларға на-моя, меҳроб, ироқи, муқарнас, мунаббат, морпеч...* қыл-гандарицек, раҳом* устига ажойиб, нақшлар ўткарибдур-ларки, инсонни ҳар бир тош ўзиға парастиш* этар дара-жасигача тасхир этар. Ҳар на қадар диққат этсанг, ул тош-лардаги мусулмон санъати ул қадар ортиқча жилва этар, гүёки ҳар бир тош бир санамдур. Стун бошлиқлари у қадар санъатликдурки, кўрмагунча инонилмайдур. Масжиди ша-риф деворининг қалинилиги 4 газ бўлуб, қибла тарафидан бозорға қараган музайян бир эшиги бордур. Масжидга 2 меҳроб бўлуб, ҳар бирининг баландлиги 8 газча бўлуб, меҳ-робларни икки тарафинда ва ичинда ҳамда устинда мармар ва жавоҳирлик мусайқал тошлар устиндаги қозма ва қабарт-ма нақшлар инсонни дучори ҳайрат этар. Бутун меҳроб ва атрофидаги тошларға холис олтун қабартмалар ила оят ва ҳадислар ёзилган садаф, ақиқ, зумуррад ва забаржад тош-ларидан чархи ишлаб, мармарлар устинда мош ва нахуддан бошлаб данак катталиғигача майдо, шундай музойиқ ва ко-шинкорилар этганки, ўзбекча сўйлайнин бир табоқдай жойига бир соат қараган ила кўруб тамом қилолмайсан. Инсон ўзини бир олам ҳунар, бир дунё санъат ичинда кўруб, аввалги мусулмонларнинг дин йўлинда этгон сайти ва қилгон их-лосларининг ҳамда ҳунар ва нафис санъатда этган тарақ-қийларининг ва сарф этган пул ва гайратларини ўйловига гарқ бўлуб, кўзи тинар ва ҳеч нимани кўрмас даражасига келур.

Ё раббий! Мусулмонлар ва у бадавий араблар бу қадар қадарми аҳли санъат бўлдилар? Илоҳо, бу на хориқалур*. Бир сўз ила тамом этайин. Роқими хуруф ҳинҷ, эрон ва испаниё жомеъларидан бошқа ислом оламиининг барча жо-меълари зиёратига мушарраф бўлдум ва аммо жомеъ Умма-виййадек зийнатлик ва осори нағислик бир жомеъ кўрмадим. Ёнимда амиркойи насоро бир сайёҳ бўлуб, турк бир таржумони-да бордурки, соатлар ила ушбу меҳроб ҳузу-ринда эди. Бир оз сўйлашдук. Ул деди: «Ҳинҷ, Испаниё, Эрон ва Туркияни, хулоса, Ҳижоз ва Хитойдан бошқа бу-

тун Шарқ оламининг жомеъларини ва асори нафисасини кўрдум. Аммо бу жомеъдаги араб санъатининг бошқача мазийти* бордур. Италиё ҳайкалтарошлиқда дунёда биринчиdir. Аммо арабларнинг маънойи саҳиҳи* ила бу диний «ҳайкал»лари — меҳроб ва минбарни кўрсатиб дер: «Ҳар бир санъатни мувофиқидур. Санъати нафиса ила жазбияти руҳония кувватлари бир бўлуб, инсонга турфа ва ажойиб таъсир этар. Ва бир ҳафтадан бери ҳар куни келиб қарайман, яна аввалгидан зиёда нафис ва яхши кўрунур...»

Ана, бир амрикайининг сўзи.

Уммавийя жомеъинда икки меҳроб бўлуб, бириси нисфи шимолининг нисфинда, дигари масжидни том ярминда воқеъ бўлуб, бу меҳробни б газ фосиласида* йигирма қадар зиналик ва эшик ила чиққалатургон, ҳар тарафи музайян, муттало, мунаққаш ва ўймакори забаржад рангидаги раҳомлар ила шабакаланганд* ажойиб дилфиреб ва сехромиз ранго-ранг самоклардан бино қилинган бир минбари шариф бўлуб, устинда чаҳортарк* мунаққаш бир қубба ва аният устинда муттало бир қубба ва онинг устинда «олтун хилол» қўюлгандур.

Ўртадаги меҳробни сўл тарафинда масжид ичинда музайян самоқ ва мармарлардан бино қилинган ширин ва латиф, ниҳоятда санъатлик бир қубба бўлуб, ичи ҳазрат Яхё алайҳиссаломнинг марқади шарифлари дур. Яна меҳробни сўл тарафиндаги деворинда Ҳуд¹ ва Ҳизр алайҳиссаломнинг мақоми мубораклари бордур. Масжиднинг қиблага муқобил тарафи, яъни намоз ўқуганда орқа тараф, асл бинода фақат очик равоқлардан иборат экан. Аммо ал-он равоқларни аксари беркилиб, 4–5 равоқга асл вусъатига мувофиқ катта эшиклар ўтқурулубдур.

Масжидни ери аъло ва мусайқал мармарлар ила мағруш* экан. Ал-он қимматлик ҳасирлар* ила ўргулуб, устинда Истанбулдан юборилган энг катта ва ранго-ранг 130 дона пат, асл қолин солингандур. Масжидни ҳар биринда садафкори санъатлик ажойиб кўп агад лавҳлар ва устинда Куръони карим ва Ҳадиси шариф китоблари қўюлган, ҳар ким ўкумокдадур.

Масжиди шарифнинг қандил ва шамдон тоқимлари кўп ва хейле зариф бўлуб, электрик ила танвир қилиниб, оқшо-

¹ Ҳуд — Яхуд.

ми чироғ нурлари у мусайқал мармарлардан акс этиб, яна ажойиб хүсн пайдо этиб, ғарип кайфиятда жисму жонга таъсир этар.

15 сана муқаддам шаҳарға воқеъ бўлғон бир ёнгин масжидға сироят* қилиб, сақфиға зарар келтуруб эканки, ҳозирги уст пўшиши ажойиб суратда санъатлик йиғочлардан бўлуб, ҳар навъ ранглар ила ниҳоят зебо ва деворига ёқишиқ кайфиятда нақшлангантур. Таъмири халойиқ ва ҳукумат тарафидан бўлубдур.

Ҳарам атрофинда уч катта минора бўлуб, бири минораи байзо* ва ҳазрати Исо алайҳиссаломни нузулларига мансубдур. Ҳарам саҳнида уч ерда қори ва муаззинлар учун бино қилинган мақсуралар бордур. Масжид ичига кирсанг, ҳар нимарсадан сиво* бўлуб, руҳоният ва олий ҳисларга ва равшан бир мозийнинг саҳҳор* таъсири ила маҳвият даражасига келиб мажбуона убудият саждасига кетарсан. Ва Оллоҳи зулжалол даргоҳига ўзунгни кўруб, лоҳутий* бир ҳолат рўй бериб, дунёни унугарсан, қалбинг, жисминг ёлғиз Оллоҳ дер.

(Субҳоно зи-л-мulk вал-малакут)

(Бақияси бор)

«Ойна» ж., 1914 йил,
46-сон, 1095-1101-бетлар

46-рақамдан мобаъд

Уммавийя жомеъи ҳарамнинг бир тарафинда машхур Султон Салоҳиддин Айюбийнинг қабри бордур. Бу жомеъдан бошқа 999 санаи ҳижрияда Синон пошо тарафидан бино этилган жомеъ Синония ва яна Дарвешия жомеъи, Жомут-тўбо ва бошқа жомеълар ниҳоятда зийнатлик ва ери аъло гиламлар ила тўшалган, ажойиб қандишилар осилган ва ҳар бири бир подшонинг катта боргоҳидек дабдабалик жомеълардур.

Дамашқ аш-Шомнинг Солиҳия қисми асл Шомга электрикли кўша трамвай ила рабт берилган ва Шом марказига 30 дақиқалик йўлдур.

Шайхул акбар Мухйиддин Арабий ҳазратлари ва яна кўб салоҳанинг* марқади шарифлари шундадур.

Солиҳия – Салоҳиянинг устиндаги Қосюн тогинда баъзи пайғамбарларнинг зиёрраттоҳлари бордур. Салоҳиянинг ўн минг қадар ҳалқи ва аъло бир неча жомеъ ва бозорлари бўлуб, атрофи бутун боғистон ва жорий сувлардур.

Мұхәйиддин Арабий зиёрратгоҳининг устинда олий бир иморат ва муҳмал* зардўзи пўшишлар бордур. Мадҳалинда* ушбу байт ёзилгандур:

Кутб-ал-ақтоби¹ жаҳон ҳазрати Мұхәйиддинким,
Рубъи маскунда* деюр ҳазратина: «Ҳазрат шайх!»
Хотами* аҳди вилюяттур у ғавс-ул аъзам,
Шарқу ғарби, на ажаб, тутмиш эса шуҳрат шайх.
Бир замондан бери аркони тазалзул* ўларак,
Манҳадам* ўлмаға майл этмиш эди турбат шайх.
Этдилар сарф нуқуд* ҳимам* аксар ашроф*,
Боис файз дуқун ўлмоқ уза ҳидмат шайх.
Ўлди бу мазжай олийи муқаддас маъмур,
Этди таъмир ҳақиқатда ани қудрат шайх.
Бандаи хос, зиёли бу иша қилди қабул,
Айлаюб волийи Сурияни ҳиммат шайх.
Хоки иксир эдар, албатта, нигоҳи караминг,
Мазҳари файз назар қил мани, ё ҳазрат шайх².

(1294)

Шайхул акбар даҳмасинда доимо зиёратчи кўп ва даҳма атрофинда мармар ва аъло бир ҳавли ва бир тарафинда ниҳоятда зийнатлик мармар бир жомеъи шариф ва ҳавли ўргасинда мусайқал тошлар ила бино этилган катта бир фаввора бордур.

Даҳма хорижинда катта бир гурабо ошхонаси мавжуд бўлуб, фуқароға доимо ҳукумат тарафидан мажжоний таом (чулон) берилур. Биз бориб ушбу чулондан тановул этдук. Чулонхўрларни(нг) адади 200 қадар эди. Баъзилар табақтабақ олиб кетмоқда эди. Зиёратдан чиқиб, ароба ила 6 чақирим боғчалар ичидан кетиб, Думор, Рабвоҳ сайронгоҳларини тамошо этдук. Шомнинг марказидан ҳар тарафига 2 хат электрик трамвай ила кетар ва ҳар ердагидек бу трамвай белжикларни кидур*. Байрут ила Шом аросинда 12 соатлик темур йўли немис ширкатига бўлуб, 2-даражаси 4 сўм 60 тийин. 3-си 3 сўм 20 тийиндор. Шомдан яна бир темур йўли Ҳалаб тарафинда ишланмоқда ва ушбу йўл Багдодгача ишланмоқда ва немислар қўлиндадур. Шомдан яна бир темур йўли Ҳайфогача узайиб, Ҳижози мағфират Тароз темур йўлига қўшулуб, бу йўл туркларни ўз қўлиғадур.

¹ Кутб-ал-ақтоби – кутблар кутби.

² Шайх Мұхәйиддин ибн ал-Арабий (1165–1240) тасаввуф илмининг, хусусан, «ваҳдати·вужуд» таълимотининг асосчиларидан, асли айдалузиялик (Испания).

Шомда 5–6 катта қаҳвахона ва театрхоналар ва 3–4 синаматүграф хоналар бўлуб, яхшигина оқшом ҳёти бордур. Марказда бир сайронгоҳ ва анча яқин музайян ва темур панжаралик «Уммат боғчаси» бордур.

Қаҳвахоналаринда мускирот қисмидан йўқ. Фақат чой, қаҳва, норгила, музлик ва ширин-шарбатлар ва таом ва эркак хонанда ва мусиқалар бўлуб, яна бир қисминда булар устинда мусиқий дасталар ила аёл раққоса ва хонандалар бордур.

Йўл ва бозорда озгина мастилик зоҳир бўлса ҳам хукумат ҳибс этар экан. Ҳатто, зоҳирий майхона йўқ дедилар. Шом, Миср ва бутун Туркия мамлакатига синаматүграф ва мусиқи ҳам рақслик қаҳвахоналар соат ўндан сўнгра очилур эканки, сабаби, оқшом намозининг риояси ва дигари кеч бўлуб, шоядки ҳалқ оз бориб, беҳуда масориф озайсун. Оқшом намози ҳам бир оз таъхир¹ ила ўқулуб, намоздан сўнгра вазъ ва саловатхонлик хейле чўзулур. Бизларникига ўҳшаб фақат бир намоз эмасдур. Истанбул ва Миср масжидлариdek Шом масжидинда ҳам аёллар намозга келар эканларки, Муҳиддин Арабий ва Уммавиййа ҳам Синонийя жомеъларинда дасталар ила муслималар келиб, намоз ўқумоқда ва баъзиси 3–4 лаб саҳн ва ё масжиц равоқларининг кунжида ўз уйидек тикиш тикиб ўлтургани кўруладур, аммо фаранжи илан.

Шомга бадавий ва шаҳарий арабларнинг ҳар қисми мавжуддур. Масалан, шаҳар ҳалқининг аксар ёшлари оврупойи либос ила фақат бошлариға турк «фас»идур. Оддий шаҳар ҳалқи қадима узун ва тор араб жуббаси ва бошинда кичик салла бўлуб, устидан Оврупонинг палтусини кийибдурки, қисқа палтў остидан бир аршин қадима либос чиқиб турубдур. Уламо жубба ва або* иладурлар.

Кишлоқ араблари бошиға ипаклик ва ё пахталик катта рўмоллар солиб, устидан қаро жундан ва ё устинда гулоба тўнлик чилтор боғлайдурлар.

Ушбу қарс ва чилтор бир сўмдан 50 сўмгача бордур. Устидан киядургон жун або муслиҳлари-да 3 сўмдан 100 сўмгача бордур.

Шомни ипаклик атлас ва олача ва ип матолари энг аъло бўлуб, бир либослиги 2 сўмдан 30 сўмгача бордур. Мунда

¹ Кечиктириш.

қаттіғ йиғочларға садаф ва нажағ¹ тоши ва ақиқ ишламалык уй асбоблари, яъни мебел, курси, сандал, ойна; миз^{*}—устул, дастчұп — полка, диван, лавҳ, ниҳоят санъатлик ромка — чорчұбалар ва сепоялар күб ишланиб, Оврупо ва Амриқоға кетар экан.

Миср чорсуси, Ҳамидия чорсуси ниҳоятда зийнатлік бўлуб, усти темур ва шиша ила ёпилган ва ичинда минглар ила дўкони бордур.

Сахро ва бодиядан келган қир ранглик иштонсиз аёл ва эркак арабларға ва ғазал ўқуб, доира өлиб оқча жамлайдургон қиз ва эр, бадавий болаларига учралур. Шаҳарий ва фақир араб хотунлари ҳам сатр^{*} ила бўлуб, аммо масиҳ^{*} ва жўробсиз^{*} оёқ ила яғоч кафш кийиб тақирлаб кетарлар. Баъзи араб хотунларининг эшакга Оврупо хотунларидек яктарафа ўлтуруб, эшак чоптурғонлари ажойибдур. Бизни-килар бўлса, йиқилиб маъюба бўларди.

Қишлоқдан нимарса келтуруб сотадурғон араб хотунларига ҳам кўб учралурки, ҳар ким иззат ва хурмат ила аларга муомала қилиб, «Ё ситти-ё саййидати, ё ҳарам»², деб нидо этарлар.

Шаҳардан хориж 3—4 эшакга мева ва ғалла ортиб, ҳайдаб келиб турғон муслималар кўзға учралур. Ва ондан тарбуз сотуб олдук.

Шомни(нг) ёш эрлари тамоман сақолларини қириб, мўйлабини кўюбдурлар. Бошларини(нг) тепа сочини олиб, атрофини озгина кўюбдурлар. (Бизга атрофини олиб, тепасидан хитойча кокул кўюлгандек). Муллоларига бир оз сақол бор. Яхудийларнинг икки чеккасига ингичка ва бир қаришдан зиёда узун кокули бордур.

Тўй ва маъракаға исрофлари оз бўлуб, иқтисодға риоят этгувчиidlар. Қаҳвахоналардаги сарфиётлари оз бўлуб, чилим чекатурғонлари «аъло шоми тамоку» ларини ёнларига юргузуб, қаҳвачи норгиласига* солиб чекадурлар.

Кўчаларига ва ҳар ерга лимўнат ва ҳар навъ лазиз музлик шарбат ва дўндумалар кўп бўлуб, катта бир қадаҳи 2 тийиндор.

Шаҳар ичинда бир мураббаъ аршин ер 10 сўмдан 100 сўмғача ва яқин боғчаларининг 7 мураббаъ гази 10 тилю экан.

¹ Тоф биллuri, қимматбаҳо тош.

² Ё сати-ё саййидати, ё ҳарам — эй, муҳтарама аёл.

Шом ва Куддусдаги қадима шаҳари араб насоро ва яхудийларнинг хотунлари ҳам сатр ила юруб, аммо қишлоқларга хоҳ мусулмон ва ё бошқа бўлсун сатр йўқдур. Сурия ва Шомнинг мусулмон, насоро ва яхуд халқи тамоман араби сўзлаб, хат ва ҳатто, ибодатию инжил ва исмлари ҳам арабийдур. Араб маданияти, араб салтанати мундаги ҳар навъ халқни ўзига жазб этиб, аммо 1300 санадан бери асло буларни ақида ва виждони миллийларига тасарруф этмайдурки, бул Куръони каримни бошқаларнинг дину вижданинг озод кўйганидан ва умарои исломиянинг файридинларни ҳимоя этганларидандур. Ал-он Сурия арабларининг бир қисми туркларга яхши кўз ила қарамайдурки, бул оврупойиларни(инг) таъсиридан экан. Аксар халқи ва турклар тарбият этиб ўқутганлари туркларни яхши кўруб, турклар таназзул этса, бизни(инг) ҳам заволимиз ва оврупойиларга маҳкумиятимиз бўлур, дер эмишлар...

Маркази Дамашқи аш-Шом бўлган Сурия вилоятининг ери 100 минг мураббаъ километру ва барча халқи 2 милийүн 300 минг қадар бўлуб, дин жиҳатинча тақсимоти ушбурудур:

Аҳли ислом	140 000	Мутовала	70 000
Насоро	70 000	Исмоилий	165 000
Армани гриғурӣ	100 000	Армани прутестани	22 000
Бобий ва баҳоӣ	4 600	Язидий	160 000
Яъқубий	45 000	Даразий	200 000
Артузкас	30 000	Тобени калисо юонон	16 000
Нимору	400 000	Малаки	150 000
Армани катўлик	40 000	Лотини	48 000
Сурёний ва калдоний	68 000	Яхудий	140 000

(Бақияси бор)

«Ойна» ж., 1914 йил,
47-сон, 1120—1125-бетлар

47-рақамдан мобаъд

Шоми Шарифдан 3-куни. Яна темур йўли ила Жабали Лубнон аёлат мумтозаси воситаси ила Байрутга келдим. Оқшом Жабали Лубнон тоғларидан кечармиз. Оташ ароба тоғ тепасинда бўлуб, андан ҳар тарафдаги қасаба ва қишлоқларнинг чироги ажойиб суратда кўрунур. Гўёки устимиздаги юлдузлик осмон акси ерга уруб, бошқа тил ила устимизга ва остимизга ҳам ададсиз юлдузлик осмонлар бўлуб ва оқшоми ниҳоятда латиф ва покиза, муаттар бир ҳаво ютармиз. Қитори-

миз гоҳ төг тепасидан, бош ошоги сойлар қаърига инар, гоҳ төг ямочларинда илонворий юруб, баъзан төг тепалариға ўрлаб тирмашар. Баъзан тахталжабал* түннелларидан ўтар. Бир замонлар бир тарафи жаҳаннамдек тубсиз төг каноридан қиялаб ўтарки, оқшом қоронгулиги или инсон «лоҳавл»* ўкур. Кичкинагина махатталар-да турар.

Араб хотунлари ҳар махаттада мева, қатиф, сут сотар. Буғдой унидан қилинган иссиқ тунук (юпқа) пишуруб чиқаруб-дурлар. Бир юпқа 5 тийин ва юпқа устига бир қошуқ қатиф (лабан) суртарки, у ҳам беш тийин. Ичиға қатиф ўралган юпқани еб, лабинг, бурутинг қатиф хўплаган чўпондек оқарур. Оврупойи сайёҳ эру хотунлар, хулоса, ҳар кимни лаби бу юпқа ва бу қатиф или оқарур. Мунда арабдан бошқа тил йўқ.

Жабали Lubnon аёлат мумтозасининг масоҳати 6500 мурраббаъ километр бўлуб, 400 минг қадар араби сўйлайдургон халқдан иборат бўлуб, ярмидан зиёдаси моруний, яъни қадима сурёний ва финикияли авлодидан бўлуб, мазҳаблари насрониятни(нг) католикига яқйандур. Бақия нисфининг аксари муслим ва дарзи қабиласидан бўлуб, бир ози Рум катўлиги ва бошқалардур. Дарзи аталадургонлар мусулмон бўлсалар ҳам, баъзи жоҳилона одатлар аларға нисбат беришур. Чунончи, ўз яқинларини никоҳ қилмоқ ва бирдан зиёда хотун олмаслик ва бир дафъа талоқ қилган хотунларини қайтиб олмаслик ва ...дек мазҳабларининг баъзи ҳукмлари-ни сир ва маҳфий тутуб, ҳар панъжанба оқшоми, жамъ бўлатургон одат ва ёинки ибодатлари бўлуб, у жамиятта ўзларидан ҳам баъзиларни қўймас эмишлар. Ўз ўргаларинда халқни уққол* ва жуҳҳол* га тақсим этиб, аҳкоми мазҳабия ва баъзи асрорларини фақат уққоллари билиб, жуҳҳолларига айтмас эканлар. Куръони каримға иқрор бўлуб, саҳобаи изомдан* Салмон Форсий¹ разияллоҳу анхуға эътиқодлари зиёдадур. Мазҳаб китоблари ҳам ёширин тутулуб, имо ва ишоратлар или ёзилиб, ҳатто, ўз жуҳҳолларига билдурулмас экан.

Дарзилар катта қабила бўлуб, Шом ва Ҳалаб бодияларига ҳам сокиндурулар. Жабали Lubnon аёлати Туркия давлатига тобеъ бўлуб, аммо католик ерли араблариндан бири 5 саналик муддат или Ҳазрат Султон тарафидан мутасриф — ҳоким тайинланур. Мусулмонларнинг қози ва ҳокимлари ўзидандур.

¹ Салмон Форсий — илк мутасаввифлардан.

Қадима Канъон диёри Жабали Лубноннинг бир қитъаси бўлуб, Оқ денгизга соҳиллур. Оқшом соат 11, Байрут шаҳрига етиб, Ал-манзар-ал-жамил ўтелға индим. Ўтел Оқ денгиз соҳилинда бўлуб, денгиз ҳавоси ила муаттар, ужраси* 5 фуруш — 43 тийин эди.

Эртаси Байрут шаҳрини гашт ва гузор этдим. Мактаб ва дорулфунуналар таътил ва боғли эди. Ушбу шаҳар Туркияning Байрут вилоятини¹ маркази бўлуб, илм ва маориф жиҳатидан Мисрдан сўнг Шарқда биринчи шаҳар бўлуб, аммо маорифниг бониси Оврупо ва Амрико мисийўнерлари дуркӣ, тарафона мактаб ва дорулфунунларини тараққийсига сатый этарлар.

Байрут дорулфунунлари Оврупо ва амрикайилар тарафидан идора қилинса ҳам, лисон, тадрис араби бўлуб, франсавий ва немис ёинки англис алоҳида бир фандек ўкулур. Байрут дорулфунунидек олами исломнинг Туркистон ва Бухоросидан бошқа ҳар тарафидан талаба бор экан. Ҳатто, Шарқниг Ёпунидан талаба бор экан. Тотор биродарлардин ҳам дасталаб талабалар бордур.

Бухоро ва Туркистондан мунда одам бор, аммо ишлари ҳожиларни шикор этмоқдур.

Шаҳарда юз мингдан зиёда халқ бўлуб, учдан бири муслим ва бошқаси катўлик, ўргўғус, прўгистант мазҳаблик насоролар ва бир ози яхудий бўлуб, барчасининг тили, исм ва инжилигача арабийдур.

Англис ширкати шаҳарга таҳвил маъ* ила сув келтирган, яъни сақоси* — англис. Ва Байрут лимон — паҳаҳўд ҳавзини франсуз ширкати бино этгандур. Темур йўл ва қўша хатлик трамвай немис ва белжикники. Фақат мамлакатни исми усмонлига тобеъдур. Ажнабийларнинг минглаб талабалик ҳар навъ дорилфунуни ва неча юзлаб талабалик ҳар навъ мактаби 50 дан зиёда бўлуб, мунгазам расадхона, кимёҳона, ташриҳ ва жарроҳи ва ҳикматхоналари бордур. Туркларнинг ҳам мулкий рӯшидияси, аскарий рушдияси, мактаби сultonий, 2 қизлар рушдияси, 4 ибтидоия мактаби ва ўтгуз қадар мусулмон мактаблари бордур. Мунда матбаа ҳам кўб бўлуб, хейле араби қадим ва жадид, диний, адабий, фаний ҳар навъ китоблар ва 20 қадар мажалла ва жаридалар нашр бўлинадур.

Шаҳарнинг ўртасинда кичик, фақат зийнатлик боғчаси

¹1914 йилда Байрут Туркия тасарруфида бўлган.

ва аъло бир чорсуси ва 4–5 табақалик олий иморат ва катта маҳозинлари ва тош фарш құлғон катта йұллари бордур. Тараблиси Шом, Лозқия, Аъко, Балқо уездлари Байрут вилоятига тобеъдур.

Денгизда араб ширкатининг попури (ал-он англіс күлинда) ҳозир экан, кирдим. Истанбулдан Байрутгача 3-мавқеға миниб, ҳожи юруши ила юруб, азият чекиб әдим ва бир оз нотоблик-да бор. Онинг учун 2-мавқеға белат талаб қылдым. Йўқ. Ночор Ёфа шаҳригача 20 соатлик йўл учун 13 сўмга биринчи даражадан жой олдим. 3-си 2 сўм 40 тийин эди.

Парахўдда мисрий, шомий, истанбулий кибор мусулмонларда бир хейле бор. Биз-да 13 сўм бериб, бу дафъя киборға қўшулдик. Иттифоқо, уч кишилик бир уйча (қамара)ға бир ўзим кириб, аъло бир уйқуға толдим. Таом вақти ҳодим уйғотди. Катта солунға чиқдук. 4 катта устол, бирига парахўд маъмурлари, иккисига оврупойи хамулалар*, бирига кештидағи* мусулмонлар ва ҳар кимни уйи ва карават рақами табаки олдига ёзилгандур. Ҳодим нўмирамизни кўрсатди, ҳамхоналар саломлашиб ўлтурдук.

Суфрада мисрий, араб даъво вакили – закўнчи бир араб дўқтур. Бир араб бонка мудирининг ноиби, 2 турк зобит – офицар, бир турк, 2 араб бойбачча ва тамоман сақоли тарапланган саллалик бир араб катта муullo ва бир-да ман. Ҳонимиз* устинда ҳар навъ мускиротлар-да бордур. Таомлар бирин-бирин келдики, шундан иборатдур: макарон, кабоб пиёз, кабоб танури, бир навъ шўрбо, кабоб маа картышка, балиғсадрника, пенир*, янгоқ, мева, қаҳва, канфет, печени. Ҳар ким бўғузигача тўлдурди. Аммо шишадаги мускиротдан на ул бойбаччалар ва на ул оврупомижоз бўлган араб ва турклар бир қатра бўлсун ичмади.

Дедим: «На учун ичмайсизлар?»

Дедиларки: «Алҳамдулилоҳ, мусулмонмиз. Оллоҳ азимуш-шон Ҳазратлари Куръони каримда афандимиз восита лари илан наҳий этубдурки, 1300 сана сўнгра оврупойилар бу хабисларинг* зарарини билиб, ўзларини сақламоқдадур. Биз қандай ичармиз. Анварбегимизда ичган афисарларни силки «муқаддас аскарийдан тард этар».

Дедим: «Эй, мисрийларга на бўлди?» Унлар дедиларки, бизнинг мактабларда мунинг зараридан баҳс этарларки, инсоннинг ичкиси келмайдур. Дедиларки: «Туркистону Бухоро қандайдур?»

Мажбуран тўғрисини сўйладим...

Дедилар: «Астағириулло!»

Таомдан 3 соат, сўнгра мукаммал чой, оқшом яна 3–4 навъ таом. Эрта бирлан яна мўкаммал чой, сут... парахўдан берилди.

Кабл аз аср* Хайфоға етдукки, бул Ҳижоз темур йўлиниг аскаласидур. Баҳойио бобийларни каттаси Эроний Абдулбаҳо Аббос афандининг мунда эканлигини сўнградан билдим. Валлоҳи, парахўд 3 соат турдикӣ, тушуб бу машхур киши ила сұхбат этардим.

Оқшомғача парахўд Сурия соҳилини бўйларди. Сайдо, Сиво, Аъко, Хайфо, Қайсария, Арсуф шаҳарлари кўрунуб қолди. Парахўдга эллик қадар катта ва кичик оврупойи мактаб қизлари бордурки, роҳиба ва муаллималари ила Куддуси шариф зиёратига кетарлар. Бир вақт дengiz бир оз ҳаракатга кирди. Бу қизларни бир қисми лоқайд ва бир қисмининг боши айланиб йиқилмоқда ва кусмақда, кичкиналари йиғламоқда бўлуб, ажойиб манзара ташкил этар эди.

Эргаси соат саккиз, Ёфа шаҳриға етдук. Парахўд соҳилдан 3000 қадам узоқда турди. Ёфанинг фўртанасини ваҳмлик этиб сўйлардилар. Аммо ҳеч фўртана йўқ, фақат дengiz бир оз ҳаракат этиб, қайиқ солланир, кўркулатурғон бир нимарса йўқ. Аммо қиши мавсумица ойни аввал ва охирида жозибай қамар* қонуни ила 3–4 кун қатиф фўртана бўлур экан, ёзда хотиржамълиқдур. Қишиники ҳам кўп бўлса, ойда бир ҳафта.

20 тийин ила Абдулрауф исмийнда бир насоро қайиғига миниб, ондан чиқиб, бир ўтелға соат 2 ғаҷа истироҳат этиб, 3-мавқеъ оташаробага икки сўмға белат олиб, Куддуси шарифға мутаважжиҳан ҳаракат қилинди.

«Ойна» ж., 1914 йил,
48-сон, 1142–1148-бетлар

48-рәқамдан мобаъд

Ёфадан Куддуси шарифгача темур йўли илан тўрт соатлиқ йўл 60 километру бўлуб, мунинг 3 соатлиги лалми ва обикор ерлар бўлуб, араблар ҳар махаттаға тарбуз, узум, зайдун ва амсоли мевалар чиқорадурлар. Куддусға бир соатлиқ қадар қолгандан сўнгра тоғлар бошланур. Баъзан тоф оралариндаги очиқ ерларга анор, узум, анжир, лимун, афлисүн, зайдун ва бошқа мевалар ва бўстонлари кўрулур. Ал-он сара-

тон ойи бўлуб, Оврупо ва Амрикодан гуруҳ-гуруҳ эр ва аёл насоро ва яхудий зиёратчилари келиб кетмоқда бўлуб, темур йўл қиторлари булар илан тўладур. Ёфа ила Куддус орасинда ҳар кун икки дафъа қитор юрар. Ерли араблар-да қиторга кўп бўлуб, саҳроний хостунлари қочмайдур. Шаҳарликларини Туркистонга нисбатан «ярим сатр» бўлуб, аммо ўзларини яхши тутарлар. Қиторга Ҳиндустон Бангола қитъасидан 74 яшар бир кампир-да борки, Мадинадан зиёратга келар. 20 санадан бери Ҳижозда бўлуб, арабий ўрганибдур. Ўзи-ниҳоятда факира ва орқасинда эски латталардан иборат бўғчаси бордурки, Ёфага йўлчилар оқча йигиб, белат олиб бериб эди.

Куддуси шариф махаттасига етдук. Одам кўп. Ароба оз. Ҳануз қиторга эдим, бир киши келиб, вагўн ойнасидан сўрущди. Ва орамизда шу муҳовара* жорий бўлди:

- Нимарсаларингиз қандо?
- Нима қиласиз?
- Ман — далил*, сизни манзилга олиб борурман.
- Кимни манзилига?
- Такя ёинки бухорийлар тушадургон жойга.
- Иккисига ҳам бормайман. Ўтелларни кўруб, маъкул бўлганига тушарман.

Ман далилдурман, мани сўзимга қабул қилишингиз кепрак. Ўтел бўлса ҳам ўзум топиб берарман.

- Далил бўлсанғиз, ҳарамга учрашурмиз.
- Йўқ, бўлмас. Сизни бухорийлар тушадургон ерга олиб борурман.
- Мани ҳур қўюнгиз, юстаған еримга кетарман.
- Йўқ, тақсир. Мунда усул ва қоида шулки, ҳар ким далилга тобеъ бўлур.

Нимарсаларимни ҳаммолга топшурмоқчи бўлди. Ман дедим:

- Сиз далилми ёинки сайёд? Йўлингтизга кетинг, валлоҳ, жандармани чақираман.

Ҳаммолини итариб юбориб, бошқа ҳаммол ила вагзолдан аробачиларга чиқдук. Аробалар ҳама машғул бўлубдур. Далил афанди яна орқамиздан қолмай, ҳаммолга амр бериб келмоқдадур. Одам ва юқ ила тўла бир фойтунчига 40 тийин бермоқчи бўлдум. Ашёларни аробасига босиб, ўзумни ёнига ўткурди. Далил афанди ҳануз мани кўрсатиб: «Ҳожини фалон ўтега тушур», — дер. 5 дақиқа тош йўллардан кетиб, бир сойга тушдик. Ва катта тош кўфрукдан ўтуб, юз газдан зиёда

баландлик – дүнгө чиқиб, Куддуси шариф қалъаи мустаҳка-
мини ташқорисида ва Бобул Халил олдиндаги бозор ва катта
йўлга етдук. Аробадан бошқалар тушди. Ва мани бир фалокат
үтелға олиб борди. Кўруб хоҳламадим. Қарасам, далил афан-
ди үтелға ҳозирдур. Ҳар оқшомга 160 тийин, бир уйини
савдо этиб кўюбдур. Бошқа үтелға ҳайда, дерман. Аробачи
ҳайдамайдур. Отға қамчини бериб, ўзим ҳайдамоқчи бўлдум.
Далил ва аробачи юзумга қаради қолди.

– Ҳайда валлоҳ, пўлис чақиравман!

– Қанда?

– Бошқа үтелға.

– Бошқа үтел йўқ!

– Ман санга кўрсатурман.

Далил жаноблари ҳам бетаклиф ёнимга ўлтурдилар. Бир
яхудий үтелиға бордук. Бир соатдан бери далилни ҳаракати
мани ишдан чиқарди. Чиқиб, бир уйни ўн фуруш, яъни 75
тийинға савдо этдим. Яна далил жаноблари орқамдан қол-
майдур. Энди аробачи араб ила мунозара. Ул 40 тийин ерига
160 тийин истайдур. Далил ҳам анға ёрдам берар. Мунозара
ва урушмоқға тоқат йўқ. Ўн фурушни олдига отиб, уй эши-
кини ичкаридан қулф этдим.

Далил ташқаридан дер:

– Ҳожи, Ҳарами шарифга қачон борарсиз? – Икки-уч
дафъа такрор этиб, яна эшикни қоқар.

Дедим:

– Ярим соат сўнгра.

– Хўб, ман ташқорига туарман.

Вақт асрдур. Таҳорат этиб, салила-тўн қилиб чиқдим. Үтел
олдиндаги қаҳвахонада далил ҳазратлари интизорда. Бир аро-
бага далил ила ўлтуруб, бир хейле маҳалла ва маҳозинлар-
дан ўтуб, Куддус қалъасига етдук. Ичкари шаҳар баландли-
ги баъзан 15 газ, эни 2–3 газ, тошдан бино қилинган кун-
гира, гулдаста ва буржлик мустаҳкам бир қалъа ила айлан-
турулгон бўлуб, ал-он баъзи тарафи харобдур. Қалъанинг
баъзи қисмининг биноси Ҳазрат Сулаймон ва Довуд алай-
хиссаломга нисбат берилиб ва ҳозирги қалъа бўлса, аҳли
салибни қўйған таг курсиси устинда ва баъзан васиъ қили-
ниб, турклардан Султон Сулаймон Қонуний тарафидан ме-
тин ва санъатлик суратда бино қилингандурки; ушбу қалъа-
нинг дарвозасига аробамиз турди. Қалъа ичининг йўллари
ниҳоятда эгри-бугри ва ҳам касрият илиа йўлларни усти ра-

воқлар ила ёпилиб ва равоқлар остинда ва устинда уч-тўрт табақалик иморатлар бино қилингандар ва йўллар пасту баланд ҳам ости тош фарш қилингандар бўлуб, баъзан 10–15 зина ила чиқилиб тушулур. Ҳавосиз қаронгу ва муавваж* ҳам устини равоқлар ёпган йўллардан эгри-бугри ўн дақиқа қадар юруб, узуғлиги юз қадамдан зиёда ва усти равоқлар ила болкулли ёпилган эски ва ифлос бир долонга кирдук. Тарафайни энг эски дўконлар ва фалокат босган айвонча, эшак боғланган жойлардур.

Ушбу долонни бир боши дўконлар ва бошқа боши байтул муқаддас ҳарами шарифнинг дарвозаси, яъни ушбу фалокат босган тош долон ҳарамни сақлайдур. Бу долондаги эшиклар ва остиндаги ахлат ва ҳар ерда уюлуб ётган эскитуски ифлосликлар далилни 2 соатдан бери бератургон заҳматини ёддан чиқориб, кўнгулни қайтадан синдуруди. Ҳарам дарвозасига етиб турдук. Далил дуо бошлади. Ман ҳам ўқуб-ӯқуб кетмоқда. Ҳарамга кирдук. Ери мармар фарш қилингандур. 50 қадам қадар кетдук ва 20 қадар мармар зинадан баланд бир саҳнга чиқдук. Ҳарами шарифнинг атрофи тош ва баланд деворлар ила иҳота қилингандар ва ичи тахминан 5–6 десатина ботмон ва ёинки 20–25 таноб қадардур. Ҳарамнинг ўттароқинда 3–4 таноб қадар баланд ва тошдан бошқа бир саҳн бўлуб, бу саҳннинг тўқкуз тарафиндан 20 қадар зиналардан чиқилур. Чиқилатургон жойларға бир неча мармар стунлар ўткурулуб, стунлар бир-бирига мармар равоқлар ила муттасил бўлур. Бу оқ мармардан қилингандар Суҳратилло ва номи дигар ила Масжиди Умар ал-Форук разиоллоҳу анҳу бино қилингандур.

Масжиди шарифни ичи самоқ ва ранго-ранг мармарлардан ва ташқориси чинни ва кошинлардан ва мунбаткори рангин мармарлардандир.

Баланд суфадан юруб, Масжиди Суҳратиллога кирдук. Далил оғиздан олиб, ман ҳам дуо ўқумоқда ва икки ракат намози шукр-да ўқудум. Ўн қадар далил атрофимизни олди. Худойи бериб, масжид ичиндаги – Суҳратиллони зина остидаги хужра ёинки горға тушдук. Зина устинда эшиги ҳам бор. Суҳра тошининг ости қатъ ноқис ва номунгазам шаклда.

Дўраға* қарийб бир хужрадан иборат бўлуб, бу хужранинг усти якпора оқ ва новшадирға шабиҳ тошдан иборатдир. Тошни аксар тарафи девор ва ер устинда бўлуб, тақри-

бан 7 дан бири деворға етмайдур. Сұхратилло остиндаги хуж-
рани тұғриси сухра тошининг остиндаги мағорани остиға
ақло гиламлар тұшалған.

Хужранинг у тарафдан бу тарафи 12 қадамча бўлуб,
усти одам бўйидан бир оз баландроқдур. Тошнинг ўртаси
мудаввар* ва қутри* ярим газ қадар тешукдур. Тошни уст
тарафини юқоридан кўрулдики, усти ҳам номунгизам, яъни
чиқинти ва киринтилик бўлуб, мунинг атрофи ҳашт, яъни
8 буржлик шаклда олий мармар стунлар ила айлантурулуб
ва стунлар ниҳоятда зариф ишланган, ҳаллик, аъло шаба-
калиқ, панжаралар ила бир-бириға марбут бўлингандур. Тош-
нинг уст тарафининг давринда дохилан яна ҳашт қатында
олтун ҳаллик панжаралар ва 2-панжара ила стунлар панжа-
раси орасига яна аъло гиламлар ва сажжодалар ва лавҳ ҳам
каломи шарифлар кўюлуб, қулфлик бир эшикдан муқарра-
рий вақтларда кирилур.

Сұхранинга ҳеч нимарса бўлмай, очиқ турубдур.
Сұхратилло мағорасининг ичинда ҳазрати Сулаймон, До-
вуд, Ҳизр, Иброҳим ва Жаброил алайҳиссалом учун бошқа-
бошқа мақомлар кўрсатилур. Ҳазрати пайғамбаримиз саллол-
лоҳу алайҳи васалламнинг ҳам мақоми шарифлари бўлуб ва
ҳазратимиз меърожға Сұхратиллодан сууд* қилибдурлар.

(Бақияси бор)

«Ойна» ж., 1914 йил,
49-сон, 1166–1171-бетлар

49-рақамдан мобаъд

Сұхратилло остиндаги ҳужрайи шарифадан чиқдук. Мас-
жид ичинда тўрт-беш газ баландликда биринжи бир шамъ-
донни ҳазрати Довуд ясаган шамъдон деб кўрсатдилар. Аммо
шамъдонни яқин вақтда ясалгани зоҳирдур. Мунда беш-үн
нафар шайхлар мутаважжиҳ бўлдилар. Бир оз назр бердук.
Қабул ва дуо қилидилар.

Масжид эшигидан саҳнага чиқдук. Яна 4–5 шайх мута-
важжиҳ бўлдилар. Ичкариға бердук деб ўтдук. Масжиди Сұх-
ра суфасининг бир тарафинда ҳазратимиз саллоллоҳу алайҳи
васалламнинг «Қабла-л-меъроҳ» шарифлари музайян сурат-
да бино қилингандур. Суфа атрофинда юруб яна 2-дафъа
масжиди шарифға кирдим. Масжиди Умар «ал-Форук» рази-
olloҳу анҳу 8 буржға бўлунуб, ҳар бир буржининг ораси 26

қадамдур. Масжидни ўртасинда Сухра тоши воқеъ бўлуб, Сухра атрофи яна 12 бурҷда тақсим қилиниб, мунинг 12 буржинда 12 рангта мармар якпора стуналар бўлуб, бул 12 амуд* устинда бир гунбаз бино қилиниб, усти темурдур. Гунбаз қуббасининг доҳилий тарафинда қабартма сўм олтундан у қадар нақшлар – исломий гирех, ироқи морпечлар ва бошқа ажойиб суратда ҳиндузор, араб услубинда ишлар қилганларки, мани синиқ қаламим анинг тавсифига ожиздур.

Куббанинг атрофинда қабартма – мунбат ва одамни йўғон қўлидан йўғонликда сўм олтун ҳарфлар ила сулс ва бошқа мутанавъи хатлар ила оят ва ҳадиси шариф ёзилиб ҳамда «Фуломони атрокдан Мулки Носириддин Муҳаммад Қиловун» иборати ва бошқа бир неча иборатлар қабартма олтун ҳарфлар ила ёзилганларки, жилоси кўзни олур. Бу қуббанинг устинда у қадар ажойиб нақшлар қилинибдурки, кўрмагунча инонилмас.

Бир оғуз ила хулоса қилайин: бутун куббанинг ери олтун бўлуб, устинда ҳар рангда қабартма минолар ва мунбат олтун хатлар ва нақшлардур. Кўпни кўрган сайёҳлар дерки, дунёда мунингдек сақфига кўп олтун ишланган на бир масжид ва на бир калисо бордур. Хулоса, қараган ила бу қуббайи сұхранинг нақш ва нағис санъатларини кўруб, тамом қилолмайин кўзинг чарчайдур, бўйнунг-да қотар. Бу сақфадаги санъатлар аввалги мусулмоёнларнинг завқи салим эгаси ва санойиғ нағисанинг ошиқи ва мукаммили эканлигига бир далили мужассамдур.

Масжидни асоси Ҳазрати Умар «ал-Форук» разиоллоҳу анху тарафларидан кўюлуб, биноси 65-тарихи ҳижриясинда, маснади хулофатга ўлтургон Абдулмалик бин Марвон тарафидан бўлунгон ва Малик Носириддин Муҳаммад Қиловун тарафидан зийнат берилганлиги сўйланур.

Бу масжиднинг сақфлари ажойиб қандил ва овизалар ила ости қимматбаҳо нағис қолин ва сажходалар ила зийнат берилиб, ҳар еринда садафкори лавҳлар устинда ниҳоятда зийнатлик Куръони карим кўюлганлар. Халифа Абдумалик давринда ёзилган, тўли икки газ, эни очганда иккни ярим газ қадар бир Куръони карим, катта ва санъатлик бир лавҳ устинда кўюлганлар.

Масжид ичини бир неча дафъа юруб ва намози шукр ўкуб, яна ташқори чиқдим. Масжиднинг ташқориси 6 газ

қадар иртифоынгача ранго-ранг, мусайқал мармарлардан бино қилиниб, у мармарларға қозма ва қабартма гул ва нақшлар қозилибдур. Мармардан юқориси бутун хитойи чиннидек рангтах ва оят ила ҳадиси шариф ёзилган чиннилардан бино қилинган бўлиб, бир аъжубаи даврондур.

Бу вақт масжид атрофинда юздан зиёда оврупойи ва амиркойи насороу яхуд сайёхлари бўлиб, ҳар бири ва алоҳа ва ҳайрат ила мундаги санъатни тамошо этардилар. Ва ҳар навъ тилда булар сўйларди.

Ўндан зиёда аёл ва эркак руслар ҳам сайёхлар ичинда эди. Аммо мусулмон заввордан ики мисрий араб ила ялғуз ман бор эдим. Ер юзинда 400 милийүн насоро, 300 милийүн мусулмон бор, дерлар, аммо мунда 100 насоро сайёхга 3 мусулмон тушарки, мундан бу икки қисм ҳалқни аҳволи руҳиясининг кашф этмоқ мумкиндур. Бу насороу яхуд сайёхларининг оғзидан Умар, Абдулмалик, Қиловун, Масжиди Муҳаммадан иборатлари эшитилмоқдадур. Кўлларинда бўлса, ҳар навъ оврупойи тилларида ёзилгон «Раҳнамо»¹ китоблари бордурки, ҳар нимарсани тарихи ила биладурлар.

Куддуси шарифдан мусулмоний ҳатда бир «Раҳнамо» ахтардим, йўқ. Франсавий, немис, англис, румча, русча, арманича, ҳатто, булғорчаси бор. Ялғуз мусулмончаси йўқ. Ана, биз мусулмонларнинг лоқайдлиги. «Маносикул Куддусиши-шариф» исминда арабий бир рисола топдимки, анда тарихий жиҳатидан бир нимарса йўқ ва ҳақ нимарсалар қато-ринда бир хейле хурофотларни қўшуб бостурубдур.

Ҳарамнинг бир тарафинда бир қубба ва ичинда турба борки, қабри Ҳазрати Сулаймон алайҳиссалом дерлар. Киріб зиёрат қилдук. Бошинда фаслик авом бир ёш йигит мунда шайх экан. Панжараларинда ҳадсиз эски латта ва иплар боғлангандур. Алҳамдулиллоҳ, мундай латта боғламоқ Мадинаи мунаварадаги ҳарами муҳтарами ҳазрат пайғамбаримизға йўқдур. Шунга шукрки, сўюлган кўчкору ҳўкузлар шохи ва қўйругини туғ деб ва ёинки бутпарастликдан қолган панжа суратини мундаги ҳеч бир муқаддас мазорға ва мақомға қўймабдурлар.

На Шом ва на Куддус ва на Қоҳирадаги зиёраттоҳларда кўй ва ҳўкузни(нг) шохи ва қўйруғи муқаддас ва олий ма-

¹ «Раҳнамо»— маълумотнома, йўл қўрсатувчи китоб.

зор устинда күюлган йўқдур. Онинг учундурки; бир содадил туркистоний ҳарами муҳтарами ҳазрат набавийға кириб, ҳужраи саодатни зиёрат этгандан сўнг, «садагаси кетай, хўб мазор экан, лекин туғи йўқ экан», деб ҳасрат этиб экан.

Куббаи Ҳазрати Сулаймон алайҳиссаломдан чиқиб, ҳарам дохилинда ва қибла тарафиндаги Масжиди Ақсо зиёратига кетармиз. Ҳарами шарифни учдан икки ҳиссаси ифлос, чақир-чукур, ҳар ерға ўт чиқиб, ўзи қуруб-чуруб кетмоқдадур. Ҳарам ичиға бир неча ерда су(в) бор экан. Мундаги сарв, зайдун ва бошқа дараҳтлар сувсилиқдан қурумоқдадур.

Мана мармар йўлакни бир тарафинда мундаги талаба ва машойих ҳам далилларни дастурхонидан чиқтон суюклар ва шиприндилар йилилардан бери тўдаланиб ётибдур.

Ҳарамни(нг) икки тарафинда бир неча ерда мармар фаршлар чўкуб, бизни қабристондаги ўюлган гўрлардек бузулуб, чўкуб ётубдур. 25 таноб қадар бир ҳарам ва мунинг 10 танобдан зиёдасини масжид, кубба ва ҳужралар ишғол қилинган бўлуб, ниҳоят саккиз-ўн таноб қадар бўш ер борки, мунинг ҳам ҳар тарафидан бир неча мармар бўлаклар қилинган бўлуб, 5–6 танобини баъзи еринда қуругон ва қурумоқға юз қўйгон сарв, зайдун дараҳтлари борки, шуларни сугориб ва ёввойи ўтини ўруб, чақир-чукурини текислаб, шипринди ва ахлатларини беш юз қадам ташқаридаги сойға чиқариб тўқмоқға Куддуси шарифга одам топилмайдур. Ҳукумати ва ё баладиясини ҳарамга қарайдургон кўзи кўр бўлгон. Ҳарами шарифни вақғидан юз минг сўмдан зиёда мадоҳия бўлуб, 40 минг сўм қадари шайх ва аҳли ҳарамга берилур. Аммо олами исломни ҳар ериндагидек ҳарамни назофати ва асл биноси таъмирига аҳамият берилмайдур.

Бу замон атрофимизда йигирма қадар ўн яшардан 60 яшаргача «назрхўр» борки, «Хожи, ман – тахиб, ман – имон, ман – турбадор, ман – мифтоҳдор, ман..., ман... назр бер», деб мутаважжиҳ бўлмоқда ва чақириб, сани саклаб, пул тиламоқдадурлар. Майда болалари бўлса, атрофингни олган ва этагингдан ушлаб, пул бер, дейдур.

Мани оташаробадан олган далил ёнимға бўлуб, масжид ал-Ақсоға қараб кетмоқдамиз. Баъзи болага пул бермадингми, сан яхудий, деб айрилар.

Ажойиб ҳоллар. Бу ҳарами муҳтарам ичинда бир замон

қалбинг айридур. Олами руҳониятга ва нуроний бир мозийга ва осмонларға учарсан ва беш дақиқа сүнгра бу ҳолларни қўруб, тошға айланарсан, гўёки бир биёбони вахшатда гезарсан. Тоқатим қолмади, тавқиф этдим. Бир нимарса берур умиди ила атрофимни ўн қадар катта ва бешолти майда назрхўрлар олди.

Дедим: «Худо учун, мунда ётган анбиё учун сўзимни тинглангиз. Ўзингизга маълум, бу ҳарами муҳтарамда масжиди ал-Ақсо бўлуб, «Субҳон аллази асру...» ояти шарифаси мунинг ҳаққига нозил бўлгандур. Бу мақоми муқаддаснинг шаънидаги ҳадислар, албатта, маълумингиздур. Ўз нафсингиз учун бу қадар зиллати тамаъни қабул қиласиз ва беш юз қадамдаги ҳужрангиздан чиқиб заввордан назр олмоқ учун югуриб, ман – имом, ман – хатиб, ман – ансордан ва саййид... дерсиз. Бу вайроналар ва бу ҳарами муҳтарам ичиндаги шу музбалаларни* кўрмайсизми? Ушбу болалингиздек ахлоқсиз болаларни ҳеч ерда кўрмадим. Заввор пул бермаса, сўкар, яхудий дер. Бу на ҳолдур? Мундай кетса, амин бўлингки, анқариби ҳарамни ва арзи муқаддасни насоро ва яхуд сиздан олар!..» Сўз тамом бўлмасдан назрхўрларни бир нечаси қайтиб кетди. Бир-иккиси далилдан сўрайдур: «Манхува?»¹ «Муҳаррир ал-жарида»*.

Тумшуқини кўтариб жавобсиз кетар ва бир-иккиси жавобсиз қараб туар. Охири, қайномбошидан шикоят этар.

Далил эртароқ зиёратни тамом қилдурмоқ учун мани масжиди Ақсо тарафига олиб кетди. Назрхўрлар ва болалар пароканда бўлдилар. Бир оз нари кетдук. Яна бир неча катта ва кичик назрхўрлар кела берди. Далилларга араби баъзи нимарсалар сўйлади, қайтиб кетдилар. Биз оёқларимизни ешиб, кафшини баввобга бериб, масжид ал-Ақсоға кирдук.

(Бақияси бор)

«Ойна» ж., 1914 йил,
50-сон, 1189–1194-бетлар.

50-рақамдан мобаъд

«Субҳон аллази асру» ояти шарифаси ҳаққинда нозил бўлгон масжид ал-Ақсои муборакға кириб, ҳар шайдан аввал икки ракъат намоз ўкуб, мундай муқаддас ва мутабар-

¹ Ман хува? – Ким у?

рук мақомларға бандан еткургони учун Оллоҳи зулжалолға ташаккур ва арзи ниёз ва убидият этдим. Масжид ал-Ақсои аш-Шарифнинг энг охирги ва минбари шарифни сўл жаворинда ниҳоятда музайян раҳомлардан* бино қилинган бир меҳроби шариф бордурким, Меҳроби Имом Шофеи аталур. Минбарнинг ўнг тарафинда темур панжара ва шабакалар ила айрилғон бир қитъа бўлуб, бул тарафда икки меҳроб борки, бири Ҳазрати Мусо, дигари Ҳазрати Исо алайҳиссаломга нисбат берилур. Минбари шариф атрофинда обнус яғочидан ниҳоятда санъатлик кубба ва шабакалар ясалгандур.

Яна ушбу масжиди шарифнинг бошқа бир тарафинда Ҳазрати Довуд ва Яҳё ва Закарийё алайҳим ассаломга нисбат берилган айрича санъатлик ва нафис меҳроблар бордур.

Масжид ал-Ақсои аш-Шариф тулони шимолдан жанубга узайиб бино қилингандур. Кудуси шарифнинг қибласи жануб тарафи бўлур.

Масжиднинг узунилиги бобдан меҳробгача 130 қадам, эни шарқан ва гарбан 110 қадам бўлуб, яна масжиди шарифнинг икки тарафинда бир неча хонақоҳлар бордурки, катта равоқ ва эшиклар ила асл масжиди Ақсога қўшулуб ва ул хонақоҳлар масжид ила бир ҳукмга кирав. Ва ул хонақоҳлардан бир тарафидагини тули* 60, арзи* 36 қадамдур. Масжид ал-Ақсонинг шимолий тарафидан ва масжиди Сухратиллони қаршусидан 7 эшик бўлуб, яна шарқ ва гарб тарафидан бирор эшики борки, шарқдаги эшик «Боб ул-Хизр» аталадур.

Масжиди шариф 7 адад катта равоқ ва кўп адад тоқлардан иборат бўлуб, бу равоқлар 33 адад раҳом ва 12 адад тош ва ниҳоят баланд зийнатлик стунлар устинда бино қилингандур. Масжиднинг равоқ ва шўйбаларини бир-бирига рабт қилинғон тош деворлар 40 дан зиёдадур.

Масжиднинг стунлари мусайқал ва мужаллий ранго-ранг мармарлардан ва девори жилолик тошлардан бўлуб, инсоннинг акси кўрунур. Масжиднинг ости аввалан қимматбаҳо ва аъло ҳасирлар* илан ўртулуб, устидан барча еринда Истанбулдан юборилган аъло қолин – гиламлар ва нафис сажжодалар ёйилгандур. Масжидни(нг) саҳифа қарасанг, у мажаллий мармар стун бошлиқлариндаги араб санъати меъморияси ва услуги ва анда ўткарилған ишлар сани ўзиға жалб этар.

Тош устиндаги ўймакорликлардан бошқа олтун ва мино-корлик* нақш ва хутутларни тамошоси ҳайратларға гарқ этар.

Ичи бир неча таноб келатургон ва иртифоан* 30 газдан зиёда ва күпі мармар стун ва гұхарвар ва оқ ва лохутнисон маснағы* мөхроблар ва музайян сағфдаги қанодил* ва овиза* ва муқаддас минбар ҳазрат Мұхаммад Мустафә саллоллоху алайхі васаллам ва ҳар бири бир пайғамбар азимуш-шонға нисбат берилген муқаддас мөхроблар орасында мажзубона* зоти зулжалол ҳазратларининг бу назирсиз боргоҳи кибриёсінде іхтиёрсиз жисму рұх ила саждаға кетарсан. Бу саждаи убудийят* дан у қадар лаззат олурсан ва у қадар важдға* қолурсанки, ҳар бир нимарсаны унугуб ва ушбу саждадан бош күттармасдан Оллоҳ зулжалолға етушмоқ амалинда бўларсан.

Назаргоҳи илоҳийдур, мақоми мустафодур бу,
Матоғи* қудсиёндур, саждагоҳи анбиёдур бу.

Оҳ, на руҳоний ҳолатлар, на лазиз важданғиз убудиятлар, на ашкрез нози ниёзлар... Оллоҳ таоло ғариқи раҳмат этсун мунинг бониси асл мутақаддимин* мусулмонларни. Қандай асл мусулмонлар! На нуроний фусункор порлоқ мозийким, онинг асари қудсият самари минг бу қадар сана сўнгра бизни маҳвият даражасинда келтуар.

Эй, ўтмиш муқаддас мусулмонлар! Эй бонийлар! Эй фотихлар! Оллоҳ Сизларни ниҳоясиз раҳматларға гарқ этсунки, замонангизда бу қадар лохутий асарлар ва муқаддас буқъалар бино этибсиз. Чин мусулмонлар, ҳақиқий инсонлар сизларсиз. Ва сизларнинг тарзия* ва тавсифингиздан бу кунги, биз мусулмонлар ожизмиз. Бизлар сизни ноҳалағ* авлодингиздурмиз. Сизни изингиздан кетмоқға жаҳолатимиз монеъ бўлди. Кусуримизни ажзимиз учун кенг карамларингиз илан бағишлиғиз!..

Илоҳо! Бу азиз ва фаол бандаларнинг ҳурматига бизга басират бер! Эшитар кулоқ, англар ақл бер! Оҳ, у эзгулар қандай эканлар? Биз на ҳолдамиз? Оҳ, бу қадар анбиё, авлиё, машоҳирлар келиб биз инсонлар учун шариатлар, тариқатлар, маърифатлар ваъз этиб, бизни ҳақиқатға даъват этиб эканлар. Биз, гумроҳлар, йўлдан чиқиб, ҳазизи* нафсониятға куллиян* чўмубмиз. Букун ўзларини маданият ва инсониятни энг олий табақасинда деб ялғондан даъво этадургон инсонлар ваҳшониятни энг афсал* даражасинда

кўл ва аёқ урарлар. Милийўнлар ила бани одамнинг боиси кулфати ва мусибати бўлурлар.

Эй, Оллоҳи азимуш-шон! Бу магар санинг ғазабингмидур? Афу эт, биз инсонларни ҳидоят эт! Ер юзинда сулҳ ва салоҳи* умумий ато айла, инсонларга инсоният бер! Золимларни қаҳр эт, маҳв бўлсун зулм, яшасун адолат ва ҳаққоният, омин...

Ал-он масжид ал-Ақсо ичинда оврупойи ва амриқойи юзлар ила заввор бор. Мусулмондан икки мисрий араб ила ман ва 20–30 нафар худдом ва далил бўлуб, насоро ва яхуд завворининг ўндан зиёда пўп ва роввинлари-да бордурки, насоро ва яхуд руҳонийлари ўргаға туруб, бир неча ерда давра этуб, ҳарами шариф ва масжиди Ақсо тўғрисинда баланд овоз ила нутқ сўйлаб, аларға тарихий ҳолатлардан баён қўлмоқдадурлар. Масжид ичинда киргонда, ҳар ким бўлсун, этигини ешиб, ёинки устидан бошқа тоза чарм ва ё латта кафш кийиб кирар.

Ушбу масжидни ўрнида аслан Ҳазрат Сулаймон алайҳиссалом масжиди Ақсони бино этиб эканлар ва исломиятни бидоятинда қибла ушбу масжид ал-Ақсо эди. Сўнгра «Фаввали важҳака шатра ал-Масжид ил-ҳарам»¹ оятি нозил бўлуб, Каъбаи шариф қибла бўлди. Ҳазрати Сулаймон алайҳиссаломнинг асл бинолари бузулуб ва тахтга қолиб экан ва асл масжидни ўрнинда ҳозирги ушбу масжиди азим ушшонни Халифа Абдумалик ибн Марвон ҳазратлари авваланчи аспи ҳижрияда бино этиб, сўнгра хулафоу салотин дараҷа-бадаража таъмир ва зийнат берибурлар. Дерларки, бир замонлар насоро ва яхуд истило этиб, масжидни калисо этиб эканлар. Ахиран Айюби салотинлари олиб яна аввалидек масжид қарор берилубдур.

Масжид ал-Ақсонинг остига, ертўлаға қиратурғондек заминий дарвозадан кирдукки, масжидни ости тамоман катта равоқ ва ҳам вусъатлик камар ва 7–8 газ баландликда тоқлардан иборт бўлуб, ҳаммаси 1–2 макъаб* газлик оқ тошлардан бино қилингандур. Асл маъбад Сулаймон алайҳиссалом мунинг остинда қолиб ва ушбу табақа мусулмонларнинг биносибур. Ва бу катта камарларнинг бир тарафинда ёпук сардоба бўлуб, Масжиди Ақсонинг уст табақасидан

¹ «...Фаввали важҳака шатра ал-Масжид ил-ҳарам», «...Юзингизни масжид ал-ҳарам томонига буринг» (Куръон, 2-сурә. 149-оят).

оғзи бордур. Тахтони табақа масжид ал-Ақсонинг так курси ва ертўласи ҳукминда бўлиб, онинг ери тош ва га(н)жлардан иборат ва деворлари фақат тош бўлуб, тазиноти* йўқ. Ва аммо ниҳоятда даҳшатлик ер ости катта бир иморатдур. Мунда қиблаи аввал ва сонийга маҳсус меҳроб ва аломатлар ҳамда Хорун алайҳиссалом, Шубайр ва Шаубрий азизлари учун мақомлар бордур. Мундан чиқиб Боби Ҳизр алайҳиссаломдан ўтуб, икки-уч таноб мармар саҳндан юруб, ҳарами шарифни шарқи-жанубий кунжида бориб, заминий бир эшикдан ер остинда йигирма қадар тош зина ила тушдук. Мунда катта тошлардан бино қилинган бир уй бўлуб, бир тарафинда бир мармар суффа борки, «тахти Исо алайҳиссалом» дерлар. Яна мунда Ҳазрати Марям ва Исо ва Нуҳ алайҳиссалом ва Ҳаворийин* учун меҳроб ва мақомлар кўрсатилур. Мунда «ванна» (бир навъ тақора (ға) ўхшаш бир оқ тош боркӣ, «Исо алайҳиссалом бешиги» дерлар. Бу уйдан яна 20 қадар тош зина ила ер остиға тушукки мунда тули ва арзи 50–60 газ келатургон катта бир иморат бўлуб, кўп адал оқ тош стун ва деворлар устинда бир неча гунбаз ва қуббалар ила ёйилган бўлуб, равоку камарларнинг стуналири бир-бирига яқиндор.

Стун ва деворлар 1–2 макъаб газлик ҳажминда тошлардан метин бир суратда бино қилингандурки, биноси ҳазрати Сулаймон алайҳиссаломға нисбат берилиб, ҳазрати Умар разиоллоҳу анҳу фатихидан илгари астабли Сулаймон (Сулаймон алайҳиссалом отхонаси) деб, масмуотға* қараганда, ичинда яхуд ва насоро от боғлар эканларки, байд аз фатҳ амри ҳазрат Умар ила тозаланиб, масжиди Сулаймон алайҳиссалом аталиб ва ал-он мунинг ости тош ва туфроқдан иборат бўлуб, ўзи мўдҳиши ва муazzзам ҳам метин бир бинодурки, бу ҳол ила яна юз минг саналаргача бузулмайдур.

Бу мақомлардан саҳн устиға чиқдук. У қадар чарчабманки, бутун аъзога касолат келган.

Далил афандига дедим:

— Манга ҳарам дохилинда ер кўрсатингиз, бир оз ўлтуруб, истироҳат этайин.

(Бақияси бор)

«Ойна» ж., 1914 йил,
51-сон, 1212–1217-бетлар

51-рақамдан мобаъд

Далил жаноблари масжиди Сухранинг муқобилинда бир талаба хужрасига олиб кирди. Икки заввор Мисрий арабда бор. Бири Танто шахрининг бош дўқтури, дигари сақоли тамоман тарошланган бир муллодур.

Бир оз ўлтурдик. Истироҳат этдук. Оқшом бўлди. Эртага Халил ар-Раҳмон зиёрати ва Байтулаҳм саёҳати учун уча-ламизга далил бир фойтун киро ва бир нафар киши қўшмоқчи бўлуб, ар(о)ба учун байъона* олди. Баъд аз иъшо* ҳарамдан чиқиб «Олтер» ўтелидаги хужрамга ётдим.

Саҳар соат 4. Фойтун ила ҳамроҳлар келди. Ҳазрати Иброҳим алайҳиссаломнинг зиёратлари учун Халил ар-Раҳмон шахрига озим бўлдук. Ҳануз саратон ойи бўлса ҳам Кудду-си шарифнинг оқшоми хейле салқиндор. Совуқликдан арба ичига кўрпага ўралдук. Бир соат қадар кетдук. Исо алайҳис-саломни маҳали таваллуди – Байтулаҳм шахрининг қуий-сидаги боғлар орасидан ўтармиз.

Яна ярим соат юрдук. Халил ар-Раҳмон тоғларини тепа-ларини офтоб нури қоплади. Гуруҳ-гуруҳ бадавий араблар теваға, от ва эшакларга ҳар навъ юк ва кўмур ортиб шаҳар тарафига келмоқдадурлар. Бир замон темур садоси чиқди. Ароба тўқтади. Тушуб қарасак, фойтунни орқа чархидан бирини темури икки жойдан синиб тушубдур. Бошқа чарх-лари ҳам яқинда синмоқчидур. Далил жанобларининг баракатидан ўрта чўлда қолдук. Куддусдан Халил ар-Раҳмонгача 42 километр ўтди (40 чақирик). Тош тўшалган айло, ниҳоят-да мусаттаҳ бир йўл бўлуб, хукуматни таърифаси тўрт, ҳатто, беш киши бориб қайтмоқ тўрт ярим мажидий экан. Далил жаноблари бизларга б мажидий қарор бериб эдилар.

Сап-сариқ маймунга ўҳшаган ар(о)бачи Юсуф яхудий ҳай-рон-ҳайрон ар(о) басига қаради-қолди. Ар(о)басини эскилиги учун 3,5 мажидийга далил ила савдо этиб экан. Ҳар мажидий – 160 тийин. Бизлар ҳам тушуб аробани тавоғ қиласурғон-дек, атрофини ҳар биримиз бир неча дафъя айландук. Илож йўқ. Ар(о)бага уч от қўшилғон. Бирини яхудий Юсуфга мин-дуруб қайтариб, Байтулаҳмга ароба учун юбордук.

15 дақиқа сўнгра далилни бизга қўшган одами Шайх Махмудни ҳам Байтулаҳмга ароба учун юбордук. Йўл ка-норинда 45 дақиқа ўлтурдик. Мисрий дўқтур жаноблари мандан ҳам сабрсиз экан, асабийлашиб, далилни ғойибона

гажиди. Инсоф йўқ, бунлар ҳароми, ўғри... деди. Бунлар яна бизни ўйнатур. Орқаларидан Байтуллаҳмға кетармиз, деб иккиси қарор берди. Ман ҳам, табиий аларға тобеъ бўлдум. Икки отни аробадан чиқориб, кўрпамни устига ташлаб отни бирига миндум. Бири мулло ила дўқтурға қолди. Аларни бири дигарифа минмоқни таклиф қилас. Бири дер «Валлоҳи сан мин». Дигари дер: «Боллоҳ, сан мин».

5–6 дақиқа атрофни «валлоҳ», «боллоҳ» босди... Охири мулло минди. Дўқтур жаёв кетмоқда. Отлар ҳам «асл» эканки, ҳар қадамға тўкушар. Дўқтурни аёғига қараб оҳисталик ила ҳайдаймиз. Байтуллаҳмни ярим йўлиға келдук. Яна «оллоҳ», «боллоҳ» бошланди. Мулло тушди. Дўқтур минди. Муллоға олдим ва ё орқамға минмоқ ва эртароқ етмоқни таклиф қилдим. Яна валлоҳ-баллоҳдан бошқа натижা йўқ. Оқибат, мўлтони юришинда Байтуллаҳмға етдук. Ва бир кўчадан далил ила Юсуф яхудий уч отлик бир фойтун ила чиқдилар. Мисрилар оташин бўлуб, далил одамини сўкуб, Халил ар-Раҳмонға бормас бўлуб, Байтуллаҳм шаҳриға пиёда кириб кетдилар. Ман 2-аробани аввал чархларйни муояна қилиб, далил одами ила ўлтуруб, Халил ар-Раҳмонға озим бўлдум. Бир соат қадар юруб, синик аробага келдук. Хулоса, уч соатлик вақтимиз гойиб бўлдики, бу қимматлик йўқолган уч соат муддат мани беш кун ёфа шаҳриға мунтазир ва йўлдан қолиб бекор ўлтурушимға сабаб бўлғонини сўнгра ўқулур.

Бақадри имкон ар(о) бани тез ҳайдатиб, Халил ар-Раҳмон шаҳриға яқин етдук. Атроф узум, зардолу, зайдун, анжир, анор — хулоса, латиф мевалар боғчаларицур. Оврупойи 2–3 табақа иморатлар орасидан баъзан кулба ва козалардан* ўтуб кетмоқдамиз. Бу замон Мусаллаҳга бурулгон саллалик бир араб суръат ила келиб, ўзини бизни аробага олди ва манга Халил ар-Раҳмон зиёратига далиллигини тарьин этди. Ёнимдаги Шайх Маҳмуд бўлса, анга «Куддус далили бу завворни Шайхи Довудға элтиб топшир», деганини ҳар миён айтиб, иккиси бир оз мунозара этди. Дам бўл, деган ила сукут этмайдурлар.

Аробани сақлатиб, дедим: «Ё сизлар ар(о)бадан тушинг, ё мен. Бўлмаса, ускуту»*.

Бир неча дақиқа сўнгра ифлос ва фалокат бир саройни олдига ар(о)бамиз турди. Ар(о)бачимиз Никўла Абдулазиз

исминда бир араб насоро бўлиб, Шайх Маҳмудга дерки: «Мандан хабардор бўл...»

Сабабини Шайх Маҳмуддан сўрасам, дерки: «Христианлардан мунда агарчи тубжойи бўлса ҳам маҳсуси олим оладурлар. Онинг учун қўрқар, Вузу́* этдим, мани Шайх Довудга топширди. Атрофимни 20 қадар бола ва катта олди: «Хожи, баҳшиш!»

— Баъд аз зиёрати, фи-л-авдати¹.

Шайх Довуд ила ҳарам сари кетмоқдамиз. Фалокат² кўча ва бозорлар усти равоқлар ила ёпилган. Эни уч газлик эгри-бугри, ифлос йўл. Кичкинагина, ифлос дўконлар ичинда озгина Оврупо моли бор. Чиркин араблар ўтурмоқда. Хуласа: мундай чиркин ва ажиг кўча ва одамларни ҳеч ерда кўрганим йўқ. Ҳатто Ёғанинг кўчаларидан ҳам фалокатроқдур. У қадар фаноки, инсонга ямон таъсир этар.

Бу дўконларни бир-иккиси яхудийнинг бақдол дўконидурки, Оврупо туғма ва муҳрлик шароб тўла шишалар ҳам сотилур. Туркия ҳукумати тарафидан бино қилинган мактаби рушдияни «ҳаром» деб бола бермайдургон араблар бу шишалардан олмоқда ва фоидаси яхудий ва Оврупо кис-сасиға кирмоқда. Ва арабни ахлоқи зиёдароқ бузулмоқдадур. Турк ҳукумати шароб сотмоқни манъ этмоқчи бўлса, Оврупо тожирлари, «ваҳший» турклар «сарбасти³ тижоратга монеъ бўлур», деб эътиroz этар эмиш. Оҳ, сад*, оҳ на учун олами исломнинг ҳар ери мундай! «Фожатнабуҳ» «Ан-назофати мин-ал-иимон» қайда қолди? Анбиёи изом саловатуллоҳи алайҳим ажманн ҳазоротининг турбаси мубораклари ва абул анбиёи Иброҳим Халилуллоҳ ҳазратларининг муборак исми шарифларига нисбат берилган балданинг ҳоли ва мундаги мусулмонларнинг қиёфа ва башараси бўмидур? Эй, Оллоҳ, қиёматинг қўпсун-да, бу осафлик ҳолларга хотима чексин ва бизга баъд баъд ал-мавт³ йўли очилсун!

(Бақияси бор)

«Ойна» ж., 1914 йил,
52-сон, 1235–1239-бетлар

¹ Баъд аз-зиёрати, фи-л-авдати— зиёратдан сўнг, қайтишда.

² Ифлослик маъносида.

³ Үлимдан кейинги қайта тирилиш.

*Боши биринчи йил «Ойна»нинг 31-рақаминдан
52-рақамиғачадур*

Халил ар-Рахмон шаҳрининг яхудийча исми «Хебрун» бўлиб, бу шаҳар Жабал Халил исмидаги тоғ каноринда* муттасил* ва бу тоғ этагиндаги катта бир заҳра* устинда ва шаҳрға муттасил Иброҳим Халил алайҳиссалом ҳазратлари-нинг мадфани* мубораклари воқеъдур. Бозор ва дўконлардан бевосита боргоҳи* ҳазрат Халилга 5–10 зина ила чиқиб, мармар тўшалган узун саҳловдан юруб, кўп адад равоқ ва тошсугун устинда бино қилинган катта ва узун ери ҳасир* тўшалган бир жомеъга кирдук. Мунинг асл ўрнинда маъбади* Сулаймон алайҳиссалом бўлиб, сўнгра мулки Мисриядан Малик Зоҳир, Баркуқ ва бошқалари тарафидан олий иморатлар қилингандур. Бу маҳаллар турклар истило этгандан сўнгра Ёвуз Султон Салимхон зиёратга келиб, яна зиёда таъмиrot этиб, мундан сўнг Султон Маҳмудхон Со-ний тарафидан яна зийнат берилибдур. Бу жомеъ тахминан юз қадам узунликдадурки, андин яна мураббаб* ва туло-ний* катта бир хонақоҳга кирдукки, мунинг зийнати аввалгидан зиёда ва устунлари якпора мармар бўлиб, бошлиқ ва деворлари ранги мармарлар ила зийнат берилиб, яхши овиза* ва қандиллари бўлуб, ери бутун аъло қолинилар ила тамоман ўргулгандур. Хонақоҳ меҳробини икки тарафинда ва хонақоҳ деворларига етмасдан ва қиблага қараб, туло-ний икки муazzзам турба* бордурки, ҳар бирининг тахми-нан тули* олти, эни уч, баландлиги тўрт газ бўлуб, усти бизни соғаналардек балиғсиртидур. Ва бул муборак турба-ларнинг ораси ўн газ қадар бўлуб, ҳар бирининг усти яшил атлас пўшиш ила ёпилиб ва ул атлас устинда олтун калоба тўп* или оёт* ва аҳодиси* шарифа жаллий* суратда ёзилгандур. Меҳробнинг ўнгиндаги турбаи муборакка ҳазрати Халил саловатуллоҳ васалламниѓ ва сўлдаги турба завжай мутаҳҳаралари* ҳазрати Соранинг мақбараи шарифалари бўлуб, икки турба бир-бирига муқобилдурки, зиёратлари ила мушарраф бўлдум. Ва зиёратдан сўнгра меҳроби ҳазрати Халилга намоз ва убудиятни* баржо келтуруб, ушбу хонақоҳга бир эшик ила марбут бўлингон* бошқа хонақоҳга ўтуб, ҳазрати Исҳоқ алайҳиссалом ва ҳарами-муҳтарамалари ҳазрати рафиқа ва ҳазрати Яъқуб алайҳиссалом ва завжалари ҳазрати Лоиқа зиёратларига мушарраф бўлдум. Яна

бир эшикдан катта бир ҳужрага кирдукки, мунда ҳам олтункори ва яшил атлас ила ўртулгон бир турба борки, бул ҳазрат Юсуф алайхиссаломнинг мадфани шарифлари бўлуб, мунинг ҳам зиёрати ила мушарраф бўлдум. Ба бу ҳужрада эски ва тарихий бир сандуқ-да бордур. Бу ҳарам ичинда шайхлар «тоқчадек» бир жойдаги жилолик бир тошда «қадами набино Мұхаммад» саллоллоҳи алайхи вассалламни бўса қилдирадурлар¹. Бу хонақоҳ ва жомеълар учтарафдан кичик ва усти очиқ, ости мармар ила фарш қилинган бир саҳнни иҳота этгандур. Саҳннинг қиблага муқобил тарафинда бир неча ҳужра бўлиб, шайхларга маҳсусдир. Ҳарам ичинда бир неча лавҳда Куръони карим қўйилғонки, баридан бироз тиловат этиб, амбиёни изом* ва оиласи киром* ҳазратига арз ва оллоҳи зулжалол ҳазратларига ниёзу убудият этдим. Ҳарам ва хонақоҳларни яна айланаб, ондаги 30–40 қадар мўйсафиҳ ва ёш болаларга ҳадяи ожизона бермоқчи бўлдумки, далилимиз шайх Довуд деди: «Буларға берма. Берган ила кутулмайсан, балки сани талайдурлар. Тўхта, катталарини чақирай, онга бергил». Бу сўздан сўнтра алардан бири катталарини чақирдики, бир ёш киши келди ва ул кишига ҳадяни бердук. Қабул ва дуо этди. Андин сўнтра бир мўйсафиҳ шайх мангага далолат қилдики, яна бир зиёрат ери қолдики, кел зиёрат қил. Орқасидан кетдим. 3–4 шайх ўлтургон бир ерда ва хонақоҳи Халилни бир тарафинда олиб борди. Ва анда кудуқ оғзиға ўҳшаган ва кўлни кўб суртулғонидан мужалло² бўлгон «қубурға ўҳшаш тош»ни зиёрат қил деди. Дедим: «Қандай зиёрат қилурлар?» Ул шайх ерга ўткурулгон кубур тошин ҳам бўлуб, кўли ила масҳ² этиб, сўнгра кўлини ўпуб юзига масҳ этди*. Бу афъол^{*} мани ўйловга солдики, бу қандай тош ва қандай зиёратдур? Гўё бул ҳажари асвод^{*} бўлсанки, биз они ўпармиз. Ҳосил, бу тош учун бир оз ҳадя бердим. Бу кудуқ оғзиға ўҳшаган тошини бир неча кишига ўптуруб турубдурлар. Ҳатто, баъзи бадавийлар ўшал тошга сажда этган ҳолда баланд овоз ила ўз муродини тилаб турубдур. Бу ҳоллар асабларимға тўқуниди. Яна атрофимни бир неча 60 дан 8 яшарғача одамлар олиб, назир тиладилар... Бу ҳоллар ёмон таъсир этиб, ан-

¹ «Қадами набино Мұхаммад»— пайғамбаримиз Мұхаммад излари (ул зот меъројга шу ердан кўтарилган эканлар).

² Силамоқ.

бийи изомнинг муборак турбалари хузуринда бориб, ихти-
ёрсиз ҳолимизга йигладим. То, хайрим, шайх Довуд далил-
га малол келиб, чиқмоқға таклиф этди. Туруб яна ҳарамни
айландим. Ва куббат ул-Халил деворининг бир тарафинда
икки қизил мармарға, бири куфий, дигари куръоний хат
ва арабий ал-иборат ила «ушбу тош Мавлоно султон Малик
носир ад-дунё ва-д-дин Мұхаммад Қыловун айёминда қўйил-
ди» ёзулиб, яна 732 таърих қозилгандур. Бошқа бир ерда
1313 санасинда Султон Абдулҳамидхон тарафидан таъмир
ва таждид* қилинди, деб тошга қозилгандур. Муни ўқуб
тургонимда атрофимда 20 қадар катта ва кичик назирхўр-
лар жам бўлуб, алардан бири, билмайман, на сабаб учун
«Ҳамид малъун!» деб менга исмини кўрсатди. Ва ман анга
ҳайрон бўлуб қараганимда, бошқа бир-иккиси ону урушуб
ва бири ул сўккан одамнинг мажнунлигин илгари сурди.
Яна ҳазрат Халилуллоҳ турбаи мубораклариға мутаважжиҳ
бўлуб кетдим. Ва бул турбанинг ичига кирмоқ мумкин бўлуб,
темур шабакалик* эшиги бор экан ва эшикиға шабаки ила
1259 тарихи ёзилубдур. Турба Биби Сора ҳазратларининг
темур қуфлиға* 1302 санаси шакли қозилибдур. Видоъ зиё-
ратидан сўнгра хонақоҳдан чиқиб, ҳарамнинг бошқа тара-
финдаги мармар сахловидан юруб, беш-ўн зинадан тушуб,
яхуду насоро* зиёратчилар(нинг) келиб қайтадурғон дар-
воза олдига келдукки, мунда зинаға ўхшаш бир неча тош-
лар бордур. Зиёратчи яхудий ва насороларни ҳарам ичинда
киргузмас эканларки, яхудийлар шул тошларни силаб, ўпуб
ва ул тошлар олдига соатлар ила йиглаб, дуо ўкур эканлар.
Яхудийларни силаб ва ўтгани сабабидан бул тошлар сайқал
ва жило топибдур. Олмониё императори ҳозирги Вильгельм
Куддус зиёратига келганида, бу ҳарамға-да Султоннинг
иродай маҳсуса көғази ва маҳаллий хукумат одамлари ила
келиб, ҳарамға кириб экан. Султондан иродай маҳсуса бўлма-
гунча гайри мусулмонни ушбу ҳарамға қўймас эмишлар.
Вильгельм бу зиёратига араб ва туркларға кўп худойи бериб
еканки, баъзилари они «Ҳожи Вильгельм» дерлар. Ҳарами
Халилнинг иккинчи боби* дан чиқиб, шаҳарни айланиб,
бир араб таомхонаасинда кириб, таом этдук. Ул таомхона
кичкинагина ва бир мусулмон арабники бўлуб, деворинда
Оврупонинг машхур хукмдорларининг рангли тасвири осил-
ган эди. Ошхоначидан сўраганда, бул «Ҳожи Вильгельм» ва

бул фалон деб кўрсата берди. Ва императори аъзамиимизни ҳам атаб кўрсатди. Анвар ва Ниёзий ва Маҳмуд Шавкат пошоларнинг¹ ҳам тасвири осилгандур. Куддус, Ёфа ва бу тарафнинг баязи таомхона ва дўконлариинда мундай ранг суратлар кўпидур.

Ошхонадан чиқиб, аробамиз турган саройга келдукки, 20 дан зиёда катта-кичик фақир араблар «ҳожи, зиёрат қабул, атои бахшиш» деб мутаважжиҳ^{*} бўлдилар. Бир оз бахшиш берилиди. Ва аробамизға ўлтуруб, шайх Довудни далилонасини бериб, мурожаат этдук. Бир оз кетиб эдукки, келарда аробамиизда ўлтургон киши ароба олдини тутуб, ҳаққини талаб қилди. Ва анга ҳам бир оз пул бериб, бир-икки ўтелнўмра^{*} лавҳасини ўқуб ўтдўк. Бу ўтелларни яхудийлар тутар экан. Азбаски, араблар ўтелчилик қўлмоқға ор қиласар эканлар. Мунда овруполи зиёратчиларни(нг) кўп келиши учун бу ўтелчи яхудийлар кўп фойда қилур эканлар. Аммо бечора араблар тиљаниб умр ўткарадурлар. Халил ар-Раҳмон шаҳринда уч катта жомеъи шариф ва бир неча масжид бордур. Шаҳарда 10 мингдан зиёда араб шофеъи ал мазҳаб ва 600 қадар яхудий бўлуб, яхудийларни(нг) бир ибодатхона ва бир мактаби бордур. Турклар тарафидан бир рушдия^{*} ва олти сибён^{*} мактаби очилибдур. Мунда шиша бўлатургон маъдан борлиги учун шишадан ҳалқа билакузук ва майдачуйда нимарсалар қуядурлар. Агарда мунтазам бир фабрика очиб, шиша ва зужжож^{*} санъатига ривож берилса, аҳолига манфаат бўлур эди. Шаҳарнинг узоқ ва яқинига шаҳарға қараган 60 дан зиёда қишлоқлар бўлуб, сув ила боғча ва мева деҳқончилик яхшидур.

(Бақияси бор)

«Ойна» ж., 1915 йил,
1-сон, 7-11-бетлар

1-рақамдан мобаъд

Халил ар-Раҳмон шаҳридан Куддуси шарифгача тош тўшалган каф(т)дек мусаттаҳ^{*} аъло катта бир йўл бўлуб, тарафайн^{*} аксар афилсун, узум, анжир, зйтун ва бошқа мевалик дарахтлар ила тўладур. Тарафайн тоғлик бўлуб, Куддус ва Байтуллаҳмга яқин ерлардаги боғчаларнинг баязисини Амрико ва Оврупо насоро бойлари сотиб олиб, Ов-

¹ Туркиядаги ёш турклар инқилобининг таниқли вакиллари.

рупо усулинда аўло қасру иморатларни этубдурларки, яна бир оз муддатда бу боғчалар тамоман Оврупо ва Амрико-нинг халқига ўтуши муқаррардур. Тўрт тарафи тоғлик ва тошлик ерларда юз минглар сўм масориф* қилиб, овруполиллар тарафидан қасру кўшклар солингони бу даъвони(нг) далилидур. Йўл ҳозирлангон қайси кун бир Оврупо ширката трамвай юргузуб, завворлардан* яхши фойда этар. Халил ар-Раҳмондан Куддусга қараб 5–6 чақирим юрдук. Мунда тоғ парчасидан иборат бир тепанинг ёнида тошға қозилгон бир неча мағоралар* бўлуб, одам эмаклаб киратургон кичик оғзи бордурки, қадим замон одамларининг хонау мақонлари эмиш. Бу мағораларнинг(нг) орқа тарафинда бир неча қабр аломатлари борки, Намруд замонидан қолган дерлар. Йўлда бир-икки ерда шифохона ва чойхоналар бордур. Йўлнинг каноринда бир-икки ерда насоро зиёратгоҳлари бўлуб, анда олий калисолар солиниб, одатан ҳар бири оврупойи бир катта қасаба ёинки кичик шаҳар ҳукмини олибдур. Халил ар-Раҳмондан 11 чақиримда турк сultonи Сулаймон Қонуний тарафидан 3–4 таноб ерни туттган ва баландлити 8–10 газлик мустаҳкам тошдан бир қалъя бўлуб, анинг живоринда* тошдан бир таноб қадарина катта бир ҳавз бино қилинубдурки, вақтинда турк аскарлари тураг экан. Ал-он* бўш ва ҳануз қалъя маҳкам ва ҳатто, кунгира ва зийнатлари ериндадур. Яна бир оздан сўнгра бир тоққа келдукки, хиристёnlар муни Макони Хизр деб зиёрат қила-дурлар. Мундан нар(и)роқ модари Юсуф алайҳиссалом ҳазрати Роҳиланинг зиёратгоҳидур. Мунинг ул тарафинда Юнус алайҳиссаломнинг зиёратгоҳлари борки, буларни зиёрат, дуои фотиҳа қилдук. Ва Халил ар-Раҳмондан 30 чақирим қадар юруб, Байтулаҳм шаҳрига кирдук. Шаҳар тоғ ва қумлик, сувсиз ва оризалик* бир ерда бино бўлуниб, кўчалари тор ҳамда эгри-буғри қадим замон шаҳридур. Шаҳарда шаш-шашлик* суратда бир неча калисо ва бир ҳукумат қўноғи ва бир неча мағоза* бўлуб, садафкори саввойи кетадургон нимарсалар сотилур. Мағозаларинда ерли нимарсаларни баъзан бирда ўн дафъа қимматбаҳо қўярлар. Бу шаҳарда бешолти минг араб халқи бўлуб, ярмидан зиёдаси насоро ва бошқаси мусулмон бўлуб, барчаси салла ва жубба* ила юрар. Мағозадагилар ҳар бир тилни оз-оз биладурлар.

Халқининг иши садаф тарашламоқ бўлуб, садафдан тас-

бих, салиб, ҳалқа, ҳилол ва юлдуз, кути, шамдон, қопчук, попируздон, албұм, муқова, табоқ, қошуқ, тасвири салиб Масих¹, узук, аёл, бола ва эрлар учун тұгма ва ҳар навъ зийнату ярашиқ катта ва кіткік асбоб, хулоса, мінг навъ нимарса ясайдурлар. Ва ер юзидан келатургон мусулмон ва насоро завворлари тұхфа учун олиб кетарлар.

Садафлар Хинд ва Аммон тарафидан, аввалан, Италиёға кетиб, анда айлолари ажралиб, иккінчи даражадагилари мунда келиб, айтулғон асблордай тайёрланадур. Андати садаф тасбиҳ ва асблордан бож ила Туркистанда келатурлганда ва фириб емасдан бириңчи күлдан олингандар, юзда йигирма ва баъзи молдан юзда қырқ фойда қылмоқ мумкіндур. Шаҳарни ва садаф устахона ва мағозаларини юруб, баъзи тұхфалар олиб, бир майдончага чиққукки, анинг бир тарафинда мағозалар ва бир тарафинда хукumat құноғи ва ниҳоятинда катта бир имарат бордур.

Иморатни майдонға қараган жабха* эшигини, билмайман, на сабаб учун юқори нисфи* бир келгандуркі, хам бұлуб кирдүк. Ки мунда катта ва олий, деворлари мұнаққаш ва зийнатлик бир масжид бино қылпандур. Узунлігі 60, эни 40 газ бұлуб, усти хейле баланд ва 44 дона айло ва музойиқлік* мармар стун сақғини* күтариб турубдур. Ери тош бұлуб, ал-он бүш; фақат бир неча қандиллар осилгандур. Мундан бир эшик ила бошқа бир хонақоға ўтдукки, эни 30, тули 60 газ қадар бұлуб, күп бино құлолғандур. Мунда күп қандил ва ададсиз зайден чироғлари ва зийнатлик овизалар құюлуб, мунинг бир тарафинда тоқ(и)дек бир жой қилиниб, анда кеча ва кундуз минглар ила зайден чироғи ва шамъ ёқилиб турурки, бул ҳазрати Исойи Масіхнинг туғилғон маҳалидур, дерлар.

Бу имаратда ҳар навъ икон ва тасвиrotлар құюлуб, мұкаммал насоро калисосининг ичидектур. Бу сумъанинг* ичида ва ост табақасини ва ер остинда баъзи кічкина ҳужралар ҳам бұлуб, анда ҳам тасовир ва чироғлар құюлғандуркі, кечаю кундуз чироғлари үчмай, насоро рохіб ва шайхлари қарашадурлар. Ушбу сумъа, тұғриси, калисо доимо очиқ бұлуб, түрк аскарлары тарафидан атрофинда қоровул ва ичинда ҳам бир суффа устунда доимо иккі түрк аскары мілтиқ бадаст тик туруб ва ҳар соат навбат олиштурмокқадурлар.

¹ Тасвири салиб Масих – хоҷдаги Исо тасвири.

Бу олий иморатларнинг биринчи бонийиси ҳазрати Умар разиаллоҳу анҳу, иккинчиси халифа Абдумалик бин Марвон дерлар. Ушбу бино кўп метин ва чидамлик бир суратда мармардан бино қилингандур. Девор ва стунлари тамоман қозма ва қабартма, араб услубинда музойиқлар бўлуб, кўп бино кўюлгон ва мармар стун бошлиқлари кўп зийнатлиkdir.

Мунда ҳар ким ўз хоҳиши ва одати диниясинча зиёрат ва ибодат қиласар. Зиёратидан сўнгра яна шаҳарни кезиб, аввалги аробамизға ўлтуруб, шаҳардан бошқа йўл ила чиқдук. Шаҳар атрофинда мармар тош маъданлари бўлуб, бир қисм халқ, ер остидан тош чиқориб, иморат учун йўнмоқдадур. Шаҳар атрофинда кичик мева боғчалари бўлуб ва баъзи боғчаларни яна Оврупо ва Амрико давлатларини эгаллаб, баъзисинда юз минг сўм туратурган олий тош бинолар солибдурлар.

Куддус ила Байтуллаҳм ораси 8 чақирим бўлуб, бирбирига яқин боғча ва бинолар кўп ва арова бир-икки дайр (насоро монастири) бордур. Бу орада доимо эшак ва ҳар навъ киро аробалари юруб, заввор тошимоқдадурлар.

23 саратон ойи саҳар зиёрати Халил ар-Раҳмон ва Байтуллаҳм учун Куддуси шарифдан чиқилиб эди. Ўшал куни мазкур маҳаллаларни юруб, зиёрат этиб, фуруб* вақтида яна Куддусдаги манзилимга етдим. Бир оз истироҳат этиб, Куддусни оқшом ҳаётини кўрмоқ учун чиқдим. Кўчаларда «лукс» маҳтоби* ланпалар ёниб, озроқ аробалар бордур. Бир таомхонага кириб, физо* этдимки, анда мускирот* йўқ, фақат машруъ* нимарсалар бор. Қиморсиз қарта ва шатранж ўюни-да мавжуд бўлуб, кўп кишилар мунга оғуштадур*. Маданият одатларидан театр ва синаматограф-да мавжуд эканки, кирмадим. Бу пайғамбарлар шахрига мундай нимарсани(нг) бўлмаслигини кўнгилни тилагани ажибдур. Ма фийяҳу*, шаробхона ва ҳар нимарса бор эмиш.

Синаматўграфни эга ва хизматкорлари араб ва ибрый созларини чолгувчиларни(нг) ҳаммаси яхудий экан. Театрига арабий, иброний, франсовий, немис тилларда ривоят-пиесалар кўюлур экан. Азбаски, мазкур тиллар халқидан мунда кўбдур. Фаластин араблари ҳам Миср арабларини сабаби ила театрчиликка бир оз майл қылубдурлар. Театр пиесаларини ривоят атаб, қадим ва жадидлари яхши кўз ила қарар эмишлар.

Синаматўграф ила мен турган ўтел орасинда оврупово-

рий кенг ва мунгазам бир йўл бино қилиниб, тарафайни ланпалар ила мунавар ва мунинг ўргасинда ҳукумат қўноғи ва ани живоринда темур панжаралик аъло бир боғча ва сайронгоҳ бино қилингандурки, инсон мунда ўзини бир Оврупо шаҳрига кўрар.

Бу катта йўл руслар бино этган «Маскубия» қалъасини олдидан ўтар. Бу йўлнинг икки тарафинда овруповорий катта мағоза ва ўтел ва дўконлар бўлуб, тарафайнинг соя учун дарахтлар ҳам ўтқурулубдур. Маҳтобий ланпалар зиёси ила юруб, манзилимга келиб, уйқуға кетдим.

(Бақияси бор)

«Ойна» ж., 1915 йил,
2-сон, 26–30-бетлар.

2-ададдан мобаъд

Ҳазрат Халил ар-Раҳмон алайҳиссалом зиёратининг эртаси далил ила бир аробага ўлтуруб, Куддуси шариф ичи ва атрофиндаги анбиёи изом ва авлиёи кибор зиёратлариға мутаважжиҳ бўлдук. Куддус фатҳинда шаҳид бўлган бир неча саҳобагони бузургвор* ва у жумладан, ҳазрат Уккоша ва бошқа муҳоҳидини исломни(нг) бир неча ерда зиёрат этдук. Сўнгра шаҳарнинг шарқи(й) тарафиндаги Тур-Зито тогига чиқилди. Бу тоғ тик эмас, ўрлатиб ароба йўли қилингандур.

Тоғ устига чиқганда, Куддусни(нг) ҳар жойи кўзга кўрунур. Бу тоғ устидан шаҳарда ўндан зиёда катта калисолар устингдаги салиб-крести ила кўзга учрайдур. Тоғ устинда ҳам бир неча энг катта калисолар борки, катта давлатлар тарафидан бино қилиниб ва ҳар бирининг атрофинда 5–10, ҳатто, юз-икки юз таноб ерларни айлантуруб олинган майдон, боғча ва ўтеллар, юзлар ила хона ва хужралар бино қилиниб, анда насороларнинг ҳар қисмидан, масалан, рус, немис, франсуз, италён, англичан, рум, арман, булгор ва бошқа христиан миллатларининг эр, аёл монахлари туруб, бўйнида тўрт-беш олчин тасбиҳ осган зоҳид ва монахлардан бошқа ҳар синфдан, яъни косиб ва аҳли ҳунар муҳожирлари илан тўладур. Мазкур миллатларнинг ҳар бирини шаҳар ичинда ва хорижинда ва Тур-Зито тогинда мунгазам мактаб, ҳатто дорулмуаллимилари бўлуб, христиан муҳожирларининг болаларида, бошқа маҳаллий христиан араб болаларини ҳам мажжоний* ўқитадурлар. Мусулмон бола-

лари бўлса, на бу мактабда ва на турклар бино эттан низомий мактабда ўқумай, дунёдан хабарсизлик ила умр ўткарлар. Куддус манишатига диққат ила қараганда Араб мамлакати ва ёйинки Туркия вилояти ва турк ҳокимлиги; кўзга энг кичик қўрунғон нимарсалардан бўлуб, ҳар ерда оврупойиларни(нг) маданияти, мактаби; тижорати ва хўжалиги зоҳирдур. Мисол учун шуни ёзайин: Куддус ва Фаластинда Русия императўрига мансуб рус жамияти бўлуб, буларнинг идорасинда юздан зиёда русча ва арабча мунтазам мактаблар борки, талаба ва талаботлари 3–4 минг бўлуб, бул мактабларга туркларни эски имтиёзлар хукми ила мудохала ҳаққи бўлмай, фақат рус инспектури назоратинададур. Яна муаллим ва муаллима ҳозирлайдурган мунтазам русча, арабча мактаблари бўлуб, бу мактаблар рус соҳиб хайротларининг масорифи ва эҳсони ила тарбия қилинур. Табиий, бу мактабга ўқигон кишилар рус тарафдори бўлурлар.

Куддусдан Тур-Зитода чиқонда бевосита чап кўлда йиғирма-ўттуз таноб ерни атрофи девор қилиниб, музайян Оврупо кўшк ва иморатлари бино қилинган. Бу кимники? Бир инглиз хотуннинг мулки! Ул тарафинда йўл устинда кўб маҳаллалар бор. Булар кимники? Оврупо муҳожирлариники! Яна бир неча юз таноб ерларни атрофига стун ўтқурулуб, сим ила иҳота қилиб, ичинда милийўнлар масориф ила бино қилингон мактаб, мусофирихона, калисо, ҳаммол, хастахона ва бошқалари борки, бу кимники? Олмонларники! Куддусда олмонлар бошқалардан бир неча дафъа зиёдароқ ер эгаллабдурлар. Ундан нари бошқа катта бир иморат ва бир неча таноб ерни айлантурулган, бу кимники? Италёйларники! Яна бу... кимники? Оврупойиларники. Бир калима ила айтайин, Куддуси шариф атрофини(нг) ўндан 6–7 си оврупойиларники бўлуб, ниҳоятда олий ва жамиятларига маҳсус умумий бинолар солингандур. Ёлғуз оврупойилар эмас. Амрико насроларининг ҳам мулклари бордур.

Куддус атрофини(нг) 10 дан 4 ё 3 и маҳаллий одамларники бўлуб, аммо ободлик жиҳатидан оврупойилар мулкини(нг) юздан бири эътибор қилинса, жоиздур. Офарин оврупойиларға! Аларни(нг) дин ва миллатлари йўлиға этгон сарф ва чекгон меҳнатларини айтиб адo қилиб бўлмайдур. Бу айтулғон еру иморатлар қип-қизил ва ялангоч тоғ устинда бино қилиниб, тошларни қозиб, катта майдонлар ва

мусаттақ қилиб, бошқа тарафлардан туфроқ келтуруб, ботманлар или боғчалар бино этубурлар. Бу тоғлик ярамас ерларни(нг) мураббаға газини 2 дан 500 франкғача сотуб олибдурлар. Мил или қаерлардан сув келтурубурлар... Оре*: «Ҳиммат-ар-рижол тақла-ул-жибол» (одамларнинг ҳиммати тоғларни талқон этар). Энди буларга, биз диндор мусулмонларни қиёс қилиб бўлмайдур. Вакътоки*, Маккан мукаррама ва Мадинаи мунавварада мушарраф бўлуб эдим.

Охирги 1–2 аср замонида биз, мусулмонлар ва ё мусулмон подшолари тарафидан бир асари буқъая хайрия йўқдур¹. Ҳозирги замон жамиятлари, мактаблари... нари турсун, бизни баъзи ҳожилар аҳволини анда кўрмоқ керак: Киссасига минглаб пули бўлуб туруб, тўйуб таом емайдур. Тевачисини* тўйдурмай, андан таёқ ейдур. Карантинларда ўзини мискин кўрсатиб, зиллатни қабул қилиб, пулсиз ўтар. Мактаб ё мадраса қиласатургон ҳожи топилмайдур. Ал-ниҳоя, қиласатургон хайри 5–10 сўм андаги бой ва ёйинки гадойларга улаштурмоқ ва ҳарами набавиййада ҳар кун халойиқфа уч кўза сув бергил, деб бир ходимга ойинда бир мажиди (160 тийин) тайин қилиб, они ҳам юбормаслик (мани самарқандийлигимни билиб, Самарқандда ал-он тирик ҳожи... жанобларига айтинг, мани саққолик* вазифамни юборсун, деб худдоми* ҳарамдан бири мангга таъйин қилиб эди).

Бу мустамлакотлар* орасидан ўтардим, узокдан катта бир калисонинг ҳаллик қуббаси назаримни жалб этди. Кимники? Русларни монастри-дайриду деди. Бордук. Йўлни бир тарафида фақир ҳовли ва йморатлар, ифлос арабхоналари бордурки, булардан ўтуб, катта бир дарвозадан олий ва катта бир чаҳорбогга кирдук. Ҳар тараф раста или ҳар навъ дарахт ўтқурулган. Ҳар тарафда монахлар учун хусусий уйлари ва ҳаммаси учун катта золлар ва мактабхона, касалхона ва ниҳоятда зийнатлик бир калисо ва Куддусни ҳар бир минорасидан баланд гиштин бир минора ва устинда Куддус уфқини овози или тўлдуратургон катта бир нокус* осилгандур. Чаҳорбогни(нг) ҳар ери тозадур. Русларнинг Куддусда мундан бошқа яна 4 катта калисолари бордур. Олдимдаги далилга дедим: «Кўрдингизми, русларнинг диндорлиги ва ҳимматини? Шундай тоғда йўқдан шундай жаннат-

¹ Бир асари буқъая хайрия йўқдур – кейинги пайтда жамоат бинолари деярли курилмади.

дек жой қилибдурлар. Аммо (сиз) Куддуси ҳарами шарифнинг ичинда порухоналар* қилибсизлар?!» Табиий, жавоб йўқ.

Баъзи руслар ила сўйлашдук ва ондин чиқроҷ ҳамон олдингга ифлос ҳавли ва саҳройига ўхшаш чиркин мусулмонларни кўрарсанки, бу кўрулғон манзаралар кўнғилга таъсири этар.

Атрофни яна айландук. Тур-Зито устидан Баҳри Лут кўли кўрунуб турубдур. Куддус ичинда ва атрофинда кўп адад калисолар устиндаги жиёлиник кубба ва салиби илан кўзни ўзига торгар. Мусулмоний дини иморатлар устининг тунука ва пўшишлари ва масжид куббаларининг устинда кўюлгон ва аломати ислом бўлган ҳилол (ярим ой) лар камоли чиркинилдида кўрунуб, занг босиб, мужалло салиб муқобилинда ҳазин бир манзара кўрсатадурки, мундан насороларни(нг) динига ихлослиги ва мусулмонларни(нг) лоқайдлиги маълум бўладур.

Рус калисосининг яқинида ҳар тарафи тош девор айлантурулғон мусамман — саккиз бурж(л)и бир ҳавлига кирдук. Ўртасинда бир кубба бор. Ичига сандалига ўхшаш катта бир тош борки, ҳазрат Исо алайҳиссалом мунинг устидан осмонға чиқгон, дерлар. Ўртаси чуқур бир тошни маҳали* Асойи Мусо алайҳиссалом дерлар. Мунинг яқинида йигирма қадар зинадан чуқур бир даҳмага кирилтурки, Робия ал-адвийя ва Мұхаммад бин ал-Ҳасан разиаллоҳу анхунинг зиёратлари дур.

(Бақияси бор)

«Ойна» ж., 1915 йил,
3-сон, 49–53-бетлар

3-ададдан мобаъд

Бу чуқурдан чиқиб, аробага ўлтуруб, бошқа йўл ила яна шаҳарға тушуб, оврупойиларни(нг) тоғ парчалари идеқ мактаб, мусофирихона, калисо, сумъя, кўнсулхоналаридан ва ора-сира бузуқ ва харобазор мусулмон ҳавлилари олдиндан ўтуб, яна шаҳарни бошқа тарафиға чиқиб, бир хейле боргандан сўнгра, хароба бир ерда аробамиз турди. Ердан 50–60 газ баланд — бир тоғ парчаси ва онинг ости бир танобни(нг) тўртдан биридан зиёда бир мафора. Бу мафоранинг усти якпора уч-тўрт дона катта тош — сухра* ила

табиий ёпилгандур. Магоранинг ости ердан бир оз чукур бўлуб, айвонга ўхшаш уч тарафи қиёдан* девор усти сухра тош ва бир тарафи очиқдур.

Бу магоранинг бир тарафинда Сўлтон Иброҳим бинни Адҳам жанобларининг турбалари бордур. Мундаги эски асрлардан вақтинда бу маҳалга катта иморатлар борлиги билинур. Аммо ал-он хароба ҳолинададур. Агар ҳозирги мусулмонлар бўлсак, бошқа зиёраттоҳлар-да шунингдек хароба ҳолига келиши муқаррардур.

Мундан чиқиб, шаҳарни бошқа тарафинда бир хейле юруб армани калисосидан ўтдук. Калисо деганда йигирма-ўттуз таноб ер ва атрофи тош девор ила қалъага ўхшатуб бино қилинган бир кўргонча тасаввур қилинсун. Ичинда калисо, мактаб, ҳаммом, касалхона ва жамъияти хайрия идоралари, жимностиқ хоналар* сумъа ҳар тарафдан кела-тургон зиёратчи насоролар учун мунтазам уйлар, таомхоналар, ҳатто, ичинда хунар ва саноатхоналар бино қилинган-дурки, ёлғуз танбалхона ва бизни(нг) таяклардек ишсиз ва гадойхона эмасдур. Темур дарвоза ва анга дарбонлари бордур. Бир оз нари кетиб, аробадан тушдук. Равоқлик бир саҳловдан ўтуб, бир ҳавличага, ундан пастгина ёпилган чинни ва минокори* бир гунбазга кирдукки, ичи масжидлардек гиламлар ила тўшалган ва бул муборак мақом Ҳазрат Довуд алайҳиссаломнинг қабри мубораклари бўлуб, зиёратига мушарраф бўлдум.

Мундан ароба ила яна бошқа йўлларни айланиб, Қуддус ичиндаги қабри Ҳазрат Марям ва Исо алайҳиссаломга мансуб калисо ва бошқа машхур калисоларни зиёрат ва саёҳатига азимат этдук. Аввалан, масжиди Ақсо ҳарами шарифнинг яқинидаги Қамом калисосига бордукки, насороларча дунёни энг шарофатлик калисосидур. Ичи катта ва кичик бир неча қубба ва мармар иморатлардан иборат бўлуб, ҳазрат Исонинг ҳар навъ тарихий ҳолатларини, яъни ҳалқни динга даъват этганлари ва яхудийлар тарафидан изо* ва жафо кўруб, салибга миҳланган ва насоролар эътиқодинча, салб* булунғон ҳолатлари тасвир қилинган ва кичкина ясалган ва осилган маслуби мужассам¹ суратлари ясалиб қўйилгандур.

¹ Маслуби мужассам – Исонинг чормих қилиниши тасвири кўзда тутилмоқда.

Калисо ичинда кўп агад чироф ва шамлар ёқилиб, доимо зиёратчилари узулмайдур. Мундаги насоро зиёратчилини(нг) баъзиси биз кирганда ниҳояти хушу ила* тизланаб, андаги насроният меҳроблариға ва Ҳазрат Масиҳ маслубнинг тарихий суратлари хузуринда саф-саф зиёрат этиб туруб эдилар. Бу калисонинг калиди мусулмон бир шайх қўлинда бўлуб, андан бошқа барча ходим ва рұхонийлари насородандур.

Мундан чиқиб онинг яқинидаги рус калисосига кирдукки, мунда ҳам тарихий тош ва тасвиirlар кўб бўлуб, бир неча уйдан иборатдурки, бир рус хотун шайхи бизларга кўрсатиб баён этди. Мунда тўрт-беш минг сўм масраф* ила қилингтон икон (тасвири ҳазрат Марям ва Масиҳ) бордур.

Калисонинг олдинда тошкандлик ёш аттор бор эканки, ҳожи ва завворлар олатургон нимарсалар сотадур. Дўконига бир оз ўлтурдук. Мамлакатдан сўради. Қўлиға бир неча нусха «Ойна» ва «Туркистон харитаси»ни бердим. Аҳли савод экан. Тошканд шахрини кўрсатдим. Беихтиёр харита устиндаги Тошкандни ўпуб, кўзига суртди. (Хуббул ватани мин ал иймон!).) Хусусан ватан ва аҳли диёрни(нг) қадри мусофириратга* маълум бўлур. Ҳақиқатан ватан муқаддасдур. Қадрини билмоқ керак. Сотмасға ва ўлгунча айрилмасға керакдур. Ўғли бор эмиш, Куддусдаги русча ва арабча мактабга бериб, мактабни тамом қылдумоқға ва сўнгра русча дорилфунунга юбормоқига машварат берилди. Шаҳарни(нг) четроқиндаги Қабри ҳазрати Марям калисосига бордук. Шайхлари тамоман насородур. Асл калисо ер остинда қолуб, 60 қадар зина ила кирилур. Ер остинда 2–3 кубба ва мармар равоқлар ила бино қилингтон иморатлар бўлуб, деворларинда тарихий хат ва тасвиirlар бордур. Кўп чироф ва қандиллар ёқилган ва ер ости иморати бўлган учун қоронгудур.

Андан чиқиб, яқинидаги насороларнинг католик мазҳаби аҳлиниң зиёратгоҳига кирдук. Кичкина бир эшиқдан киравмиз. Кудрати катта тош – сухралардан пайдо бўлган ва бир-бириға муттасил 3–4 кичик табиий мағоралардан иборатдурки, мағоранинг тавонига баъзан қўл етар. Ва ичи номунтазам 2–3 ҳужрага айрилиб, ҳазрат Масиҳнинг бир бола бўйнида салб қилингтон мужассам тасвири бордур. Ва яхудийлар тарафидан салибға михланганда қонларини оқгани тасвир қилингандур. Бу мақомнинг шайхи католик насородандур.

¹ Хуббул ватани мин ал иймон – Ватанин севмоқ иймонландур.

Мундан чиқиб, шунда яқын Боязид Бистомий¹ Ҳазрат-ларининг турбаларини зиёрат этиб, бир оз нар(р) оқдаги насороларга тейишли чаҳорбонга кетдукки, онда ҳам Ҳазрат Масиҳнинг ҳар навъ тарихий ҳолатларининг тасвирини де-ворларга тортилибдур. Яна бир неча исломий ва яхудий ва насроният мақомларини саёҳат ва зиёрат этиб, яхудийларни Куддус ҳарами деворининг орқасига келиб, ҳар кун йиг-лаб дуо ўқийдургон жойларига келдук. Яхудийлар ҳарамни мусулмонлардан олиб аларга бермоқни ва қадим яхудий ҳукумат ва салтанатига еткурмокни Аллоҳ таолодан тилаб, ҳарам деворига орқа тарафдан келиб мутаважжих бўлуб, бўюнларига ридо солиб, эру аёллар соатлар ила тикка ту-руб, китоб юзасидан ва ё ҳифзан* гуруҳ-гуруҳ дуо ўқий-дурлар. Ким билур, аларни дуолари қабул бўлур ё йўқ. Зо-хир ҳолда қараганда, Куддус ва Фаластин, яъни арзи мавъ-удга* яхуду мусулмонлардан зиёда тасарруф ва илм жиҳа-тиндан насоролар тараққийдадур...

Ҳарами шарифдаги масжиди Ақсо ва масжиди Сухро-тиллоға кириб, яна бир видоъ зиёрат этиб, ушбу шариф мақомларга яна мушарраф қилишини Аллоҳ таолодан ти-лаб, чору ночор ҳарамдан чиқдук. Бозор ва ўтелдан нимар-саларимизни олиб, далил ва шогирд далилга кераклик ҳадяни бериб, алар ила видоъ этиб, ароба ила вагзалға мутавваж-жих бўлдук. Далил жаноблари вагзалғача келмоқчи бўлди; ёлвориб қайтардим. Гёёки икки киши тамом уч кун манграфаоқат* ва далолат этдилар. Агарда Оврупони(нг) бир шахрига бир таржимон уч кун аларни айтган далолатини қйлса, ақлан ўн беш сўм олур. Аммо икки кишига мани берганим ондан оздур. Мaa фиҳи* берган нимарсам алар-ни(нг) тахминидан зиёда эдики, хурсанд бўлдилар. Ман дедим: «Агарда икки кун миниилган аробани одат бўюнча киро қйлса эдингиз, сизга зиёдароқ берар эдим. Азбаски, аробачига... фурушни зиёда олиб бердингиз».

Далил жаноблари уялиб, деди:

— Одамни тонимоқ мушкул. Агар ҳожиларни 3 кун, 4 кун олиб юрармиз, кетар вақтида бергуси бир мажиди (160 тийин) берарки, икки кишига на бўлур? Лоилож далиллик зимнига далоллик ҳам қилармиз...

¹ Боязид Бистомий — 874 йилда вафот этган машҳур мутасаввиф.

Букун чаҳоршанбадур. Асрдан сўнгра бир попур* Ёфадан Искандарияга кетар. Онга етмоқ учун Қуддуси шарифдан оташаробани учунчи синфиға кирдик. Тушганда нимарсаларни чиқорган ҳаммол ҳақини онга бермоқ учун далилга бериб эдим, олганим йўқ, деб 2 фурушни яна олди. Вагонда Оврупо ва Амрико сайёхлари ва ерли араблар, аскарлар тўла бўлуб...¹ Хулоса, бандай Ҳудонинг ҳар қисмидан бордур. Курраи арзининг ҳар навъ мусулмони, насороу яхудийси мунда келур ва ҳам (маси) бир ҳудонинг бандасидур.

Бу ҳолат ва манзаралар ҳам латиф ва ҳам ажиг бўлуб, инсонни чукур тасаввурларга кўмар:

Рафтам ба калисои тарсоу жуҳуд,
Тарсоу яхудро рӯ бату буд.
Дар ёди висоли ту ба бутхона шудам,
Тасбиҳ табон замзамаи ишқ ту буд².

Ўрта ёш аммома* ва мусаллаҳлик* бир араб шайхи Оврупо либоси кийган бошқа бир зиёли араб ила мани олдимга ўлтурдилар. Узум ерлар. Шайх манга: «Домла ака, узум енг...», — Ҳўқанд лаҗжасига таклиф этди.

Ман дедим:

— Сиз Ҳўқанд тарафига кўбми юрган?

Дедики:

— Ман Ҳўқандийдурман. Беш-олти санадур ҳинд, Арабистон, Миср ва Ҳижозға кезарман...

Ҳаж шавқи учун оқчасиз ватандан чиқибдур. Маржон, садаф, тасбиҳ ва амсоли савдо этар. Ва мазкур айтилғон қитъаларни ҳар сана бир дафъа айнолур экан. Икки минг сўмча мояси бор эмиш. Мазкур қитъалар тилидан ҳамда ўрду ва англизи бир оз билур... Мадинаи мунавварадан ер ва хотун олмоқни ва боласини низомий мактабга бериш тўғрисинда машварат этдук. Живориндаги ёш бир араб жарида мухбири бўлуб, онга ҳам маъкул бўлди...

2-июл, ҳануз асрға ярим соат бор. Ёфа шаҳрига оташаробадан тушган ҳамон Ёфада мутаваттун* самарқандий ва садаф тужжори Ҳожи Мир афандига йўлукдук. Бу жаноб дал-

¹ Ўчиб кетган.

² Таржимаси: Насроний ва жуҳуд ибодатхонасига бордим.

Насроний ва жуҳуд қаршингда юзма-юз ўтирадилар.
Ёдинг висоли билан бутхонада бўлдум,
Кўлимда тасбиҳ ишқингда замзама қиласарди.

лол ёинки ҳожи сайёдларидан эмас ва ниҳоятда мусофири-парвар ва амини мұттамад* бир одамдур. Бизни түғри ҳавлисига олиб бормоқчи бўлди. Ман дедим: «Афу буюринг, бир дақиқа ғойиб қилатурғон вактим йўқ. Тўғри паражудга кириб, Мисрга азимат этмоқчиман». Андаги турк жандар-масидан паражудни сўрадук. Деди: «Суръат ила кетсангиз, балки етарсиз». Нимарсаларни ҳаммолга кўтартуруб, ден-гизга юруб яқинлаштук. Олдимииздан гуруҳ-гуруҳ ҳалқ чи-қиб: «Вопур роҳ» («Попур кетди»), — сўзи ила бизларға му-қобил бўлурлар.

Денгиз лабига чиқиб кўрдукки, попур кетиб турибдур. Денгиз жандармасидан: «Яна қачон попур бор», — деб сўра-дук. Зуҳирот* бўлмаса, душанба куни жавобини берди. Ана, Ҳалил ал-Раҳмон йўлига ароба синиб, 3—4 соатимиз фавт* бўлғонининг натижаси. Энди Ёфадек кичкина шахрда беш кунимизни гёҳ ҳибс ила ўткаурман. Уйдан чиқғондан бери тузаган фурсат, сафар прўграммим буқун сактага учради. Кайф учди. Гёёки мани мунда бир саналик ҳибс этдилар. На чора? Ёфада ҳожихона ва ўтел очган жаноби Ҳожи Бақо Бухорий келиб мулоқот этди. Ва жаноби Ҳожи Мир ила манга дилдорлик бериб, Ҳожи Бақо очган Миср ўтелиға олиб келди-лар ва аъло бир нўмра бердилар. Алар хурсанд, мен хапа.

(Бақияси бор)

«Ойна» ж., 1915 йил,
4-сон, 74—79-бетлар

4-ададдан мобаъд

Ёфа шаҳри Оқ денизнинг Шом соҳилинда ва Куддуси шарифнинг аскаласидур*. 15 мингдан зиёда ҳалқи бўлуб, аксари мусулмон ва бошқаси яхуд ва насоро бўлуб, барча-сининг тили арабидур. Атрофи боғча ва баракатлик бўлуб, узум, лимун, тарбуз, шафттолу, хулоса, ҳар нав мевасидан Оврупо ва Мисрга ҳар сана миллийн сўмлар ила сотар. Соҳи-лиға лимон — паражуд турадурғон сунъий ҳавзи йўқ. Вақти-да ҳар ойнинг аввал-охири бир ҳафта қаттиғ фўртанаси бор. Ёзда бир озгина дениз мавжи бўлуб, аммо кўрқунч эмас-дур. Ушбу сана оврупойи бир ширкат уч санада тамом қилмоқ шарти ила рехтим* ва ҳавз қилмоқ учун Туркия давлатидан рухсат олгани сўйланурди.

Шаҳар дengiz бўйинда узунча тушуб, баъзи иморатлари дengизга муттасил, узоги 20–30 газдур. Қадим кўчалари ифлос ва тўр бўлуб, охиран ҳукумат 4–5 оврупойи катта йўллар очибдурки, тарафайни 4–5 табақагача тошдан овруповорий иморат бўлуб, лукс ланпалар ила танвир* қилингон. Ва тіжорати яхши бўлуб, ер юзиндаги бутун мусулмон, яхудий ва насороларни(нг) зиёратгоҳи Кудуси шариф ҳожиларни(нг) ўтадурғон еридур.

Шаҳарға муттасил ва дengiz бўйинда ҳамда темур йўли маҳтатаси* ҳамсоялигиндаги баъзан зироатлик ва баъзан қумзор ерларни Туркия давлати рухсати илан яхудий миллийнчиларидан иборат бир ширкат – кампония халқдан аввалан йўқ баҳосига олиб, кичик бир шаҳар бино этиб, яхудий муҳожирлариға керакли иморатларни қилиб, 10–20, ҳатто, 50 сана муҳлат ила берарлар ва беш мингдан зиёда яхудий муҳожирлари дунёни ҳар тарафидан мунда жам бўлубдурлар. Овруповорий тош иморатлар, ибодатхона, дорулфунундек катта мактабхоналар, «артизан» – сув бергувчи кудуқлар, нўмралар. Хулоса, йигирманчи аср тириклигига ва яхудий маишатига керакли мукаммал иморатлар бино этибдурлар. Ўз ароларинда иттифоқлари том бўлуб, бу яхудий шаҳринда содалавҳ ва фикрсиз турк давлатидан на пўлис бор; на мудир.

Яхуд миллиати ва ҳар бир кўзи очиқ миллиат манфаатлик ишға пулни қизғонмайдур. Бу иш учун биргина Рўтшилд бой 4 милийён сўм берибдур. Масалан, бир яхудий дунёни бир учидан анда ҳижратни қарор бериб хатлашса, ўшал ширкат анга керак ҳавлини муҳожир планича бино этиб, 50 саналик берар ва ҳар сана ижросини ярми қадар пул бериб, ҳавлига эга бўлур.

Ушбу яхуд шаҳрининг ерини ўн сана муқаддам бир кишига мажжоний берса олмас экан ва яхудийлар бошлаб иморат қўлганидан сўнгра атрофни бир мураббаб гази бир гуруш – 7,5 тийин экан. Ал-он гази минг гурущдан фазладур*. Яна қўйммат бўлуб тараққий этар. Азбаски, дунёга яхуд халқини(нг) мустақил шаҳри йўқ. Ва Ёфанинг бир тарафи чўл бўлуб, бу чўл бора-бора Туркияning хуррият ва ҳимояти ва ёинки содалавҳлиги соясинда дунёмизда бирдан-бир яхуд шаҳри бўлур. Яхудийларни ҳозирги дорилфунун мактаблари ва идораи баладийалари турклар назоратидан озод, на

унга турк инспектур — муфаттиш илмияси ва на пўлиси қарайдур.

Ёфа яхудий шаҳрининг кўзға кўрунмас идораси ўзлари учун марка бостурубдурларки, яхудийлар бу маркани сотиб олиб, хатнинг ичиға ёпуштуарлар. Албатта, бир кун келурки, бу маркалар лиғофани устиға чиқар. Оре, умид лозимдур. Дунёга ҳар ким умид ила яшайдур. Аммо умидға иш қўшулса, натижা берар. Ёфада ўн минг қадар мусулмон ва 6—7 минг қадар яхуд ва насоро бор. Аммо катта савдолар ва катта мағозалар, синаматограф ва катта мактаблар ҳамма(си) яхуд ва насоро қўлиндадур. Муқаммал франсуз-ферар мактаби мунда мавжуд бўлуб, Франса мисйўнерлари тарафидан яхши бир ерда бино қилингон ва боғчасинданда кўшқдан қаралса, бутун Ёфа боғчалари оёқ остинда кўрунур.

Туркларниң бир сultonий ва бир неча ибтидоий мактаблари бўлуб, Ёфанинг ўн минг мусулмонлари бизни Самарқанднинг 80 минг мусулмонидан ўқимоқ тўғрисинда аълодур. Азбаски, сultonийда юз қадар талаба бўлуб, арабий, туркий, франсавий ўқийдур. Франсуз мисйўнер мактабига ҳам мусулмондан 20 қадар талаба бор. Самарқанддаги ҳукумат мактабида нуфуси Самарқанддан ўннинг ярми қадар ҳам мусулмон боласи йўқдур. Мундан маълум бўлурки, Ёфанинг у чиркин араблари бизни бу озода мусулмонлардан кўра тараққийдадурлар. Ҳолбуки, аларни(нг) бу тараққийси яхуд ва насорога қарагонда ҳечдур. Ёфада насоролар тарафидан уч жарида араб тилинда ва яхудийлар тарафидан бир жарида араб тилинда ва бир жарида иброний тил ва хатинда чиқиб, аммо бечора мусулмон тарафидан бир дона ҳам йўқдур.

Шаҳар ўргасиндан жомеъда бордим. Бир мударрис бир неча талабага тафсир ва ҳадис дарс бериб турибдурки, бир оз қулоқ осдим. Фикри ва тадриси* яхши бўлуб, бизни Бухоро ва Туркистондан аълодур. Ҳамشاҳримиз садаф тоҷири жаноб Ҳожи Мир афандини(нг) уч ўғли борки, онаси арабдур. Каттаси ҳукуматнинг сultonийсини тамом этиб, франсуз-ферарини ҳам шу сана тамом этибдурки, тавзеи мукофот* куни ферар идораси тарафидан бизга ҳам даъватнома ва белат келди. Бордим. Тошдан бино қилингон икки табақалик мадрасадек катта бир мактаб... Туркия ва Франсия байроқ ва аломатлари илан зийнат берилган. Бир тараф-

да султон ва Туркия ҳам Франсия акобирларининг тасвири осилгандур. Юздан зиёда насоро, яхуд ва мусулмон боласи синф-синф чиқиб франсузча, арабча ва яхудча абётлар ва нутқ ўқудилар. Мактаб багинда тўрт юз қадар мухталит* халқ бор. Мукофот учун берилатургон китоб ва албўмларни(нг) устига болани нўмраси илан исм ва кунияси ёзилган ва келтуруб мактаб попослари* тарафидан ҳар болани яқин одамига берилур. Бола келиб сафларни ичидаги акрабосини қўлидан баҳшишни* олар. Саҳнадаги баланд ерга чиқиб, таъзим этар. Араб муаллимлари араб либосига, яхуд муаллимлари яхуд қиёфасига, франсуз муаллимлари тамоман руҳоний (пўп) қиёфатинда бўлуб, бўюнларига салиб осилгандур. Пўпларни оёқларинда масиҳи ва этик-да йўқ. Балки арабдек аёқ ялангдур. Расми мукофот тамом бўлди. Араб талабалар тағири қиёфа* этиб, арабча тарихий ва муҳорабалар суратинда бир фожеа театр кўрсатдилар. Араби шеър ва қасидалар ўқуб, андаги ҳар синф, халойиқ тарафидан мазҳара тақдир бўлиндилар. Шом соҳили франсуз нуфузида дерлар. Дарвоқе, франсузлар Порисдан қопчуклар ила олтун келтуруб, мусулмон ва араб болаларини мажоний ўкутуб ва ҳатто, у чиркин, иштонсиз араблар боласига либослар бериб, ҳаллдор китоблар баҳшиш этиб, устига нон ҳам бериб, яна ҳар сана дунё жаннати ҳисобланган Порисга мажоний саёҳатлар қўйдуруб ҳамда франсуз пули илан араб ва турк еринда очилгон мактабга араби ва ҳатто, араб динини пул бериб араб муллосидан ўкутдурса ва андан чиқгон болаларни восита илан ва минг йўл илан Туркияning давлат маҳкамаларига маъмур қилиб сўқса, албатта, Сурия ва Фаластин ҳалқини(нг) франсузпааст бўлуни лозим келур. Бизни(нг) Туркистон ва Бухоро ҳалқидан кўра араблар қобил ва мустанди маданиятдурлар*.

Арабларда либос, сочу сақол, қадим ва жадид, театр ва мусиқи масалаларининг ҳаром ва ҳалоллиги қачонлар ҳал бўлуб кетгандур. Бизга энди бошлайдур. Биз Русияга тобеъ бўлуб туруб, Туркистонни ҳеч бир шаҳриндаги бир хукумат мактабига ўн нафар мусулмон талабамиз йўқ, мусулмон тили ва мусулмон дини ўқитмоқ нари турсун...

Ҳожи Мир Бақонинг Миср ўтелидаман. Бир неча кун муқаддам Бухоро шайхулисломи жаноблари ҳам шунда турган эканлар. Куддус, Ёфа ва Халил ар-Раҳмондаги шайх ва

мискинларға күп-күп ҳадялар бериб, бир неча курбонлар сүйоб, халқға тарқатибдурларки, ҳар ким мадҳ этар.

Ёфада ҳамроҳлари илан маъян* ва ҳам танҳоли суратларини олдурууб эканлар. Муборак сийратларини Шоми шарифда бориб кўруб эдим. Бизларда баъзан таассуб йўқ. Агарда тотор шайхулисломи бўлса эди, балки суратни гуноҳ биларди. «Шўро» мажаласига сурат қўймоқ гуноҳ деб тотор муллолари бир неча вақт мубоҳаса этиб эдилар...

Миср ўтели олдидан бир мусулмон жанозаси ўтди. Нардбонсиз бир тобут. Тобутни(нг) бош тарафинда бир газ қадар яғоч ўтқурулган. Агарда маййит* эр бўлса, устига аммома* ва аёл бўлса, рўймол ўрайдурлар. Тобут қўмош¹ ила ўртгон бўлур. Тобут кўтарғанлар ва акраболар ва орқадан кетатургонлар дод-фигон ўрнига «Ло илоҳо иллоллоҳ, ло илоҳо иллоллоҳ»ни якбора ва баланд овоз ила айтиб кетмоқдадурлар. Ман ҳам нўмрадан тушуб, орқаларидан кетдим. 200 қадамдан сўнгра қабристонга кирдук. Ки шаҳарни(нг) марказига бўлуб, икки тарафидан бозорға қараб катта дўконлар бино қилинибдур. Бир тарафи маҳалла йўли ва бир тарафи ҳавлилар бўлуб, ораси бир неча таноблик қабристони муслиминдур.

Ўлук кўмулуб, Куръон ўқилди. Йиртиш йўқ. Қабристонни(нг) икки тарафиндаги икки катта йўлдан, эшиги ва орасидан пиёдагузар* йўлі бор. Қабристонни(нг) бир тарафиндаги ҳавлиларни(нг) ҳар биридан қабристонда бир эшик ва тиризалари* бор. Ҳар нав кишилар, ҳатто, Ёфа олдида тургон икки англис ҳарбий парахўдини(нг) сарбозлари дастадаста мазкур ҳавлиларға кириб чиқмоқдадурлар. Ҳайрон-ҳайрон ман-да эшикларини биринда яқин бордим. На кўрайин, оврупойи ва яхудий ва араб фоҳиши хотунлари тўла ва ҳар бири муштариж* тортмоқ учун изҳори жилва этмоқдадурлар. Тукларим урпайди. Субҳоноллоҳ, бу на расволик. Мунда мусулмон борми? Ҳукумат борми? Во, осафо, ҳар бири бор.

Аммо маънан ҳақиқийси ила ҳеч бири йўқ. Бу фисқхоналарнинг олдига муттасил қабрлар кўпдур. Яъни бу хоналарни(нг) девори, хона ичиндагилар ила қабрлар орасинда ялғуз восигадур. Мунда киратургон ҳабислар қабрларни устидан ўтуб кирав.

¹ Матоҳ.

Ҳожи Мир жаноблари мани зиёфатга таклиф этиб эди. Қабристондан чиқиб, деңгиз бўйиндаги саодатхоналарға бордим. Шаҳар мўътабаронларидан* бир неча турк ва араб бордур. Фавран қабристон ҳолатидан сўз очдим. Узр мақоминда дедиларки: «Ундаги корхонадорлар ажнабий табааси яхуд ва насоролардур. Биз бир неча дафъя аларни кўчурмоқ учун ҳаракат этдук, қўнсуллар мудохала* этди. Ҳукуматимиз заъф* кўрсатди. Баладия* ҳам аларға тараф бўлди. Тўғриси, оқча кучлук этди. Ҳоло иш юқори маҳкамаларға кеттан. Жавоб келган йўқ».

Дедим: «Ҳеч ерда мундай разолат ва зиллатни* кўрмадим. Дунёда муқаддас қабристонни бу қадар таҳқири этган бир шаҳар бўлмаса керак. Бизни Туркистон қабристониға ит ва эшишак ётар... Боболаримиз устига от чопамиз, бузуб йўл қиласмиз... Аммо қабристонда расмий фоҳишахона қилганимиз йўқ. Бу қўнсулларни(нг)айби эмас. Сиз мусулмонларни(нг) ва ҳар нимарсага бепарво ҳукуматингизни(нг) айбидур. Бизни(нг) Туркистонда расмий мусулмон фоҳишахоналари ҳар шаҳарда кўп эди. Аммо мусулмонларни(нг) саналар ила талаб ва рижосини Русия ҳукумати дикқатга олиб, ушбу сана барчасини беркитди. Айб бўлсун, сиз мусулмонларга...»

Ҳожи Мир Самарқандийни(нг) уч ўғли бор. Бири бу сана Истанбул ва ёинки Оврупо дорулфунунига юборилур. Иккиси ҳукуматнинг сultonий мактабига ўқийдур. Ёзгон ва ўқугон дарслари, чизгон расм ва пилоналарини болалар кўрсатди. Ниҳоятда қувондим. «Ойна»лардан ва «Туркистон харитаси»дан бердим. Падарларини ватани Самарқандни ҳаритага кўруб суюнарлар. Оллоҳ ривож берсун. Кошки, ҳар бир мухожир Ҳожи Мир афандидек ҳаракати маданиятга бўлинса эди.

Зиёфатдан чиқиб, Бухорий Ҳожи Мирзо ал-Бақо афанди хонасиға бордук. Грамўфўнда Туркистон ва Бухоронинг машҳур хонандалари лавҳасининг кўюб, мамлакатча бир мажлис этдук. Ҳожи Мирзо ал-Бақо афанди Ёфада икки ҳожихона ва бир Миср ўтелини тутар. Куддус зиёратига боратурғон ҳар ҳожи 11 сўм берса, Ёфадаги парахўддан қайиқга ва андан ҳожихонада ва ондан вагзолға ва темир йўл ила Куддусга ва Куддус вагзолидан ар(о)ба ила Куддус ҳожиҳонасинда ва андан Халил ар-Раҳмон ва Байтуллаҳмға аро-

ба ила яна Куддусдан ароба ила вагзолға ва темир йўл ила Ёфага ва Ёфадан қайиқ ила парахўдга масорифсиз юруб чиқарки, бул ҳожиларға ниҳоятда фойдалиқдур.

Ёфа ва Куддусга бир ой турса ҳам ҳожихонаға ижара ва сув учун оқча бермайдур. Хулоса, на ҳаммол ва на қайиқ ва на темир йўл ва на аробага бир пул бермайдур. Далилларни(нг) назру рўзини таоми бошқадур. Ҳожи Бақо ушбу хизматига темир йўл ва парахўд идорасининг ҳар биридан ҳар ҳожи бошиға ярим сўм қадар комписса¹ олурки, агарда ҳар сана беш минг зиёратчи мусулмон Куддусга ўтса, тўртбеш минг сўм комписса ҳақи бўлиб, икки ҳожихона, Ёфа ва Куддусдаги йигирма қадар вакил ва хизматкору котиб ва югурдаклариға шу оқчадан вазифа берур. Ушбу машъум муҳораба ул ходими миллатта кўп заرارлар этди. Ҳожиларни ўз ҳолига қўйса, бу 11 сўм эвазига 20–30 сўм, балки зиёда масраф этарлар. Ҳожи Мирзо ал-Бақо афанди бу ишни кўп ҳаракат ва тадбирлар ила қўлға кирғузубдурки, узун бўлмаса ёзардук. Тўрт кечач-тўрт кундузни Ёфада ўткармоқ кўп гарон* эди. Мaa фийҳи, ҳамشاҳарийларни навозишлари соясинда хафа бўлмадуқ ва бу бекорликда саёҳатнома мактубларидан бир нечасини ёзиб, «Ойна»ға юбордук. Чашоршанба Ёфага келиб эдук. Душанба аср парахўдни 3-даражасига белат олиб кирдук. 2-белати тамом бўлгон, биринчига кўз қиймади. Аммо 3-синфға ўлтургонимизға жазо чекканимизни Пўрт Саидга кўрарсиз.

Парахўдимиз шомға яқин ҳаракат этди. Иншооллоҳ, эрга соат 8.00 Мисрнинг Пўрт Саид шаҳрига чиқармиз.

(Бақияси бор)

«Ойна» ж., 1915 йил,
5-сон, 98–105-бетлар

5-ададдан мобаъд

Попур Ёфадан Пўрт Саидга қараб ҳаракат этди. Фурӯб яқиндур 2-даражани устиға чиқдим. Бир гуруҳ араб ва Оврупо либоси кийган араблар бор. Сажжода* солиб, асрни ўкуб, давра этиб, имомлари ваъзи сиёсий сўйлаб ўлтурубдур. Мисрни англис ва туркларға бор муносабатидан ва туркларға яқинлашмоқни мисрийлар учун нафълигини исбот

¹ Комписса – компенсация демоқчи.

этмоқға зүр берадур. Баъзилари савол ва эътиroz этар, гүё онда йигирма-ўтгуз нафар аъзолик бир парламент — мажлиси миллат очилгандур. Ман ҳам таҳорат олдим. Офтоби жаҳонтоб дengизимизға ботиб, гарбимизни қонға бўятди. Бир араб шайхи азони Муҳаммадий ўқуди. Паrahўддаги мусулмонлар азон нидоси муқобилига: «Оллоҳ, Оллоҳ жалла жалол самиъна ва атоъна¹», — жавоби илан фазони тўлду-рарлар эди. Ҳар тарафимиз сув ва анинг боҳаридан^{*} пайдо бўлган осмондур. Мундан бошқа олам йўқ. Бу поёнсиз дengиз устинда писта пўчоғидек маркаби баҳриямиз^{*} солланадур. Бу губорсиз ва муаттар уфқни холиқиға ибодатға муқайяд бўлдук.

Араб шайхи важдға^{*} келди. Намози шомни икки аввали ракъатига «То»дан бошлаб Қиссаи Ҳазрат Мусо ва Фиръавнни охиригача ўқуди. Намоздан сўнгра такбир ва таҳлилар, таслиҳ^{*} ва тардиҳлар^{*} ўқулди. Ва олами ислом учун дуолар айтилди. Мундай важдлик бир ибодатни мундан аввал кўрганим ёдимга йўқ. Атрофимизни олойиши дунёдан поклиги, уфқимизни муаттарлиги ва шайхни руҳфизо оҳангти қироати асбоби важдидан эди.

Чу хуш аст савти Куръон зи ту дилрабо шунидан
Барахт наззора кардан сухани худо шунидан².

Уфқимизни зулмат босди. Осмони шабчароғлар зоҳир бўлуб, Оқ дengизнинг лоятимму^{*} мавжларини қумушдек жилолантирас эди. Араб мажлиси миллати ҳануз баҳсу жидолда^{*}, араб шайхи ҳануз сўзу гудоздадур³. Ҳавонинг салқинлиги оёқим оғруқини кўзғамоқчи бўлди. Лоилож, хуфтонға туролмай, З-даражани(нг) анборига тушуб, жаноби Ҳожи Бақо бергон амонат дengиз курсиси (качалка) усттиға узандим. Анбор бадбўй бўлган эди. Ёнимда Ҳожи Абдуллоҳ исминда Шаҳрихоний мискин бор. Юки бир чарх илиа З пут келатургон эски-туски, латта-путталардан иборатдур. Чархидан бошқа барча либосу латта-путталарини бизни тўқумдўзлар 50 тийинга олиши маълум йўқ. Ўзи икки ҳаж қылғон, Ироқ, Бағдод ва Фаластинни икки дафъя жаёв кезган бир обиддур. Паrahўдда ва Пўрт Саидда нимарсаладар.

¹ Таржимаси: Эй қодири Худо, бизни тингла ва тилагимизни бер.

² Таржимаси: Куръон оҳангларини сен дилрабодан эшиитмоқ, атрофдаги жамъи нарсага қараб Худо сўзини эшиитмоқ қандай яхши.

³ Сўз гудоза — гап билан овора.

римизга қаровуллик ва ҳаммоллик этди. Обжүш келтуралдур. Хулоса, мен учун бир ҳамشاҳри ва аъло бир ҳамроҳдур. Миср туфроғинда чархчилик қилиб, бир оз фойда этиб, мавсумда яна Ҳажи шарифға кетар. Заррадек ғамий йўқ. Икки юзи қип-қизил, тавоно*. Фақат ниҳоятда чиркин, ҳаттоқи, либослари кир ила у қадар муҳр(а)ланганки, ҳабашни қаро юзицек ялтирайдур. Хулоса, бу ҳоли илан бир милийнердан тинч ва роҳатдур...

Оқшом дengiz курсиси устинда чалқарамон ётиб уйкуға кетдим. Паҳаҳд бир оз бешикдек тебратур. «Афандим, — турунг, фажр* кўлдан кетар. Ва ҳам Пўрт Саид кўрунди», — деб Ҳожи Абдулло афанди уйғотди.

Фажрни сафоси, дengизни шаффоф мавжи, бир тарафдан шамси жаҳонтобни зиёси илан ҳаво ва фазони касб эттон латофати ва дengiz қушларини учуси ва соҳилдаги шаҳарни, дengиз мусофиirlарингча, чимилидикдан чиқгон бир қиздек латофатини тамошоси тўятургон ва тавсиф қилиб битиратургон нимарсалардан эмасдур. Оқшомти ибодат лазатини такори учун араб намозгоҳига кетдимки, намозни битирибдурлар. Ялгуз бошимға ўбудият этдим. Ҳар замон Мисрни ҳақиқий хўжаси англисларни зарби ва фўлоди мудҳиш паҳаҳдлариға йўлуқармиз.

Энди Пўрт Саид жомеъларининг ҳилоллик минораси ва салиблик калисолари ва 3—4 ошёналик иморатлари ва дengиз бўйиндаги симсиз тилгироф-мухаттасининг устуни кўрунмоқға бошлиди. Суэс қанолининг ишбоши мухандиси француз Фердинанд Дулиенси дengиз ичинда тошдан қилингон ҳайкали мусофиirlарға қанолни кўрсатиб тақдим қилиб турубдур.

Паҳаҳдимизга араб дўқтури келиб, ҳаммани бирма-бир кўз ила кўрди. Каантин қайиқлариға юклар тўлуб, ўзимиз ҳам ўлтуриб, аскалаға мутаважжиҳ бўлдук. Мундаги қайиқ ва ҳаммоллар каантин идорасидандур. Қайиқ кироси, каантин пули, «начур» пуллари учун бир сўм олиб панд бердилар. 3-мавқеъға белат олганимни жазоси энди бош кўрсатди. 2-даражадаги одамлар матурлик қайиқлар ила кетдилар. Биз аларни каантиндан ўтушларини соатлар ила дengиз ичига мунтазир қолдук. Каантинга чиқдук. Бир-бирин темур панжара ва ҳалқалардан ўтуб, табиб ва пўлис доирала-риға йўлукуб, ҳар тарафи темур панжара ила иҳота қилин-

гон бир майдонға чиқдук. 3-даражадаги одамларни нимарсаси «начур»* бўлур эканки, яна икки соат интизор керак. Баракат берсунки, тоза чамадон ва тоза жойхобларни «начур»га солмадилар. Чиркин кўринган ҳар нимарсани боғлуқи илан жаҳнаннам мисоли «начур»тиб чиқордилар.

Бир хил мусофиirlар бу замон гўё девона бўлган эди. Мани 4 қитъа нимарсамни «начур» қилмасдан тоза нимарсалар ичига ажратдиларки, панжарани орқасидан ва узоқдан кўрар эдим. «Искандария» ўтели(дан) одми араб Алини ўтелига бормоқчи бўлдумки, Али мани андаги сиҳхия доираси*фа олиб борди. Кимлигимни, поспуртсиз сўрадилар. Мисрға қайси хонау қайси кўчада кетишим сўралди. Дедим: «Ўтелға тушарман». Дедилар: «Сиз З-мавқеъ ила келибсиз, З кун Пўрт Саидда туарсиз, ҳаким муояна этар*, сўнгра кетарсиз...» Ҳар на дедим, илож йўқ.

«Искандария» ўтелига турушим ва Алини(нг) манга З кунгача кафилигини пўлис ёзди. Хулоса, бандға тушдук. Агарда Мисрда маҳсус бир хона ва кўчасининг нўмраси ва хона эгасини оти айтулса, кўя берар эканлар. Ва Миср пўлисига тилгироф берилиб, андаги сиҳхия ҳакимиға З кун кўргузулур экан. 2-синфдагилар қачонлар Миср вагзолига кетди.

Бошимдаги Эрон кулоҳи шафоати илан бир эроний келиб, аҳвол сўради, вўкуотни* сўйладим. Ул деди: «Мунда «Доруссаодат» исминда ўтелим бор. Эртаға сизни Мисрға жўнатмоқ қўлимдан келур». Яна пўлис ва сиҳхия идорасига бордук. Табдили макон* ва кафили ҳадидманд* қайди учун энди аввалги кафилим Али қабул қўлмайдур. Лоилож беш фуруш бадалига Алини бандидан озод бўлуб, 2-Хожи Али эроний кафолатига кирдим. Соат 8 парахўддан чиқуб, энди 12 дурки, ҳоло гумрукдан чиқтонимиз йўқ. Соат 2 да Мисрға ароба жўнайдур. 6 соат Пўрт Саидни саёҳат этиб, шу кун аср Мисрға кирмоқчи эдукки, 3-даражага келгонимиз учун ҳибсга тушдук. Гумрук(да) нимарсаларимиз қаралди. Божилиги йўқ экан, чиқиб «Доруссаодат» ўтелига келдик...

«Ойна» ж., 1915 йил,
6-сон, 123—126-бетлар

ХАЙРУЛ УМУРИ АВСАТУХО^{1, 2}

«Хуршид»ни қориайни киром ва муштариий иъзомиға арз қылунуркі, замонимизни сиёсий (пўлитик) замонлигini кимса инкор әтмайдур. Ҳозир Русия давлати(нинг) тариқи* хукмронлиги(ни) ноқис эканлигига ҳар бир хабарлик киши иқор әтар. Давлат қонунларини(нг) ислоҳ ва таждиғиға ҳар ким мойиллур. Аммо Русиядаги барча халойиқ бошлуча неча аслу асосга бўлунгандурлар. Бу сиёсий фирмаларни(нг) ҳар бириға ҳар бир мазҳаб ва дин аҳлидан кўшулгандур. Чунончи, насоро, яхуд, муслим ва мажусий тоифаларини(нг) ичида бу сиёсий маслакларга мойил кишилар бордур. Ва яна ҳар тоифа ичида фирмасиз, маслаксизлар ҳам топилур. Биз, туркистонийлар, замондан камхабарлигимиз учун бир неча минг кишидан бошқа ҳаммамизни ҳеч бир фирмага мансуб эмас, маслаксиз нодон фирмаси деб аталса ҳам сазодур. Ани учун биз бу 3–4 фирмә – партияларни асос ва маслак сипоҳийларисидин муҳтасар баён қиласиз. Чунончи, биринчи – «Буйрўқратияи мустабид»* фирмасики, булар эски тарз хукумат давомини хоҳладур. Русияни(нг) эски хукмронлиги(ни) тариқи шундай эди. Импротуримизни(нг) ҳар бир амри ва хукму ройи – «закун» аталиб, ҳеч лоу наамсиз* барча волий, суд, вузаро ва булар кўл остида турганлар воситаси-ла ўрнига келадур. Ҳар хил низом ва закун китобларни Синод (Военний совет) деган мажлис аъзолари тузатиб, тўқуб подшо ҳазратлариға Вазирлар мажлиси воситаси ила манзур қилурлар. Импротуримизни(нг) имзоларидан сўнгра закун аталиб, барча вузаро ва вилоят маҳкамаларини ва суд мажлисларини мутас-сиддийлари тарафидан халқ устига жорий қилинур. Бу қоидани идораи мустақила (самодержковний) аталадурки, ҳозир Ёврupo қитъасидаги Русия ва Туркиядан бошқа қирқ қадар

¹ Иш (амал)ларнинг яхшиси ўртасасидир.

² Д. Рашидова ва К. Турсунбоев нашрга тайёrlаганлар.

кatta va кичик давлатларда йўқдур. Идораи мустақила кўл остидаги фуқароларни ҳар қанча хукумат одамлари ва тўраларга яқин ва муносабатлик ўлса ҳам аҳволи сиёсия, диния ва дунявия ва олияси дуруст бўлмай, кундан-кун таназзулдадур. Хусусан, мазкур 2 (икки) мажлисга катталари дохил бўлмайдурган тоифаларни аҳволи ниҳоятда забунроқ бўлуб, дин ва дунё, илм ва маърифат, тамаддун* ва адолат, мусо-вот тўғрисинда ҳаммадан кейин қолур. Чунончи, биз, мусулмонларни(нг), диний ва қавмий хукуқимизни(нг) камчиликлари подшоҳ ҳазратлариға етмай, етганда ҳам мажлис членлари тарафидан раид бўлуб ё илтифотсиз қолур. Буни(нг) сабаби ила биз ва бизга ўхшашиб тоифалар таназзул қилуб, оҳисталик ила фирмаси, тоифаси, ватани хор ва ҳароб бўлуб батадриж йўқ бўлмоқ хавфи вордур. Бу мисалада аҳли хабар наздиға тажрибан тарихия ила событ бўлган-дурки, дунё сиёсийлари ва сипоҳийгаридан ҳабарлик кишилар, албатта, мунга тасдиқ қилурлар. Ал-он, биз, туркистонийлар, шу ҳол мақдамасигамиз. Албатта, савол келадурки, Туркистон обод бўлди, илгари бой кам эди, милйўнир йўқ эди, яхши иморат ва либос ва палос йўқ эди. Боз, бас, на учун инсофсиз муҳаррири маъраз*лар ҳаробмиз дея жоҳилона ёзадур деб, анга шундай жавоб бермоқ керакки, 6 милйўн туркистонийларга 3 милйўнир борлиги маълум. Йўқ, бойман деганлар банк ва фабриканларни хизматчиси ва мадионидур*. Шаҳар ва қаръялардаги катта иморат ва зармахоналар ҳамма яхудий ва Оврупойиларницидур. Оврупо имтиосийлари* ерли имтиоларни синдурди. Дехқонлар, эса, агарчи бир вақт қўли, бир оз ақча кўрарина Оврупо имтиоларини бириға икки ва беш хом бериб, бир пишиқни зўрға олар. Бир даражада диний ва илмий жиҳаттага атф назар қилинса, вақфлар кетди, мадрасалар ҳароб бўлди. Борига ҳам тартиб, феҳрист, муҳтасиб, мумтахин, муназзам йўқ. Эски тартиб ва жадвал ва даррус кундан-кун мударрислар тарафидан таржеъ қилинур. Икки милйўн туркистонийлар мадрасасига Худодан бошқа нозир йўқ. Бир раиси диний ва мумайизи илмий йўқ. Ўзимизда эса инсоф ва хавфи ҳақ йўқ, асло йўқ. Ва Оллоҳ, на учун саводсиз қози, илмисиз мударрис, инсофдан ҳабарсиз муфтий, қироатсиз имомлар оламни босди. Бунга сабаб бирор раиси диний ва мумайизни* илмиға молик ўлмағанимиз эмасму? Худо сақласун, яна 25 йил шундай бўлса, ҳозирги муҳтарам уламоларимиз

кетсалар, Туркистанға қиёмат күпқон, илм ва амалға фотиҳа тортилғон ҳисобланур. Басират ила 25 йил мақдамни ҳозир ила ва ҳозирни 25 санаи сония ила қиёс қылған хушманд* бизни бу баёнимизни муболага ва хатои зуым қылолмаса керак... Биз яна масдар* баҳс бўлган партиялар баёнига ружу қиласмиш.

2инчи фирмә партияни кадет (конститусионий демократически машрута аъвомия маъишат) машрута фирмәси аталаадур. Бу партияни(нг) муроди шулки, «Миллат мажлиси» хоҳ Дума очилиб ҳар бир миллйўн халқдан 3—4 вакил пойтахтга бориб, мажлис қуруб, бирча закун ва қонунларни ҳар бир вилоятни аҳволи ва ҳар дин ва миллатни озод ва сарбастлигига ақл ва инсофиға қараб таассуби ҳуқуқи башария ва риояи динияга мувофиқ тузатиб, подшоҳ ҳазратлариға топширилса. Ва импиротуримиз ҳам ўшал халқ вакиллари тайёрлаган закунларни ўрниға келмоқиға ҳумоюн фармойишларини қылсалар. Барча дин ва уруғ халқ хартухар* ўлуб, то қозий ва судиялар ҳукм қылмагунча, чиновниклар ўз ройлари ила¹... ёйинки мол, жон, фикр ва ҳаракат расмиясиға монеъ бўлмасалар. Ҳар тоифани ўз китоби, эътиқоди ва масоили динияси ўз орасиға жорий бўлуб, русиядаги барча халқ Русияни ҳар бир нуқтасиға баробар бўлуб, ҳуррияти диния, ҳуррияти шахсия, ҳуррияти ижтимоия, ҳуррияти иттифоқия ваъз ўлунуб бўлатурган қонуни жадидадоиралари онинг мўътодича жорий ва мустаъмил* тутулса, ҳалойиқ вакилларини(нг) қароридан хориж ҳеч закунлар бўлмай ва вакиллари хоҳламайдурган эски закунлар ислоҳ этилса... Ҳозир Русияда бу — кадетлар фирмәсиға мансуб халқ ҳар дин ва миллат аҳлидан ниҳоятда кўпdir. Собиқ Миллат мажлиси аъзоларини(нг) аксари бу фирмәдан эдиллар. Бу фирмә ҳақиқатда ўрта фирмәдур. Мўътадил ал-мизож халқлар бу партияни хоҳлагандурлар. Бу фирмә ифрот* ва тағрит* ўртасиға, соғ ила сўл васатиға, ҳар бир фикр ва матлабни авсати ва марказиға бирлашган бир ҳизби* мутавассит*дур. Русия мамлакатиға мундин беҳроқ ҳизб ийӯқдур. Ифрот ва тағрит, яъни Иштирокийун, Инқилобийун ва Кора гуруҳ деган ҳизблар сабаби ила Русияға ҳар кун ва ҳар соат фасод ва инқилоб, бузуклик жорий бўлуб туруб-

¹ Ўқиб бўлмади.

дур. Фақат саломатлик ва амният бу күн кадетлар ҳизби соясида ватанимиз Русияға жорий бўлса керак...

Зинчи «сосиал-демократически» – иштирокийун омий-ун* – маъшияти муштарака* фирмасидурки, бул ҳам дохилан икки фирмаси бўлунур. Бири сотсиёл демократ – иштирокийун оъмийун, дигари сотсиёл револутсийонер – инқилобийундур. Буларни бошлича муроди ҳозирги барча закун, мулкият қоидаларини бутун бузуб, мол ва ерларни ҳамма халойиқ ўртасига муштарак қилиб, аниңг манфаатини бутун халойиқ ўртасига мусовий этмоқидур. Бойлик ва камбағалликни йўқ қилиб, дунё моли(ни) роҳатидан ҳаммани баробар фойдалантуруб, масъуд ва роҳат умр ўтказилмоқига ва ҳар ким ўз истиқболидан амин бўлмоқига закун ва қоида жорий қилмоқидурлар. Буларни прўграмни жорий бўлмоғига ҳозирги асримиз мусоид* эмас. Балки неча асрларга таваққуфи* бордур. Дунёға нелар бўлмади. Ким билур, балки замони келиб, буларни(нг) прўграмни қонуний жорий бўлса, ҳамма минкулл ал-вужуҳ баробар бўлуб, сир-китоб раъига ёзилган Жобулса ва Жобулқо* тартиб маъишати ер юзиға балки жорий бўлур. Ҳар ҳолда, бу партияни муроди мумкин лойиқи ёйинки хаёлийдек кўрунуб, бу тоифага қўшулмоқ биз мусулмонлар учун ниҳоятда заарликдур. Прўграммалирини(нг) молия моддаларина бир оз тағиир бермағунча, шариатга мувофиқ ўлмағони каби жоний* ва оила бобидаги фикрлари ҳам асло-асло тўғри келмайдур...

4инчи «Русия мусулмонлари иттифоқи» ҳизбидурки, буларни партия суратига кирғанига бир йил бўлди. Аввали үтган сана Нижнийда парахўдга ўлтуруб, мусулмон пешравлари сув устида мажлис ясадилар. Зинчи ушбу йил аввалида Питрбургда гайри расмий яна бир мажлис – съезд ясаб, қарорнома нашр этдилар. Зинчи ушбу үтган августда яна Нижний ёрмонкасида уч-тўрт кун давомат ила бо рухсати расмия неча минг мўъминлар бир-умумий надва* (обский съезд) этдилар. Қарорларини ижмоли, Туркия газеталаридан маълум бўлишига қараганда, русия мусулмонлари диний ва илмий важҳдан алоҳида бир партияни маҳсусадурлар. Аммо сиёсий ва умумий талаб ва маслаклар тўғрисинда кадетларга кўшила-турганға ўхшайдурлар. Русия мусулмонлари ҳизби ҳам ўзга тоифалардек комитет барпо айламоқидурлар. Идораи марказия – центральний комитетлари Питрбургда бўладур. Бу

партия 31 кишини аъзои марказия сайлаб, аларға Боди Кубо^{*}даги Алимардонбек Тўғчибошев жанобларини садрнишин ва Қозондаги Юсуф афанди Оқчурин жанобларини мусташор^{*} сайлабдурлар. Бу муҳтарам аъзолар, албатта, бир неча шўйбага бўлунадурки, шўйбаи илмий, шўйбаи сиёсийлардан иборат бўлса керак. Бу 31 нафар аъзоларина Русиядаги аҳли мусулмонлардан бир неча аъзо интиҳоб қилиб олмоқға қарор бермишлар. Аммо бу бобдаги жароид ва тасвидотга^{*} қараганда, бизни Туркистондан бир нафар аъзо интиҳоб қилмоқға қарор бермишлар. Лекин б миёндүйлик Туркистон мусулмонларидан бир аъзо озтур. Беш облустдан 30 нафар ҳам Бухоро ва Хева ва Туркистони Чинийдаги мусулмонлардан биртадан аъзо олмоқ лозимдур. Бу комитет ва аъзолар вақт-бавақт жамъланиб, диний ва илмий маъноши тўғрисинда машварат^{*} қилиб, мусулмонларни илман ва молан, динан тараққий ва таолила-риға хидмат қиладурлар. Сиёсатан бўлса, умумий партияларни бири ила қўшулуб иш кўрадурлар... Бу тўрт партияни(нг) матлаби миллий ва маслаки сиёсийларини мадомики, бир неча саҳифа ила баён ва шарҳ қилинмаса, камхабар киши тушунмайдур. Ани учун биз, Туркистон мусулмонлари, 23инчи августда Нижний шаҳринда бўлган Русия мусулмонлари ҳизбиға байъат қилиб, сиёсатан кадетларға қўшулуб, динан ва илман мазкур съезд иттифоқи хукмига мутеъ ва мунқод бўлсақ керак. Яқинда мазкур надваи исломия қарорномаси босилиб, олами мағбуот ила нашр қилинадур. Туркистоннинг муҳтарам муаллиф, муҳаррирлари бараз, нафсоний ҳасад, баҳс ва мунозараи шахсияларини тарқ этиб, шу маслак ва шу жамиятга тобеъ ва ходим бўлмоқлари хидмати дин ва давлат, обрўйи Ватан ва Миллатдур... Биз ояндаға бул бобларға, Иншооллоҳ, муфассал ёзмоқ амалиндамиз...

«Хуршид» г., 1906 йил, 11 октябрь, б-сон

ИККИ ЭМАС, ТЎРТ ТИЛ ЛОЗИМ

Биз туркистонийларға туркий, форсий, арабий ва русий билмоқ лозимдур. Туркий, яъни ўзбекини сабаби шулки, Туркистон халқининг аксари ўзбакий сўйлашур. Форсий бўлса, мадраса ва удобо тилидур. Букунгача Туркистонни ҳар тарафиндаги эски ва янги мактабларинда форсий назм ва наср китоблари таълим берилиб келгандур.

Барча мадрасаларда шаръий вә диний китоблар арабий таълим берилса ҳам, мударрисларни тақриру* таржималари форсчадур. Бу қоида, яъни дарс китоби – арабий, муаллим – туркий, тақриру таржимани форсийлиги хила ажидур.

Туркистанда қадимдан бери бу уч тил жорийдур. Чунончи, эски ёрлиқлардан маълум бўлурки, Туркистанда эски амир ва хонларни амри фармойиш ва муборак номалари доимо туркий, яна айни замонда дорулқазоу* адабиёт таҳрирлари форсий ёзилар экан. Бу қоидалар зотан яхшидур. Аммо бора-бора ёинки кела-кела усули таълим ва китобатга эҳмол* пайдо бўлуб, ҳозир бир даражага келибдурки, ахли савод ёинки аҳли илмни юздан тўқсон тўққузи бу уч тилда мукаммал таҳрири адабийға молик йўқдур. Яъни усули таълим ва тадрисни ислоҳ этмак керак. Ўтайлук.

Туркистоннинг Самарқанд ва Фарғона вилоятларинда форсча сўйлатурган бир неча шаҳар ва қишлоқлар бордур. Бухоро ҳукуматининг тили форсийдур.

Форс шоири удабоси асарлари қиёматгача лаззати кетмайтурган хазинаи маънавийдурки, мундан фойдаланмоқ учун оврупойилар милярдлар сарф этарлар.

Бизга саодатдурки, туркий ва форсийни таҳсилсиз билурмиз. Ҳар туркни форсий ва ҳар форсни туркий билмоғи лозимдур.

Форсий билган киши Фирдавсий, Бедил, Саъдий, «Маснавий»дан¹ қандай лаззат олса, туркий билганлар Фузулий, Навоий, Бокий², Сомий³, Абдулҳақ Ҳомид⁴, Акрамбек⁵, Санойи⁶, Нобий⁷, Ножий⁸ лардан, яна Толстый, Жул Верн ва уламои замоний асарини туркий таржимасидан лаззат шундай оладур.

Фаранг ва рус донишмандларининг асарларидан фойдаланмоқ туркий ё русий ва фарангий билмак ила мумкин бўлур, на учунки бугун усмонли, Кафказ ва Қазон туркла-

¹ «Маснавий» – Ж. Румийнинг машҳур асари.

² Маҳмуд Абдул Бокий (1526–1600) – машҳур усмонли шоирларидан; «Сумбул қасидаси»нинг муаллифи.

³ Сомий (1850–1904) – «Қомусул аълом»нинг муаллифи.

⁴ Абдулҳақ Ҳомид (1852–1937) – машҳур турк шоири.

⁵ Акрамбек – Рижкоизода Акрам (1847–1914) – «ғарбчи» жадидчи шоир.

⁶ Санойи (Иброҳим Шиносий бўлса керак) (1826–1874) – машҳур турк масалнавис шоири.

⁷ Нобий (Юсуф Нобий) (1640–1712) – усмонли шоирларидан.

⁸ Муаллим Ножий (1850–1893) – «шарқчи» шоир.

ри замона уламоси асарини туркійға таржима қилиб, күпайтиргандурлар, яňни туркій билгап киши замонні билур. Турк тилиға ұрал бир янғи ва нағылек китоблар барча тиілде таржима бўлганадур. Араб маданияти юноний Сукрот, Буқрот, Фалотунлардан фойдаланганидек, замона ҳозира маданияти Толстый, Жул Верн, Кеплер, Коперник, Ньютоналардан фойдаланур. Мақсаддан узоқ тушдик.

Бизға лозимки, ўз нағымиз учун русча билайлук, хукумат мактабларинда ўқуylук. Давлат мансаблариға кирайлук. Ватанимизга ва ўз динимизга хидмат этайлук. Мусулмон бўлуб туриб тарақкій қилайлук. Бу замон тижорат иши, саноат ва мамлакат ишлари, ҳатто, дини ислом ва миллатга хидмат илмисиз бўлмайдур. Масалан, бугунги «подшолик дума»ға ўз дин ва миллатимиз нағынға сўзламоқ бизлар учун мумкин бўлур. Аммо анда бориб сўйлагувчи киши бизға йўқ. Анда бориб нағын бир ўн сана ўқумоқ керак, замондан, қонундан хабардор бўлмоқ керакдур.

Хулоса, бугун бизларга тўрт тилга таҳрир ва тақрир этгувчилар керак, яňни арабий, русий, туркій ва форсий.

Арабий тилдин учун на даражада лозим бўлса, русий ҳам тириклик ва дунё учун лозимдур.

Ҳадиси шарифдан маълум бўладурки, жаноби пайғамбар ўз саҳобаларидан Зайд бин Собит(ға) яхудий хатини ўқуб-ўрганмоқға буюрган эканлар. Ва ул жаноб Умар ҳазрат нубувват паноҳи ила яхудий хатини ўрганиб ҳазрат пайғамбарға яхудийлардан келатурғон хатларни ўқуб берар эканлар (Саҳиҳи Бухорий, жуз 4, сахифа 156).

Холбуки, ул зоти бобарокот пайғамбаримиз куввати ҳокима эгаси эдилар. Яхудийлар маҳкум ва тобеъ эди. Ал-он Русия ҳоким, бизлар анга тобеъ ва ўз тириклигимиз учун алар хатини билмоқ зарур ва ҳадиси шариф далолатинча дурустлигига жойи инкор бўлмаса керакдур.

«Ойна», ж., 1913 йил,
1-сон, 12—14-бетлар

БАЁНИ ҲОЛ

«Самарқанд» газити сармоясиз, фақат вайда ва умид илан чиқарилиб эди. Умидлар тасаввурдан феълға келмади. Зарар ва оқчасизлик сабабли чору ночор беш ой давом этиб, 1913 йил 13 сентябр 44 адади-ла вақтингча ётиб эди. Сўнгра Хў-

қандан 500 сўм иона таклиф қилинди. Аммо бу 500 сўм ила «Самарқанд» жаридасининг адад-давоми маълумлиги учун ионани қабул қилолмай, ширкат таъсис этилиб, жаридани давом этдирмоқ учун идора тарафидан мислатга 17 сентябр ойи 45-адад «Самарқанд» ила мурожаат қилиниб, бир ой муҳлат қўюлуб эди. Аммо маатаассуф, бу бир ой муддатда (17 ўктабрғача) «Самарқанд»ни чиқаратургон ширкат пайдо бўлмади.

Дигар тарафдан, «Самарқанд» муштарийларининг бальзилари ва бошқа туркистонли ҳамватаңларимиз ташвиқномалар ила «Самарқанд»ни чиқармоқни таклиф қилдилар. Инчунин, Русиядаги матбуоти исломия «Самарқанд» таътилини(нг) таассуфлар ила маррат баъд охири ёзиб, яна чиқишини таманинода бўлинди. Алалхусус, Россия мусулмонлари жароидининг аноси ва пири муҳтарами ўлан «Таржимон» ва «Вакът» ва бошқалари янадан чиқишиға дуочи бўлуб ва «Самарқанд» жаридасининг маслакига, мундарижотига хусни занларини изҳор этдиларки, «Самарқанд» муҳаррири масъули барча ҳамватаңларига ва Кафкоз, Крим ҳам Тотористон матбуоти исломиясига бул бобда ташаккороти қалбиясини ожизона тақдим ва миннатдорлигини изҳор ва ояндаға маънан ва моддатан иона ва ҳидоят этмоқларини та-манно этар. Бир важҳи боло таклиф ва ташвиқлар, ваъда ва дуолар бизга яна қувват ва умид бериб, ишға савқ* этди. Аввалан, «Самарқанд»ни чиқармоқға қасд этилди. Аммо охир и яна аввали каби сармоясиз эди. Ва зарарини таҳаммулиға қувватимиз етмаслиги зоҳир бўлди. Дигар тарафдан, аса(ий), яъни сингир хасталиғи ва ҳам кўз касалиға гирифторлигимиз учун ҳафтада икки ё уч дафъа газитни таҳрир ҳам идораси бизга мумкин эмас эди. Таҳрири учун вазифа ила ражо ва талаб қилинган дароятли муҳтарам муҳаррир жанобларида баёни муazzot этдилар.

Хулоса: ақча қаҳати, рижол қаҳати бизни мушкул ҳолда кўйди. Ва охир, ҳафталик «Ойна» мажалласини чиқариб турмоқни таржиқ қилинди. Газитни идорасига кофий* муштарий мавжуд бўлгунча ва ё оқча топулгунча «Ойна» давом этар. «Ойна» зарар этса-да, зарари нафсимизға оид ва муштарийларға асло зарар юкламайдур.

Мажалла баҳосини-да арzon қилинди.

«Ойна»ға муқтадир муҳаррир ва ҳар тарафдан мухбирлар даъват қилинди. Тили аввалгидек туркий ва форсий

назм ва наср бўлуб, мундарижоти илмий, адабий, сиёсий, фаний ва тарихий мақолалардан, вукуот ва ахбори ҳафта-дан, киноя ва мудоҳақадан иборат ва тасвирлик бўлур. Тад-рижи мукаммалият, нафосат ва интизомига диққат қилинур. Баъзан русча мақолаларида дарж қилинур. Арбоби қалам ва ҳабардан рижо этармизким, бизга қалам ва донишлари ила танбеҳотда, ионатда бўлинсалар, мажалла бизники эмас, миллатницидур. Сўйланатурган сўзлар шахсий эмас, уму-мийдур, фурурий эмас, динийдур.

Кориларға салом ва эҳтиром.

«Ойна» журнали, 1913 йил,
2-сон, 2-4-бетлар

ТУРКИСТОН

Туркистон Осиё васати ва ёинки Туронзаминдан иборат ва турк қавмининг мухталиф уруғлари ила маскун бўлуб, ҳол-ҳозирда Туркистони Русий ва Туркистони Чиний қисмлариға бўлунур. Туркистоннинг бир қисми Афғонистон ҳукуматининг тасарруфида бўлуб, Туркистон ёинки Чаҳор вилоят аталур. Қирғиз-Қозоқистон ва ёинки Ароzi саҳроия ҳам Туркистондан ҳисоб қилинодур. Аммо мунда ҳозирги тақсимоти сиёсияси юзасидан фақат Туркистони Русийни баён қилинадур.

Туркистон музофотининг ҳудуди гарбан Баҳри Ҳазар (Каспий) денгизи, шимолан Ўрол ерлари ва Араб денгизи ва аксарият Туркистоннинг Қирғиз-Қозоқистон қитъай ва-сиъяси, шарқан Туркистон Чини, жанубан Афғонистон ва Эрон мамлакатлариға муттасилдур.

Бухоро ва Хива хонликлари ушбу ҳудудга дохил ва Туркистоннинг жанубий тарафинда воқеъ бўлуб, Бухоронинг ерлари Афғонистонға муттасилдур.

Туркистон вилоятлиги облустларга бўлунуб, вилоятлар санжоқ уездлардан ташкил топилиб, баҳор вилоятга ҳарбий волий (военной губернатор) мансуб бўлуб ва бутун Туркистон музофотини бир бош волий генерал-губернатор идора этиб, маркази ҳукумат Тошканд шаҳридур.

Туркистон музофотининг ҳозирги тақсимоти ушбуудур:

Туркистонда халойиқдан юзда тўқсон бешдан зиёдаси мусулмон бўлуб, ҳар бир юз нафар одамдан тўрт нафар қадари насоро ва яхудийдур.

вилоят ва уезд ери	мураббаъ чақирим	1902 йилдаги барча халқи
Закаспийский (Маворобаҳри ҳазар)	501 696	409 000
Ишқобод уезди	86 650	102 000
Красноводский	101 000	59 000
Манғишлөк	160 254	67 000
Марв	110 795	131 000
Тажанд	33 997	50 000
		1910 йилда
Самарқанд вилояти	81 891	900 202
Самарқанд санжоқи	17 060	362 217
Диззах	43 410	241 343
Каттақўргон	4 994	135 567
Хўжанд	14 477	221 245
		1904 йилда
Сирдарё вилояти	441 837	1 629 000
Тошканд уезди	48 090	492 000
Авлиёота	62 144	307 000
Фаззолий	58 528	155 000
Оқмасжид (Серовский)	90 134	148 000
Чимкент	95 820	314 000
Амударё қитъаси	97 098	213 000
Фарғона вилояти	140 668	1 726 000
Марғилон санжоқи	14 069	359 000
Андижон	13 333	386 000
Ҳўқанд	13 110	402 000
Наманган	15 273	392 000
Ўш	24 880	174 000
Помир	60 000	2 700
Семиречинский (Еттисув вилояти)	228 966	1 090 000
Верний (Олмати уезди)	45 588	248 000
Жаркент	25 587	136 000
Лепсинский	43 876	200 000
Қапол	75 797	150 000
Пишпак	77 683	194 000
Пржевальский	40 435	163 000
	1 395 057	5 604 362

Туркистон халқини(нг) юқоридаги адади оздур. Орий, 1897 йилинда Русия ҳукумати амри ила умуми таҳрири нуфус бўлуб эди. Аммо бир тарафдан, рўйхатчи мирзоларни(нг) танбаллиги, дигар тарафдан мусулмонларни «Русия ҳукумати аскар оладур» ёнки «Жон бошидан солиқ оқча

оладур» деб ҳақиқий ададни кўрсатмаганлари сабабли ҳисобни натижаси оз зоҳир бўлгандур. Болодаги рақамга бир сулс ва ақлан бир рабъ яна кўшмоқ керакдур.

«Ойна» ж., 1913 йил,
1-сон, 2-5-бетлар

ШЕРДОР МАДРАСАСИ

Ушбу мадрасаси олия Туркистон подшоларидан Имомкулихон¹ ҳазратларининг давринда сипоҳсолор ва ҳам Самарқандға волий бўлган Абдулкарим Ялангтўш Баҳодир тарафиндан бино қилингандур.

Ялангтўш Баҳодир Самарқанд аскари ила Хуросон ва Машҳадни истило этиб, ул тарафдан келтургон амвол, ғанойим ила Самарқандға ушбу Шердор ва ҳам Тиллакори мадрасаларини бино этибдур. Бу мадрасалар дохиilan ва хорижан чиний мулавви коши ила зийнат берилиб кошиларини аксари гўё бугун устो ва санъаткор қўлидан чиқғон кабидур.

Тарих биноси Шердор мадрасасини дохилий ва гарбий тоқинда чиний музойиқ ила зердаги важҳ узра назман ёзилгандур...

Шердор мадрасасининг мадҳали ва жабҳаси ғарбдаги Мадрасаси Мирзо Улуғбек Кўрагоний мадрасаси моҳазисинда мутаважжиҳ ва иккиси юз ба юз бир шаклда бино қилинган. Иккиси фосиласи юз аршин ва ораси тош фарш қилинган васиъ бир майдондўрки, Регистон аталур.

Регистоннинг шимоли ва жануби катта йўл бўлуб, шимолидаги каноринда болода зикр қилингандар мадрасаси мабнидур. Шердорнинг самти хориждан ҳадди гарбия ва шарқияси 82 аршиндан, шимолий ва жанубий жиҳатлари 95 аршиндан бўлуб, жамъян 779 мураббаъ аршин ерни муҳтавийдур.

Шердорни саҳни дохилиясининг ғарбий ва шарқий ҳадлари 54 аршиндан, шимолий ва жанубий тарафлари 52 аршиндан бўлуб, вусъати 2808 мураббаъ аршин ва ери мармар тош или фарш бўлуб, тўрт жиҳатдан хужралар ва тўрт катта равоқнинг жабҳаси ушбу мураббаъ саҳнга мутаважжиҳ ва

¹ Имомкулихон 1611–42 йилларда ҳукмронлик қўлган.

нафси иморатни ўрни 4910 мураббаъ аршин ерни шоғилдур. Мадраса икки ошиёна бўлуб, 64 хужра, икки катта дарсхона, дохилан тўрт катта тоқни мужтамилдур...

Пештоқнинг хорижий жабҳасинда меҳробнинг икки тарагинда бир-бирига муқобил икки шер (арслон) шаклини мусаттаҳ чиний ва кошилар ила арслон рангида мулавван тасвир қилингани учун Мадрасаи Шердор аталибдур. Арслон нақшасининг асари бу кунда ҳам маълумдур. Мадраса ва миноранинг бошқа жиҳатларинда тасвир йўқ ва аксари ят ила ояти ҳадис ва тарихи абётни мармарларга музойиқланган ва коши мулавван чинийлар ила ёзилгандур. Мадраса минова ва қуббаларининг бутун сатҳини араб, эрон, ҳинд услугуб наққошиси узра мулаввун чиний ва ранго-ранг коши ила ниҳоят нафис суратда нақшлангандурки, тўрт аср бўлган бўлса ҳам кошилар офтоб ва ой нурини акс этдуарар ва кўзни қамашдуар.

Минора мадхалига етгандан сўнгра минора ичиндаги 56 зина воситаси-ла миноранинг шарафаси устинда минилур. Энди ушбу буюк минора устидан Самарқанд фирдавсмонанддининг зумурраддин боғу бўстонлари, хушоҳанг латиф наҳрлари, тўғри ва аважожлик йўлларини тамошо этиб, Самарқанд шаҳри оғоқнинг атрошом, соглом, нафис ҳавосини шимитмали ва бу муборак оғоқдаги юзлар ила тариз тоғ парчаларидек мадраса, дахма, қубба, масжидларни сайр қилмали.

У муборак қубба, дахма ва буқъалар боний ва сокинларининг мозийга мадфун ва мужассам тарихий ва диний қаҳрамонликларини ёд этиб, баҳри таоммиқиға маҳв ва гарқ ўлмали.

«Ойна» ж., 1913 йил, 1-сон, 6—9-бетлар

АЪМОЛИМИЗ ЁИНКИ МУРОДИМИЗ

Маълумдурки, дунёда ҳар ким умид ва аъмол ила яшайдур. Кеча-кундуз меҳнат ва маشاққат тортмоқ оянда* учундур. Ҳар ким ўз ояндасини яхшиликка ҳаракат этар ва келар замонда ўз орзуси ва ҳавасига етмоқ учун ҳеч дам олмасдан ҳол қадаринча ҳаракатдадур. Тириклик кулфати ва меҳнати асносинда ҳар ким ўз ояндаси ва истиқболиға бир нав яхши умид ила қараб ва ўзига бир муддао қарор бериб ва ўшал муддао ва ёинки муродин ҳосил қилмоқ

учун күшиш этиб, ҳар кун чекатурган кулфатини ўшал муддаосини ҳосил қылдирмоқ учун ўзига олмай яна зиёда-роқ интиладур. Ва баъзан ўшал муроду муддаосини, гүё ҳосил бўлди, деб роҳатланиб ўзига тасалли берадур. Ва ҳеч аҳади* ушбу муддаоу муродни орқасидан югурмоқдан холи эмас. Ана шул муддао ва муродларни илми ислоҳ ила аъмол дерлар.

Энди аъмолимизга дикқат қилимоқ керак. Аксар ҳалқи-мизни аъмоли шулки, ишласа ва фойда қиласа. Шоядки, ўғил ва қизини тўй қиласа ва ҳам қандай! Ўз қаториндаги одамларни қилган тўйидан зиёдароқ!

Бечора косибни аъмоли тўйдур. Ўзи роҳат юзи кўрмайдур. Кеча-кундузни 18, балки 20 соатни меҳнатга ўткаратургон косибларимиз бордур. Ҳаққинча емайдур, киймайдур. Ўн ва йигирма саналар меҳнат ва машаққат этар ва худодан ўғил тилар, тўй қилимоқ учун. Ана, бечорани аъмоли. Йигирма саналик меҳнати уч кун тўйда тамом. Яна Аҳмад порина* ҳавли ва хона гирад. Тўй мусрифи* учун қарз эгаларидан қочадур. Катта тўй қилиб хотун олгон бир қисм бечораларни ҳолига йигламоқ керак. Уч кунлик тўйни азо-си баъзи оиласарда ўн йил, ҳатто, бир умр сурар, балки беватан ва хонавайронликга сабаб бўлур. Бир косибни ақду никоҳига, тўю обрўсига минг сўм. Бир ўртаҳол учун 2000 ё 3000 сўм. Нимбой учун тўрт-беш минг сўм керак. Бу сўмларни юздан етмиш беши ейилиб-ичилиб... кетар. Бу сўмлар аслинда кимники эди? Бонка, фирма, фойдахўр-ники. Табиий, буларга пулларини бермоқ лозим, на бери-лур? Бофу хона ва уйи ичиндаги асбобни сотиб бермоқ керак. Бечора келин ва куёвни кўрпа ва либосигача соти-лур, қарзҳоҳга берилур. Нимбойлар синар. Тириклигинда бўлмаса, ўлганда синар. Аҳлу аёли дарбадар бўлур. Ой, бу нима? Тўгриси, бир нав девоналик эмасми? Субҳоноллоҳ, қарз олиб ҳалқға ош бермоқ ақлсизлик эмасми? Ҳамда иллати бедавосидур. Ҳар киши бир уйланса ва сўнгра оиласидан бир ўлук кўмса, Оллоҳи акбар. У хона аҳли косиб бўлса, бу дунёға ўзига келмасдан кетар. Ҳоло, баъзи бечора ўлса, ани бой қариндошлари, обрў қилурмиз, деб са-ғир молини ҳалқға эллар ила йиртиш, палов қилиб берар. Бечора сағирлар ионини бой кишилар қўлтуғига олиб ке-

тар. «Ло таъкулу амволал ятима. Кулу ва ишрабу ва ло тусрифу¹, қанда қолди?..

Эй мусулмонлар, бу ояту мастьалаи шаръига ким амал қылуп? Ва муни халойиқға ким билдураг? ·Ҳар кун бир мусулмонни нимарсалари бозорға дини учун... сотилур. Ва ҳар кун судда нақадар ҳовли, хона, бօғ сотилур. Ҳар кун нақадар векселлар «протест», нақадар дўкон, корхона ҳажз (печать) бўлур. Бу ниманинг жазоси? Тўй, маърака, тазия, кўпкари, базм. Бир маҳаллада аҳли савоб йигирмадан бир йўқ. Имони исломни далиллари ила билатурғонларни нари қўйдук. Эрта қозилар барҳам бўлса, замонча қози бўлатурғон биргина киши бутун ўн милийн Туркистонда йўқ... Йўқ, яна йўқ. Ҳой, ҳой, халойик! Бизлар девонами соғ? Албатта... Биз тўй ва маърака хаёлидан лаззат олардук. Тўю маъракамиз ила фахр қиласр эдук. Тўю маъракага сарф қилинатурғон оқчани жамламоқ ва ё қўлға киргузмоқ учун ҳаракат этардук. Агарда тўй ва маъракага қадимгилик оқча тўкмасак, ул оқчани на қилмоқ керак? Мунга жавоб берилурки, тўй ва маърака қилинсун. Аммо ҳозиргилик исроф этмасдан қилинсун. Ва мумкин қадарингча кичик қилинсун. Ва ортуқча пул ила болаларни мусулмон ва руси яхши ўқитулсун. Тўю маъракага сарф қилинатурғон оқчани эски мадраса ва мозору масжид ҳамда мактабларни шикаст-рехтларига сарф қилинсун. Тўй ва маърака оқчасидан болаларни ҳукумат мактаблариға берилсун ва бу оқчадан талабаларни Макка, Мадина, Миср, Истанбулға ва Русяия дорилфунун ва дорулсаноатларига юборилиб дінний ва дунёвий ва замонавий одамлар етишдурмоқға саъй қилинсун. Бизни Туркистонда муаллим оздурки, тўю маъракага сарф қилинатурғон оқча ила Кафказ, Қирим, Ўрунбург ва Қозонға усули таълим ўрганмоқ учун бола юбормоқ керакдур. Ҳукумат мактаблариға кирмоқ учун русча билмоқ ва имтиҳон бермоқ лозим. Ва бу имтиҳонни бермоқ учун ҳар болани икки сана русча ўкутуб, тарбият этмоқ керак. Ва бул икки сана учун ҳар бир болага 600 сўм ақча керакдур. Ақчалик оталар, албатта, тўй ва маъракага қизғонмаганларилик, болани ўкутишга ҳам қизғонмасалар керакдур. Болалар учун тарбиятхона (пансиён)

¹ Таржимаси: «Етимнинг молини еманглар. Енглар, ичинглар, исроф қилманглар» (Хадис).

очмоқ керак. Ва бу тарбиятхоналар замонча ва ҳам миллий ва диний рухда бўлиши керакдур. Бу тарбиятхоналарни очмоқ учун ва ҳукумат мактаблариға бола тайёр қилмоқ учун нашри маориф ёинки жамияти хайрия ва ёинки тарбияти атфол жамияти ва ё ўзга исм ила, хулоса, жамиятлар керакдур. Токи бул жамият(лар) ҳалқдан оқча жамлаб миллат болаларини ўкутиш ва миллатни ояндаси учун керак бўлатургон қози, яъни судья, закунчи, яъни ҳукуқшунос, инженер, яъни муҳандис, муаллим, яъни замона мактабдори, миллатни ҳомийси ва ходими, яъни Давлат Думасига депутат, миллий саноатхоналаримизни ислоҳ ва ихё этгувчи*, яъни техник, тижоратхона ва бонкаларда бизга ёрдам бергувчи, яъни тижорат илмини ўкугон коммirsант, шаҳар думаҳоналариға ва минбаъд Туркистонда очилатургон земства идораларинда бизни тарафдан кириб ва сайланиб, биз учун, ватани Рус учун, дин, мубайинини ислом учун, зауфо* учун, фуқаро учун ишлайдургон одамларни етушдурмоқ керакдур.

Ҳозирги мўйсафидларимиз турсун, ўрта ёшлиар яқинда ўлиб кетар, замона ҳар куни янтилашур. Янги илм ва янги фикрлик ва фунуни замонияни дарбар* қилган одамларни талаб қилур. Буқундан бошлаб, ҳар шаҳардан ҳар сана ўн-йигирмалаб ҳукумат мактабларинда бола берилса, ўн беш сана сўнгра ҳар шаҳарда 4–5 замона одами тайёр бўлур ва ҳукумат мансаблариға, замона доиралариға, тижорат ва саноатхоналаринда кириб, бизларга манфаат еткурас. Келар замон бошқадур. Ҳатто, ҳозирда иккимиз урушсак, яхудий ва ажнабий закунчилариға борурмиз. Бошимиз оғриса, ажнабий дўқтуриға борурмиз. Сабаб надурки, ўзимиз ўқуб замоний одам бўлмаймиз? Ана энди биз учун тўй ва маърака ва кўлпари ўрнинда шул юқоридаги айтулгон ишлар аъмол — идеал — мурод — тилак — муддао бўлсун. Вало, мун(и)сиз биз кундан кун йўқ ва забун бўлармиз.

«Ойна» ж., 1913 йил, 6–7-сонлар, 130–132, 154–156-бетлар

ФАВҚУЛОДДА ТАКФИР

З январ баъдаз жумъа Самарқанднинг мунахжим Мирзо Улуғбек мадрасаси ичиндаги жомеъда беш-олти минг мусулмон ҳузуринда муazzин тарафидан усули жадидачиларни ва русча ўқутмоқға ташвиқ қилатургонларни кофирилиги ва

хар ким боласини усули жадида мактабига берса, «ўзи кофир, хотуни талоқ» бўлушкини форсий тил ила узун ва ҳаяжонлик бир нутқ ила халойиқфа билдуруб, ҳамда¹ларни «кофир ва ўрус» ҳамда «кофир ва ўрус қылғучи» деб эълон қилинди. Ҳалқ ҳеч бир нима демасдан тарқалди. Бир неча ҳафтадан бери жаноб қози ва мударрислардан баъзилари маълум ерларга мажлислар қилиб эканларки, бу фавқулодда ва умумий такфир шунинг натижасидур. Чунончи, муаззин дерки, «Бу сўзларни ўзумдан айтмайман, уламо қавли ва буйруги ила берман». Макзуф ва макдүхлар ушбу тўғридан шариат ва қонун маҳкамалариға ва ер юзиндаги мусулмонларни вижданнига ружуъ этарлар. Шуни-да фавран ёзайинки, кофир деган одамлари азалий ва абадий мусулмондур. Унлар куфрни абадан қабул этмайдурлар. Туркестонда юз минг оталар борки, балалари усули жадид мактабига ўкуйдур.

(Келар агад ояндада батафсил ёзармиз.)

«Ойна» ж., 1914 йил, 12-сон, 295-бет

БИЗНИ ҲОЛЛАР ВА ИШЛАР

12-адад «Ойна»да Самарқанднинг Мирзо Улуғбек ҳазратлари жомеъинда муаззин тарафидан усули жадид мактабинда ва ҳам русча ўкумоқни ямонлиги ҳақинда жумаъдаги мусулмонларга нутқ қилингани ва ҳар ким усули жадида мактабига бала берса, ўзи кофир, хотуни талоқ дегани ва бир неча самарқандийни от тутуб, «алар кофир ва ўрус» дегани ёзилиб эди. Ушбу нутқ ҳукуматга маълум бўлуб, ҳукумат тарафидан Мадрасан Тиллакори ва Мадрасан Мирзо Улуғбек мударрислари жаноб Мулло Имомназар ва жаноб Мулло Салим ва ҳам нутқ қилигон муаззиндан сўралибдур. Жаноб мударрислар ушбу нутқдан хабаримиз йўқ дебдурлар. Муаззин айтибдурки, «Ман усули жадид ва ё русча ўкумоқ ва ё усули жадидчилар ҳақинда ҳеч бир нимарса айтганим йўқ. Фақат «Анжумани арвоҳ» исминдаги янги чиқғон рисолаға эътиқод қилманглар, дедим» деб бошқа айтганларига мункир бўлубдур. Ҳукумат тарафидан билдурулубдурки, баъзинда мундай ямон ҳаракатлар воқеъ бўлса,

¹ Жой қолдирилган. Чамаси, мұхаррир масала ойдинлашмагунча эл эътиборидаги кишиларнинг номлари бадном бўлишини истамаган.

сабабчини беш йиллик бадарға қилинур. Китоб түғрисинде закун бўйинчя ҳаракат лозим. Бечора муаззин масжиди жомеъда ва бир неча минг киши хузуринда айтгон сўзиға мункир бўлгани ани қайси даражадаги одамлигини кўрсатур. «Ойна» муҳаррири имонига ҳам ўшал муаззин чанг солибдур деган сўзлар ҳам эштиладур. Бул сўз собит бўлганда, «Ойна» муҳаррири, албатта, анга даъво (қазаф) қилур. Альон муаззин сўзиға умумий тарафдан қараб бир оз мухокама қиласиз. Усули жадид ва русча ўқумоқ радиға сўйлагани событдур. Биз, аввалан, шуни ёзармизки, на усули жадида мактабига ўқугон сабабли ва на русча ўқугон важҳидан киши кофир бўлмайдур. Муаззин мунга ҳеч далили шаръий ва ақлий кўрсатолмайдур. Мундан қатъи назар муаззини устози муҳтарам Ҳожи Мулло Тўрахўжа мударрис жаноблари усули жадид мактабининг бонийси ҳисобланурлар. Усули жадидчиларни ва русча ўқугонларни «маълум мажлис»да куфр кудуғи бўйигача судраган самарқандийни муҳтарам Мулло Саидаҳмад Васлий шоир жаноблари ва Ҳожиаҳмад мударрис жанобларининг устодлари муҳтарам Ҳожи Мулло Тўрахўжа жанобларига: «Истанбул шайхулисломи Туркистон ва Бухорода усули жадид мактабларини ривож бермоқға ва русия мактабларига бола бермоқға уламонинг сайи ва ҳаракати лозимдур», — деб айтганларини мазкур муҳтарам Ҳожи Мулло Аҳмад мударрис жаноблари нақл қилиб эдилар ҳамда Ҳожи Мулло Аҳмад афанди айтиб эдиларки: «Истанбул шайхулисломини устодим Эшон Тўра илан зиёрат қилдим. Шайхулислом жаноблари дедиларки, биз эшитармизки, Бухоро ва Туркистон уламоси усули жадидни ямон дер эмишлар, ажабо! Даиллари надур? деб мавоҳаза қилмоқчи бўлганда, ман, мулло Ҳожиаҳмад, дедимки, — афандим, бизни шайхимиз (Эшон Тўрахўжа домлани мурод этар) усули жадидни мудофеъи ва ҳомийсидурлар», — деб кутудик. Ажабо, Ҳожи Мулло Аҳмад мударрис жаноблари Истанбулдан шул қадар сўзлаб, яна қандай номи киромийлари илан бир-икки жадидчини «маълум мажлис»да алар гойи-бонасига жаноб устоди муҳтарам Ҳожи Мулло Абдужалил маҳдум мударрис ва Ҳожи Мулло Тўрахўжа мударрис хузурларинда куфрға нисбат бериб, бадном этарлар. Ҳолбуки куфрға нисбат берган одамлариданки, бири руси ўқутон, расмий омури ҳукumat, дигари русча билмайдургон оддий

бир кишидур. Алар ҳақында ҳурмат ва риоят, балки ионатдан бошқа бир нимарса содир бўлғон йўқдур.

Ўтайлук. Ҳануз олти ой бўлгани йўқ усули жадид мактабинда волийи вилоят ҳузуринда Самарқанд қозиси ва Самарқандни акбари уламо ва содотидан жаноб Қози Мулло Муҳаммад Исоҳўжа мударрис ва қози Абдулҳайхўжа ва қози мулло Абулқосим ва қози Мулло Бақоҳўжа жаноблари усули жадид мактабини айни шариат ва усули қадимдан кўра нофеълигини баён қилиб эдиларки, «Самарқанд» жаридаси ёзига эди. Ажабо, олти ой ўтмасдан, қандай бўлдики, усули жадид мактаби ва усули жадидчилар мажлисларда, ҳатто, жомеъи шарифда такfir қилинадур? «Анжумани арвоҳ» рисоласи ҳақында ҳам жаноб Қози Мулло Муҳаммад Исоҳўжани «сўзлари ҳамма(си) тўғри ва дуруст» дегонлари ривоят қилинур. Ҳаммадан ажойиби булки, муazzин минглар илиа киши ҳузуринда айтгон сўзига ҳукumat ҳузуринда ҳамда ўзини устоди ҳузуринда мункир бўлур. Биз бу сўзни ёзмас эдук ва аммо бутун ҳалқ орасинда шуҳрат топгани ва жомеъи шарифда сўйлангани учун ва Туркистондаги юз минг оталарга болалари усули жадид мактабига ўкуйдур. Аларга дафъи иштибоҳ қилмоқ учун ва ҳалойиқни ҳар нимарсадан азиз имонига чанг урулгон учун ёзига фурсатимизни фавт қиласиз. Валлоҳ айтиб туруб, мункир бўлгучи киши сўзини бир пуллик эътибори йўқдур. Оҳ! Биз қандай кейин қолганмиз. Ҳалқи олам усули жадид ва илми замоний илиа осмонларга учар, биз ҳануз бир-биirimizни такfir ва тальян ила вақт ўткарармиз.

«Ойна» ж., 1914 йил, 13-сон, 200–202-бетлар

ЗЎРАКИ БОЙ

Охирги вақтларда биз – туркистонлилар тижорат, ҳатто, зироат ва дўкондорлик ишларинда на учун синармиз, яъни ифлос этармиз. Мунинг энг биринчи сабаби илмсизлик, тўғриси ақлсизлигимиздур. Оре, билиб туруб ўз зарарини қилмоқ ақлсизликдур. Чунончи, «Зўраки бой» жанобларини ўн минг сўмлик мероси, боф ва хонаси бор эди. Бу одам агарда бояни яхши ишлатса, мувофиқи шариат ва инсофтириклик қилса, исрофгарлик этмаса, тўй ва азо деб ўзини барбод этмаса, албатта ортдуурарди. Бу одам ўзицек ва ҳатто, ўзидан оз нимарсалик кишиларни кўярарга ўгул тўйига иккиси-

уч минг сүм сарф этар. Ўғлиға хотун олиб берса яна бир, икки, уч минг сүм сарф этар. Бир ўлук күмса, беш-олти юз сүм харж этар. Ҳатто, олти ойлик баласини сочини олганда ва ё олти күнлик баласини бешикта боғлаганда бир-икки юз сүм сарф этар. Фотиҳа, чанлади¹, дубора-татабон, қалутапӯшон², мўйлабгирон... ва бошқаларини нари қўйдук, хулоса, бечора ўн минг сўмлик мулкдор қарайдурки, иш бўлмайдур. Ўгул ва қизлар катта бўлуб турубдур. Тўй лозим, хатна, никоҳ, унинг орқасидан кети узулмас бир сурук маърака ва қоидалар лозим. Кўбдан чиқиб бўлмайдур. Бечора одам ўйлавга тушар. Тўй қилмоқ учун бир-икки таноб боғдан ва ердан сотса, кўзи қиймайдур. Тўй қилмаса, бўлмайдур. Бас, ноилож ўйлаб-ўйлаб, дўкондорлик, яъни бazzозлиқ ва чойфурушлик ва ё бошқасини қилмоқчи бўлуб дўкон очар. Бонкалардан кредит (эътабар) очар. Ўн минг сўмлик меросий мулки бор экан, беш бонкадан уч минг сўмдан 15 минг сўм қарз олур. Чой, қизил мол, газвор, чиннивор, канап-чарчинвор, хуллас, ҳар навъ кантур ва фермалардан ҳам бир-икки йилга етмасдан бир ўн беш минг сўм урар. Бир вақт қўрарсан 30 минг сўм ишлатгучи қиб-қизил бир катта бой. Ўзини муфт деҳқонлиги ила рўзгор қитур экан, бир минг сўмни бутун умриға синамаган 30 минг сўмлик мол ичинда кўмганини кўруб, бизни деҳқонбойни аввалги торгина ақли ҳам учди-кетди. Қавму қариндошдан вексел олиб бонкаға қўяр. Сасиб ёттан ва аларни сўзинча, эгасиз фабрикант молини тўғри келган кишиға нася берар. Бир тарафдан яхши от ва аробаларға ҳаваси кетар. Экипаж файтуналар ва маскав отлари олинур. Дигар тарафдан, ҳовлиға замона одами ўлтуратургон иморатлар қилинур. Усти темур, ости тахта, девори ранго-ранг шишакори шаҳнишинлар, бир неча меҳмонхоналар ва онда замона асблори олинур. Бу иморатларни ва дастгоҳни одамларга кўрсатмоқ учун зиёфатлар, базмлар керак. Фирма ва бонкаларни мудир ва аъзоларини-да алафранг шампанскимилик зиёфатлар қилмоқ керак. «Зўраки бой» жанобларини(нг) хотун ва ўғли ҳам мундан ранг олиб, исрофга юз қўяр. Чунки Худо берган давлат қаердан келиб, қаерга кетар? Зўраки бойни ўзи ҳам билмас. Бир вақт тўй навбати етти. Энди терламоқни замони келди. Машваратлар, прўграм-

¹ Чарлари.

² Аёллар киядиган бош кийим.

лар тузалур. Хўқанд, Андижон, Туркистон ва Тошканддан бошлаб, Марв, Бухоро, Карки ва Афғонистон ҳудудинча шуҳратлик бойлар ва кўрмаган ошнолар рўйхат бўлур. Ол-а... Мунча одамга хат ёзмоқ мушкул. Босмахонада зарҳаллик жатлар сипориши берилур. Ёддан чиқтони тилгиром ила таклиф қилинур. Хивадан, Фарғона ва Бухородан машҳур жувон ва мутриб ва хонандалар чақирилур. Базмда фирмаларнинг мудир ва бонкаларнинг мубошири, ҳатто, ражоли ҳукумат таклиф қилинур. У қадар исроф, у қадар беҳуда масориф бўлурки, ҳисоби сингандан сўнгра маълум бўлур. Бу тўйни базми, жувони, кўбкариси, фастанги, инъоми у қадар кўб, у қадар қизиқ бўлдики, мунга ўҳшаган бошқа бир зўраки бой ҳам ўзини анга ўҳшатмоқ, балки ўткармоқ учун ўзини жардан ташламоқга ҳозирланур. Яъни мундан зиёда этмоқидур. Биз аввалги зўраки бойнинг тўйи ўзини тамом қилган йўқ эдук, бойга яна бир никоҳ тўйи воқеъ бўлди, яъни жаноблари ёш хотун олдилар. Табиий, эллик-олтмиш яшарга 15 яшарни икки-уч минг сўм масорифсиз берилмайдур.

Сўзни қисқа қилайлук. Бир вақт эшитилур, зўраки бой бонкаға пул еткуролмайдурлар. Имонсиз сарроф ҳам тақатак шилдирни билиб, пул бермайдур. Иш «праваучўт»ға қолди. Бир неча вақт сўнгра яна эшитилурки, векселлар «пратест» бўлди. Ўн минг сўмлик мулк ила дўкондаги бешолти минг сўмлик мол ҳажз (арест)ға олинди. Ҳисоб қилиб кўрулса, билинурки, 30 минг сўм қарз майдонда. Отадан қолган мулк ила тўрт-беш минг сўмлик ароба ғалтак оту тек дўкон мол энди нима бўлур дерсиз? Олти ой бир йилгача аввалги мулклар судга сотилиб, бечора зўраки бой аҳлу аёли ила дарбадар қолур. Чунки ақалли мартаба синган яхудийдан ибрат олиб, биргина ҳавлисини ҳам хотуни отига ўткармаган эди. Инолло-ло-юҳиб-ул-мусрифин. Яъни Аллоҳ таоло исроф қилгувчиларни дўст тутмайдур. Зероки, бой жанобларини таржимаи ҳолидан «Ойна»да кўб кўргунгон эди, аммо қисқартиб ёзилди. Балки бақияси бўлур.

«Ойна» ж., 1914 йил, 16-сон, 270—273-бетлар

ЖАҲОЛАТ ДАРДЛАРИДАН

Исмимизни билмаймиз! Нима учун? Бизга ўргатмабдурлар. Масалан, исмимиз Абдулсамад экан, «Абсамат», ҳатто, қишлоқларда «Апсат» дерлар. (Афу буюрулсун, адабдан хориж

бүлса-да, адабға даъват этар.) Оти Ёдгор экан – «Жодигор», Лутфулло экан – «Нутфулло» аталаудур. (Астағбурулло!) Галат атамоқ сабаби ила авом котиблар тарафидан қозихона, валас-нойхона хужжатларинда ва ҳукумат маҳкамаларинда ҳам шұл тариқа галат ва масхаралик ҳолатинда ёзилур. Ҳатто, шаҳар-ларда, дўкон ва корхоналарни тепасинда русча ва мусулмо-ний хат илан «Обдукодир», «Патхула», «Санатулло» («Санъ-атулло»), «Обдурахмон» ва мундан ҳам галатроқ ёзилиб осил-ган лавҳалар бордур. Бу галатлар бонка ва хазина ва нотариус-мақоволот муҳаррирлиги доиралариғача борар. Бир замон бу галат исмларни тұғри ёзіб маҳкамага берилса, маҳкамадан тұғрини галат деб қайтарарларки, аларни қайташи тұғри-дур. Бу галатларни тузатмоғи ва ё дурустларни галат қылмоғи учун иш зөсига, яъни исмни соҳибиға ҳафтапар ға ойлар ила югурмоқ лозим келур. Муни-да қўйдук.

Шундай галат кета берса, йипирма – ўттuz сана сұнгра халқ янадан авомроқ бўлуб, мусулмон исмлари яна зиёдароқ бузилур. Дўкон ва корхоналар тепасиндаги унвонлар мундан зиёдароқ галат исмларни шомил бўлур. Энди мунга илож, исм қўйганда, исмни маъносини баён қилинмоқ ва кайфияти талаффузни ота-онаға билдурмоқ керак. Ва алар болани ўзига ҳам билдурсунлар ва исмларни ёзганда ва чақирганда дуруст атамоқ керак. Ва ҳам «Жўракул», «Норқул», «Тошму-род», «Болтакул»дек маънолик исмлар ила аталсун... Ажаби шулки, идорада галат ёзилиб келган исмларни тұғри ёзиб юборилса, эгалари рози бўлмайдур. Исмлари арабий экан, араб қоидаси бўйинча «алиф» – «лом» ила ёzsант, шикоят этарлар. Оре, ул бечораларға айб йўқ. Айб жаҳолатға ва мак-табсизликға ва руҳонийларни(нг) мусоҳалаларинда, диний ва миллий ишларға дикқат этмаганлариндадур. Исм тұғри-синда тотор биродарларимизни ҳам баъзи ҳоллари ажойиб-дур. Масалан, «Айнулло», «Набиулло», «Рухулло» деган исмларға учраладурки, бу ҳам бир навъ дикқатсизликдур.

«Ойна» ж., 1914 ишл, 18-сон, 318–319-бетлар

ОХ, БОНКАЛАР БИЗНИ БАРБОД ЭТДИ

- Шундайми?
- Албатта йўқ.
- Бас, нима бизни барбод этди?
- Нозоалла, ҳисобсизлик. Тұғри, ақл ва тарбиясизлик

бизни барбод этди. Айб бонкада йўқ, бизда. Чунки бошқа миллатлар бонкалар сабаби ила обод бўлур. Давлати ва мулки ортур. Аммо биз, зоҳирлан бонкалар сабаби ила барбод ва фақир бўлармиз. Аввалги бор мулкимиз қўлдан кетарки, мунинг асл сабаби бонка эмас, ўзимизни тарбиясизлигимиз ва донишсизлигимиз ва беҳисоблигимиз ҳамда нафъ ва зараримизни билмаганимиз, тиккорат иши ва аҳли замонадан бехабарлигимиздан, хуласа, жаҳолат ва нодонлигимизданур.

Бонка сабаби ила яхудий, армани ва бошқалар давлатлик бўлур. Биз бўлса, болакс давлатимиздан, мулк ва обрўйимиздан айрилармиз. Чунончи, қўлдаги бор нимарсамизни тўй ва азога, бехуда одатларға сарф этармиз. Кўрпамизга қараб оёқ узатмаймиз. Қарз ила иморат, тўй, фисқ ва бойлик қиласармиз. Истроф қиласармиз. Охири «Хаср ад-дунё ва-л охира»¹ бўлурмиз. Бу сабаб ила фақирлик даражасинда тушуб, сўнгра бонкадан додхоҳлик қиласармиз. Бир карра диққат қилинсун, бир яхудий, бир ўрис, бир армани ҳеч вақт тўй деган балоға беш минг сўм, ҳатто, бир-икки минг сўм сарф қилгани эшитилмайдур. Биз бўлса, йигирма минг сўмлаб сарф этармиз. Кошки бу пул ўзимизники бўлса эдики, ялғуз истроф гуноҳи ила кутулардук. Йўқ, балки биз ҳақ-ул-абд²дан қўрқатургон мусулмонлар бошқалар оқчасини барбод этиб, охиратға қарзи дунёға кулфат ортдуармиз. Мундан номаъкул ҳаракот, албатта, шаръян ва ақлан гуноҳи азимдур, девоналиктур. Ҳўқанддан жаноб М. Д. Р. М. афанди ёзадурларки, бонкадан фойдалик оқча олмоқ дурустми? Ва биз, мусулмонлар нима учун бонкадан пул олиб синармиз? Аввалги савол учун жавоб берармизки, шаръян бонкадан пул қарз олмоқ тўғрисинда мўътабар «Шўро» маҷалласинда тафсили илан кўб ёзилди. Хоҳласангиз «Шўро»дан ўқуб огоҳ бўларсиз ва ул сиз учун ҳозиржавобдур. 2-саволга қисқалик ила шуни ёзармиз: масалан, Абдуллабой бazzозни ўзидан беш минг сўм сармояси бор. Дўконидан 500 сўмлик молни олти ой ваъда ила нася сотди. Албатта, бу сотилган молға ақлан 50 сўм фойда қўюб эдики, юзда ўн юзасидан бўлур. Энди дўкондаги мол оз эди, яна мол олмоқ учун оқча йўқ. Кантурдан нася олса, аввалда нақдага нисбатан 7–8 ҳисса қиммат қилиб берур. Масалан, 400

¹ Дунё ва охиратни барбод этиши.

² Киши ҳақи.

сўмлик молни олти ойга 470 сўм, балки зиёда қилиб берар ҳамда яхши молга ямонни қўшар, агарда Абдуллабой баззоз бонкаға сотган моли учун олган векселини қўйса, олти ойга бонка 500 сўм накд бериб, фақат 15 ё 20 сўмгина фойда сахлайдурки, бизни бazzозимиз ушбу пулга 4–5 кантурдан чеккасиға чертиб, сийлаб молни арzon нархга олур. Ана бонка ҳикмати ва кераклиги шундан иборатдур ва ҳам шундай ўлчав ила муомала қилинса, ҳар ким бонкадан фойда кўрар. Йўқ, бонка уни учун эмаски, бир пулсиз дўкон ўлтуриб ва бонка пулинни нася қилиб, тўй ва зиёфат ва иморат ва шароратга, кўбкари ва азота сарф қилиб ё бонкадан қарз олиб, ҳаж бориб, дунёға баобрў ва охиратга қарз юклаб кетмоқ учун эмасдур. Муҳтарам М. Д. Р. М. афанди! Мундан бошқа яна синмоқимизга сабаб тарийқи тижоратни, молни олиш ва сотиш жойини билмаганимиз, пахта ва бошқа галла тўғрисинда Амриқо, Африқо ва Оврупо бозор ва зироатларини ҳолидан, бўлган ва бўлмаганидан бехабарлигимиздур. Бизни тожирлар аксарият ила ҳеч жойдан бехабар «таваккал» деб иш қиласурларки, ташаббусиз таваккал ила иш ҳилмоқни шаръян манҳийлигидан бехабарлигимиз боисдур. Энг охирги сабаб синмоқимизга шулки, тижорат майдонинда нодонлигимиздан бошқалар тарафидан алданармиз. Холоса, бизлар коммерсант, яъни тожири замоний эмас, балки бизларға деҳқонлик лозим. Аммо маатаассуф унга ҳам илми басират ва ҳисоб лозимки, бизга шу илми замоний йўқ, бинобарин келаримиз ниҳоят қоронгудур. Мулкларимиз аксари қўлдан кетар ва қора меҳнаткаш бўлуб қолурмиз. Аллоҳ басират берсун. Шайх Саъдий деюр: «...мадоҳили ўнсаккиз ва маҳорижи йигирмалик киши ҳолига йифламоқ керак. Кўндуз чирог ёқсан абллаҳнинг оқшом қоронгуда ўлтурганини яқинда кўрарсан»!

«Ойна» ж., 1914 иил, 19-сон, 342–344-бетлар

ЁШЛАРГА МУРОЖААТ

Бизни Туркистон ва Бухорода бир синф муҳтарам ёшлар мавжуддурки, хукумат маҳкамаларинда тижоратхона, бонка ва корхоналарға котиб, таржимон, молфуруш ва далоллик ёинки насячинлик ила машгуллурлар ва бу синф аҳлининг

¹ Таржимаси берилди.

адади бугун Бухоро ва Туркистонда мингларчадур. Ана ёшларға мурожаатдан мурод шу синф аҳлидан бўлган ҳамватанларимизга бир неча калима арз қўймоқдур. Лутфан сўзимизни тингласалар, деб илтимос қўйамиз. Ва камоли эҳтиром ила ул жанобларга баён қиласизки, сизлардан аксарингиз савқи қадар ва ёинки савқи табиат ила бир навыи бўлуб, русча бир оз ўқуб-ёзмоқға ва ёинки фақат сўйла-моқға қодир бўлубсиз ва бу озгина замоний билту сабабидан вазифа олиб, енгиллик ва бир оз рифоҳият ила умр ўткаурсизки, Тангрим зиёда этсун! Ва сизларни озгина илми замоний билганингиз, албатта, нафъ келтурди ва алҳамдулилоҳ дини мубинға ҳам яхши мұтакидсиз ва бу илми замоний эътиқодингизни бузмади. Зотан исломият шундай бир дини матин ва қобили тараққийдурки, на қадар илми замоний кўб ўкуса, инсонни яна дини исломға шунча ақидаси мустаҳкам бўлур. Чунончи, илми замоний кўб ўкуғон Оврупо уламоларини(нг) энг номдор ва давлатликларидан мусулмон бўлуб тургонлари жаридахонларга маълумдур. Бас, сабаб бўлдики, илми замоний исломиятга зарар қўймоқ нари турсун, фойда этар, энди матлабга келайтук.

Муҳтарам биродарлар! Сиз хидмат қиласургон доира-ларда сиздан катта ва сиздан оз ишлайдургон ва сизларға иш буоратургон кишилар борки, сиздан беш, ҳатто, ийигирма дафъя зиёда вазифа олур. (Баъзи бонка ва тижоратхоналарда ойинда беш юз сўм, ҳатто минг сўм олатургон кишилар бор ва аларни тижорат мактабига ўкугони беш-олти йилгинадур.) Мунинг сабаби надур? Сизнинг қўл остингизда сиздан кўп ишлайдургон ва қаттиғ хидмат қиласургон ва юк кўтара тургон мусулмон ва ё ўруслар борки, сиздан ҳам оз вазифа олур. Мунинг сабаби надур? Албатта, мунга жавоб берурсизки, бизни устимиздан қарайдургонларни(нг) «илми замоний»си биздан зиёда ва меҳнаткашларни илми бизга ҳам эмас. Мана сабаб шудур. Биз ҳам дермизки, жавобингиз дуруст. Бас, маълум бўлдики, ҳозирги замон ишларига хоҳ тижорат ва ҳукумат ва санъатхоналарга бўлсун, кириб вазифа олмоқға ва иш қўймоқға илми замоний деган нимарса лозим экан ва ҳар ким бақадар билгуси вазифа олур экан. Бас, сиз муҳтарамлар ҳам ўз авлодингизни ва азиз болаларингизни, агарда хоҳлассангизки, сиздан кўра тараққий этса, дин ва миллатга хизмат этса. (Дин ва

миллатға хизмат илмі ва оқча ила бўлур.) Шу илми замонийни таҳсил қилмоқ учун ҳаракат қилмоғингиз лозимдур. Ҳамватаңларимиз мулкини сотиб тўй қилганидек сиз-да, ҳатто, лозим бўлганда мулкингизни сотсангиз-да ўғлингизни замонча ўқумоқига саъй қиласангиз. Тўйга исроф қилинатургон оқчаларни ўқумоқ йўлиға сарф қиласангиз! Замонча ўқутмоқ тариқасидан бошқа мақолада арз қилинур.

«Ойна» ж., 1914 йил, 21-сон, 390—391-бетлар

ТАРИХИ ИХТИРОИ БАШАР

Бугун кўзимизга кўринмайтургон нимарсалар аввалги замонда йўқ эди. Ҳудонинг одамларға берган ақл ва тадбири соясинда бирин-бирин чиқорилди. Ва ҳам муни бир тоифа ихтиро қилмади, балки ҳар замонда ҳар ким тарафидан чиқорилди. Тарихдан бехабар баъзи қишилар ва ёинки душманлар мусулмонларни аввалдан охирғача нодон, ваҳший кўрсатурлар. Мусулмонлар дунёға ҳеч нима ихтиро қилмади... дерларки, ул ғалатдур. Ва ҳар бир шараф ва ҳунармандликни буқунги фарангларға иснод бермоқ ҳам тўғри эмас. Чунки дунёдан ўтганлар ўз навбатларинда ишлаб, ҳунар кўрсатиб ўтди. Ва ушбу кунги ихтиrolар учун асбоб ҳозирлаб кўйди. Ва ҳозир фаранглар навбатидур. Бир замон келурки, навбат бошқаларға тегар, бул дунёning одатидур.

«Ойна»нинг муҳтарам хонандаларига дунёни аввалидан буқунғача бани одам тарафидан ихтиро қилингон машҳур нимарсаларни арз қилмоқ учун тарих китобларидан олиб ёзмоқчи бўлдук ва мундан сўнгра «Ойна»нинг ҳар рақаминда пайдар-пай «Тарихи ихтори башар» унвони ила ёзилур. Мунда ёзилатургон нимарсалар «Тарихи умумий», «Тарихи маданият», «Маданияти исломия», «Коинот», «Тарих ва жуғрофия лугати», «Тарихи тамаддун» китоблари ва бошқа китоб ва рисолалардан нақл қилинур. Ва мунда кўрсатилган тарих уч навъ бўлуб, биринчи(си) «тарихи хилқат» аталурки «Таврот»ни баёни бўйинча дунё бино бўлганидан ҳазрати Исо алайҳиссаломни туғулгонигача 5594 санадур.

2-«тарихи милодия» ҳазрати Исони таваллудларидан ҳижрати ҳазрати пайғамбаримиз Мұхаммад мустафо алайҳиссаломгача 626 санадур.

3-«тарихи ҳижрия» ҳазрати пайгамбаримизни Маккадан Мадинаға ҳижрат этганларидан бу кунғача 1332 санадурки, тарихи хилқат «Х», тарихи милодия «М», тарихи ҳижрия «Х» ишоратлари ила кўрсатилур. Яна замоналар «Азманҳои қабл ат-тарихия», «Азманҳои тарихия», «Қаруни аввал», «Қаруни васат», «Қаруни жадида», «Аср» деган исмлар ила баён бўлинадур. Азманҳо қабл ат-тарихия — тарихи яхши маълум бўлмаган замонларни дерлар. Азманҳои тарихия — тарихи аниқ бўлган замонларни дерлар. Қаруни аввали — хилқати Одамдан Румо давлатининг йўқ бўлушиғачадур. «Қабл аз ҳижрат» — 146 сана Қаруни авсати — Румонинг йўқ бўлушидан мусулмонларнинг Истанбулни олгонигача (баъд аз ҳижрат — 731). Қаруни жадида — фатҳи Истанбулдан замонамизғачадур.

Тарих энг машҳур ва мўътабар ҳодисалардан бошланур. Ҳар юз санани «аср — қарн» дерлар. Чунончи, ал-он тарихи милодиянинг 20- ва ҳижриянинг 14-асридур.

Энди асл матлабни бошлаймиз.

Зироат санъати ҳазрат Одам алайҳиссалом тарафидан чиқорилгандур. Дехқончилик учун баъзи асбоблар 2500 (Х)да Эрон ва Мисрда ўҳшатилиб кейин машҳур финикиялilar тарафидан ислоҳ қилиниб, 1280 (Х)да Оврупода ҳам баъзи мошиналар чиқорилибдур. Ал-он Амриқода оташ ила ҳаракат қилатургон мошиналар ила ерни ҳайдаб зироат қила дурлар. 200 от қувватига баробар дехқонлик оташ мошиналари чиқоратургондурлар.

1262 (Х)да тошларни тараашлаб, тахтадек қилиб устиға хат ёзмоқ усули ҳазрати Идрис алайҳиссалом тарафидан чиқарилибдур.

2150 (Х)да камонча сози учун гиёҳларни терисидан бир навъ маҳкам иплар ихтиро қилинибдур.

«Лиз» деган соз, ҳарфлар ила ҳандаса шакллари машҳур Ҳурмуз тарафидан чиқорилибдур. Охирида юонийлар ҳам ушбу асбобни яхши ислоҳ қилибдурлар.

2241 (Х). Ҳазрати Нуҳ алайҳиссалом тарафидан кема чиқарилибдурким, анинг узунлиги 300, барі 50 ва баландлиги 30 газ бўлуб, уч табақага тақсим бўлган экан. Оташ кема эса 1078 (Х)да италияли машҳур Данис Пойн тарафидан, бир навъ нажжорий мошинаси ихтиро қилиниб ва кейин Жемс Вайг номлик бир тафандун тарафидан ислоҳ қилиниб, 1114

(Х)да яна Дўку деган бир фарангти тарафидан чархнинг нажжор куввати ила ҳаракати тажриба қилинибдур.

1218 (Х)да америқоли Кўлтун номлик киши чарх ҳаракатини ислоҳ этиб, Порисда Сан наҳрида тажриб қилинибдур. 1222 (Х)дан бошлаб парахўдлар ишламоқға кириб, эмди ер юзинда неча юз минглар ила оташ кемалар, ўн минг киши сигатургон катта кемалар ичида босмахона, театрхона ва корхона ва мактабликлари бўлуб, сув устинда кичик бир шаҳар ҳикматидур (бақияси бор).

«Ойна» ж., 1914 иш, 28-сон, 531—534-бетлар

ТАНҚИД – САРАЛАМОҚДУР

Мажалла ва жаридаларнинг катта бир хосияти танқид, яъни сарабаломоқдур. Саррофлар ақчани, тужжорлар матоъни сарабалаганидек, муҳаррирлар ҳам умумий ҳол ва майшатга тааллуқ нимарсаларни сарабайдурки, бошқа сўз ила «танқид» аталур. Масалан, янги мактаб ва муаллимлари ва анда ўқулатургон китобларни маънан тафтиш этиб, андаги нуқсоналарни баён этмоқ танқиддур. Таарруз* ва душманлик эмас. Агарда шахсиятга тўқунмаса. Аммо бир муаллим ё муваррис ва муҳаррирни ишидан, шахсиятидан халойиқға зарар келса, андан ҳам баҳс ва танқид ёзмоқ шахсий бўлмайдур. Танқид янги ёзилган китоб, жарида ва мажаллаларга жорий ва нофеъдур. Масалан, бир муҳаррир ва ё муаллимни саҳвани ва ўз хизматига бепарволигини ва лозим қоида ва тартибларга амал қилмай, оммаға зарар келтурганини танқид этмоқ боиси ислоҳ бўлур. Бизни Туркистанда янги мактаблар хейле бордур. Янги рисола хейле босилиб турубдур. Жаридаларға мақола ва шиорлар ўқибулб турубдур. Аммо ҳануз танқид даврига етушганимиз йўқ. Иттифоқо, танқид шаклинда бир нимарса ёзилса, бизларға қаттиғ тегар. Ёзганларимизни бузуклиги ва фикримизни хатолиги, ишимизни ноқислигини бирор киши кўрсатса, аччигимиз келур. Ва ул одамни душман кўруб, шахсидан нафрат ва фикрига норозилик баён этармизки, бул бизни янгидан ишға бошлаганимиздан, бошқа тил ила ноқислигимиздан дур. Биз эскиларни айблаймизки, аларға ислоҳдан сўзласак, чидай олмайдурлар. Аммо ўзимизнинг мактаб, рисола, таҳrir ва маслакимизни бир киши танқид этдими, чидай олмаймиз, диққат ила мунаққид сўзини тингламаймиз. Му-

наққид бизни тұғримизга мінг сүз ила баёни муддао этар экан, биз они ичиндан ўн сүзини номақул топиб, юзиға урармиз. Ва ёйнки важхисиз онинг сүзини радду ўзига эътиroz этармиз. Агарда ул десаки, маң сизға бир минг калима насиҳат ё танқид сўйладим, дуруст, ўн калимаси сизға беко э́канки, қайтиб олдим, 990 калимасига на дерсиз?

На жавоб берармиз! Танқидни кўтаролмаганимизга тўғриси, ҳануз танқидға лойиқ бўлмаганимизни мисоли. Кафказли сайёҳ Муҳаммад Сайийид афанди Туркистон мактаблари тўғрисинда «Оила ва мўътабаран иқбол» жаридасига танқид ёзиб эдики, анинг жавоби ялғуз қуруқ бир эътиroz (прүтест) бўлди. Аммо онинг ёзганига жавоб тушмас. Иккичи, «Адаб ва тарбият» унвони ила яна сайёҳ мазкур «Ойна»нинг 27–28–29–30 рақамларинда мактаб тўғрисинда воқеъ далиллари ила баъзи нимарсалар ёздики, мўътабар «Садойи Туркистон» рафиқимиз 11-ададинда Муҳаммад Сайийид афанди мақолаларини хилофи адаб ва тарбия деб они ёзилғонига соҳиби мақола ва идорага изҳори норизолик айтиб, мазкур мақолаларни «аҳамиятсиз» дер. Ҳамда «муаллимларнинг хотирин қолдирув» бўлармиш. «Ойна» камоли эҳтиром ила «Садойи Туркистон» рафиқимизга арз этарки, мазкур мақолалар бошдан охиргача аҳамиятсизми? Агарда аҳамиятлиги бўлса, илтифотга олмаганилариға таасусуф этармиз. Ва мақола ичидан икки-уч хати мизожга номувофиқ тушган учун афуларини тилаймиз. Такроран айтармиз: биз ҳануз танқидға лаёқат пайдо этганимиз йўқ. Яна қадима касалларимиздан — «норизо», «хотири қолмасуну...» иллатлари ҳануз кетган йўқ.

Муҳаммад Сайийид афанди таъбиринча, мундай кетаберса, «қиёматдан минг йил сўнгра-да, Туркистонға тараққий йўқ». Агарда, «хотири қолмасун» қоидаси маслак тутулса, матбуотдан қалам тортмоқ керак. Чунки ҳақиқий матбуот ҳеч кимни хотирига қарамас. «Хотири қолмасун» касали биз мусулмонларни барбод этди.

Умумий ҳоллардан баҳс қилинди? Мутлақ ҳар бир мақолага бир неча кишини хотири қолур. Ислоҳи мадорис ва дорулқазо десангиз, уламони хотири қолур. Ислоҳи расм базм десангиз, авомни хотири қолур. Ислоҳи савомеъ* десангиз сўфи, шайху эшонларни хотири қолур. Ислоҳи фоидахўрлик ва тижорат десангиз, бойларни хотири қолур. Энди ислоҳи

макотиби жадида дейилганды, муаллимларни хотири қолса, бас мұҳаррирлар учун сукутдан бошқа иш қолмайдур.

Шуни-да айтмоқки, Мұхаммад Саййид афандидан ёинки идорадан биргина «баъзи» калимаси ма-ат-таассуф қолиб-дурки, бу баъзи важхдан баъзи муаллим афандилардан идора афу истар.

Боқи: Мұхтарам «Садойи Туркестон»ға салом.

«Ойна» ж., 1914 йил, 32-сон, 621–623-бетлар

ТЕЁТР НАДУР?

Теётр нимадур? Жавобига теётр ибратнамодур, теётр вაъз-хонадур, теётр таъзир адабидир. Теётр ойинадурки, умумий ҳолларни анда мужассам ва намоён суратда күзликлар күруб, кар-кулоқсизлар эшитиб, асарланур. Хулоса: теётр ваъз ва танбиҳ этгувчи ҳамда заарарлик одат, урф ва таомилни, қабиҳ ва зарарини аёнан күрсаттувчидур. Ҳеч кимни риоя құлмасдан тұғри сўйлагувчи ва очиқ ҳақиқатни билдургувчидир. «Кул-ал-ҳаққа ва лав кона (ва) мароан» мазҳариждур. Айни замонда яна тамошогоҳ ва ёинки күнгүл очгувчи миллій ва адабий жамъиятларни боисидур. Тараққий қылған миллатлар теётрхоналарни улуғлар учун мактаби адаб ва ибрат атайдурлар. Тараққий құлмоқни эңг биринчи сабаб ва боисларидан бири теётрлардур деюрлар. Теётрларнинг яхши ва ямон одатларни сарроф* ва мунаққиди дерлар. Умумий одатларни нафыи ва зараридан пайдо бўлатургон натижаларни теётрхонада айнан кўрсатурларки, ҳар ким мундан таъсиrlаниб, ямон одатларни тарк этиб, яхшиликни зиёда ишламоқға сабаб бўлур. Ҳар замонни бир усули эҳтисоби* бордур. Бу замонда теётрхоналар ҳам ямон ва заарарлик одатларни эҳтисоб ва танқид қилиб ямонлигини, қабиҳини халойиқта кўрсатиб ваъз ва насиҳат этгувчи бир жойдур. Теётрхона саҳналаринда кўюлатургон асарлар фожеа, яъни қайгулик, мазҳака, яъни кулгу, драма, яъни ҳангомалик бир воқеа ва ҳодисани тасвир этиб, халойиқта кўрсатилур. Ул воқеадаги ямонлик ва яхшиликни пайдо бўлгани ва сабабини ҳар ким кўруб, англаб, ибрат олур ва ямонликдан қочиб, яхшиликта ҳаракат құлмоқға, теётрда кўрсатилган воқеалар сабаб бўлур.

Ҳикоят ва ёинки насиҳат китобларинда баъзи бир ҳодисани баён қилипнандурки, ўкуб, асарланиб, лаззат олинадур.

Аммо теётрға махсус бир ҳодиса ва ё воқеа ва ҳикоятни фесьлан қилиб күрсатылдуркі, мунинг таъсири эшиткандан зиёдадур. (Шунидан кай буд монанди дийдан – эшитмоқ қачон күрмоқ қабидур.) Яна теётрда саводсиз одам күзи ила күруб, күзсиз одам эшитіб, кар мушоҳада этиб, ибрат ва лаззат олур. Холоса: теётр бир навъ мактаб хукминдадур. Тарапқый қылған халқтар ўртасында теётр у қадар тараққый эткандуркі, ҳар күн бир янги асар тасніф* бўлуб, саҳнада кўюлур. Асарни ёзган муҳаррирға минг сўм ва ўн минг сўмлаб ҳадя бериб, асарини мушаххис*лар сотиб олиб, саҳнада кўюб фоида қила-дурлар. Баъзи бир теётр асарлари эски бўлмай ва халойиқни қўнглиға урмай, бир шаҳарда йигирма–ўтгуз, ҳатто, юзинчи дафъа кўюлганлари бордур. Театрға кўюлгон асарни ортуқча ва ё оз ерларини ва етишмаганларини майшати миллиядан хориж нуқталарини муҳаррирлар, жаридалар ила танқид эта-дурлар. Халойиқга маъкул бўлуб ва ё бўлмагани ила теётр му-ҳарририни хурсанд ва ё ғамлик бўлур. Муҳаррирни асари яхши чиқса, ҳар ким они табрик этар ва шуҳрати зиёда бўлур. Ва бул бошқа муҳаррирларни ҳаракатға келишиб, яхши асарлар ёзмоқларига боис бўлур. Теётр учун муҳаррирни не қадар чу-кур ўйлагувчи зариф ва назокатлиги лозим бўлса, мушаххис (ҳодисаны кўрсатучи)ларни ҳам тавоно ва муқаллид ва ҳар нимарсани ўзидек қилиб кўрсатучи, нуктадон бўлиши ло-зим бўлиб, бул алоҳида бир санъатдуркі, овруполилар мунга ҳам алоҳида мактаб ижод қылғандурлар.

Сўзни қисқаси, теётр хоналари масхарабозхона бўлмай, балки ибратхонадур. Ва анда мұшаххис бўлаттурғонлар «ўюнчи ва масхарабоз» бўлмай, балки мушаххис ва муалими ах-локдурлар. Тарапқый қылған халойиқ орасында мушаххис-лар ҳам кибор ва муҳтарам синфлар қаторинададур. Хусусан, ўз киссаси нафыига мушаххислик қилмай, балки мактаб ва ўз миллати нафыига мушаххислик қылғанларни қадри ду боло* зиёдадур.

Бизни Туркистон ва Бухорода миллий теётрдан асар йўқ эди. Муҳаррири ожиз «Падаркуш»ни ёздики, ўтган феврал ойинда Самарқанд, Хўқанд, Бухоро ва Тошканд ва Каттакў-ргон шаҳарларинда миллат нафыи учун кўнгуллilar саҳнада кўюб, тўрт-беш минг сўмни тўрт-беш кечада жамлаб, мактаблар фоидасига бердилар. Мана энди муҳтарам Самарқандий кўнгулли мушаххислар гайрат қилиб, яна «Падаркуш»ни Са-

марқандда еттингчи мойда саҳнага күлб, ҳосилини мактаб-ларға сарф учун бердилар. Мұхтарам ҳамшаҳарларимиздан риже этармизки, келиб күргонлари гунаң бўлгон жойини кўрсатсалар. Инчунун, асарни танқид этиб, бузуқ ерини матбуот ила баён этсалар, токи боиси ислоҳ бўлинса. Аммо бу кунгача мұхтарам аҳли қалам «Падаркуш»ни бузуқ ерини кўрсатмай, балки «кулдуругчи ва ҳам йиглатгучи носиҳ ва нофөъ асардур» ҳолинда табрик ва тақризлар ила ёздиларки, биз аларга ташаккур айтармиз. Асаримизни қабиҳини ёзган кишиға зиёдароқ ташаккур этмоқға мадионмиз, чунки боис ислоҳдур. «Мутакаллимро тоайб нагиранд – суханаш ислоҳ напазираდ» («Сўз сўйлагувчини айб этмагунча, сўзи тузалмайдур»). Баъзи бир аҳли ватанинг теётр асари ёзмоқга машгуллуклари эшигилурки, асарларига чаҳор-чашм ила мунтазирмиз. Ёзилган асарларни кўнгули дасталари сотиб олиб бостурсалар, фоида ҳам қиласурлар. Чунки бир кишиға ҳам асар ёзиб, ҳам бостуруб ва ҳамда саҳнада кўйдурмоқ мушкулдур. Дасталар сотиб ола берсалар, асар-да кўпаюр. Туркистонда ойинда бир асар таҳрир бўлинса-да, кўблик қиласурдур.

«Ойна» ж., 1914 йил, 29-сон,
550–553-бетлар

МУХТАРАМ ЁШЛАРҒА МУРОЖААТ

Ҳар бир мамлакатда ислоҳот ва маданият асбобига тавассул* ва ташаббус этмоқлик ҳаракати у мамлакатнинг ёшлари тарафидан зухур эта бошлигани қаби, бизнинг Туркистонда ҳам маданият эшиги манзаласида бўлган макотиби ибтидоийя ила интибоҳ ва ислоҳот жарчиси бўлган миллий матбуот гайратлу ёшларнинг ҳаракоти мәорифпарвоналари соясида вужудга келди. Шунинг учун ҳар бир миллий ҳавойижимиздан* бўлган мушкул ишларда ёлғиз ёшларимизни маржъя* ва умидгоҳ тутиб, алардан ёрдам сўраймиз (моллари ёки сўзлари ила миллат фойдасиға ёрдамлари текган баъзи уламоу афниёмиз* ҳам ёшлар қаторицадурлар).

Мұхтарам биродарлар! Барчамизга офтоб каби равшан ва аёндурки, макотиби – тараққийнинг бошлангичи, маданият ва саодатнинг дарвозасидур. Ҳар миллат энг аввал, макотиби ибтидоийсини замонча ислоҳ этиб қўпайтурмагунча тараққий йўлиға кируб маданиятдан фойдаланмас. Маданияти ҳозирдан маҳрум қолуб, саноєъ ва маориф салоҳи ила қуроллан-

маган миllат эса, дунёда роҳат ва саодат юзини кўролмас. «Муборизаи ҳаёт» майдонида мутлақо мағлуб бўлур, оёқлар остида эзилур, диний, иқтисодий ишларда ўзгаларнинг асири бўлуб, бора-бора миllият ва диёнатини ҳам кўлдан берур. Ана ушбу йўллар ила охири маҳв ва нобуд бўлуб кетар.

Биноан алайҳ, ер юзидағи барча миllатлар ўз болаларини ибтидоий тарбиясига ва мактабларнинг ҳар жиҳатдан интизом ва акмолига аҳамият беруб болаларини миllий ва диний руҳда мукаммал суратда етушдуарлар. Анинг учун дурки, ўзга миllатлар диний ва миllий ҳиссиётга молик бўлуб, ҳар ишда диёнат ва миllиятни муқаддам тутарлар. Ва лузуми келганда бу йўлда молу жонларини фидо этмоқға ҳозир туарлар. Мана, ҳозирги урушлар ва иқтисодий тортишлар диёнат ва миllият ҳиссиёти натижасидур.

Энди, бизни Туркистонда мундай ҳиссиётлар қайда? Модомики, биз туркистонийлар илму маорифдан ҳаққинча истифода этмаймиз. Фазойили инсониядан санаотган шайлар қандай ҳосил бўлур? Чин инсоният нимадан иборат эканлигини қайдан билурмиз?

Бизларда бир фазилат бор бўлса, ул ҳам фақат таассуботи жоҳилонадан иборатдур. Демак, бизлар ҳозирги нимкола диёнатимизни ёлғуз таассуб соясида сақлаб турубмиз. Лекин ушбу тамаддун асрида илмсиз қуруқ таассуб ила ҳам яшаб бўлмас. Чунки замонамиз шундай зўрки, озгина фурсатда чурук таассуботимизни асосидан қўпаруб ташлайдур. Шунинг учун замонанинг муҳлиқ асбобиға қаршу муқовамат этадургон бир нарса бор бўлса, ул-да маорифдур.

Таҳсили маорифни ибтидоий қисми мунтазам мактаблар бўлган учун энди биз Туркистон мусулмонлариға ибтидоий мактабларни кўпайтурмоқ лозимдур. Табиий, мактаб муаллимсиз кўпаймас. Ҳозирда эса Туркистонда муаллим оз бўлуб, муаллимларга эҳтиёжимиз шадиддур. Чунки бу қунларда янги мактаб ҳаваскорони кундан-кун зиёдалашмоқдадурки, муаллимлар мавжуд бўлган тақдирда ҳар йил Туркистонда юзларча мактаб очмоқ мумкиндур.

Энди ушбу мушқул ҳолларни назари эътиборга олуб, Туркистон ўшлари муаллим етушдурмоқнинг чорасини топмоқлари лозимдур. Агар букунги ўшларимиз ушбу муҳим вазифа ва хизматни ифо этмакга қасд эта бошласалар, муаллим етушдурмоқни чораси ҳам топилса керак. Чунончи, Туркистонда муаллим чиқормак учун дорилмуаллимин

бўлмаса ҳам, ҳар шаҳарда усули таълимдан хабардор бир-икки нафар муаллим, албатта, бордур. Ана, муаллимликка толиб кишиларни аларнинг ҳузурига юборуб, 3–4 ой зар-фида усули таълимдан хабардор қилдурмоқ мумкиндур. Агар бояфарз, ушбу хидматни муаллимларимиз илтизом* қил-масалар, ул ҳолда муаллимликка ҳаваскор ёшларни бир оз заҳматлик бўлса ҳам, тўғридан-тўғри Тошкандда Мунав-варқори жанобларининг мактабига юбормоқ керакдурки, мушорун алайҳнинг* мундай толибларни маалмамнуният қабул этмоқларига аминдурмиз. Ишта, муҳтарам қариндош-лар, миллатимизнинг тилаги ва энг зўр эҳтиёжи ушбу шай-лар эдики, назари олийларингиза арзу тақдим этдук. Энди гайрат сизлардан, тавфиқ Олладандур.

«Ойна» ж., 1914 йил, 41-сон,
970–972-бетлар

«ТУРКИСТОН ТАРИХИ» КЕРАК

Тарих кўп аҳамиятли ва фойдали бир нарсадур. Тарих-нинг фойдаларидан баъзиси ушбу дурқи, бир миллатнинг на тариқада, қайси йўл ила тараққий эттанин ўқиб, ибрат олмоқ ёки бир миллатнинг на сабаблардан таназзул этиб, охири мунқариз бўлуб кетганин ўкуб мундан ҳам истифода этмак мумкиндур. Шунинг учун бизнинг ўз шевамиизда Тур-кистонда ўтган боболаримизнинг майший, сиёсий аҳволига доир «Туркистон тарихи» бор бўлгонда, они кўз олдимизда қўюб, бурунги қаҳрамон боболаримизнинг на йўл ила та-раққий ва маданият даврига киrub ва нима сабабдан охири мунқариз бўлуб кетганин ўкуб, билуб, хейли ибрат олар эдук. Ўшандоқ ҳозирги ҳолимизни боболаримиз дав-ридаги ҳолларга бир даража муқояса этмак ила баробар ўз-ўзимиздан бир инфиоли даруний* ҳис эдуб, юзларимиз қизарар эди. Ҳоло, биз туркистонийлар мархум боболари-миз аҳволи ҳам Туркистон воқеоти тарихиясидан бутун гоғил ва бехабардурмиз. Чунки ҳануз Туркистон тарихи ҳақинда янги тадқиқот ила ёзилгон, тартибли ва истифода-ли мукаммал бир асар вужудга келган йўқ. Тўғриси, мун-дай тарих ёзувчи киши турк ўғлонларидан ҳануз майдонға чиқғон йўқки, бу эса турк болаларининг ноҳалаф бўлуб, чин ўғул эмасликлариға далилдур. Бу сўзлардан тарихсиз-лигимиз англашилмасун. Бизнинг тарихимиз бор.

Бурунги асрларда Туркистон ва турклар воқеоти ва ахволи ҳақинида туркий, форсий ва арабий тилларда неча китоблар ёзилгандурки, у китоблардан рус ва бошқа ёвропойилар истифода этган ва этмакдадурлар. Лекин у мухталиф^{*} тилларда ёзилган. Тарихий аасарлардан биз туркистонийлар истифода этуб, янги мұхқама ва тадқықот ила ўз шевамизды мунтазам бир аасар вужудға келтурганимиз йўқ. Балки бизлар андоғ тарихий китоблардан аксарият ила хабарсиз бўлуб, баъзисидан хабардор бўлсак ҳам, аларнинг табъ ва нашрига аҳамият бермаймиз. Чунки бизнинг халқлар андоғ китоблардан кўра хурофотлик қисса, ҳикоя ва ошиқона ғазал китобларига зиёда рағбатлик бўлганидан моддий фойдасини кўзлаб, шундай афсона ва аслиз китобларни табъ ва нашр этмакдамиз. Шунинг учун кундан-кун мұхим тарихий китобларимиз кўздан тушуб, эсдан чикуб кетмакдадурки, мунинг айбу гуноҳи Туркистондаги манфаатпіаст китобчилар бўйнита тушса керак. Чунки бу сўнг йилларда китобчилар тарафидан турли хурофотлик китоб ва рисолалар нашр бўлинуб турганлиги майдонда ва барчаға маълумдур. Агарда мұхтарам ношир ва китобчиларимиз мундан сўнг ахлоқ бузгувчи ошиқона ғазаллар ва соғ эътиқодларни заҳарландирувчи хурофотлик афсона китоблар ўрнига мўътабар тарихий, ахлоқий ва адабий рисола ва китоблар нашр этмоқга ташаббус этсалар, шояд бу хайрли ишлари аввалги гуноҳларининг юзини ёпар.

«Садойи Туркистон» жаридасига «Миллий тарихимизни ким ёзар?» мазмунида бир савол кўрулгон эди. Бизнинг фикримизча, мундай бир тарих ёзмоқлик ниҳоятда қийин бир иш бўлуб, ҳозирда мунинг ифоси бизларнинг кўлимиздан келмайтурғонга ўхшайдур. Шунинг учун бу хизматни Туркистон тарихи ила ошино бўла бошлаган ёш муаррихимиз мұхтарам Аҳмад Заки Валидий афандининг қаламидан умид этмакдамиз.

«Ойна» ж., 1914 йил, 38-сон,
898—900-бетлар

«САРТ» СЎЗИ МАЪЛУМ БЎЛМАДИ

Мўътабар «Садойи Фарғона» жаридасининг 30-нўмерида «Сарт сўзи маълумдур» унвонлик бир мақолани кўруб ўқумасдан аввал «сарт» сўзи ҳал қилинди гумони-ла қалбан бир даражада хурсанд бўлсак ҳам, лекин мақолани тамоман

ўкуб чиққандан сүнг ҳұрматлу Мулло Абдуллобек жанобларининг қылған ривоятлари мазмунидан «сарт масаласи»-нинг яна бурунғи мажхұл ҳолига қолгонин англаб үмидимиз бүшігә чиқди. Чунки А. афандининг сарт ҳақиқіда ёзған сүз ва далиллари маҳз оғизлардан эшитилған ҳақиқати но-маълум шайлардан иборат бүлуб, ҳеч бир асл ва асосға мабни әмасдур. Бизнинг фикр ва билганимизча, «сарт» сўзи-нинг ҳақиқати машхұр ва инобатлик муаррих ва мусташ-риқлар тарафидан кашф ва ҳал ўлинуб, ҳануз бир жойга қарор берилған йўқдур. Агарда «сарт» сўзи маълум бўлса эди, яъни Туркистондаги халқларнинг барчаси ёки муайян бир қисмининг «сарт» аталғони далойили тарихий ила исбот қилинган бўлса эди, ул суратда ҳеч ким «сарт» хусусида сўз очмас ва баҳс чиқормас эди. Мұхтарам Маҳмудхўжа жанобларининг бул хусусда «Ойна»ға хели ривоят ва қылу қолларни нақл этуб ҳам ўз фикрларини ёзғанларига сабаб, шул «сарт» сўзининг мажхұллиги бўлса керак.

Дуруст, ҳаёт ва мамот масаласи қадар мұхим бўлган неча масалалар кўзимиз олдиға турғон ҳолда аларни эҳмол этуб, факат «сарт» сўзи ила шуғуллануб, фурсатларни бўшға ўткармоқлик ҳам яхши әмас. Лекин асримиздаги ёвропойилар қошида «миллият» масаласи «дин» масаласидан мұхим ва муқаддам тутилған бир замонда бизлар ҳам миллият масаласидан саналған «сарт» ҳақида гоҳ-гоҳ баҳс этишуб миллиятимизин хотирлаб турғонда зарар кўрмасмиз. Диний, миллий ва майшний масалалар хусусида (низом ва қонундан чиқмаслик шарти-ла) ҳар доим баҳс ва музокара этишуб турмоқға ҳаққимиз бор. Шунинг учун фалон масала ҳусусида сўз очма! Ёки фалон лақабни мутлақ бўйнунгга тоқарсан, деб сабабсиз зўрлик этмоқта ҳеч кимнинг ҳаққи бўлмаса керак. Мақсадға келайлук. Мулло А. афандининг «Сарт сўзи маълумдур» унвони остида: «Бир замонларда Туркистонда саҳройи қыргиз ва қазоқ...», – деб нақл ва ривоят этган маълумотлари қайси тарих китобидан ва ё қайси ишончлик муаррих сўзидан олингандигини била олмадук, агар бу ривоятлари маҳзи оғзаки ҳикоя ва сўзлар жумласидан иборат бўлса, бул тақдирда, мунинг ила «сарт» сўзи маълум бўлди, ёки «сарт» масаласи ҳал қилинди, деб ҳукм этмоқ мутлақ дуруст әмасдур. Чунки муаррихлар мундай аслсиз сўзларни далил мақомига келтуруб, мушкул бир масалаи тарихияни қатъий суратда ҳал этмайдурлар. Балки бир

муносиб келганда, қаринаи мақомға қараб, бир даъвонинг тақвияси учун зикр этубгина ўтарлар. Асли номаълум бир ривоят ила улуг масалай тарихияни ҳал этмоқликини эса тарих ҳақида жиноят санайдурлар.

Шундай қоидаларни оз-моз билганимиздан Мулло А. афандининг сарт масаласини ҳал этмоқ қасди-ла ёзган аслсиз далиллари ҳайрат ва таажжубимизни мужаб бўлди. Чунончи, мушорун алайҳ сўзларин бир жойида «сарт»нинг асли «шарт» деб, ондан сўнгра деюр: «Муҳтарам азизларга маҳфий қолмасунки, ҳар ким бизни сарт деса, мунга хурсанд бўлуб, фахр қўймокҳимиз даркордур. Чароки сарт дегани, масжидлик ва мадрасалик ва бозорлик ва озода уламони маданий, дегани бўлур». Ҳолбуки бу маъно аввалги маънога бутун магойирдур. Чунки, аввалги маънога қараганда, «сарт» лафзи «шарт»дан маъхуз эдики, бул суратда сартнинг маъноси нечук масжидлик ва фалонлик бўлсун?.. Шерали Лапин жанобларининг «сарт»га «сариф...» деб берган маъноси на қадар номуносиб бўлса, юқорида берилган маъно ҳам шундай келишсиздур. Бизнинг баъзи асарларда кўрганимизча, «сарт»нинг маъноси кárвонбоши ёки савдогар каби мазмунда эдики, бул ҳам бир мусташриқ*нинг сўзиидур. Хулоса: «сарт» на маънода бўлса бўлсун, арбоби тарафидан ҳал қилинмагунча они қабул этмасликка ҳаққимиз бор. Шунинг учун мажбурий суратда айтиб туармизки, «сарт» сўзи ҳануз мажхулдур. Юқоридаги мазмунда мухтасарча бир мақола ёзуб, қачонлар «Садойи Фаргона» идорасига юборган эдук. Идора жаридаға дарж этмоқға танзил этмагани ёки муносиб кўрмагани учун бир оз тафсили ила «Ойна»га ёзмоқға мажбур бўлдук.

«Ойна» ж., 1914 йил, 39-сон,
922-924-бетлар

ИСМОИЛБЕК ҲАЗРАТЛАРИ

Мархум ходимул миллат Исмоилбек ҳазратлари 1268 ҳижрий, мутобиқ 1851 милодия санасинда Қиримнинг Фаспра қариясинда дунёға келиб, Москав эъзодий аскарий мактабинда ўқутган. Андан сўнгра Истанбул ва Парижга амалий ва назарий икмоли таҳсил этиб, Русияга қайтиб, «Русияда мусулмонлар» ном русча бир китоб ёзиб, Русия мусулмонлари нинг илмий, ижтимоий ва сиёсий ҳолларидан баҳс ва Русия

мусулмонларини ҳимоя этган. Ҳижрий 1297, милодий 1880 санасинда Қиримнинг мусулмон мадрасасинда русча муаллим тайинлангандурлар. 1883 милодия 10 апрелдан бошлаб мўътабар «Таржумон» гарро* жаридасини миллати ислом ва турклик хизмати учун чиқарган. Ва мусулмонларни нодон қисми тарафидан изо* ва жафолар чеккан. Қашшоқлиги сабабли ўзи ва хотини или «Таржумон»ни ёзмоқ, тартиб этмоқ, ҳарф термоқ ва почтаға топширмоқ тўғрисиндаги оғир ишларни ишлаган ва ҳатто, баъзан босмахонанинг мошина чархини ўзлари куч ва қўл или айлантурган. Ва ҳар нав меҳнат ва кулфатларни ўзиға раво кўруб, миллатни уйғотмоқга, дунёдан, сиёсати оламдан, маданий миллатларни ҳолидан хабардор бўлмоқлари учун жисман ва руҳан ҳеч тинмасдан 35 сана ишлагандурлар. Мусулмонларни дунёдан хабардор қўймоқ учун бутун Русияда, Туркия, Миср, Тунис, Жазорда, Ҳинд ва Африқода, Туркистон ва Бухорода дафъалар или саёҳат этиб, ҳар ерда мусулмонларни маданияти замонияға, улум ва фунуни асрияға, саноат ва тижорати қаринаға* ва рус маданиятига даъват ва ташвиқ этгандурлар. Усули савтия мактабларини Русияда бонийи муассиси Исмоилбек ҳазратларидур. Биринчи янги усул алифбони мураттиб* ва ношири яна Исмоилбек ҳазратларидур. Тараққиёти замонияға ялғуз даъват эмас, фаълан ҳаракатда бўлуб, жамияти хайрия, қироатхона, тараққиони ислом, таовун* жамиятлари ва буларға ўхшаш асосларға тааллук низомномалар тузашиб, халқ аросинда нашр этиб, бу кун адади юзлар или Русияда мавжуд илмий ва маданий жамиятларни барпо этдургандурлар. Ал-он Русиядаги минглар или низомлик мактаблар ва собиқ нашр бўлган ва ҳозир фаълан нашр бўлуб турган юзлар или исломий мажалла ва жаридаларнинг барча муҳаррир ва мудирлари ул зоти студа* сифотни шогирди дурлар. Шундайки, бу кунда Русия мусулмонлари чинда ҳар бир жаридахон ва ҳар бир муаллим ва ҳар усули савтия мактабларининг шогирди ва ҳар бир жарида муҳаррири мархумнинг билвосита шогирдонидандурлар. Яъни устози муazzамнинг букун Русия мусулмонлари аросинда милйўнлар или уламодан муҳарририн ва муаллимидан ва ўкувчилардан шогирди бордур. Ҳам қандай шогирд! Ўтгуз санадан бери доимо онга дарс ўқийдургон шогирлардур. Яна бу шогирлар ўз охир умрларинча устоднинг анфоси қудсияси* сабаби или алалабад жорий афкори олиясидан дарс ва файз олмоқда

бўлурлар. Хулоса, И smoилбек ҳазратлари сулс* асрдан зиёда айём тадрисинда милийўнлар ила мусулмонларга доимо дарс берди. Энди илалабад анинг афкори ва руҳи аадисиз ва ниҳоясиз мусулмонларга дарси урфон берар... Хулоса, Русия мусулмонлари ичинда мундай бир зот келган йўқдур. Ана ушбу зоти ноёб ушбу сана бешинчи зулқаъда — 12 сентябрда бу олами фонийдан рихлат этиб, бутун дунё мусулмон урафоларини* асири ёс* ва алам этди. Раҳматулоҳи алайҳи раҳматан ва асьатан.

«Ойна» ж., 1914 йил, 50-сон, 1186—1188-бетлар

ТИЛ МАСАЛАСИ

Туркчанинг шуъба ва шох(а)лари бўлган ўзбек-чигатой, тотор, озарбайжон, қозоқ ва туркман лаҗжалариндаги янги матбуотнинг энг аҳамиятлик масалаларидан бири, албатта, шева, лаҷжа, имло масалаларидур. Юқоридаги лаҗжаларга сўйлайтургон турк болалари бир-икки минг санадан бери Эрон халқининг аларға ва ё аларни эронийларға истило этганлари сабабидан форс маданияти ва адабиёти ва лугатлари нуфузига маҳкум бўлуб, форс тилидан бир хейли лугат ва жумлаларни хоҳу ноҳоҳ абадий ва доимий суратда олганларки, у жумла ва лугатлардан бир қисмини туркий лаҗжалардан чиқориб ташламоқ гўё мумкин эмасдур. Ва бир қисми муродифи* туркчадан топилмаслик даражада фойиб бўлгандур. Балки... биз туркчаға бугун истеъмол қилинатургон баъзи форсий сўзларимизни муқобил ва муродофи ҳалқ тилидан ва адабиётидан йўқолгандур. Масалан, шанба, якшанба, душанба, сешанба, чаҳоршанба, панҷшанба, одина* кунларининг оти каби... Ҳол шундай экан, яна юқоридаги туркий лаҗжаларнинг ҳалқи ўн икки асрдан бери дин манбаимиз ва Куръони карим тили бўлган арабийнинг нуфузига* учраб, табаррукан ва мажбуран кўп лугат ва жумлаларни янадан олдилар. Ва баъзи ифrottараастлар* тарафидан янгидан буқунғача яна олинмоқдадур.

Туркларнинг баъзи тоифаси форсий ва арабийни у қадар кўп олдиларки, тиллари туркий, форсий ва арабийдан қўшулуб, «усмонли тили» аталди. Ушбу уч тилни адабиёт ва қоидаларидан боҳабар бўлмагунча усмонли шевасинда ёзмоқ мумкин эмасдур. Усмонли шевасига ёзатургонлар-да охирги саналарда ўз саҳвларини билиб, форсий ва арабийсини озроқ

айтиб ёзмоқдадурлар. Азбаски, усмонли шевасинда ёзилган асарларнинг аксарини усмонли туркларнинг камсаводи англамайдур. Турк қавмининг Кафкоз, Эрон ва Қиримдаги қисмларининг тилига арабий ва форсий жумлалар усмонличадан кўра хейли оз бўлуб, аммо туркий тилларнинг бошқа шеваларидан кўра усмонличага энг яқинидур. Чунончи, бу кунги Кафкоз ва Қирим матбуотининг ўқубанглайдургон киши усмонличани, албатта ўқуб фаҳмлайдур. Чунки орасиндаги фарқ жуда оздур. Хусусан, охирги саналарда арабий ва форсийларини озайтуруб ёзилган усмонлича ва ёинки туркча Қирим ва Кафкоз шевасидан оз фарқликдур.

Тоторча ёинки нўғойча аталатургон шевага келсак, Қирим ва Кафкоз шевасидан кўра оз арабий ва форсийлик бўлуб, бовужуд шул бу кунги тотор матбуотининг ҳеч бир стуни, балки ҳеч бир сатри хати форсча ва ё арабчадан кутулолмайдур. Ҳатто, сирфи* тоторча ёзмоқ тарафдори бўлган матбуот ва муҳаррирлари-да, арабий ва форсийсиз бир нимарса ёзолмайдурлар.

Келайлук Туркистон ва ёинки Осиёи Васати* халқларининг тил ва шеваларига: Туркистоннинг ўзига тейишили шеваси турк тилининг чигатой лаҗжаси бўлуб, «Навоий» китоби бу лаҗжанинг гўё муҳим китобидур. Аммо кўпдан бери Туркистонда маданият ва салтанат ва адабиёт таданий* этгани учун халқ бу лаҗжани бузганлар. Бузмоқ нари турсун, Туркистоннинг ҳар бир шаҳарининг ва ҳатто, баъзи бир қасаба ва кўйларининг шеваси бошқадур. Масалан: анда, мунда, шундани – ул ерда, бул ерда, шул ерда; ўтда, бўтда, шўтда; этта, бетта, шетта; ўрда, бўрда, шўрда; ўра, бўра, шўра кайфиятинда сўйлайдурган шаҳарлар бўлуб, мундай бузуқ сўзларни навъи ва адади жуда кўпдур. Туркистон туркласига форсий ва арабийни кўшулгани ҳам барча ерда бир ҳолда бўлмай, балки мавқеи жуғрофиясига қараб ҳар навдур. Чунончи, Бухоро аморати ва Самарқанд вилоятининг туркча тилига форсий ва арабий кўб кўшулгандур...

Фарғонанинг Хўқанд ва бошқа шаҳарларида ҳам форсий ривожда бўлуб, уламо ва машойихни форсийга майли кўпдур. Табиийдурки, форсий кўб ёйилган ерларда арабийни ҳукми зиёдадур. Форсчани ҳукми Тошканд шахри ва Сирдарё музофотига озайиб, форсий билатурган киши, эҳтимол, мингда бир ҳам топилмаса. Фарғона вилоятининг Хўқанд

ва бошқа шаҳарларинда буқун форс тилинда ерли шоирларда мавжуддур.

Хўқанд хони Умархон жанобларининг «Девони Умархон»ига форсий абётлар ишшод қўлингонига қараганда қадимдан бери Фарғонада форсий тилни жорийлиги маълум бўлур.

Туркистон шарқида форсийнинг ҳукми озайиб, бовужуд шул уламо орасинда оз бўлса-да, сўйланур. Туркистон жануби ва Туркистони Афғонийга бўлса, туркий ва форсий тили гўё баробардур. Туркистоннинг Мовароуннаҳр, Хазар қисмига аксарият ила туркман шеваси ҳукмфармо бўлса ҳам, Эрон ва Афғонистон ва Бухоронинг ҳамсоялиги сабабидан яна форсийнинг нуфузидан қутулуб бўлмайдур. Хиваға келганча, мунинг тили яна усмонличага яқин бўлуб, фақат арабий ва форсий қўшимчалари оздур. Хулоса шулки, нафси* Туркистон, Бухоро, Хива, Туркистон Афғони ва Кошғар ўлкалариндаги туркча шеваси доҳилан ўн қадар бузуқ ва тузук лаҳжага айрилиб, аммо бу лаҳжа ила сўйлайтургонларнинг ҳар бири бошқасини сўзига тушунадурлар. Китобатга келсанқ, буқунгача Туркистон, Бухоро ва Хивада ҳар ким ўз лаҳжасига мувофиқ ёёса ҳам, бир-бирига қарибдур*. Чунки котибларни муаллимлари мавжуд туркча ва форсча назм ва наср китоблар бўлуб, Баҳри Хазардан то Кошғар ва Туркистон Афғонигача қадим мактабларда «Навойи», «Фузулий», «Саботул ожизин», «Ҳикмат», «Ҳувайдо» ва бошқалари, форсийдан «Чаҳор китоб», «Хожа Ҳофиз», «Бедил», «Саъдий» ва бошқалари ўқулурки, бу китоблар аҳли саводни тил бирлигига сабаб бўлур. Аммо авомларни сўзи тахти таҳрирга кирмайдир.

* * *

Аввалги мақолада туркча тилнинг аҳамиятлик шўйбаларини қисқалик билан ёзив эдим. Энди тилни бутун соддлаштуруб индурмоқ ва ёинки адабийлаштуруб тараққий қўлдурмоқдан бетарофонә ёзарман.

Матбуот майдонига биздан муқаддам отилган ва дўстлар или жарида ва мажаллаларга соҳиб бўлган ичкари Русия ва Кафкоз мусулмонларини матбуот тили ва ҳам кўча тилига диққатлик кишиига маълумдурки, матбуотлари кўча тилидан неча даража олийдур. Ва кундан-кун яна олийлашмоқдадур. Ўрам* тили тарафдори ёинки содда тил тарафдори бўлган баъзи тотор матбуоти йилдан йилга адабийга айланмоқдадур.

Масалан, «Вақт», «Шўро», «Юлдуз» жаридаларининг аввал-гилари ила ҳозиргисини тафтиш қилинса, ҳозиргиларини адабийлиги зоҳир бўлур. Кафкоз матбуоти аввалидан адабий бўлуб, ўн саналардан бери матбуот, когаз устиндаги адабий тилни, ҳалқни тил ва сўзига таъсир этиб ўткардики, бул ўшал вилоятларда диққат этганларга мательмум бўлур. Ҳеч бир фирмә ва ё лаҗжанинг авом тили матбуотга кирмайдур. Кирса-да, мактаб рисолаларига ва фаний китобларга кирмайдур. Азбаски, фаний, адаб, таълим, тарбия ва диний китобларни сирф* авом тилига ёзмоқ мумкин эмасдур. Ҳатто, бу замонда фан ва ҳунар тараққий этгани учун ва янги чиқгон бегона лугатдаги исмлик нимарсаларга туркий исм тақадурғон жамиятлар барпо этиб, туркий тилимизга хизмат эта-тургон кишиларни бизга йўқлиги учун бегона тилдаги исмлар ила кўп нимарсаларни ёзмоқга мажбур бўлармиз. Ҳатто, мундан тараққий этган миллатлар-да қутулган йўқ. Масалан, арабий илм «Алжабр»ни букун тараққий этган миллатларда «Алжабр» ва аларда «ж» йўқлиги(дан) «Алгебра» дерлар.

Бу тил масаласи Русия мусулмонлари матбуотига бир хейли баҳс бўлуб, фаалан ва амалан авом тили ва ёинки содда тил тарафдорларини мағлубияти ила натижаланмоқдур, Бизнинг Туркистон матбуоти-да, табиий, бу масалани бошидан ўткарур. Шунинг натижаси ва навбати бўлуб мўътабар «Садойи Туркистон» рафиқимизда тил масаласи мақолалари ёзилмоқдадур. Баъзи афандилар меҳмонни «қўноқ» дейилсун деб таклиф этарлар. Ҳолбуки, қўноқ деганда, бир турк фаҳмлайдур. Меҳмон деганда, турк фаҳмлагани устидда, яна бир форсий мусулмон қариндошимиз-да англайдур. «Тилимиздан форсий ва арабийни кувайтлук», бу кўп енгил орзу, аммо ижроси мумкин эмас орзулардандур. Масалан, мунинг тарафдори бўлган мўътабар «Садойи Туркистон»ни «Турк эли довуши» лозим бўлур. Туркистонни «Турк эли» ёхуд «Турк ери» ёзмоқ керак бўлур.

Тошканд, Хўқанд ва бошқа минглар ила жуғрофиёвий исмларни ражоли тарихия* ва ёинки тарихий воқеаларни маҳаллий ва машҳур одамлари ва ой ҳам йили, куни ва ...ларигача тағйир* бериб, туркий исмлар тоқиб, аларга, янги лугатлар тайёрлаб, янгидан тадвин* этмоқ лозим келур. Ва ўшал ҳолдагина турк тилини арабий ва форсий лугатлардан ажратиб бўлурки, мунга ҳама ишни қўюб, ҳамма

бирдан ҳаракат этса, эхтимолки, бир неча юз саналарда хаёлан зўрга воқеъ бўлса. Ҳолбуки, бул ижроси мумкин эмас қуруқ хаёли фосидгинадур*.

Бир неча минг санадан бери форсий ва араб тили ва маданияти ва салтанати таъсири остида қолган туркийни яна бир неча минг санада буларни таъсиридан чиқармоқ нари турсин, балки маънан ва моддатан ва фанинан маҳкум миллатларни тили бўлган тилимизга яна тараққий этган миллатларни лугатлари хужум этар.

Туркистон ҳалқининг мактаб ва мадрасасиндаги китобларга, жарида ва мажалласиндаги мақолаларга сирфи форсий ва арабийни кўйимас тарафдори кишиларни ўйловларига, тўғриси, шошармиз.

Масалан, мактаб, мадраса, жарида, мажалла, китоб – ҳаммаси арабники. Исмимизни ўндан тўққузи арабий. Энди, бу ниҳоясиз нимарсаларни ҳаммасига туркйдан исм охташибми дунёдан ўтармиз?

Мұхтарам А. Музаффар афанди 63-рақам «Садойи Туркестон»да ҳандасадаги арабий истилоҳ ва исмларга туркий муқобиллар кўрсатурлар. Анга қараганда, ҳандасани ўзига «андоза» форсийнинг муарраби ва ёинки бузулғонидур. Анга ҳам туркча ва барча улум ва фунун ва Куръонга ҳам туркча исм кўймоқ лозим келур. Ҳолбуки, баъзи бир нимарсаларни исми, лугатан мусаммасининг* маъносига далолат қилмай, аммо истилоҳан, таълиман ва тарихан ва ёинки замонан анга исм ва алам* бўлуб қолгандур. Чунончи «воҳид қиёси» маънойи фаннийини «солиштириш ўлчови» адo этмайдур. Бўлса-бўлмаса, бу бир истилоҳ бўлуб, «солиштириш ўлчови», яъни воҳид қиёси дейнімагунча фаҳмланилмас. Авом учун бу сўзлар ёзилатургон бўлса, ул иккисини-да фаҳмламайдур. Агарда мактаб талабалари учун бўлса, Туркистонда йўқ туркий ҳандаса китобимиздан муқаддам бир-да лоятиноҳо* янги истилоҳи туркия лугати чиқормоқ лозим келур.

Фикримча, бу ўлчовлар фазладур*. Тўғридан-тўғри демоқ керакки, бақадри имкон арабий оз ёзулсан. Арабий исмлик нимарсалар жамланганда, туркча жамлансан. Масалан, улум, фунун, уламо, қуззот ва ... демоқ еринда фанлар, илмлар, олимлар, қозилар ва... лар ёзингиз. Ёинки мўътабар «Садойи Туркестон»нинг 64-рақаминдаги «Тил масаласи»да «Курраи арзда яшамакда бўлган ҳар миллатни ўзига маҳсус

бир лисони миллийси вордур» жумлаларни бир оз түркча ёзмоқ кераклигига машварат бермоқ лозим. Аммо бутун фаний ва илмий ва диний истилоқ ва иборатларга муқобил түркчадан исм таъйин қылмоқ фикрига чўммоқ ўзни чарчатиб ва матбуотни зоеъ қылмоқдан бошқа нимарса эмасдур.

«Тил масаласи» муҳаррирларидан бири дер: «Тиллар замон ила ислоҳ бўлур, бирдан ислоҳ этилмаслар». Содда тил нима учун керак? Атрофиндаги қавму қариндоши илан сўйлашмоқ учун. Адабий ва илмий тил нимага керак? Мавжуд илму фан ва тарихни билмоқ ва алардан фойдаланмоқ учун. Энди бизга лозимки, атроф, яъни теварагимизни адабийлаштурсак, мунавварлаштурсак, яъни илму фан ила ёрутсак. Илму фан бўлса, бизни тилга тобеъ бўлмай, балки бизни ўзига жабран тобеъ этар. Энди бу содда тилни бизни ҳар қишлоқ ва маҳаллада бир-биридан фарқи бордур. Аммо илмий ва адабий тилни ҳар бир қишлоқ ва кўйдаги оналарни тилинда бўлмоқлиги ва алардан бошланмоғи мумкин эмасдур. Оре, англис ва франсуз оналари ва ўқуғон рус ва усмонли оналарини(нг) тили матбуот ва мактабдаги адабий ва илмий тилни айни ва худ ўзикур¹. Аммо алар бир неча юз санадан бери, қориндан қорингача ўқуб келган оналардур. Бизни мазлум оналаримиз батанан баъд батан¹ ўқумай келгандар. Энди у мазлумларга ҳандасанинг түркча истилоҳларини ютдургон ила она тили бўлуб туруб, аввалан ул онани ўзига англашилмайдур. Модомики, бизга илму фан керак ва модом(ики), турк тилининг баъзи шўъба ва лаҳжалариға замоний, фаний, диний, тарихий ҳар навъ китоблар бордур. Ани ўқуб фаҳмламоқиға гайрат этишимиз лозимдур. Масалан, Кафкоз ва Қирим лаҳжасини билатургонлар бу кунги дунёмиизда мавжуд аксар, балки ҳама илму фанларни түркча тилда билурлар. Дунёмизни илму фанидан хабардор бўлмоқ учун рус, немис, франсавий, англис, итолиёли, арабий, жопуний тилларидан бирини билмоқ керак ва аларни билмаганда Кафкоз ва ё Қирим лаҳжай адабиясини билган кишини дунёдан хабарлик бўлушига восита бўлур. Аммо қадим чигатойча, мӯғулча, ўрхўнгча ва сахроий тилларни тиргузгон ила на фойда? Ва у тилларга қаю илму фанлар бор? Ҳозирги сўзимизга кўшулғон форсий ва арабий сўзлар бизни арабу форсга бир даража яқин этар. Илму фан китобла-

¹ Батанан баъд батан – авлоддан авлодга.

риға яқынлашмоқимизға восита бўлур. Баъзи биродарларимизни соғ она тили бор. Аммо она тилида мактаб, мадраса, фаний ва илмий китоблар таъсис этолмайдурлар. Чунки сўз етишмайдур. Агарда алар тараққий этса ва мадданий бўлса, хукман ҳозирги тилни ўзгартириб бўлур. Ҳамда минг йил аввалги тилға қайтмоқ қонуни табиатга муҳолифдур. Чунки мозийға ружув мумкин йўқ. Бегона тилдан сўз олмоқдан кутулган тил йўқдур. Англисчани арабчадан сўнгра энг бой тил дерлар. Мaa фиҳи*, ўн минглар ила бегона лугатларни мажбуран олганилигини ёзарлар. Хулоса фикримиз шуки, ялгуз туркча сўйламак ва ёзмоқ абадан мумкин йўқ. Бақадри имкон арабий ва форсийни оз ёзайлуқ. Барча илму фан истилоҳ ва лугатлариға туркчадан муқобил охтариб вақтни зое этмайлук. Тараққий эттан туркий шевадаги илмий ва фаний китобларни англамоқға саъӣ ва гайрат этайлук. Келар замон учун ҳозирланайлук, ўтган замон учун эмас. «Она тили, она тили», бу яхши орзу. Аммо тилсиз оналар тилиға мактабий китоблар ёзила берса, Туркистонда агадсиз бузук она тиллар шевасига агадсиз китоблар ёзмоқ лозим келурки, Андижонда ёзилгани Бухорода, Авлиёотада ёзилгани Қаршида англашилмайдур. Чунки бу оналарни тили бир-биридан фарқликдур. Тараққий эттан миллиатлар оналари ўқутар экан, биз аввал онамизни ўқутуб, анга тил ўргатмоқимиз керак. Чунки бизни илм ва тилсизлигимиз алардандур. Бинобарин, бақадри имкон оз арабий ва форсий, оддий, туркий лугат ила ҳозирги шеваларча ёза бермоқдан бошқа илож йўқдур.

«Ойна» ж., 1915 йил, 11–12-сонлар,
274–277, 306–311-бетлар

БИЗНИ КЕМИРГУВЧИ ИЛЛАТЛАР

Бизни кемиргувчи иллатлар деганда, захму маразними гумон этарсиз? Ёинки, сил, сил-ар-ия* ва махавликними дерсиз? Йўқ, андан ҳам ямонроқ ва андан ҳам жонхарош*, бевоя, хонавайрон ва гариб этгувчи бир дард, биз – туркистонийларни шаҳри ва қишлоқи ёйинки ярим маданий, ярим ваҳший синфларимизғача истило этиб, бутун тириклигимизға сорилгон ва бизни инқирозға ва таҳликаға ва жаҳаннамға юмалаттурғон тўй, азо исминдаги икки қаттол душманни дерман.

Атомиздан меҳрибон Тангримиз жалла ва аъло Қуръони каримда «Ло талақку би ядикум ала таҳлиkkатихи», яъни ўз кўлларингиз ила ўзингизни таҳлиkkага отмангиз, дер. Биз бўлса, бадбаҳтона ва Худонинг амрига бўюн кўймасдан коғирона бир суратда тўй ва азо деган, йўқ бўлушимиизга сабаб бўлган одатларга бору йўқимизни сарф ва исроф этармиз. Йилда икки ой наврўзи кофири учун сайр этармиз. Бир ой муқаддам Самарқандни Панжакент қасабасидаги наврўз сайрига мушак-фишсанг отишдан учгина киши ўлуб, ўндан зиёда киши мажруҳ бўлди. Кўпкари ва улоқ чопмоқлик одати малъунонасига ҳар вилоятдан ҳар сана юзлар ила киши охиратга кўчар, на қадар киши мажруҳ ва маъюб бўлар. Кўп кишилар сайр ва кўпкари шумлиги ила ишдан ва зироат вақтидан қолур. Уйига озуқаси йўқ, хўкузи ва соғар сийири йўқ экан, бир неча юз сўмга от олиб ва ҳар куни анга ҳиндилик парастиш* этиб, ҳар кун бир сўм сарф этар, на учун? Тўй ва сайрга кўпкари чопмоқ учун. Ўн-йигирма чақиримга тўй бўлдими, ҳар ким ишини, дехқончилигини кўюб, отланиб кўпкарига кетар. Дехқон учун олтундан азиз вақт фавт бўлди-кетди. Экин биргина кун кейин сепилган учун пищмай қолар. Биргина кун сўнгра йиғилган учун ёғинга қолиб, баъзи хирманлар чириб кетар.

Маълум бир шаҳарда яхудийлар батъзан ўлукларини оқшом элтиб кўмарлар. На учун? Кундузи ишдан қоларлар. Биз бўлса, ўлук ва тўй учун ҳафталар, ҳатто, ойлар ила ишдан қолурмиз. Ҳолбуки, шореъи аъзам, пайғамбари акрам саллоллоҳи алайҳи васаллам ҳазратлари ўлганни тез кўмуб ва кўмгандан сўнгра тез тарқалиб, ишға кетмоқға ва ўлукхона ҳалқини уч кундан зиёда таъзия тутмасфа, қаро киймасфа, кир, фалокат бўлмасфа амр этарлар. Эй ҳалқ! Эй мусулмонлар! Биз на учун Худо ва расулни сўзига ва ўзимизни нафъимизга амал қилмаймиз? Биз девонами? Биз таклифдан¹ ташқарими, Худо учун сўйлангиз. Биз нима?!

Шариат китобларидан «Фароиз, яъни Худони буйруги деган китобларға: «Ўлукни молидан аввалан ўлукга керакли мувофиқ суннат ва исрофсиз кафан қилиб, дағн қилмоқға сарф қилинсун, сўнгра қарзини берилур. Сўнгра ортган молларни варасасига* мувофиқи шариат тақсим қилиниб берилур», – дейилган экан, биз бильякс кафандан сўнгра

¹ Таклиф – бу ерда, инсоний бурч, вазифа маъносида.

қарзға бермай ва ҳатто, сағир ва бенаво хотунларни меросини йиртиш, азойи, садақа, хайрот, билмайман, нималар ужраси* деб, қарздан ворисидан илгари тақсим қилиб олармиз. Беш-олти маърака ва худойи, 8–10 жумъя оқшоми деб бутун маҳалла ва қишилоқ ҳалқиға палов берармиз. Баъзи бир бечора сағир ва муштипар аёллар меросдан ва ҳақларидан нокқис олурлар. Баъзи қарзхоҳларни ҳаққи худойи ва хайрот, ноҳудойи* ва шаррот* сабаби ила куюб кетар. Бечора ўлукни зиммаси қарздан кутулолмай қолур. Худо учун айтингиз, бу хайротми, бу худойими? Беш-олти кун сўнгра бу худойи ва хайротлар учун варасани ҳаққи бўлган мол ва ерлар сотулур. Берилган дангта* адрас*, азойи ва фаниларни олган йиртиш ва садақалари учун берилур. Энди бечора вариса дарбадар, ҳам отадан, ҳам ватандан айрилди-кетди. Бир ўртаҳол, бир бечора фақир ўлар. Онинг фани яқини ўлукни эгаси бўлуб, вариса молини «обрўй» этарман, деб исроф ва барбод этар. Натижада бечора вариса* дарбадар. Эй, уйинг обод, обрўй қилғувчи! Ўлган ул, санга нима? Сан, фани, ўз ўлукингга обрў қилғонинг бас эмасми?

Астагфурилло, субҳонолло. Бизни қиласургон ақдисизлигимизни қайси миllat қилур? Никоҳ, хатна, бу икки бало шундог қаттиқ бир иллатки, ўлмагунча қутулиб бўлмайдур. Шаҳарларда ўртаҳол, яъни ўтуаррга хона ва боғи бор бир киши никоҳ учун икки минг сўм сарф этар ва ўғул хатнаси учун ҳеч бўлмаганда минг сўм. Ҳар бир бенаво киши бу мавридларга 200 сўмдан 10000 сўмгача сарф этар. Бой ва зўраки бойлар эса беш минг, ўн минглаб сарф этар. Охири нима бўлур? Нима бўлур дейсиз? Ота-бобосидан қолган мулк ва ватанини ўз ихтиёри илан зўраки бойни ўзи ўлгандан сўнгра бир яхудий ё бир армани ажнабийга сотиб тўй ва таъзия қарзини берар. Ўзи сотмаганда судға сотилур. Мана, юқоридаги сарлавҳада «Бизни кемиргувчи иллатлар» деган одатларимиз, шу тўй ва таъзия исмийнадаги девоналигимиздан иборатдур.

Бир дўкончи, бир гулкор. Бир фақирҳол, бир косиб учун бу тўй ва таъзиялар ўлумдан қатигдурки, мунинг учун бечора ҳар кун ўлур. Ҳар кун ўлгон ила-да қутулмас. Ўзидан сўнгра аҳлу аёлига бу йўқсулиқ ва бу мусибатни мерос кўяр. Ҳуб, яхши, ўз молини тўй ва таъзияга исроф этсун, барбод этсун, кўзи чиқсун. Ҳай, бошқа оқчасини, бирор пулини на учун барбод этар. Бу девоналикни ў тарафи эмасми? Бу ҳол ила 20–30 сана ўтса, ер ва ҳавлилар ажнабийларга ўтуб, аксар

халқымиз гадойлік даражасига инур. Эллик сана мұқаддам ер сотилса, бир мусулмон оларди, энди бошқалар олур. Мана, энди биз шу ҳол илан яна йигирма-үтгүз йил үткарсак, халқымизни ярмидан зиёдаси ватансиз, ерсиз, дарбадар бўлатурғони маълум ва ошкордур. Бир ҳавлида, бир рўзғорда, масалан, икки ўғул, икки қиз бор. Ато ўлса, ани моли тўрт бўлунур. Аларни ҳар бирига никоҳ ва хатна ва ўлум мавридлари мұқаррардур. Ўзларини замонча илми ва хунари йўқки, контурға, маҳкамага, бонкаға кириб вазифа олса. Энди лоилож атторлик ва ё баққоллик ва у бўлмаса, муздуруллик* ва мардикорлик қилиши лозим келиб, бу ишлардан фақат аларни қорни тўядур. Оргурмоққа йўқ. Мунинг устиға тўй ва таъзия деган даҳшатлик балолар келгандан сўнгра бу азиз оила ва рўзғорга ёниб кул бўлмоқдан бошқа илож йўқдур. Эллик сана мұқаддам бир қариш ер бир пул экан, энди бир олтун ва келарға ер олтунға ҳам топилмайдур. Қишим ва Кафкоз мусулмонлари-да бизлардек ер қадрини билмаслар экан. Энди Қишимда бир таноб (600 сажин) ер ўн минг сўмдан ўтгуз минг сўмғачадур.

Биз бир таноб еримизни 200 сўм сотиб тўй қилмоқчи бўлсак, «ерни хўб пулға урдум» деб мажнунона шодланурмиз. Инсонни бу қадар аҳмоқлиги ажибдур. Бизга лозимки, тўй ва таъзияларни кичик қилиб ва ҳолимизча ҳаракатда бўлуб, келар замонамизни ўйлайлук. Валлоҳ, хору зор мунқариз* бўлмоқ эртага офтобни чиқишидек мұқаррардур.

Самарқандда бир маҳалла борки, аксар халқи факру заруратдан, тўғриси, ақл ноқислигидан ҳавлиларини пулға қизиқиб яхудийларға соттан учун маҳаллаға оз мусулмон қолди. Маҳалла, мактаби йўқ бўлди. Масжиди-да яқинда йўқолур. Мана, бизни ақдисизлигимизни охири ва исрофларимизни хотимаси динимизга футур келмоқиға сабаб бўлур. Дин учун, масжид ва мактаб учун ақча, сарват, давлат, сомон* керакдур. Тўй ва таъзияга сарф қилинатургон оқчаларимизни биз, туронийлар, илм ва дин йўлиға сарф этсак, анқариб* оврупойилардек тараққий этармиз ва ўзимиз-да, динимиз-да обрўй ва ривож топар. Йўқ, ҳозирги ҳолимизга давом этсак, дин ва дунёға зиллат* ва мискинатдан бошқа насибамиз бўлмайдур.

Қо эътабару ю аввал ул-абсар!¹

«Ойна» ж., 1915 йил, 13-сон, 338–342-бетлар

¹ Таржимаси: Эй кўзи очилганлар, (атрофга) эътибор қилинг.

«САРТ» СҮЗИ МАЖХУЛДУР

Ул зоти анвар амири Бухоро ҳазратларининг хузури ҳумоюн русча таржимони мухтарам Баҳромбек қоровулбеги жаноблари: «Биз Туркистон ва Бухоро ҳалқининг турклиги маълум бўлуб туруб... на учун сарт атайдурлар?» – деб мўътабар «Шўро» мажалласининг 1911 йил 16-ададинда савол этиб эдилар. Мазкур мажалланинг 19-ададидан «Ойна» мұҳаррири тарафидан «Сарт сўзи мажхулдур» унвони ила баъзи нимарсалар ёзилиб эди.

«Шўро»нинг 24-ададинда самарқандий марҳум Бақохўжа тарафидан «Сарт лафзи аслсиздур» унвони ила баъзи нимарсалар ёзилиб эди. Мўътабар «Таржумон» мұҳаррири мухтарам Исмоилбек жаноблари «Таржумон»да «сарт» атамоқни дуруст эмаслиги тўғрисинда бир неча дафъя ёзиб эдилар. Сарт ҳақинидаги туркий мақолаларнинг натижасини мўътабар устод Исмоилбек жаноблари тафсили илан Тошканда чиқаттурғон «Туркестанский курьер» русча жаридасинда ҳам ёзиб нашр қўйдуруб эдилар. «Ойна»нинг (?) рақаминда¹ яна ушбу тўғридан жаноб Баҳромбек қоровулбеги сўз қўзғотиб эдилар. Тотор муаррихи мухтарам Аҳмад Заки Валидий жанобларининг Самарқандда келганиларинда сарт сўзи ҳақинда баъзи муқолималар* ҳам бўлуб эди. Туркистон ёшларидан ушбу тўғрида бир неча эътиroz – «прүтест» номалар ҳам келиб, у жумладан Тошкандиникини «Ойна»да ёзилди. Яна ушбу тўғридан идорада саволлар келган сабабли «Сарт масаласи» ҳақинда қисқалик ила минбаъд ёзилатурғон нимарсалар холоса қилинди. Ва ушбу тўғридан асослик нимарсалар ёзатурғон азизлар учун «Ойна» саҳифалари очуқдур.

Энди матлабга келайлук. «Ойна» мұҳаррири тарафидан 19-адад «Шўро»да ёзилгон сўзларни мазмуни шул эди: фикри ожизича, туркистонийларнинг сарт аталишини сабаби маълум йўқдур. Бу исм шимол ҳалқи, яъни қазоқ ва тотор қардошларимиз тарафидан Туркистоннинг шаҳар ҳалқига берилган исмдур. Ушбу бобдаги мuloҳазалар шул тариқа холоса бўлунур.

- 1) қазоқ ва тоторлар Туркистон ҳалқининг хоҳ турк ва тожик ё араб бўлсун, сарт дерлар;
- 2) (ўқиб бўлмади);
- 3) Туркистон жанубидаги Балх, Бадахшон ва Чаҳор-

¹Манбада рақам тушиб қолган.

вилоят халқики, аксаран туркча сўйлашурлар ва ўзлари Афғонистон табъасидурлар, туркистонийларни ўзбек дер, Афғонистоннинг афғон, тохик, ўзбекча сўйлайдургон барча халқи туркистонийларнинг ўзбак ва турк дер... Сарт деган сўзни абадан билмайдурлар;

4) Кафказ, Эрон ва Хиндистон халқи сарт калимасини билмайдурлар, фақат туркистоний, турк ё тохик дерлар;

5) туркистонийлар бир-бири ила сўрашганда: «Ўзбекмисан тохик?», «Мулломисан хожа?» – деб сўрайдурлар. Туркистонда саййидларни «хожа» дерлар. Хожасиз арабларда бордур;

6) Туркистонда машхур 92 қабила – ургунинг исми машхур бўлуб, онинг ичинда «сарт» йўқдур.

Хонлар замонинда жулус ҳангомида бу 92 қабиладан мурраҳхас* ва оқсоқоллар Самарқандда жамланиб янги амири(нг) «хон» кўтариб «жулус» маросимини ижро этардилар. Самарқанд Тахти Темурийсинда жулус этган Бухоро хонларининг энг охиргиси амири ҳозирнинг жадди* Музafferхондур. Самарқанд Бухоро хукуматининг Маскови эрди.

Амир Музaffer марҳумнинг таърихи жулуси:

Баҳри таърихи жулусаш омад.

Шанбау моҳ раббиус-соний. (1277 ҳижрия)

Туркча таърих шеърияси:

Шоҳ мулку иқбол ила

Үлтурди Кўктош устина.

Кўктош амир жаҳонгир Темур Соҳибқирондан қолматош – бир таҳтдурки, Туркистондаги турк элларидан 92 ургунинг оқсоқол ва баковуллари йиғилиб, янги хонни оқ бир намад – кача устинда ўткузуб, 92 уруг мурраҳхас*лари качани бирдан кўтариб, янги хонни Кўктош таҳтина миндурарлар эди. Ва бу ондан эътиборан хон ва амир эълон қилиниб, нақора, карнай қоқилиб чолинарди. Амир ушбу 92 нинг оқсоқолларига олтун ва хильъат, от ва туғлар бериб, алардан байъат* оларди. Ва хон кўтармоқдан аввал 92 нинг оқсоқоллари баъзи бир сўзу одатларни риояти учун амирдан ваъда ва сўз олар эканлар. Бу 92 сўзи ал-он халқ оғзинда мавжуд ва мақоллар хукминдадур. «Тўқсон иккини ичинда... деди», «Бу ер 92 ни йиғилган ери, сўзингни билиб сўйла», «Сан бадзот, шажаранг 92 га етмайдур».

7) «Темурнома» ва амсолий китобларда сарт исми мавжуд (ва) уруғлар ичинда кўрулмайдур;

8) Туркистон шимолига охирги вақтларда сарт сўзи эшилиб, аммо Туркистон жануби ва гарбида халқ оғзинда йўқдурки, Туркистон шимолига бу сўзни жорий бўлғони қазоқ, тотор ва руслар сабабидандур. Масалан, Тошканда «сарт арбаси», «сарт чойи», «сарт одати»... дейилган ҳолда Самарқандда «мусулмони ароба», «мусулмон шаҳри», «мусулмон одати» дерлар;

9) Бухоро ўлкасинда сарт сўзи мутлоқ йўқ. Халқ ўзбек, тоҷик, қазоқ, туркман, араб қабилалариға мансуб кишилар бўлуб ва шу исмлар ила аталурлар;

10) Туркистоннинг қаю бир чўл ва тоғ ё маъмур ериндаги 60–70–100 га киргон кишидан «сарт» сўзи сўралсун, билмайдур. Аммо олчин, барлос, туёқли, қипчоқ, хитой, турк, қавчин, сарой, мангит, қорақалпоқ, минг, юз, қирқ, ўроқли, ойтамғали, қўштамғали, найман, қангли, мўгул ва буларга ўхшаш асомаи қабила, уруғ исмларининг машҳури ва аларнинг туганмас шўъба ва шоҳаларини баён қилиган ҳолда бу «мажхур сарт»ни аслан тилға олмайдур. Кари кишилар: фалона аслан ўзбек ё тоҷикдур, дер. Асло сарт демас ва сартни билмас, сарт деган қабиладан бехабардур;

11) сарт сўзини ҳозирги мағҳумидан хабардор туркистонилар гумон қиласурларки, сарт сўзи туркистоний деган сўзни русча таржимаси бўлса;

12) матбуотдан боҳабар Туркистон ўзбек ва ё тоҷик ва ё арабга «сарт» деб хитоб қилинса, ўзларига ор ҳис этарлар. Албатта, бир кишини ота-онаси берган исми бўлуб ва они мансуб бўлғон қабила ва уруғи бўлуб туруб, они бошқа бир исм ила чақириб ва номаълум ва ё маълум бир қабила исмини онга тақиқса, они хушланмасга ва эътиroz қилмоқға ҳақи бўлса керак;

13) Туркистон халқидан ўзини билатургонлари қабила ва уруғига у қадар биноси борки, бошқа қабилага қиз бермайтургонлари бордур. Қизни ўзи хоҳлаб теккан бўлса, қабила орасидан ақча жамлаб даъволашиб чиқориб оладурлар. Қабиласининг исмини ва етти отасининг отини билмайтургонларни кул — марқуқ дерлар.

«Шўро» мажаласининг 1911 санадаги 24-ададинда сармарқандий марҳум Бақохожа жаноблари «Сарт лафзи асл-

сиздур» унвони ила байзи нимарсалар ёзиг эдики, андан минбайд* ёзилатургон моддаларни хулоса қиласмиш:

1) ўтган саналарда сарт сўзи ҳақинда руслар орасига мубоҳаса бўлуб, «Туркестански ведомости» русча жарида-сида ҳар ким ҳар нима ёзиг ва ҳар навъ фаразиётлар жорий қилиниб эди. Қазоқ биродарларимиздан даъво вакили жа-ноб Шерали Лапин¹ ёзиг эканки, сарт сўзи ҳақорат сўзла-ридан бўлуб, «сариф ит»дан ахуз* муҳаққақдур*. Бу лафзни истеъмол қиласмаға керак. Ҳозир Туркистанда жорий турки – ўзбаки шевани «сартски» ёинки «сарт тили» демасдан «ўзбаки тил» деб аталсун;

2) Астрўмўф² жаноблари «Сартлар» исминда тахминан 300 саҳифалик русча бир китоб тасниф қилгандурлар. Ушбу ки-тобга мазкур жаноб Шерали Лапин тарафидан бир неча зъти-роз ва баҳслар бўлгандур. Аммо жаноб Астрўмўф, сартлар ким эканлигини исбот қилиб бир жойга қарор берганлари йўқ ва китоблари ҳар нафъ ихтилоф ва фаразиёт ила тўладур;

3) Астрўмўф жанобларини «Сартлар» китобидан ва бошқа бир неча русларни ёзган китобидан маълум бўлур-ки, Фарғона ва Сирдарё вилоятларининг халқи «сарт» бўлуб, Самарқанд ва Бухоро ўлка – вилоятларининг халқи ўзбек ва тожикдурлар;

(«Ойна»: Аммо тарих ва адабиётдан бехабар рус ва тото-ра рабта* беш вилоят Туркистани Русий ва Бухоро хонли-ги халқини(нг) айирмасдан «сарт» дерларки, бир маҳзи* асари ғаффлат ва бутун ғалати фоҳищдур*. Фарғона ва Сир-дарё халқининг сартлиги маълум йўқдур.)

4) Гейер³ жаноблари «Туркистон саёҳатномаси»да ёза-дурки: «Сартларни асл ва насаблари масаласига ҳозиргача уламо тарафидан файсал* берилган йўқдур. Аларни насаб-ларига тейишили ҳар нав баёнотдан сиҳҳатга яқини шулки, Туркистаннинг асл халқи тожик бўлуб, сўнгра турк – ўзбек халқи тасхир* қилиб олиб ва бу икки халқни бирлашгани-дан пайдо бўлган халқларни «сарт» аталиши тахмин ва гу-мон қилинур;

¹ Шерали Лапин – 1917 йилдаги «Шўрайи уламо»нинг муассисла-ридан, сўнг муҳожир. 1895 йилда русча «Ўзбек тили грамматикаси», 1906 йилда «Самарқандда Шоҳизинда» китобларини чоп эттирган.

² Машхур миссионер Н. П. Остроумовнинг 1890–1895 йилдаги бо-силган «Сарты» китоби кўзда тутилмоқда.

³ И. И. Гейер – сайёҳ.

5) Вамбери жаноблари ёзадурки: «Сартларни Бухоро ва Ҳўқандда тожик атайдурлар. Инчунин жаноб Лазар Будагўғи¹ ва Шайх Сулаймон Бухорий² жанобларининг лугатларидан маълум бўлурки, сартлар аҳли форс ва тожик эронийлардан иборат бўлса, ҳолбуки эронийлар форс ва тожикдурлар;

6) Логофет³ жанобларининг «Бухоро хонлиги» ном русча китобинда Туркистонда мавжуд турк-ўзбек қабилаларини төъзод* этибдурки, «сарт» қабиласи йўқдур;

7) «Шайбонийнома» соҳиби Муҳаммад Солиҳ, Алишер Навоий, Бобурхон, Абулғозихонлар туркдурлар, буларнинг таълифотлариндаги* сартлар ким бўлур, ажабо? Албатта, булар Туркистоннинг тамом ўзбек ва турк ҳалқини(нг) ва ўз жинсдошларини(нг) сарт демаганлар. Бунлар эронийларни ва ё бошқа бир тоифани (уруш замонидаги душманларини) мақоми таҳқир ва очиқда сарт деган бўлсалар керакки, «Шайбонийнома»дан шундай билунур:

8) (ўқиб бўлмади);

9) алҳосил, ушбу кун Туркистони Русийнинг беш вилоятини ва Бухоро хонлигининг барча турк ва ўзбек ҳалқини «сарт» демак ва ёзмак инсофисизлик, истибдодройи* боиси шубҳа ва тафриқадур*, буюк хатодур, вассалом.

Марҳум Бақоҳожанинг сўзи мунда тамом бўлди.

Юқоридаги ёзилган сўзларга қараганда, маълум бўлурки, сарт сўзи ҳақиқатан номаълум ва сарт аталмиш кишилар ёинки сартлар букунги Туркистони Русий ёинки Турон, Хоразм ва Бухорода абадан йўқдур, балки бир замонлар бор эмишлар-да, қавми табъ ёинки ҳун, ҳамирий, осурий, бобилий... лардек дунёдан билкули сафар этиб, жойларида бошқалар келубдурлар. Тарихга қаралса, букун мусаммаси* йўқ кўб исмларга учралурки, сарт исмида Туркистонда «исми бемусамма» хукминдадур. Сартликни бутун Туркистони Русий ва Бухоронинг турк, тожик ва арабдан иборат ҳалқига тоқатурғонлардан далил сўралса, айтатурғонлари албатта шундан иборатдурки:

1. «Шайбонийнома», «Бобурнома», Абулғозихон китобларинда баъзи бир туркистонийларни(нг) сарт аталибдур.

2. Оврупонинг баъзи сайёҳлари ёзибдурларки, Туркис-

¹ Л. З. Будагов (1812–1878) – шарқшунос.

² Шайх Сулаймон Бухорий (1821–1880) – лугатшунос.

³ Д. Н. Логофет – шарқшунос.

тонда шаҳар халқини ёинки форс халқини ё тожирни номаълум замонда сарт атардилар.

3. Номуайян бир замонда Дашиби Қипчоқ ёинки Хитой худудидан «сарт» исминда бир тоифа келиб, Туркистонга ерлашиб, сўнгра бошқалар тарафидан ютулуб ва бошқа уруғлар ила аталиб кетгандурлар.

Ана, Туркистони Русий ва Бухоро халқига сартлик исмими тоқатургонларни далили шундан иборатдур. Биз такрор айттармизки, мазкур уч эҳтимолни қайси бири чин бўлган суръатда ҳам нафсул амрда бугун Туронда сарт йўқдур. Ҳамчунонки, бу кун Оврупода ва Осиёда исман «хун» йўқдур. Тарих хун қавмини сартдан кўра яхши забт этган. Мaa фиҳи букун на Оврупо ва (на) Осиёда «хун» исмлик уруғ йўқ. Фаразан, сарт қабиласинда бир вақт бор экан, аммо энди сарт уруғи йўқдур. Бу қадар машҳур уруғлар Туркистонда бўлуб ва аталиб туруб, аммо сарт уругини йўқлиги ва ҳеч бир қабилани «ман сарт» демагани бу кунда сартни йўқлигини ва замонида бўлса-да, мунқариз бўлганини далилидур. Ҳўб, туронийларни сартлигини даъво этатургонларни далили бўлса, лутфан баён этмоқларини илтимос этармиз. Ва далилларига қараб, албатта, аҳли қалам муҳокама жорий этарлар. «Сарт» атамоқға ошиқ бўлганлардан баъзан дерларки: «Ҳар ҳолда туркистоний ва бухорийлар охирги замонларда сарт аталиб ва бу исм машҳур бўлубдурки, мунинг тарк этмоғи мумкин йўқдур».

Бу сўз бир неча важҳдан тўғри эмас. Масалан, усули жадидчи ёинки тараққийпарвар ва маданияти ҳозира толибларини Туркистонда баъзан коғир «бобий», Истанбулда «мосун», Эронда ҳоказо «бобий» атабдурлар. Ҳолбуки, «бобий» ва «мосун» бошқа, тараққийпарвар мусулмон бошқадур. Бобий ва мосунлик ила фахр қиласургон номусулмонлар бўлганидек, тараққийпарвар мусулмон бобий ва мосунликни ўзига нисбат беришни абдан қабул қилмайдур.

Энди маданиятпарвар мусулмонларнинг «бобий», «фарра»*, «мосун» исмлари баъзи халқ тарафидан бизга берилибдур, деб мусулмон исмини кўюб, ўзини «бобий» ва «фарра мосун» атамоги ва шул номаграб исмларни ўзига тоқмаги муносибми? Албатта, йўқ дерсиз. Бас, туронийларнинг ўзига маҳсус ва машҳур уруғлари бўлуб туруб, мажҳул бир уруғ исмини ўзларига тоқмасликлари табиийдур, албатта. Дерларки, сарт демайлук-да, на дейлук? Жавоби ниҳоят

осон! Туркистон ўзбеклари, тожиклари, араблари, турклари, руслари, яхудийлари агарда десаларки, биз Туркистонни турк, араб ва форсийни ташхисдан* ожиз ва барчасига умумий бир исм керак. Бул суратда дермиз. Ундаи бўлса тўғри «Туркистонли», «Туркистон мусулмонлари» ёзингиз. Йўқ! Бўлмаса, балки бир аср сўнгра Туркистонда мавжуд яхудий, рус, турк, тожик ва араблар бир либос ва бир хайъатга кирап-да, сиз яна барчасини «сарт» атарсиз.

Тотор муаррихларидан муҳтарам Заки Валидий афанди «сарт» иборати тўғрисинда тақрибан шундай деюр: «Бир замонлар Туркистон халқи сарт бўлганлар. Аммо Чингизлар ва мўгулларни истилоси сабаби-ла исмлари алмашгандур. Самарқанд ва Бухорода сарт йўқ ва ҳам тожик ва араб ва ўзбеклар сарт эмас. Хўқанд ва Тошканд халқи сартдур, азбаски, алар уругини билмайдур ва ҳам алар на турк ва на ўзбек ва на тожик ва арабга ўхшайдур. Сарт исмлик қабила Туронда бўлмаса-да, эски китобларда бор».

Юқоридаги сўзлар мунга жавобдур.

(Бақияси бор)

Махмудхўжа

«Ойна» ж., 1915 йил, 22-, 23-, 25-, 26-сонлар,
314-315-, 338-340-, 386-388-, 478-480-бетлар

ЭҲТИЁЖИ МИЛЛАТ¹

«Бошқа миллатларга қаралса кўрилурки, мунтазам мактаблари бор ва аввал мактабда диний илм устида дунёвий илм ва фанлар ҳам ўқилур. Чунки дунёда турмоқ учун дунёвий фан ва илм лозимдур. Замона илми ва фанидан бебаҳра миллат бошқа миллатларга поймол бўлур.

50 сана муқаддамги замонда, биз туркистонлилар якка ва танҳо яшаб, бошқалар ила муомала ва муносабатимиз йўқ эди. Энди замон ўзгариб, бошқа миллатлар ила маҳлут бўлдук, шариъат ва ўз урфимиз устига қонун ва Оврупо одатига итоат қилмоқча мажбурмиз.

Аммо қонун ва Оврупо одатларини билмаганимиз учун бойимиз бўлсун, қози ва миллий ҳукамомиз ва аҳолимиз бўлсун кўб ташвиш ва зарар кўрар. Замони собықда фақат шариъат билмоқ кифоя этарди. Энди қонун ва закунни бил-

¹ Н. Очилов нашрга тайёрлаган.

МОҚ ҲАМ ЛОЗИМДУР. Шарыят илми мадрасаларга, қонун илми Ру西亚 дорилғунунларига ўқилур. Дорилғунунга кирмоқ учун, аввало, ўн сана гимназияга ўкумоқ керак. Сүнгра түрт сана дорилғунун ўқуб андан хукуқшунос, юрист, таъбир жоиз бўлса, замона фақиҳи бўлиб чиқар. Суд маҳкамаларинда, давлат доираларинда кириб, ҳар хукуқшунос ўз муваккили ва ўз миллати ва ўз тойифаси ва ўз Ватани ва ўз давлатининг нафъига сўйлашур, мудофаа қилур.

Масалан, давлат думасинда биз Туркистон мусулмонларидан шундай хукуқшунос вакил бўлса, бизни дин ва мила-тимиз нафъига ҳаракат қилур. Аммо шундай одам бизда йўқ.

Давлат думаси нари турсин, судга ва расмий маҳкамаларга кириб, бизни мудофаа қиладургон кишимиз йўқ. Бoshимиз оғриса дўқтурга борамиз, аммо дардимизни айтмоқга тил йўқ. Ўзимиздан дўқтур йўқ.

Иккимиз бир-биrimiz ила низо қиламиз. Кетамиз за-кунчига, сўйламоқға тил йўқ. Орадаги одамлар яна бизга фириб берар, пул берармиз, югурамиз, яна ишлар барбод, охири йўқ.

Иморат қилмоқчи бўлсак, плон-лойиҳаси лозимки, инженерга муҳтоҷ бўлармиз. Аммо биз ҳануз «муҳандис» ис-мини билмаймиз.

Контур ва расмий дафтар тутиб, касса қуриб тижорат этмоқ лозим. Илм тижорат била турган бухгалтерик ҳисоби юритадургон бойлармизга керак, ул ҳам ўзимиздан бир на-фар топилмайдур.

Ҳаммолликдан бу ишлар яхши бўлса керак. Бир неча бойваччани биларманки, энг қаттиқ хизматларга гирифтор. Сабаби надур – илмсизлик. Ҳолбуки аларни «тўйи»га атоси 5 минг сўм сарф этиб эди.

Туркистон меваси, донаси, тоши, туфроғи, эски ни-марсалари Оврупо бозорига кетар. Муни Оврупо даллолла-ри келиб оз баҳога олиб кетар, меҳнатни биз қилурмиз, фойдани улар кўрар. Ўз нимарсамизни оврупо бозорига эл-тиб, яхши баҳога сотатургон бизда бир одам йўқ. Азбаски, Оврупо ила савдо қилатургон кишини (ўзи) аввал ўн сана замона илми ўкумоғи лозим.

Бизда шоҳи, адрас, бекасам, алоча... боғликлар бор. Агарда бир нафар техник ва муҳандисимиз бўлса бу дастгоҳларни ислоҳ этар, аҳоли обод бўлур. Валлоҳ, яқин вақтда «дока»

боғилларимиздек зоеъ бўлиб кетар. Чунки Оврупо янги асбоб ила мундин яхши қилиб чиқорур.

30 сана муқаддам Самарқандни Ёмини маҳалласинда 300 алочабоф ишчи бор эди. Ал-он 30 нафар йўқ. 10 сана сўнгра тамоман маҳв бўлур.

Хулоса, мактабимиз, дўконимиз, корхонамиз, мадрасамиз ва ҳар нимарсамизни замонча ислоҳи лозимдур. Валлоҳ, ҳар нимарса қўлдан кетар, бизда муздуриликдан бошқа ҳеч иш қолмас. Бир ускуна, дўкон ва саройни ишлатмоқга ҳам илми замоний ва замона шумлигини билмоқ лозим. Валлоҳ, биздан дунё илмини яхши билатургонларга мулк ва асбобимиз ўтар ва ўтуб турубдур.

Кисқа қиласайлик, бошқа миллиатларни бойлари фақир ва етимлар учун мактаб ва дорилфунунлар соладурлар, фақир ва етимларни ўқумоғи учун вақф «истипендия»лар таъйин қилур. Бошқа миллиат милённерлари мактаби или истипендияси-ла, идора қиласургон газет ва мажаласи-ла, бино қилган доруложизин (аёллар университети – *H. O.*), барпо қилган жамъияти хайрияси-ла фаҳр қиладур.

Бизникилар жуфт оти-ла, аробаси-ла, тўйи или ва...ла фаҳр этар. Ҳатто, ўз ўғилларини ўқутмайдургон бойлар бордур.

Бу кетишини охири ямандур, ўқумоқ, ўқутмоқ, керакдур. Болаларга оталардан илми диний ва илми замоний мерос қолсун.

Бутун Туркистондан ўн бой йилинда минг сўмдан берса, 25 бола учун Тошканда «диний ва замоний» бир «пансиун» лайли ва наҳори 5 мукаммал мактаб бино бўлуб, ҳар йил хукumat мактабинда 50 бола тайёрлайдур.

Үн йилда булардин... 200 мұхандис, дўқтур, ҳуқуқшунос, муаллим, техник, замона тожири, валлоҳ... чиқар ва бизни замон одамлари қаторида қўярлар ва давлат ишига кирадлар. Руслар или бизни ҳасан имтизожларимизга хизмат қиласадурлар.

Ал-он миллиатимиз бойлардан шуни кўз тутар, халойикни барбод этатургон тўйларни эмас. Оҳ, бу сўзларни тушунатургон бойлар бизда етушганми?

«Самарқанд» г., 1913 йил, 12 июл

МИЛЛАТЛАР ҚАНДАЙ ТАРАҚҚИЙ ЭТАРЛАР?¹

Миллатлар тараққийига бир неча сабаблар бўлуб, туб сабаби уламо ила ағниёнинг' ҳамийят ва гайратлари дур. Тараққий қилғон ва ё энди тараққий қилгувчи миллатлар аҳволига дикқат қилинса, мазкур икки синф муҳтарамни ўз миллатларига сўз ва оқча ила хидмат этганлари фавран зоҳир бўлур.

Ҳар миллатнинг' уламоси, аҳли қалами, мугафаккири ўз миллатининг' ояндаси учун йўл кўрсатур, машварат берур, миљлат ахлоқининг' ислоҳи учун масжидларда панд ва насиҳат берур, мактаб ва мадрасаларда дунё ва охиратда кёрак илм ва фан, таълим берарлар. Китоб ва газет ила умматни муслиҳи* учун баҳс ва муколамалар қилурлар.

Тараққий қилгувчи миллатларнинг' уламоси замондин боҳабар бўлиб, ўз миллатининг «масолиҳа замонийя»си учун саъӣ этар, миллатни пешрафтига оқча ила, ҳайрат ила иона қилмоқни миллат бойларига таклиф этар, ташвиқ ва таҳрис этар. Хулоса, ҳар миллатни уламоси, аҳли қалами миллат учун сўйлар, ёзар ва ҳавоижи миллийа ва замонияни ўз миллат мансубасига билдирадлар. Замона ағниёлари ўз миллатларини замонийча кераклиги йўлинда оқча сарғи этарлар, мансалан, янги усулда замонавий мактаблар бино этиб, замонийча одам тайёрламоқ учун ҳаракат этарлар. Ҳукуматни ўрта ва олий мактабларига ўқийдурғон ўз миллат болалариға ионат этарлар. Ва бечора ҳамжинсларини диний ва дунёвий мактабларига беруб, ўз ҳаражатлари ила ўқутадурлар.

Рус, армани, яхӯдий ва бошқа Русиядаги ватандошлиримизни бойлари доимо ўз миллатлари учун катта хайр ва эҳсонлар қиласурлар, инчунин, Кафкоз, Қирим, Қозондаки мусулмон биродарларимизни бойлари, уламоси ва аҳли қалами, соҳиби фикри ўз биродарларига мол, оқча, қалам ва илм ила иона қиласурлар.

Аммо бизни Туркистонда бу ишлардин сўйламоққа ҳануз навбат келган йўқ. Ҳар ким ўз нафъи ва ўз шахсий иши ила саргардон, умумий ёинки диний ва миллий ишларни ояндаси учун, миллатни замона одамлари дик тараққий этмоғи учун, ҳалойиқни ислоҳ аҳлоқи учун ғам тортувчи ва ҳаракат этгувчи йўқдир.

Бир карра дикқат қилиб, маҳалла-қўй ва қишлоқ ҳалқ-

¹ X. Сайдов нашрга тайёрлаган.

ларига қаралсун. Авомлик, беилмлик нақадар кўпайган. Биз мусулмонмиз. Мусулмонликга илм лозим, амал лозим. Ўқумоқ керак, нима учун бошқа миллатларда юза бир нафар бесавод йўқ экан, биза юза бир нафар саводлик йўқ?

Бошқа миллатнинг ёш болалари мактабда, лекин бизники ҳаммоллиқда ва гадойликда. Бошқа миллат уламосига тобеъ экан, бизни уламо билъакс авомга тобеъдур. Бунинг охири харобдур. Йигирма, ўттуз сана сўнгра яна ёмонроқ бўлур, мусулмонлик, илм ва одоб ила қоим миллат ахлоқ, фазл ва хунар ила боқий қолур.

Бугун ислоҳи мактаб-мадраса, яъни ислоҳи миллатга кўшиш қилинмаса раби аср сўнгра диёнат барбод бўлур ва анинг жавоби масъулияти бугунгиларға қолур, бу масъулиятдин кутулмоқ учун миллатни диний илм ва дунёвий илм-фанлар ўқумоқ учун тарғиб қўлмоқ керакдур. Диний илм ва фанларнинг ўрни мактаб ва мадрасадур.

Дунёвий фанларни ўрни ҳукумат мактабларидур, иккисиға ўқумоқ учун оқча лозимки, ул оқча бойларни киссани ҳамиятидан чиқса керак.

Ҳар замон учун асбоби ислоҳ ва тараққийи ионат бошқарур. Миллатға ионат этмоқ учун, ислоҳи мактаб ва мударрис учун, русий мактаблариға бола тайёрламоқ учун, дехқон ва санъаткорларни ривож бермоқ учун «ҳамияти хайрия», «нашри маориф», қироатхоналар, фўндер, куружуклар, жаридалар, мажаллалар, нашриётлар... керакдур. Миллатлар тараққийиси шул ила бўлур ва бу ишларға оқча керакдур, оқча бойларда ва афродда!

Маро ба тажриба маълум шуд даро ҳар кор,
Ки қадри мард ба илм аст қадри илм ба мол.

(Маъноси: менга тажрибадан маълум бўлдикни, одамда қанчалик илм бўлса ҳам илмнинг қадри молдадур. – Ҳ. С.)

«Самарқанд» г., 1913 йил, 30 июл

ҚОЗОҚ ҚАРИНДОШЛАРИМИЗГА ОЧИҚ ХАТ¹

Азиз қариндошларим! Мусулмон биродарлар! Ҳаммангизга маълумдурки, Туркистон, демак – туркий эл бўлиб, мундаги халқнинг қозоги, қирғизи, сарти, ўзбеги, туркмани, татари – ҳаммаси аслан... жаҳонгир... Темурнинг авлоди

¹ Ҳ. Сайидов нашрга тайёрлаган.

ёки оға-инисидурлар. Туркистондаги араб, хўжа ва сайидлар-да ўз тилларини йўқотиб, балки билкулли турклашиб ва ҳатто, арабликларини эсларидан чиқориб... ҳар жиҳатдан бирлашиб кетгандурулар. Туркистоннинг энг оз шаҳарларида ва баъзи тоғларида бир оз форс, яъни тожиклар борки, алар ҳам камолан мусулмон ва сиз ила ҳаммазҳабдурлар. Тирикликларининг ўзбеклардан фарқи йўқ даражададур.

Боурлар! Билингки, ҳозирда Туркистондаги барча ҳалқлар учун муҳторият эълон қилинди ва сиз билингки, ҳақ олинур, берилмас. Инчунин, муҳторият-да олинур, берилмас. Яъни муҳториятни Туркистон болаларининг ўзи бирлашиб, гайрат ила олурлар. Албатта, бошқалар тарафидан берилмас. Бошқаларнинг қўлидан келса, бермаслар. Биз бўшлиқ қилсак ва Туркистондаги ҳалқлар бирлашиб, муҳторият йўлига саъй қилмасак, албатта, ҳозирги қоғоз устидаги муҳториятимизни ҳам йўқ қилурлар, бул албатта, шундайдур ва бул сўзга ҳеч ким ихтилоф қилолмайдур.

Энди ишлар шу ҳолда экан, биз ҳаммамиз, яъни қирғиз, қозоқ, ўзбек, туркман, араб, форс, хулас, Туркистондаги, Қозогистондаги ва Туркманистондаги барча мусулмонлар ва ҳам мундаги яхудийлар ва христианлар бирлашиб, иттифоқ ила шу муҳториятнинг амалға келишига саъй ва эҳтимом этмоғимиз лозимдур. Агарда бизга ўз бошимизга, шариат, урф ва одатимизга мувофиқ тириклил қылмоқ керак бўлса, ҳаммамиз вақти ҳизоб ва «манман»ликни қўйиб, ҳамма нарсани эсимиздан чиқориб, ёлғуз «муҳторият» учун ҳар нимарсамизни фидо этмоғимиз лозимдур. Мундай фурсат ва замоннинг бизга қайтиб келиши маълум йўқ, қадрини билиб ишламоқ керакдур. Вақт ўтгандан сўнгра ўқинмоқ фойда этмас.

Шуни-да билингки, қозоқ ўз бошига, шаҳар ҳалқи ва атрофи ўз бошига ойрилиб, бошқа-бошқа муҳторият қилмоқчи бўлганда, иккиси ҳам муддаоға етмайдур. Сиз, қозоқ қариндошларимиз, оре, чўлдасиз, аммо сиздан бир кўп ҳалқлар ҳам шаҳарларда ва шаҳарлар теварагиндадур. Тириклил шундай нимарсаки, чўл ила шаҳар ва қишлоқ ҳалқини бир-бирига боғлагандир. Бир-биридан ажралиб яшаёлмайдур. Шаҳар ҳалқи ила бирлашиб муҳториятни бошқарғанда сизларга зарар келмай, балки фойда келур.

Муҳториятни бошқармоқ учун ёлғуз сиз-да кифоят этмаганингиз каби, ёлғуз шаҳар ва атрофидаги ҳалойиқ ҳам

кифоят эмас, балки иккингиз-да кераксиз. Шуни-да биллингки, сизлар турғун халқ ила бирлашиб мухторият қилған ила сиз ила турғун халқ учун биргина навъ қонун бўлмай, балки сизнинг тирикчилик ва одатингизга мувофиқ алоҳида сиз учун нафълик қонунлар ёзилур. Шариат ҳам кўчма ва чўл мусулмонларининг урф ва одатларига кенглиқ берғондир. Сиз ўйламангки, турғун халқи ва ё шарияти бизни қисадур. Йўқ, бильъакс, сизга кераклик одатларингизни сизга қолдириб, сиз учун сизнинг зиёли вакилларингиз қонунлар тузайдурлар. Тоғ ва шаҳар халқлари учунда, бошқа-бошқа қонунлар тузалур.

Ҳатто, Туркистондаги баъзи уезд ва шаҳарлар учун алоҳида қонунлар тузалур. На учунки, ҳамманинг тирикчилиги бир эмасдур. Яхудий ва христианлар учун-да, бошқа қонунлар туза олур. Ҳар бир халқнинг одат ва мазҳабиға риоя қилинур. Хуноса: мухториятни миллат мажлиси ҳар бир халқнинг нафъини кўзда тутуб, қонун чиқарар. Агарда сиз, қозоқ биродарлар, турғун халқдан ажралиб, ўзга мухторият қилурмиз десангиз, мундан сиз-да ва турғун халқда зарар кўрар ва эҳтимолки, иккингиз-да мухториятдан насиб бўлмас, азбаски куч таралур.

Бобокалонларимизнинг машхур насиҳати бор, у ўз ўғулларига қилиб эдики, бирлашингиз. Масалан бир даста таёқни бирга боғласангиз, кимса синдиrolмас. Агарда ажратсангиз, бирин-бирин ҳар ким синдуар. Мана, бобонгизнинг буйруғи.

Чироғларим! Бошқа халқлар, масалан, серблар, италянлар, арманлар, славянлар, поляклар ва бошқалар, ҳатто, дунёнинг у бир учидаги қариндошлари ила бирлашур эканлар, бошқа катта ва қувватли давлатларга тобеъ бўлуб, ютилуб, ҳатто, тилини йўқотган ўз жинсдошларини ажратиб олиб, бирлашмоқға жон ва кучларини сарф этар эканлар, биз ўз ичимиздаги қариндошларимиздан айрилсак, уятдур, аҳмоқлиқдур. Турк томурига болта урмоқлиқдур.

Онгли қозоқлар ўйласинлар, тарихга қарасинлар, зиёли қозоқлар, Оврупонинг ихтилоф солиб, миллатларни ажратмоқ сиёсатига ва икки юзлигига қарасунлар эди. Бирлашғон Туркистон халқининг бўлунмоқига ўзимиз сабаб бўлмасак эди. Барча ихтилоғчилар ва бошқалар-да, албатта, зарар кўрарлар ва алар ила баробар татарлар-да, биз-да,

мундан зарар кўурмиз ва ихтилофимизнинг жазосини тортармиз. У кунларимиза йиглармиз, аммо фойда этмас.

Чироғларим, бирлашайлик! Кўрасиз, бу кунги русларда бирлашмоқдадурлар. Энди бирлашмоқ замонидир. Агарда сиз айрилсангиз, туркман қариндошлар-да айрилса, Туркистон турклари уч ерга бўлинниб кетар ва барчага мухториятдан насиба чиқмай қолур. Еттисувдаги мусулмон қариндошларга ҳам айтатурғон сўзим шуллур.

Ондаги христианларға келгунча, алар билсунларки, Еттисувда кўп бўлсалар-да, бутун теваракларини мусулмонлар айлантириб олғон ва аларнинг-да бизнинг мухториятга кўшилмоқлари, албатта, ўзлари учун лозим бўлғонидек, Туркистоннинг бошқа жойларидағи руслар учун-да фойдаликдур. Чунончи, алар кўшилса, миллат мажлисинда рус аъзолари кўпайур. Бизнинг мухториятимиз жорий бўлғондан сўнгра, Еттисув русларининг кўшулмасликлари асло мумкин эмасдур.

Ёлғуз сиз ила биз эмас, бутун Россия мусулмонларининг бирлашмоқлари шаръян ва ақлан фарздур.

«Оллоҳнинг ипига бирлашингиз ва тарқалиб кетмангиз» Тангрининг сўзиidor. Бошқа газеталарнинг кўчирмакларида ражо ўлинур.

Самарқанд, «Хуррият» ғ., 1918 йил, 26 январ

МУҲТАРАМ САМАРҚАНДИЙЛАРҒА ХОЛИСОНА АРЗ¹

Аҳли хабаранинг маълумидурким, эски ҳукumat замонида ҳар нимарса амр ва буйруқ ила бўлур эди. Ҳалойиқнинг диний ва миллий ишларини ислоҳи ва ривожи тўғрисинда қилатурғон ҳаракатларға йўл берилмас эди. Ҳеч нимарса ҳукumatдин бежавоб ва изнисиз қилина олмас эди, ҳозирда бўлса, Худойи таоло бизга ҳуррият берди. Диний ва миллий ислоҳот ва тараққийимиз учун ҳаракат ва сайдъ этмоқфа йўл очуқдир.

Ҳурриятнинг учинчи ойиндамиз. Лекин биз самарқандийлар диний ва миллий ишимиизни ривож бермоқ учун ҳануз бир иш қила олмагандурмиз. Аҳли жамоат ва файрат бир неча ёшлар, аҳли мурувват бир неча мўйсафид ва каталаримиз бир неча кун бир бўлиб, баъзи яхши ишларни

¹ X. Сайдов нашрга тайёрлаган.

бажармоқчи бўлдилар. Ҳатто, уламойи киромдан аксари қўшулмоқчи бўлдилар, билкулли қўшулдилар.

Ёшларнинг очган «исломий қулуби» ҳар кун уламо, савдогар ва аҳли касабадан бир неча дафъа тўлуб, бўшолуб эди, ишлар яхши кетар эди, умидлар қавий (кучли — Ҳ. С.) эди. Ояндамизниң яхши бўлушкини истидолар қилур эдук. Аммо ишлар ва иттифоқлар узоқға суримади. Бир неча тажрибасиз ва тез ҳаракат ёшлар, бир-икки нафар нафсониятга ботган ва ўлгунча тузолмайтургон кишилар қадима ифво ва фасодни ўргаға солдилар, натижада Самарқанд халқи иккифа бўлунди. Балки икки эмас, юзға бўлунуб, халқнинг кўнгли совуб, баъзиларининг сўз ва ҳаракатларидан нафратланиб, тарқалиб кетдилар.

Букун маънайи ҳақиқийси ила Самарқандда бир жамият йўқ, миллат ва дин ояндаси учун натижалик бир сайъ ва ҳаракатни бошқаратургон бир жамият йўқдур, ҳозирғача айтур эдукким, бизнинг миллий ҳаракатимизга ҳукумат монеъдур, аммо энди ўзимиз монеъмиз.

Эй ҳазрати уламо! Эй тужжор, аҳли касаба ва ағниё! Эй, гайратлик ёшлар! Нифоқ ва бир-бирига душманликни ташлангиз. Худо ҳақи, арвоҳи анбиё ҳурмати ва бу кунларда қорнини тўйғазолмайтургон етим ва бевалар ҳақи бири-бирингиз ила иттифоқ этуб, жамиятлар барпо қилуб, холиқ Худонинг нафъига, дин ва миллат йўлига хизмат этингиз. Миллат ва халқ сиздан хизмат ва яхшилик талаоб этадур, нафсоният ва фурур эмас.

Эй ёшлар! Сиз ҳам бир оз оғир ва хушсўз бўлингиз. Ҳурриятнинг аввалида ҳалойиқ сизга инонди, сизға ўзини ташлади, аммо сизлар тажрибасизлик этиб ва ўз орангизда ихтилоф кўрсатиб, халқнинг ўз борангиздаги хушгумонлигини, афуским, йўқотдингиз. Мана шул йўқотганингизни қайтариб топмоқча ҳаракат, сайъ этингиз. Халқ сизларга майл қылғон эди, сизлар, тўғриси, бажаролмадингиз. Мана шу тажрибасизларнингизни хотирингизга келтирунгиз ва бул ёшларга дарси ибрат бўлсун.

Муҳтарам ёшлар! Замон сизникидур, қарилар замони ўткан. Сиз киромга бобасират бўлуб, ўн дафъа ўлчаб, бир дафъа кесингиз. Оташинлик ва тезлик ила иш бўлмас. Ал-ажла минашшайтон! (Шошилган шайтондандир! — Ҳ. С.) Бу фикрни бошингиздан чиқарингизким, сизнинг ўз бо-

шингизга тараққий қылмогингиз мушкулдур. Балки, бутун шаҳрингиз ва миллиатингиз ила тараққий қылурсиз.

Ман ҳам йигирма йилдан бери ҳаракат этаманким, тараққий пайдо бўлсун, шуну сизлар ҳам билурсизки, ўн ва йигирма нафар ила тараққий бўлмайди ва бўлмас экан. Бинобарин, ўрта ва бир қадар имкони кўпроқ киши майл қылатургон йўл ила тараққий этмоқ керак ва унсиз бошқа чора йўқдир. Муни мен бир неча дафъа сизларга юз ба юз айтганман. Муҳтарам ҳамшаҳарларимдан аксари шундай биладурларки, менинг ҳар сўзумни сизлар қабул қиласиз ва сизнинг ҳар бир ишингиз менинг машваратим ила бўлур. Хайр ундей эмас. Ёшларнинг баъзи бир машварат ва ишларига шерик бўлсалар ҳам баъзисидан бехабардурман. Аларнинг барча ишларига мен масъул эмасман. Зотан ҳеч ким ҳеч бир кимнинг ҳаракатидан масъул эмасдур.

Азиз ҳамшаҳарларимга, мўътабар аҳли ватаним, ҳаммангиз бир бўлуб, халқ ва диннинг ривожи учун бирлашиб, орадаги нафратларни ташлаб, Худонинг берган ҳуррият неъматидан нафъиланмоқ ҳаракатида бўлмоқ керак ва ал-он (токи – Ҳ. С.) бизнинг ҳаракатсизлигимиз биздан ҳурриятни кеткуриб, яна бошқаларга бизни асирик дараҷасига тушуур ва юз йиллар ила кейин кетармиз. Бизнинг авлодимиз ҳамда халқи олам бизга раҳмат ўрнига лаънат ўкурлар.

Бу сўзлар тўғри сўзлардур. Ёш ва қарилардан, албатта, мандан ушбу сўзларим учун ранжийдурғонлар бўлур. Аммо начора, тўғрини айтмагунча, ишлар тўғриланмас. Олдимизда шаҳар думаси сайлўви, мажлиси маъбусон (?) (учреди-тулная собрания) сайлўви; мамлакат думаси сайлўви турубдур. Агарда Самарқанд ёш ва қарилари шу ҳолатда турсалар,вой бизнинг ҳолимизга! Халқи олам бизга кулар. Биз янадин бошқаларнинг асири бўлурмизким, бунга тажрибасиз ёшларимиз, тараққийни хоҳламайтургон катталаrimиз сабаб бўлурлар ва ҳам бизнинг ишсизлигимиз учун бошқалардан кейин қолишимиз муқаррардур. «Қолу ал ҳақ валу кон маран» – «Тўғрини сўйла аччиқ бўлса-да!»

«Хуррият» газетаси, 1917 йил, 13 май

ФАЛЛА, АСКАРЛИК, ЕР ВА ТАЗМИНОТИ ҲАРБИЯ¹

Тошкандда бўлатурғон маориф қурултойига қўшулмоқ учун Самарқанд анжумани маориф жамияти тарафидан бормоқчи эдим. 15 инчи июлда Самарқанд мусулмон шўросига бориб, Тошкандга бормогимни билдириб, агарда галла тўгрисинда менга бирор иш тобшурилса, бир жой(и) кетуришими ифода этдим. Мусулмон шўроси ҳам галлаларнинг забти ва қўлға олинишига муқобил экан. Шунинг учун аввало маним фикримни эшигтиб, фойдали билib, сўнгра ман билан Тошканддаки Ниёзүф отига мандан (ваколатнома) бердилар.

16нчи июлда Тошкандга кирдим. Йўлда ватгўнда одам кўблиги учун ўтуриб бордик. Онда бориб Ниёзүф билан бирга ҳозирги Туркистон хукуматининг раиси Тобулин афанди ҳузурига кирдик. Ва ушбу тубандаги масъалалар тўгрисинда сўйлашдук:

1) галла; 2) аскар олиш; 3) тазминоти ҳарбия; 4) ер ва сув масъаласи.

Ҳозирги хукумат ва ҳам Туркистон мусулмонларининг нафъи нуқтаи назаридан юқоридаги масъалалар хусусинда эътидол ва осон йўлларни кўрсатиб, таклиф этдим ва ўзимни йигирма йиллик муҳаррирлик ва журналистлик, 25 йил халқ ишига арадашиб ва бир неча дафъа саёҳат этиб, дунё ва мусулмон, хусусан, Туркистон мусулмонларининг тириклилигига ҳосил этган тажрибам юзасиндан хulosса ва салоҳияти ватан ва Туркистоннинг тинчлиги номига бир хейли таклифотда бўлдум. Туркистоннинг ҳозирги дохилий ва хорижий душманлари аҳволини ва халойиқнинг аҳволи руҳия ва эътиқодия ва майшиясига бир оз бўлса ҳам аҳамият бермак ва риоя қилмоқ кераклигини билдиридим.

Тобулин афанди бу сўзларга аҳамият бергандек кўрунди. Ниёзүф билан Жўрабойуф афандилар ҳам ҳозир эдилар ва маним сўзларимни таҳийя этдилар. Юқоридаги масъалалар тўгрисинда таклифларимнинг хulosаси шу эди:

Биринчи, галлани тамоман ва ўзиға заруридан бошқасини хукумат бутун ўз қўлиға олиб, галла олиш ва сотишни, галла бозорини, ҳатто, хусусий нонвойхоналарни манъ қилмоқ ва бу ҳақда лойиҳа тузмак учун мамлакат озуқа комитетлари тарафинда сиезд чақирилғон экан. Бул тўғрин-

¹ X. Сайдов нашрга тайёрлаган.

да маним таклифим шу бўлдики: Бозор очиқ бўлсун, аммо вилоят ва уезддан фалла чиқорилмасун ва омбордорларнинг фалла олиши манъ қилинсун. Такса (қатый баҳо) асло бўлмасун. Фақат фалла эккан дехқонлар бир ботмон экилган ердан тўрт пуд фалла такса юзасиндан берсуналарким, бу ҳам, аввало, дафтар бўлуб, сўнгра берилсун.

Иккинчи, аскар масъаласидирки, бу ҳар нарсадин муҳим ва мунинг умумий бўлуши лозим. Аммо мусулмонлар ҳануз шунга ўрганмаган ва ҳам дохири фитначилар қора халқнинг фикридан фойдаланиб, эҳтимолки, баъзи бир фитналарға сабаб бўлсалар. Ва ҳам номаълум ва сиёсатан фикри билкулли нотўғри кишилар қўлиға яроқ ўтуб, эҳтимолки, кутулмаган ёмон ҳодисалар пайдо бўлса. Шунинг учун таклиф қўламанки, то халқ ўрганиб, бир оз аҳвол ўзгаргунча умумий аскар олинмай, кўнгилли тариқинда тарғиб ва ташвиқ билан ҳам халқнинг аҳволига қараб олинса эди. Чунки...

Учинчи, тазминоти ҳарбия масъаласидирки, бу Туркистоннинг ҳар ериндин зиёда Самарқандда хукм сурди ва Самарқанднинг бойлари бошқа жойлардан оз бўлса ҳам рус, яхдий, мусулмонлар ёлғиз Самарқандда саккиз мишлийун қадар тазминот ва уч мишлийун қадар очиқ солиги бердилар ва бу қаторда баъзи камбагал ва паст ҳолли кишилар ҳам жабр кўрдилар. Мунинг тақсими устинда баъзи бир одилсиз ва инсофсиз кишилар туруб ришватхўрликлар ҳам бўлиб ўтди. Хулоса: ҳар ҳолда Самарқанддин янгидан тазминоти олинмаса эди. Чунки ҳозирда маъишат ва сиёсат осойишталиктин талаб этадур. Халқ ҳам очиқ ва қимматчилик ва шунга ўхшашиборликлардан ҳориган ва асабийлашгандур. Оқча керак бўлса, бошқа йўллар билан солиг тариқинда тўпланмоғи мумкиндур.

Тўртингчи, ернинг тақсими масъаласидурки, баъзи бир агарчи кичик дехқонларники бўлса-да, тақсим қилинмоқчи ва балки тақсим бошланибдур. Баъзи бир кичик дехқонларнинг галласини ҳам тамоман забт қилмоқға қарор қилғон жойлар ҳам бор экан. Ҳолбуки, бул бобда ҳануз Марказий Туркистон ҳукуматидан бир амр йўқ экан. Шунинг учун бу ишларни Марказий ҳукуматининг чиқарғон қонунидан сўнгра қилинса эди. Мана ушбу ишлар ҳам ҳозирги ҳукуматнинг сиёсатига заараликдур. То таъқиқланиб Туркистоннинг умум халқи ва ери истатистик ҳисоби-ла рўйхат бўлиб, қонуний бир қарор чиқарилгунча, кичик дехқонларнинг ва кичик

тегирмон ва кичик корхона ва устахоналарнинг «нотсиёли-затсия»си (ёинки тақсими) мавқуф (тўхтатиб – X. С.) қолдурилса эди. Ҳолбуки, Туркистонда, бохусус бизнинг Самарқандда ёри кўб киши ниҳоятда оз бўлуб, ерлар аксарияти ила дехқон ва майда мулкдорлар қўлиндадур.

Ҳозирги ҳукуматнинг раиси Тобулин афанди билан музокарамиз икки дафъа бўлуб, бир соатдин зиёда чўзилди. Тобулин афанди юқорицаги масъалаларнинг муҳимларини ёзib олиб, яхши ваъдалар берди. Фалла иши сиездизда бўлур, деди. Самарқандда аскарнинг кўнгилли равишда олишининг ва янгиции тазминот олинмаслигига ва ҳам ер тақсимини мавқуф қолишига фикри бирлигини сўйлади. Ва бу тўғрида тадбирлар кўтарарға ваъда этди. Ва ҳозирги тақсимнинг нотўғрилигини сўйлади. Самарқанддаги доираларға бул тарзида қоғоз юбормакни ҳам ваъда этди. Хулоса: сўзимни яхши онглади ва яхши қаради. Ман шундай билдимки, маъқул сўзни большавик ҳукумати эшитар экан, айб ўзимиздаки қўшулмаймиз ва узулук йўриймиз.

Фалла тўғрисиндаки ишни тамом этмак учун Ниёзуп билан «Туркистон ўртоқ қурултоёй»га бордик. Кўб музокара ва сўзлардан маълум бўлдики, бир қисм аъзоларининг фикри шулки: Туркистон бутун ғаллаларни эгасининг ва дехқонларнинг ўзига кифоя қиласурғон овқатиндан бошқасини бир ерда жамлаб, сўнгра ҳар кимга муқаррарилик бир қадоқдин якун ва оз бермакчи ва бутун ғалла бозорини, ҳатто, хусусий нонвойхоналарни беркитмакчи эканларки, бу ишларни аввалдан «пализатсия» номини эшитгандин маълум бўлуб эди. Мунинг Туркистон аҳлининг маъишатига тўғри келмаслиги ва ғаллаларнинг ер остиға кириб кетиши, Бухоро ва бошқа тарафдин келмаслиги, хулоса: нарх ниҳоятда кўтарилиб, камбағалларга ва балки бутун халойиқга зарар ва машаққат бўлурға муни бир неча дафъа такса тайинланганда натижаси кўрулди. Агарда ғалла олинмоқчи бўлунса, уйлар ва ҳовлилар ахтарилиб маъмурлар билан халқ орасинда баъзи кутилмаган ҳодисалар чиқиб қолса ажаб эмасдур.

Хулоса: кўб сўйланганум сўнгра бизнинг таклифимиз бир оз ўзгартирилиб икки кунги мажлисдан сўнгра шул равишда қабул қилинди. Чунончи, бир дисатин (яъни тўрт таноб) гача экин эккан киши ҳеч нима бермайдур. Бир дисатиндин ўн дисатингача ҳар дисатинасидан тўрт пуддин

берадур. Ўн дисатиндин 50 дисатингача экканлар ҳар дисатинасидан саккиз пуддин, юз дисатиндин ортуқ экканлар ҳар бир дисатиндан 10 пуддин берарлар. Ва бу олинғон ғаллалар мұфт — тегин олинмайдур, балқы такса тайинланиб пул тұлаб олинур. Ушбу таклифим унга мақбул 37 киши нинг товуш ва икки кишининг бетарағлиги ила қарор берилүр. Нархига келгунча ихтилоф бўлди. Бошқалар 30 сўмдин 15 сўмгача таклиф этибдурлар ва эҳтимолки ҳар вилоятнинг таксаси бошқа бўлса ва маҳаллий шўроларға такса иши ҳавола қилинса. Мана биродарлар, Тошкандға бориб қўлғон ишимиз шудир. Бу майда-чуйда ғаллаларни розилик билан берсак керак. Ўшандоқ онбордорларнинг ғалла олмоқидин ўзларини сақламоқлари керакдур. Чунки онбордорларнинг ғалласини, эҳтимолки, тамоман забт қилинса.

Маним юқоридаги таклифим бутун Туркистон учун қабул қўлиниди ва ўз фикримча, Туркистонли ватандошлиримнинг буни жон ва дилдин қабул этиб, тезлик билан беришлари лозимдур. Агарда умумдан ғаллани олмоқға қарор бўлинса эди, ман халқнинг устиға бўлатурғон кулфат ва оғирлиқдин ниҳоятда қўрқар эдим. Ҳар кимнинг уйи охтарилур эди ва балки ёмон ҳодисаларға сабаб бўлуб, моли ва жони кўб зарар бўлишини ўйлардим. Лекин, алҳамдулиллоҳ, бу таклиф қабул қўлиниди ва Туркистон учун миллиардларча зарар ва балки бизнинг андоза фикриямиз ҳам ташқари зарар ва кулфатларнинг йўлини бу таклиф ва қарор боғлади. Агарда умум тарафиндан бу таклиф ва қарор яхшилиқ билан қабул этилиб, кам ва зиёдасиз ижро қилинса, ўзими хушбаҳт санар эдим. Мұҳтарам уламо, ҳазрати ва аҳли фикр бу таклифни аҳли халқға тушунтуруб тездан ўрунға келтирмакликнинг нағъини халойиқға онглатсалар эди. Шуни ҳам билмак керакким, бир десатин, яъни тўрт танобғача экилган ғалладан ҳеч бир нарса олинмайдур. Мева ва бедазор, ер олмаси (картошка), сабзи ва бошқа шуларға ўхшаш нарсадин олинмай, фақат ғалла, яъни дони экилган ерлардин олинадур. Туркистоннинг баъзи ерларинда бир десатин 4 таноб ва баъзи ерларда 6 таноб ҳисобланадур. Аммо ҳозирғи қоидага десатин ҳисоби ила яъни бир танобни 300 соржин ҳисоблаб олинур. Бир таноб 400 соржинлик жойлар бир ярим танобға бир пуд ғалла термарлар. Бир десатин 3400 мураббаъ (квадрат – X. C.) соржуңдур.

Фикримча, лозимки ҳар даҳа ва қишлоқ учун маҳсус комиссия сайлануб, ҳар кимнинг неча таноб ерда нима эккани, аввало, рўйхати ва ўлпон солиқ дафтаридек рўйхат бўлуб, уезд комиссориянинг ва бу тўғридаки алоҳида бош комиссиянинг мустаҳкам этишидан сўнгра, фаллани йигиштуруб, ҳар бир деҳқонга маҳсус дафтарда босма саёнд (хужжат — X. С.) берилса эди. Токи, хиёнат бўлмасун. Албатта, бу иш тўғрисинда ҳар уезд ва вилоят учун алоҳида бош комиссия тайинланса лозим. Ҳар вўлустнинг фалласи ўзинда тўпланиб керакинча бошқа жойларга олинур.

Биз ҳозир бўлғон Тошканддаги Туркистон ўлкаси ўртоқ қурултойига ҳар уезд шўроларидин уч нафардин киши чақирилғон экан. Сирдарё ва Фарғонадин бир неча нафар мусулмон бор эди. Аммо бизнинг Каттакўргон, Хўжанд, Жиззах ва Самарқанд уездиндин биргина нафар ҳам мусулмон йўқ эди. Демакки, ҳануз халқимиз уйқуда бўлуб, ўз нафъи ва зарури учун қайғурмай, болта келгунча қундадек ётадур. Устига бир йўкни қўйғондан кейин дод дейурга ул вақтда иш ўтган бўлур. Бу ёмон одатни ташламоқ керак. Замон бошқа замондур.

Тошкандинг барча расмий комиссорияти ва ҳукумат доиралари ҳозирда қайнайдур. Ҳар биринда Туркистон учун зокун (қонун) лойиҳалари тузилмоқдадур. Бир неча мажлисга каминани таклиф этдилар. Баъзисига боролдим. Мусулмон тилини русий ҳукумат тили этмак мажлисига ва ҳам Туркистон учун миллий комиссориятлар қонунининг музокараси мажлисига бир неча дафъя бордим ва лойиҳалари боб-боб ўқулуб, бизнинг таклиф ва тасҳихларимиздин баъзиси қабул қилинди. Агарда одам бўлса, миллат нафъига ишланатурғон ишлар кўб экан.

Туркистон мактаб ва мадрасалари, вақф ва қозихоналар учун лойиҳалари тузилмакдадурки, бизнинг аҳли фикр ва донишларимизнинг иштирок этмаклари лозимдур. Мусулмон шўроларимизга вожибурки, шундай ишлар учун одам — делегат талаб қилинғонда салоҳиятлик ва муносиб кишиларни сайлаб юборсалар. Ҳозирги ҳукуматга одам керакдурки, муниниш устундагилар ҳам сезибдурлар. Чунончи, ҳукумат аъзоларининг бир мажлисинда Эрон ва Афғонистон давлатлариға кўнсул юбормак масъаласи қўзғолиб, баъзи рус ва мусулмонлар бу хизмат учун мани муносиб кўруб юбормакчи бўлғонлар эканки, ман буни эшитиб, ноҳушлигим учун сафар ма-

шакқатини күтара олмаспігімні баён этдім. Зотан мен мактаб ва мадрасалар учун бұллатурғон қурултойыға борган эдім. Йұлларнинг боғланғони учун қурултой мавқұф қолди. Бовужуд шул бұлтурғидаги комиссияга бордим. Мадрасалар прўғром-масини күрүб бир оз зичлаштироқта тақлиф этдім. Чунки мутасарруф прўғромдаки дарсларни мадрасаларға киргузмак билан үндай дарсларни айтатурғон мударрислар йүқтеді... Фаннинг ибтидои таълимимиң күрмаган кишига киргизуб таълим бермакдин фойда чиқмайдыр. Охиринда шуни моял-таассуф икөрөттөтін заманы: сиёсий, илмий, машиний ва аскарий йұллардан замон біздін күб ишлар талаң этадур ва бу ишлар чун замонимиз мусоиддур. Аммо бізда ишлайтурғон одам ниҳояттада оз ва бори ҳам ишламайдыр ва ёйнки әгри кетадур. Бу фурсатлар үтгандаридек үтуб кетадур. Сүнгра пушаймонликдин башқа күлда бир нарса қолмас, масалан, ҳозирда аскарий ва илмий ишлардан қочамизким, бу, бир боланинг мактабдин кочғонининг ўзгинасындар.

«Меңнаткашлар товуши» г., 1918 йил, 2 август

МАҚОЛА ВА ЧИҚИШЛАРГА ЖАВОБЛАРДАН

Мұльтабар расмий «Түркістан вилоятининг газети» 32-рақамында «Ойна»нинг «Сарт сўзи мажхұллар» мақолаларини ёқтurmай ва ҳам боиси фитна ва сиёсий деб ёзадур. Биз камоли әхтиром ила баён қылтурмизки, мазкур мақолаларнинг «боиси фитна ва ё сиёсий» лигига ақпимиз етмайдыр. Бизча ул мақолалар тарихий, воқеий ва илмий бұлуб ҳамда они биз ижод қылғанымиз йүқ, балки бизни ёзғанларимиз мұаллими мұхтарам Үстромұф ва жаноб Шерали Лапин ва башқа наஸоро ва мусулман мұхаррир ва олимларнинг бир неча саналар мұқаддам қылған баёнини ёзмоқ ва ўз мушоҳидотимизни арз қылмоқдан иборат эди. Такрор айттармиз, бизни(нг) маслакимиз илмий ва фаний бұлуб, сиёсатға ақпимиз әришмайдыр. Мұльтабар «Түркістан вилоятининг газети»ға 10 санадан зиёда бир мұддатдан бери ҳар сана бир неча мақолаларимиз мудири мұхтарам Үстромұф жанобларининг мусоадалари ила ёзилиб келмакда бұлуб, ул жаноб маслаки ожизини «мусулмонларнинг рус маданиятига ташвиқчилігі»ға илм ҳосил эттеган бўлса керак. Албатта, биз лойхити эмас, балки «Сарт сўзи мажхұллар» мақо-

лаларига хато бордур. Лёкин мунни «боиси фитна ва сиёсий» деганлариға, тұғриси, ажабға қолармиз. Дигар тарафдан, мұхтарам ҳамдинларимиздан бәзилари бизни рус миссийүнерига тобеъ бўлган ва халқни рус қылдургучи, деб билмасдан ифтиро қиласурлар.

Боқий, афву қусур маржудур¹.

«КИТОБАТ УЛ-АТФОЛ»² (1908)ДАН

...Туркистаннинг қадим мактаблариндаги болалар 4—5 йил ўткарғандан сўнг хат машқ қилиб, баъдинда иншо ёзадурлар. Ўшал иншолар ниҳоят мушкул суратда арабий маҳлуг* форсий ва туркий ёзилгандурки, шогирдлар нари турсун, баъзи мактабдорлар зўрга билур. Ўйла* мушкул иборатлик узун иншолар, албатта, бола зеҳнини очмай, балки фикрини йўқ бўлушкига сабаб бўлур. Билжумла мамолики исломиянинг мактаблариндаги болалар учун енгил суратда иншо тайёрланубдурки, ибтидоийя, рушдийя, эъзодийя мактаб талабаларини ҳар бирига мувофиқ суратда иншо таълим бериладур. Яъни шогирдлар ибтидоий мактабга кириб, қалам юргузгонидан сўнг ҳар нав мактуб таълим олмоқ ила батадриж усули таҳрир ва китобати замония ва маҳаллийя ҳам адабиёти миллий таҳсилини бошлаб, бора-бора таҳсилларини охиригача маҳорат ҳосил этадурлар. Биз ҳам шул қоидага биноан мажмуанинг китобат ва иншо унвонинда авлоди ватан учун расмий ва хусусий ҳамда Туркистаннинг шаръий ва миллий маҳкамаларина маъмул* барча васойик* хужжату билжумла мусулмон валаснўйи управители (ноҳия мудири) ҳузуринда бўлатургон дознания, протокол, қабоҳатнома ва расмий ҳар нав мактуботларни мұхтавий* бир неча жуздан мураккаб бир асар нашр этмоқ амалинда эдук. Шу мақсадга ушбу «Китобат ул-атфол»ни нашри ила шуруй этдим. Мактабимизни асоси болалар ва барча талаба тоқатинча «тавҳиди лисон»* таъмим* ва тафҳим* мактуботи туркия ва форсиядан иборатдур. Маа фиҳи ватанимиздаги котиб ва мұхаррирларнинг фикрига, баъзи нұқталарга риояни лозим билинди. Иншоотнинг* келар жузъиларининг тадрижи тавҳиди(ни) лисонга ходим ҳам туркийча ва форсийча адабиёт ҳолига тақлидан ва

¹ Кусурни афв этиш ҳимматдир.

² Болалар мактуби.

бир оз муфассал ёзмоқ ниятидаман. Щуни ҳам айтайынки, Туркистанни қадим ва жадид билгүмла мактабларыга форсий ва туркий назм ва нашр китоблари маҳлүт таълим ўлунур. Ани учун ишшоотларымиз ҳам форсий ва туркий тилларинда мухталит* тартиб қилинди. Муаллим афандилар мактаб болаларыга мундаги мактублардан оз-оз бўлуб, ҳар калима ва жумла маъносини билдируб, сабоқ ва таълим бермоклари ва имтиҳон олмоқлари маржуъдур*. Шул тариқа ила Туркия, Персия, Афғонистон, Ҳинд, Кафкоз ва Тотористон мамлакатлари шевасига ёзилган барча мақола ва китоблардан истифода этмоқ ҳам алар шевасига қалам ишлатмоқ ва адабий тил ила ҳар нав хат ва таҳриrot ёзмоқ талабамизга мумкин ва сон ўлур умидиндамиз.

Хат ёзмоқ шартлари

1. Котиб ҳар муддаони ёзмоқчи бўлганда, ўшал муддаони ўзи яхши тушунуб, сўнгра ёssa керак.
2. Ўзи билмайдургон лугатни мумкин қадаринча ёзмасун.
3. Ҳар тил ва лугат сўзини ўз қоида ва имлоси ила ёзмоқ лозим. Арабий калималарни арабий ҳарф ила, форсий ва русий сўзларни ўзиға тейишили товуши ила ва ўқумакга мумкин бўлгудёк ҳарф ила ёзмоқ керақ. Чунончи: сирот, азим, падар, соло,... Петербург, Нижни Новгород...
4. Ҳар ким маъносига тушунмайдургон калима ва бегона лугатни сўз ичиға ёзмоқ лозим бўлганда, ҳаракат қўймоқ керак.
5. Хат бориб тегадургон одамни мулоҳаза қилиб, они фаҳм ва билишига мувофиқ ёзмоқ лозим.
6. Бирони кўр, кар, ўғри, ҳаммор* ва шунга ўхшаш айб ва ямон сифатлари бўлса, ани исмини ёзганда ўшал ямон сифатларини ёзмоқ айб ва мамнуъдур*. Магар ёзилмоғи лозим бўлган суратда (чунончи ҳукмномаларда)...
7. Ёзилатургон сўзлар ичиға ҳар ким билмайтургон лугат мумкин қадаринча ёзмасга ва инчунун, авомча ва кўчаги иборат ва айб саналатургон калима ва лақабларни ёзмасга керак.
8. Ҳалқ орасинда бутун унтулгон эски форсий калималарни қасдан ёзив, ўқувчилар зеҳнини ташвишга солмаслик бехроқдур.
9. Туркйча ёзилур экан ва иборатни туркиси бўлуб ту-

руб, ани ўрнига русий ва ажнабий исмини ёзмоқни аҳли дониш манъ қилгандурлар.

10. Аҳли фан, уламо ва удаобога маҳсус ёзилатурғон хатлар, маҳкама ва дорулқазо мактублари, илмий ва сиёсий мақолалар яхши ва адабий суратға ёзилса керак. Мундай мактубларда арабий, форсий хатға русий ва франсавий бальзи бир исм ва лугатни ёзмасға илож йўқдур. Бовужуд шул бақадри имкон ўшал сўзларни туркӣ ё форсийчасини топиб ва топилмагандага жумла ила тафсир қилмоқ лозимдур.

11. Хатни камсўз, сермаъно ёзмоқ керак. Эрон, Афғонистон ва Туркиядек шикаст ва таълимсиз ёзмоқни тарк қилмоқ ва хушхат ёзмоқга сайд қилмоқ керак.

12. Узун бир мақола ёзгандан сўнг луғз* ва маъноси, назокат ва одоби ва тарзи шевасини тушунуб, тасҳих*, иккинчи мартаға ёзмоқ керак. Биринчисини — тасвид*, иккинчисини — табийз* аталадур. Мақолаларға қайси шаҳар ва маҳалладан ёзилгони билдурилса керак.

13. Мақолани ўз муаллими ва ё аҳли дўстиға кўрсатиб, саҳву хатоларини билмоқ керак.

14. Фазаб ва хафалик ва ё ниҳоят хурсанд ва бехушлик вақтларда хат ёзмай, ҳолоти даражи эътидолға* келганда мактуб ёзмоқ авлодур.

15. Ҳар бир хатни ўқиб кўруб, баъдинда юборилсун.

16. Бир нимарса ва ё одамни ниҳоят мадҳ ва таъриф ва ё ёмонламоқ ва муболага этмоқдан ҳазар қилиб, барча ҳолда ўрта қисмға қалам ишлатмоқ керак.

17. Мактубға ҳақорат, таъна, ҳазл, фисқ ва гуноҳға таалуқ сўзлар асло ёзилмасун.

18. Бир қишини тўғрисинда хат ёзилур экан, ўшал одамни ояндаги дўст ва ё душман, яхши ва ямон бўлиши ва аҳволини тағиyr топилиши эҳтимолини ёдға тутиб, холоса ҳар бир ишға дастуриламал ҳикмат бўлғон «Хайрул умури-авсату хо»¹ ҳадиси шарифига амал лозимдур.

Авсоғ* ва одоби мактуб

1. Ёзилатурғон хатлар икки қисмға бўлинадур. Бири — умумий, дигари — хусусий. Умумий хатлар девонхона, қозиҳона, тижоратхоналарда ёзилатурғон мактублардурким, расмий аталиб, яна шаръий ва урфий деган қисмларға айрила-

¹ Таржимаси: ишларнинг яххиси ўртачадур.

дур. Хусусий мактублар икки киши орасига ёзилатурғон ёднома, муборакбод ва хабарномалардур.

2. Хусусий мактубни бош тарафиға «бисмиллохир раҳмонир раҳим» — хайрул само иборати ва ё шунга монанд исми Оллоҳ ёзмоқ керак. Сүнгра хат бориб тегадургон кишини лақаб — исми ва ё мансаби сифат ва қаробатига* қараб түргони исми Олладан қўйи ёзмоқ лозим. Баъдинда хат ёзадургонни зикр бўлғон сифат ва мартабасига муовфика онга таъзим ва дуо қаториндаги иборатларни ёзмоқ керак. Сониян*, муддао бошланадур...

Румузлар*

Аломати савол ?

Аломати нидо, таажжуб, хитоб!

Аломати мұтариза ()

Аломати мұммайиза « »

Икки сўзни фарқ қиласургон аломат —

Аломати муродафот, яъни иккиси бир поғонада =

Озгина турмоқ учун ,

Баён ва тафсил учун :

Нотамом сўзлар, киноя, мубҳам* ва маҳзуф*лар аломати ...

Сўзни охири ёки вақғи том аломати .

НАМУНА ХАТЛАР

*Улуғ Тангрим оти ила
Мехрибон отажоним хизматлариға*

Тангрим сояи давлатингизни бошимдан эксик этмагай,
азиз қиблагоҳим!

Бу оқшом уйға жаноби халифамни зиёфатға таклиф қилдим. Онажоним дедиларки, гўшт ва биринч йўқдур, марҳамат қилиб таомға кераклик нимарсаларни олиб хизматкордан юборсалар, хурсанд бўлур эдим, афандим.

Кулингиз...

*Севикли онам ҳузури шарифаларина!
Парвардигорим доим сизни эсон сақласун!*

Онахон! Мехрибон опамни уйига борғанингизға ўн кун бўлди. Ман сизни кўб соғиндим. Борай десам, мактабдан

қолурман. Ани учун илтимос қыларманки, энди уйға келсангиз, йўлингизга кўз тутарман, волидажоним!

Мушфиқа опамға салом айтармен.

12 шаввол, явмул чоршанба.

Жаноби устоди киромим ҳузури анворларина!

Парвардигорим файзу муҳаббат устодоноларини биздин эксик этмагай. Боиси дониш ва саодатим, жаноби мавлом! Ҳазрати воҳид ал-ато ўтган оқшом бандангизга бир ўгул биродар ато этди. Шул сабабли буқун жаноби волидам хизматлариға турмогим лозим бўлдики, мактабга боролмаганимга жанобингиздан афу тиларман, афандим.

Чокарингиз... 18 зулҳижжаса...

Севикли биродарим ва шерики мактабим!

Умрингиз узун ва илмингиз фузун бўлғай! Ийди босафои зиҳига мушарраф бўлушкингизни дўстона муборакбод этарман, азизим! Марҳаматлик парвардигорим кўб-кўб ийдларга оила ва қариндошларингиз ила соғу саломат еткургай, омин.

Маълумингиз...

Биродари азизим!

Дунёда сабаб йўқ. Охири ҳар жамъият паришон, ҳар хонаи рўзгор вайрон бўлғусидир. Жаҳон фоний, ялғуз биз ила сиз эмас, жонликларнинг барчаси, ҳатто, еру кўк ҳукми қазо ила йўқ бўлғусидур. Боқий ва доим собит факат зулжалол ҳазратларидур. Буқун ва эрта ҳаммамиз Тангрининг аржай нидоси ила олами арвоҳга кўчуб, ота-бобонинг муқаллас руҳлариға қовушурмиз. Дунёю дун кулфатидан ва олойишидан қутулурмиз. Ўлум навбатдур, ногузидур* ва кўб қўркулатургон нимарса ҳам эмас. Чунки анинг орқасида доимий тириклик бор. Ва руҳлар боқийдур. Ўлумни илгари ва кейин келишиға аҳамият йўқ. Мутлақо буқун бўлмаса, эртага биз-да кетармиз. Онинг учун жаноби қиблагоҳини дорулбақоға рихлат этганлариға ҳаддан зиёда маъюс ва ғамнок бўлишингиз матьқул ва машруъ эмас. Олло бошингизни омон этсун. Ота ўлуми меросдур. Бизу сиздан дуо ва хайрот-керак. Оху воҳ лозим йўқ. Мусибатни ўзига олмоқ фоида этмас, балки зараптур. Иймонлик ўлим тўйдур. Олло таоло кетганларга иймон ва қолғонларға умр ва сабр берсун.

Энди сизға лозим шулки, мархұм қиблагоқ васиятларини мүйімдік жаңынан көлтиру, оиланы үзингиздан рози этмоқ ва оталик ватанини обод ва зиёд этиб, қадриға етмак ва чироғларини үчирмаслик лозим. Оиланы үзингиздан рози этиб, ота арвоғини ёддан чиқармаслик керак.

Азизим, шуны-да ожизона ёзайинки, энди ота үрниға оила учун отадурсиз. Ва буқундан бошлаб бомаънилик ила оталардек ҳаракатда бўлишингиз кераклигини дўстона арз этарман...

Котиб ва мирзо афандилардан ризжо

Хатларда «фалон маҳалла ё қишлоқни фуқароси» ёзи-лурки, бу яхши эмасдур. Биздан бошқалар «...аҳли» ёзарлар. Бизни муҳтарам мирзолар-да фуқарони (мискинни муродифидур) ёзмасдан «аҳли» ёзсалар яхши эрди. Масалан, бойни фалон маҳаллани бечора ё камбағали деб ёзмоқ ялғон ва таҳқирдур...

РАСМИЙ ХАТГА МИСОЛ

Хурматлу... уездини ҳокимиға!

...шаҳрини ...қитъя қозисини ...йили ...оинда ...рақамли ҳукмларин нусхасини ушбуни-ла топшуруб, илтимос қиларманки... саёзд қозиларини сўровларига юборсалар. Азбаски, мазкур қози ... сўм (ёинки бир таноб боғ) ундуруб ... ўғлиға топшурмоқға ҳукм қилдилар. Мазкур ҳукмга шариат бўйинча маним айтадургон дафъи* ва жарҳим* бордур.

...сана ...оинда.

«КИТОБИ МУНТАХАБИ ЖУГРОФИЯИ УМУМИЙ»¹ (1906)дан

...Асри ҳозирни ташвиқоти ила истеъдоди ожизонамизча, батақдири ҳай, қадим фан жуғрофияға таалуқ ушбу китобни таҳrir ва жамъ айлаб, «Мунтахаби жуғрофияи умумий» ёд қилиб баъзи маҳалига таърих, риёзий, муҳокамоти диний, умроний, сиёсий ва андаги кутуби диниядан баён ва иқтибос* қилдук.

Фани тўғрисиндаги ижмол* ва тафсилот туркий, арабий, форсий, рус лугатлариға тасниф бўлган ўттуз қадар

¹ Таржимаси: Умумий жуғрофиядан сайланма китоб.

қадим ва жадид кутуб ва расоили жуғрофия, ҳайъати риёзий, тарихий, табиийлардан мұytабар нусха ва ҳар гуна мазкур лугатлардаги газит – жарида, атлас, харита, курраи масан* – курраи мусаттаҳа*, истатически мажмуалардан жамъ ва тартиб қылингандур.

Ушбу тартиботимизни ўз сарфим ила бостуруб, илм ва хабардүст ахіббои* ахли Ватан маъразу* маҳфул* илмиялариға манзур қилиб, тасҳихи саҳвини рижо этмоқни муносиб күрүлди. Асар ва таҳриротимни хатийёт* навоқисдан* мубарролигига* даъвом йўқдур.

Фалату саҳв бар ману ту равост;
Бар жаҳон оғарин ғалат наравад¹.

Матлабим арзи ҳунар ва изҳори фазл эмас, ахли ватанға қўлумдан келгунча бир хидматдур...

...Инсонни нуқсон ва хатодан холи бўлмаслиги ҳар бир инсонга маълум. Биз ҳам инсонмиз. Воқеъ бўлгон саҳву хотоларим ҳасан ният ва камбизоатлигимға бағишланадур умидиндаям.

Ҳар фирмә арбоби заковат ва фатонат асаримни тасҳих ва икмолига нашру таъмимға ҳиммат ва муовинат буюрсалар, миннатдор ва шукургузор бўларимни арз ва инсофи инсониятни тасҳих, тадқиқ ва танқидига асаримни ҳавола қиларман.

Отияға* баён бўлган фан ва илм тўғрисига биз ҳануз комил эмас, навқадаммиз. Яна жуғрофияни олам ва аҳволи замон бу олами рўзгорни инқиlobи ва улуми асрия, фунуни замонияни тараққийси ила ҳар он тағиyr топадур. Ўшал тағиyr ва табдилотдан баъзини отияға зикр қилинди. Эртага яна бошқа ҳайъат ва сурат ила бу олами кун ва фасодға неча вуқуот, табдилот, кашфиёті жадида вужудға келиши табиийдур. Лоҳаза*, бу асарни баъзи маводу* ахборига, вуқуот оянда мухолифат қўлса керак. Ҳамчунонки, жуғрофия ва боахбороти мутақаддимин ҳукамоға фунуни ҳолия* мухолифат этгани каби...

«Жуғрофия» деган сўзни маъноси

Жуғрофия деган сўз юонон(ча), лугати арабияға таърифи арз маносига, яъни ер ва туфроқни баён қилатургон илмни атайдур. Жуғрофия илмини неча навъ қоида ва баён-

¹ Мендаги саҳву хато сенинг ризолигинг биландур, беайб Парваридигордир.

лари бўладур. Анга қараб ушбу илмга тейишли баён ва фанлар бир неча исм ила аталадур. Чунончи, Ерни шакли (гавда — ҳажм)дан, осмон ила Ер орасидаги хосияти ва осмондаги нимарсалар ила нисбати ва ҳаракатидан баён қилатургон илмни «жустрофияни риёзий», Ерни хосияти, туфроқ паст ва баландлиги, ҳар хил гиёҳ ва конлари, тоғ, дарё, кўл, мижоз ва ҳавосидан баҳс қилатургон илмни «жустрофияни табиий» аталадур. Ер юзидағи катта ҳодисалар ила уруғ, хукуматдорлик, хулоса, ер устиға бўлган воқеалар тўғрисинда ҳар бир навъ ишни ушбу илмга баён қилиб, жустрофия калимасини охириға ўшал ишға тааллуқ илм ва фанни оти қўшуладур. Чунончи, «жустрофияни тарихий», «жустрофияни сиёсий», «жустрофияни умроний» ва бошқаларидек. Хулоса, бу замонға жустрофия илми дунёни ва андаги ҳалойик, ҳайвонот, умронот ва ҳар наки дунёға бордур, билдуратургон керакли, бир илмий жаҳоннамодур...

Жустрофия қачон пайдо бўлган?

Тарих ва жустрофия китобларига ёзилибдурки, жустрофия илми аввал мартаға Миср мамлакатига Ҳазрат Мусодан илгари, фиръавнлар замонига бошланиб, Ер, туфроқ, дengизлар борасига баёнотлар ёзилиб, харита — картага ўхшаш «планлар» ихтиро бўлингонлиги маълум бўладур. (Фиръавнлар замони ҳижратдан 3—4 минг сана илгари эди. Ва илгари ўтган Миср подшоҳларини барчасини фиръавн аталадур.) Чин мамлакатига ҳам ушбу илм сироят қилиб Ю деган подшо Хитой мамлакати хариталарини чиний косалар устиға нақш қилдурубдур. Сўнгра ушбу илм юонон ҳалқига сироят қилиб, алар замонига ривож топибдур. Сўнгра навбат румийларга тегиб, Искандари кабирни Эронға қилган сафари сабаб бўлуб, ҳозирги Туркистон, Ҳиндистон, Сибир мамлакатлари дунё одамлари ёинки юонний ва мисрий одамларига билинди. Искандари кабир милоддан 350 сана илгари тириклиқ қиласига эди. Ани устоди Арасту ҳаким бу очилган мактаблар тўғрисига баённомау китоблар ёзиб, жустрофия илмини ривож берди.

Ушбу ҳаким милоддан 384 сана илгари таваллуд бўлуб эди (санай милодий таваллуд ҳазрат Исодан, санай ҳижрий пайғамбаримизни Мадинаға кўчганларидан ҳисобланадур).

Сүнгра Истрабўн¹, Батлимус² деган юононий олимлар жуғрофия ва ҳайъат илмлари тўғрисиға яхши китоблар тасниф қилиб, бу илмларни кўп ривож берибдурлар. Аларни китоби юонон тилига ёзилган эмиш. Истрабўн милоддан ўтгуз, Батлимус саксон сана сўнгра вафот қилибдур.

Осмон тўқуздур ва Ерни атрофиға айланадур, деган киши ушбулар ва низоми маҳдуд эгасидур.

Дини ислом зоҳир бўлгандан сўнгра мусулмон уламолари, яъни араблар Андалус, Бағдод, Шом, Миср мамлакатлариға ҳар хил илмларни ниҳоят ривож ила ўқуб, ақлий илм ва фанлар тўғрисинда кўп таснифотлар қўлганлари-дек, ушбу жуғрофия илмини ҳам аввал мартаба юононий тилидан арабийға таржима қилиб, ўз билиш ва тажриба ва кўрган мамлакатларини анга қўшуб, шарҳ қилиб, ўшал замонни(нг) дунё ва қуруқлигини билиб, жуғрофия илмини тараққийсиға саъй қилибдурлар. Ўзларидан илгари уламона номаълум турган ерларни ва мамлакатларни очиб, ўз мусулмоний жуғрофиялариға ёздилар.

Хулафон Аббосияни еттинчиси Абдулла ал-Маъмун бин Хорун ар-Рашид замони 198 санаи ҳижрияга ва андан сўнгра мадрасаларға юононий уламолардан вақтинча мударрис тайинланиб, мусулмон уламолари юононийча ўқуб сўнгра барча улуми ақлияни юононияни таҳқиқа бошлидилар. Ўшал замонга жуғрофияга тааллуқ «даража ҳисоби»ға амалиёт — ўлчов қилдилар. Хулоса: барча улуми ақлияни бу кунги даража тараққий қилишиға уламон аҳли ислом сабаб бўлдилар. Жуғрофия, ҳайъат, риёзий, тиб, ҳикмат, кимё, ҳисоб, илми табақот ул-арз³ ва бошқалариға кўп китоблар тасниф қилиб, расад ва асбоб истеъмол қилиб ва мазкур илмларни баъзиси, чунончи, кимё, илм ал-арз фанларини ихтиро ва ижод қилдилар. Мазкур мусулмон уламолардан бир нечаларини тасниф этган китоблари ила мунда ёзармизки, у жумладан 290 тарихи ҳижрияға Абулқосим Убайдуллоҳ «Китоб ал-масолик ва-л-мамолик» ва «Китоб ас-само»ни тасниф қилган ва жуғрофия тўғрисиндаги китоби Франса ва Гирмония

¹ Страбон (милоддан олдинги 64/63 йиллар — милодий 23—24 йиллар) — қадимги юонон географи, тарихчиси; 17 китобдан иборат «География» асарининг муаллифи.

² Птоломей (тахм. 90—160 йиллар) — қадимги юонон мунахжими.

³ Илми табақот ул-арз — ер қатламлари илми.

тилларига таржима бўлгандур. Абу Исҳоқ Истахрий «Китоб ал-ақолим»ни, Абулқосим Мархитий ҳайъатга «Таъдид ал-кавокиб» китобини 390 санаға, Ибн Ҳавқал Тужжор «Китоб ал-масолик ва-л-мамолик ва-л-мағориз»ни 28 сана саёҳатидан сўнгра тасниф қилдики, фаранг тиллариға таржи-ма бўлгандур. Абул Фидо VII аср ҳижрияға «Тақвим ал-булдан» ном китоби жуғрофияға тасниф қилдики, фаранг тилларига таржима бўлди. Фуқаҳои шофеъа¹ дан Сирожиддин Ҳифс «Харитат ул-ажойиб» китобини тўрт аср илгари тасниф қилди. Саккизинчи қарн^{*} ҳижрийға араб уламоларидан Абу Абдулоҳ ибн Батута 25 сана доимий саёҳат қилиб, ўз вақтиндаги дунёни ҳаммасини кўруб, жуғрофия ва бир неча таснифлар қилганки, баъзиси фарангий тиллариға таржима бўлгандур. Олтинчи аср уламосидан Муҳаммад бинни Абулқосим Абулфаттоҳ Шаҳристоний «Китоб ал-мулк ва-л-наҳдий» бир неча фарангий тиллариға таржима бўлди. VIII аср уламосидан Шиҳобиддин Абул Аббосни ўттуз жилдан зиёда «Масолик ал-абсор фи-л-мамолик ва-л-амсор» исмлик китоби Париж шаҳриға босилди. Мундан бошқа мусулмон донишманд ва уламоларидан Абулфараж Бағдодий, Ёкут Ҳамавий, Масъудий, Баҳром Дамашқий, Ибн Аёз, Абу Убайд ал-Бакрий, Шариф Идрисий, Самарқандий Али Қушчи, Улугбек Кўрагон, Абу Али ибн Сино ва файрила-рики, тарих ва жуғрофия ва ҳайъатга таснифот қилиб эдилар. Фаранг – Оврупо тиллариға юзлар йилга илгари билинмаган ва эшитилмаган жазира, мамила мусулмон уламосини китобларидан неча юзлар ила таржима ва табъ бўлди-ки, жуғрофия илмини буқунги тараққийсига қарун васатадаги*, яъни беш юз йил илгари ўтган уламои исломияни сабаб бўлишиға кимса мункир бўлолмайдур. Ўшал ислом уламо ва сайёҳлари Ер юзини аҳволи жуғрофиясини мұфассал ёзиб, яна Ерни ич тарафини аҳволидан баҳс очиб, янги илмларни бошлаб, хулоса мисрий, юонний замонларидан кўра дунёни каттароқ қилиб олам аҳлиға билдурдилар, деб мўътабар китобларға ёзилган ва аҳли вуқуф ва тарих ўқийдурғон одамларға маълумдур.

Мусулмон уламоларидан сўнгра фарангийларни аҳли дониши ва Оврупо олим ва сайёҳлари денгиз ва қуруқликни ҳар тарафиға араблардан зиёда ҳиммат ва файрат ила юра

¹ Шофеъилик мазҳабига дахлдор фақиҳлар.

бошлаб, дунёмизни иброний, юононий, арабий замонларидан кўра хейле катталигини билиб ва дунё аҳлиға билдурдилар. Аввалги замонларға оти эшигитмаган Америка, Пўлинизия, Орази Кутбийя ва минглар ила жазираларни топиб, ҳозирги барча мамлакат ва жазира ва денгизларни масоҳати* ила ҳамага билинмоқиға боис бўлдилар. Дунё илми бирдан ривож топди. Санай 1450 милодий – 854 ҳижрийдан бошлаб, бани одам илмига дунёмиз аввалгидан кўра каттароқ бўлишига Оврупо донишмандлари хизмат қилиб ва ўз давлат ва миллатлариға кўп нафлар еткурдилар.

898 санаи ҳижрияға фарангги тоифасидан Христофорўф Колумб деган илми риёзийға доно ва денгиз сафариға мөҳир киши денгиззга ўз ишиға бориб туруб, Америка ерларини топди. Ўнланчи аср¹ ҳижрияға Русия одамларидан Ермак деган киши ҳозирги Сибир мамлакатини кашф қилиб, русия ҳукуматиға кўшди. XI асрни аввалиға бешланчи қитъа еримизга тобеъ Пўлинизия аталгувчи кўп адаҳ жазираларни Оврупо донишмандлари топиб, ўз ҳукуматлариға тобеъ қилдилар. 1700 ланчи йилға Русияға император бўлиб турган Петр аъзам подшоҳ завжаси (малика Йекатерина) амри ила Азийя қитъасини шимоли-шарқи тарафиға азбаройи кашфиёт учун икки кема юборилдики, 1741 санаи милодияға Беринг, Черикоф деган кемачи капутанлар Шимолий Америкағача бориб, Саника деган жазирани топиб, Янги Архангил деган шаҳарни бино қилиб, Беринг бўғозини топдилар. Хулоса, уч-тўрт асрдан бери йилдан-йилға илгари билинмаган ва эшигитмаган жазира, мамлакат ва қутблар тарафидағи ерларни аҳволи фарангий – Оврупо уламойи жуғрофийон ва сайёҳларини гайрати ила олам ёинки илм аҳлиға билинди ва фарангийларни дин ва дунёларига ушбу саёҳат ва жуғрофия илми ниҳоят кўп нафлар еткурди. Ҳануз жуғрофия илмини ривожига саълари бордур. Барча мактабларига ўқитадурлар. Ҳозир ҳар бир катта давлат ва ҳукуматларни «жамияти жуғрофия» деган катта мажлислари ва ул мажлисларни уламойи жуғрофийондан члон – аъзолари бордур. Дунёдаги барча жамияти жуғрофияни бир-бирига хату хабари бўладур. Янги топған нимарса ва янги саёҳатларидан бир-бириға хабар берадур. Ҳозирги жуғрофия илми

¹ Ўнингчи аср. Муаллиф Сибир истилосини Русиянинг расмий-ҳукмрон нуқтаи назаридан ёритади.

ниҳоят мартаба тузатилиб, мукаммал бўлгандур. Хулоса, жуғрофия илмиға ул мисрий, румий, юононий одамлари, сўнгра мусулмон уламо ва сайёхлари, учунчи мартабаға — фаранг сайёхлари хидмат қилдиларки, ҳар бирини аҳволига илми тарих ва жуғрофия шоҳид...

Туркистон донишманлари

Ақлий ва фанний илмларға китоб тасниф қилган мусулмон уламо ва ҳукамолари ниҳоят кўпдур. Инчунин, Туркистон музофотига ўсуб шаръий ва ақлий илмларға китоб тасниф қилган ниҳоят машҳур уламоларни адади неча юздан ўтадур. Бу китобимиз ақлий ва фанний илмларға тааллук учун ақлий ва фанний илмларға китоб тасниф қилган ва ниҳоят машҳур Туркистоний уламо ва ҳукамо ва муаррих мусаннифларни* мунда ёзармизки, ушбуудур. Агарда ақлий ва нақлий илмларға китоб тасниф қилган Туркистон уламоларини ҳаммасини аҳволи ва таснифотини ёзмоқ лозим бўлса, ушбу китобимиздан ҳам каттароқ бир китоб тайёрламоқ керак бўладур. Шайх ур-раис Ибн Сино. Бу Али лугат, мантиқ, жуғрофия, мусиқа, ахлоқ, кимё, аботли аҳкоми нужум, табиат, мофуқ ат-табиат, ҳикмат, тиб, расад, нужум, илми наботот, илми тавҳидга юздан зиёда китоб тасниф қилгандурки, мусулмон ҳукамоларини аввалидур. Аксар китоби Оврупо тиллариға таржима бўлган ва фарангийлар Ависин атайдурлар. Вафоти 428 санағадур. Абу Наср Фаробий замонидаги барча тилларни билар эканки, «қонун» деган асбоби тағанийини* ижод қилиб экан. Барча тасниф қилган китоби 80 қадар. Ва илми тавҳид, фикҳ, мусиқий, риёзий, ҳайъат*, мантиқ, ҳикмат илмлариға таснифоти бор. Вафоти 339 санағадур. Хожа Фахриддин — ҳикмат, тиб, фалакиёт, ҳайъатга таснифоти бор, вафоти 868 санаға. Ҳаким Азракий Марвий — ҳикмат, тиб, шеърға. Бадриддин Самарқандий — тибға. Нажибиддин Самарқандий — тибға. Абдураҳмон Хоразмий — ҳозирги настаълиқ хатни ижод қилган, вафоти 9-асри ҳижрияға. Абу Язид Балхий — тиб, ҳикмат, ташриҳға*. Абдураҳмон Марвозий — ҳайъат, тиб, ҳикматға. Абдураззоқ Ҳиротий — тарихға, вафоти 887 санаға. Абу Иброҳим Гургоний — тибға, 531 санаға. Шариф Хоразмий — тибға, Аҳмад бин Табиб Сарахсий — тиб, мантиқ, жуғрофия, тарих, ҳикмат, мусиқи, илми тавҳид, фа-

лакиёт, илми жабрға, вафоти 283 санаға, барча таснифоти 50 қадар. Абу Машъар Балхий – ҳайъат, нужумға, ўндан зиёда таснифи бор ва илми ҳадисға шуғли кўп экан, вафоти 286 санаға. Абу Жаъфар Хоразмий – юонон тилиға моҳир, нужум, илми жабр, жуғрофия, ҳикмат, ҳайъатға таснифи бор. Аҳмад Фарғоний – ҳайъат, нужумға таснифоти борки, лотин тилиға таржима бўлғон, вафоти 226 санаға, Муҳаммад Ҷағминий Бухорий – ҳайъатға, мўътабар китоби бордур. Али Кушчи Самарқандий – ҳайъат, жуғрофия, сарф, ҳисобға таснифоти бор, вафоти 879 санаға. Шамсииддин Самарқандий – ҳандаса, риёзияға таснифоти бор, вафоти 600 санаға. Мирзо Улугбек Кўрагоний Самарқандий – ҳайъат, нужумға гўё мужтаҳид экан. Самарқандга расадхона бино қилди. Зиж китобини тасниф қилганки, фаранг тиллариға таржима бўлган, вафоти 853 санаға. Муҳаммад Хўжандий – ҳайъат, нужум уламосидан ва устурлоб истеъмол қилингандур. Али бинни Можур ва ўғли Ҳасан – ҳайъатға таснифоти бор. Абдуллоҳ Фарғоний – ҳайъат, риёзий уламосидандур. Абу Райҳон Хоразмий – юонон, ҳинд тилиға моҳир, 40 сана саёҳат қилиб, тарих, жуғрофия, нужум, фалакиёт, тиб, тарихи табиий, ҳайъатға 26 мужаллад китоб тасниф қилгон ва бир нечаси фарангий тилиға таржима бўлган, вафоти 430 санаға. Фиёсииддин Самарқандий – риёзий илмиға моҳир эди. Фиёсииддин Муҳаммад Ҳиротий – тарихга таснифи бор, вафоти 942 санаға. Муҳаммад Фарғоний – тарихга таснифи бор. Ҳофизи Абрў Ҳиротий – тарихга таснифи бор, вафоти 834 санаға. Абу Саид Самъоний – 30 жилд тарихга таснифи бор, вафоти 562 санаға. Абдураззоқ Самарқандий – жуғрофияға таснифи бор. Мир Абдулкарим Бухорий – тарихга таснифи борки, фарангига таржима бўлгандур. Булардан бошқа ақлий илмларға китоб тасниф қилган бир неча Туркистоний донишманzlарни тарих ва таржиман ҳол китоблариға кўриладур. Ушбу маҳалға шу юқорига баён бўлганлар илиа иктифо* қилдук. «Қомус ул-аълом»¹ («Илмларнинг денгизи») ва «Туркистон уламоси»² рисоласидан мухтасар нақл қилинди.

¹ Ш. Сомий (1850–1904) 1888–89 йилларда Истанбулда нашр этган 6 жилдлик қомус.

² И. Гаспрали (1851–1914) асари.

Жуғрофия ўқумоқни нағын

Одам боласини қанча илми зиёд бўлса, дунё, тарих, жуғрофия илмидан хабари бўлса, шунча яхшидур. Бу илм одамга бутун дунёни ва кўб нимарсаларни билдирадур. Дунё одамларини дин ва мазҳаби, тириклик ва рафтори, тараққий ё таназзул сабаби, яхши ва ямонликлари, мамлакатларни тинч ва осойиш ё зулм ва жаврға тургони, хуроса, бутун аҳволи дунёни, подшоларни қуввати, давлати, одамларини одати, ер юзини аҳволини билдиратургон ушбу илмдур. Ҳозир ер юзидағи одамларга қараганда, аксар мусулмон тоифаси илму фан, давлат ва ҳукумат тўғрисиға кейин қолиб, илмлик мусулмонларга қараганда биз туркистонийлар замонидан бехабар қолибмиз. Масалан, Хитой ва Ҳиндистон мамлакат ва одамлари тўғрисиндаги билгумиз бутун бекор ва беаслдур. Аксар дунё ишлари тўғрисиға ҳам бизларни билишимиз хатодур, яъни дунёдан хабаримиз йўқдур. Оврупо ё Русияни ўн беш яшар бир шогирди бизни эллик яшар савдогар ё муллотарошимиздан дунё илми тўғрисиға яхши хабардордур. Ер юзидағи илмийлик мусулмонларимизни ҳам бу жўғрофия илмиға саълари кўб, фақат биз туркистонийлар бу илмдан бебаҳрамиз. Замонамизга парахўд, темир йўл, ҳавоға учатурғон асбоблар, тилиграф (муҳбири ҳавои) ва бошқа минглар навъ мошиналар (ҳикмати табиийъя) деган илмни худо ҳалқ қилғон* кунидан Оврупо уламоларини саъй ва гайрати ила чиқорилди. Узоқ йўллар яқин бўлди, билинмас ерлар билинди. Они учун билгувчилар истило қилиб мамлакатимизға келдиларки, кўрармиз ва бизларфа сироят* қиласурлар. Шарқ ила Фарб аросига қатнов, муомала, мажлис очилди. Яна ота-бобомиз эшитмаган шаҳарлар отини эшитармиз, кўрмаганларни кўрармиз, билмаймизки надур. Ёинки ерни ўртаси хатти истивога*, кеча ва кундуз доим баробар бўлган сувратға, бизни Туркистонға на учун гоҳ узоқ ва қисқа бўлуб, кунимиз 9 или 15 соат аросига юрадур? Ҳар қанча ерни шимол ё жанубидаги чет (кутблариға қараб борилса, кун ва ё тун узайдур? Кутблар тарафига бир-икки, ҳатто, 6 ойғача кун ботмайдур? Петербург шаҳриға қиши олти соат, ёз 19 соат кундуз бўлиб турадур? Сабаби нима, деб бир киши сўраса ёинки бир ой кун ботмайдурғон жойға мусулмонни ибодатлари ва амри наҳийини қандай баржой келтуруладур? Ёинки на учун

кеча ва кундузни фарқи ер ила осмончадур? Ҳар шаҳарни тулу* ва ғуруби* на учун олдин ва кейинидур деб сўралса, бизлар, хусусан, уламомиз на жавоб берармиз? Билмаймиз, ёинки «ундай бўлмаса керак»дан бошқа жавоб айттолмасак керак. Бу саволларга жуғрофия ўқумагунча жавоб бериб бўлмайдур ва жуғрофия илми жавоб берадур. Шаръий саволларга жавоб бермоқ уламойи дин зиммасига лозимдур. Аммо на фойдали, бизлар хатти истиво* ила кутб аросидағи ҳодиса ва ихтилоф, кече ва кундуздан хабаримиз йўқдур. Ани учун мункир ё мулзам бўлармиз. Дини исломга ушбу сабабдан ажнабийлардан таъна тегадур. Мазкур хабарлар ва ҳодисаларга мункир бўлмоқ маълум бир нимарсаға мункир бўлгандекдур. Ерни лўндалиги, ҳаракати бутун ер юзидағи донишмандларга маълум эмиш ва аммо биз билмаймиз. Истанбул, Миср, Ҳинд ва Арабистон бўлсун, ҳар бир ўкугон донишманд мусулмон уламоси ушбуға иқор ва ҳатто, ерни юруши, юмалоқлиги шариатға зарар келтурмайдур, деб китоблар тасниф қилдишар. Фақат биз туркистонийларга маълум йўқдур. Мухтасар шулки, жуғрофия илми катта ва керакли илм ва билмасликдан билмоқ, ўқумоқ афзалдур, хусусан уламомизфа, Пайғамбар алайҳиссалом айдилар: «Ҳолитул ҳукамои» («Ҳукамолар қила аралаш бўлингиз»).

Жуғрофия ўқумоқ мусулмонларга лозимдур

Баъзи китобларимизға ер тўғрисига ҳар хил сўзлар ёзилган ва ўшал китоблар кўб йиллардан бери ўқилуб, фикри-мизға қолган. Авомимиз бўлса, ҳар на рости ва ялғон сўз китобға ёзилган бўлса ёинки «калом ун-нос биқадри укулу ҳум»¹ мазмунига ёзилган бўлса ҳам инонадур. Бора-бора ул эътиқодға уламолар ҳам одат қилиб, аралашиб, қабиҳи* но-маълум бўлиб кетадур. Шул тариқа ишларни бирор сабабини сўраса, ё нотўрилигини исбот қилса, тингламай, дуруст жавоб бермай, кофир кўзи ила анга қараладур. Шул тариқа хилофи ақл ва нақл сўзлик ҳикоят китоблар бизларни ис-теъмолимизға борки, илм ва хабарлик одам зеҳн қўйса била-дур. Чунончи, мутолаамизға юрган баъзи китобларга ёзилганки, ер ялпоқ, бир бошдан бошқа бошиғача беш юз йиллик йўл, атрофига Кўҳи Қоф деган забаржддин девори му-

¹ Таржимаси: «Ҳар кимнинг сўзи ўз ақлига кўрадур».

ҳити* бор. Ер ҳўкуз шохига, ҳўкуз балиғга, балиғ сувға, сув ҳавоға, казо-казо (ҳоло осмон тўғрисидаги сўзларни қўйдук)... Аммо ҳозирги жуғрофия илми тажриба ва рўйияти башарийядан билинадурки, ер курравий (юмалоқ), остига ҳўкуз, балиғ йўқ, атрофига девори йўқ (муҳити тошдан эмас, бошқа) ва ер айланадур, ҳавоға муаллақ турадур. Бизни назаримизга сокин ваammo ҳақиқатдан айланадур. Бу айлангани кўз ила кўрулмай, хусусан тўрт-беш асрдин бери илм, тажриба, қоиди асбоб ва ақл ила собит бўлгандур, деб ҳар бир ҳука-мо ҳоҳ мусулмон бўлсун ва гайри мусулмон бўлсун, айтадур ва китобларига ҳам ёзибдурлар. Бас, икки йўл аросига қолдук. Ўтган уламоларни китобларига ер сокин, янги уламоларни китобига ер айланадур деб таъкид қиласадур. Бу икки илм ёинки китоб инсонни кўб ташвиш ва изтиробга соладур. Ҳукамо ё динга душман қиласадур. Ҳар на бўлса, ушбу ихтилоф эскидур, чунки Имом Фаззолий ҳазратлари ва Иброҳим Ҳаққий жаноблари ушбу ҳўкуз, балиғ тўғрисига «Таҳофат ул-фалосафа...» (маърифатнома) деган китобларига очиқ баён ва жавоблар ёзибдурлар. Ва бошқа китобларга ҳам ушбу тўғрига уламолар жавоб ва таъвил ёзib, ҳўкуз ва балиғни йўқлигига ва ерни муаллақлиги дурустлигига таслим қилгандурларки, инсон то ўшал арабий ва туркий китобларни ўқуб кўрмаса, гирдоби ваҳшатангиз ҳайратдан чиқолмайдур. Фаззолий ҳазратлари ва бошқа муҳаққикини киром* ер ва осмон тўғрисига ҳар хил далилларни ҳикмат ва ақли башарға қараб таъвил қилиб, мусулмонларни бул тўғридаги изтироблардан на-жот топишларига сабаб бўлубдурлар. Ушбу таъвилларни* муңда ёзмоқға маҳал йўқ, мақсадимиз жуғрофияни риёзий ва табиийдан намуна кўрсатиб, сўнгра ер юзидағи ободликдан баён қилмоқ эди. Иншоолло, замони ояндаға илми ҳайъат тўғрисинда бир китоб ёзib, ўтган уламо ва ҳукамо ва ҳозирги уламо ва ҳукамони ихтилоф, далил ва таъвилларидан очиқ ёзармиз (ушбу китоб тайёр бўлган ва ояндаға босилса керак, иншоолло таоло). Бизлар бу таъвиллар ва ўтган уламои аҳл шаръийни ақл ва ҳикматга мувофиқ ёзган китоблари ва ҳозирги аҳли шаръ уламони янгидан тасниф қилган китобларини ўқуб кўрмай, бехабарона жуғрофия илмиға мункир бўлуб, ерни атрофига девори бор ва ҳўкуз устигадур, десак, жуғрофиядан хабарли киши ўз ўғлимиз бўлса ҳам, бизни ақлсиз фаҳмлаб, ёинки дини ҳақ Мұхаммадийға шак келтирадур.

Чунончи, ҳоло ақлий илмларни ўқуб, илм динни ўқумаган кишиларни кам эътиқодлигидек.

Агарда жуғрофия ўқумасак, дунёға тараққий қилолмаймиз. Дунёға тараққий қилмасак, дин ишларимизни баржой келтиролмаймиз. Мaa фиҳи, жуғрофия ўқугонлар оғиз ила, китоб ва газит ила баҳс қилиб, жуғрофия важҳидин бизни далил ақли ила мулзам қилиб, охири динимизга таъна берадур. Илми динни кам билатургонларимизни бўшатадур. Ҳозир дунёни катта шаҳарларини мактаблариға жуғрофия илмидан ўқутмоқ одат ва лозим бўлубдур. Истанбул, Миср, Арабистон, Ҳиндистон, Русия мамлакатларидағи одамлар ва мусулмонлар бу илмдан ўқумоқни лозим билибдурлар. Русия мактаблариға ўқугон болаларимиз ўқуйдирларки, ер юмалоқ ва муаллақдур, атрофига Кўҳи Қоф йўқ, хўкуз, балиғ йўқ. Ва аларға маълумдурки, Петербургдан бир одам темир йўл ила Валодивостўкға боруб, андан Америкаға парахўд ила чиқиб ва Америкадан яна парахўд ила ерни ул тарафи (ости) ила юруб Франсия мамлакатига чиқиб, яна темир йўли ила юруб, хулоса, Шарқдан боруб Гарбдан Петербургға келиб, 40 кундан кам муддатга ерни бир айланмоқ мумкиндур. Харита – глобус ва ўқутон илмлари юзасидан аларға ушбу сафар ниҳоят маълум ва событ бўладур. Мактабға жуғрофия ўқумаганлар ҳам форсий, туркий тилиға ёзилган жуғрофияларни ўқуб, агарда илми динийдан камхабар бўлсалар, албатта, дини исломға шубҳа қиласидурлар. Энди бу икки тоифа аросига кириб, ер ва осмон тўғрисиндаги нақлий далилларға Fazzолий...дек муҳаққиқлар сўзларини билдиromoқ керак. Токи ёшларимиз ва нодонларимизни эътиқоди суст ва заниф бўлмасун. Бу баҳслар жуғрофияни риёзий, табиий, тарихийни ўқуб билмоқ ҳам уламойи мутақаддимин ва мутаҳоририн аҳли исломни ер тўғрисидаги далиллари ва таъвилот ва истидлол*ларини дикқат қилиб кўрмоқ ила бўладур. Яъни илми тафсир, ҳадис, ҳикмат ва ҳайъати қадима ҳам ҳикмат ва ҳайъати жадида илмларини таҳсил ва тафтиш қилмоқ керак. Илгари замонға ҳукамоларни қашфиётни қайси йўл илаки динимиз ва эътиқодимизига ирод* ва зарар келтурса, уламойи динимиз фавран* ўшал йўлға банди важҳ тайёрлабдурларки, китоблардан маълум бўладур.

Буқунги ҳукамони иродига керакки, буқунги уламо-

миз садду далил тайёр қылсалар, лиҳаза*, аввалан янги ҳукамони барча муддао ва қашфиётү сўзини билмоқ ва таржима қилиб, ҳар ким ўз ҳолича уламоға арз қымлоқ керак, токи алар танқид қилсунлар. Валлоҳ, келар замонга эътиқодимизға зарар келадур. Бас, лозим бўлдики, жуғрофия, ҳайъат илмларини аввал ўқуб, эътиқодимизға муҳолифат қиласатургон жойларға важқ этмоқ керак. Илгари ўтган юонон ҳукамолар сўзини лозим бўлса, китобларимиздан чиқармоқ керак. Ушбу китобни оянда варақлариға «тафсил ва танbih» деган фаслиға ушбу мақсадға тейиши баъзи баён ва шаръий далиллар ёзилгандур, диққат қилинсун. Ҳозир на мулло ва на авомларимизға жуғрофияни берадургон хабари маъкул бўлмайдур. Маъкул бўлса, истеъмолимиздаги баъзи мусулмоний китобларидан кўнгли совийдур. Асл афсуслик жойи шудур. Икки илмдан ҳам кўброқ ўқулса, бу ихтилоф ва иштибоҳлар, таваҳхумлар* йўқ ва яксў бўладур, дини покимизға эътиқод мустаҳкамроқ бўладур. Ерни сайёрглигини билиб, яна дини исломни мунга монийи йўқлигини билса, динга шубҳа қилмайдур. Ҳоло, ерни сайёр деб айтатургонларни хилофи зоҳирни айтадур деб маломат қиладурлар. Жуғрофиячилар бўлса, шундай одамларни нодон ёинки далили қандай далилдур, хилофи нафс ул-амр ва ақлни айтадур деб яна шубҳа қиладур.

Ва икки тараф аросига маънавий бир нифоқ пайдо бўладур. Оллоҳ бу нифоқни йўқ этгай. Туркистон уламолари йигирма йил муддат ўқуб, хатм қиладурларки, беш санаси илм, ибодат ва ақидаға сарф бўлса, бақияси йўқ бўлган ҳукамоюнония ва фарқи золлаи муҳаррирама тарафидан оид баҳсларни жавоби ва ҳасми мағрузани мужодаласи ила ўтадур, яхшидур¹. Мутақаддиминимиз* ҳукамо ва фарқи золаи асриялариға яроқ тайёрлаб, фалон баҳсиға бу жавоб, ул раддига бу истидлол деб далойили ақлий* ва нақлий ила зафар топибдурлар. Ҳозирги замонамизни ҳукамоси ва фарқи зола ва даҳриясини сўзи иродай қашфиёти ақлиёти бус-бутун бошқа. Ва буларга яраша асбоб керакдур. Ҳукамои жадид оламни ҳудус* ва фано*сиға қойил ва аммо бошқа навъ эътиқод ва қашфиётлари борки, ани жавобини ҳама бил-

¹ Маъноси: ...қолгани ўтиб кетган юонон олимлари ва насронийларнинг баҳс ва муҳокамаларига жавоб бериш, муҳолифларнинг фикр-мулоҳазалари билан баҳслашишга сарф бўладики, бу яхши, албатта.

моғи лозимдур. Матлабимиз жуғрофия эди, фалсафа ва қалом тарағыға мойил бўлганимни кўрдум. Бу сўзларни биз ўзимиздан айтмай, балки мусулмоний китоблардан баъзисини олиб ёздук, баъзисини кўрдук, баҳс ва жавобини бошимииздан ўткардук.

Эски ва янги донишмандлар

Ер ва осмон тўғрисиға илгаридаги юноний уламолари ила ҳозирги Оврупо донишмандларини аросига фарқ кўбдур. Юноний ва румийлар барча осмонлар Ерни атрофиға айланадур. «Ер – маркази оламдур» деб қарор бериб эдилар. Аларни баъзиси Ерни ялпоқ ва охири йўқ, атрофи Қоф деган тоғ ила иҳота бўлган, ерни тўртдан бириға одам туратурғон жой бор, бақияси номаълум ва ул тарафи жин ва париларга тейишли деб айтарларки, юноний ва ибронийларни шул тариқа сўзу ҳикоятлари ҳаммаға ёйилғандур.

Эски одамлар ерни етти иқлим санар эдилар. Ўшал қадима қоидаларига қараганда иқлимни адади юзға турмай ўтадур. Охирги вактларға бошқа қоидалар юзасидан иқлиmlарни тақсим қилиб юрмоқ бефойда чиқди. Эски ҳукамолар ҳозирги катта беш бўлак қуруқ ердан икки парчасини асло билмай, ҳатто, билатурғон уч парчани ҳам баъзи жойларини билиб, четларини асло билмас эдилар. Бовужуд, шул эски юноний ва ҳинди斯顿ий ҳукамолар ер ялпоқдур, охири йўқ, фил ё ҳўкуз устиға деб ҳар хил сўзларни айтиб эканлар. Бир кўлға эски юноний ва ибронийлар Қафқоз, яъни ҳозирги Кафқоз тоғини шарқи тарағидан бехабар ва шул тоғни муҳити оламларни билар эканлар. Ерни сокин ва доим турғувчи гумон қилғанларидан кўз ила кўрунгувчи беш сайёрани, Ой ва Офтобни «сабъаи сайёра» деб атар, ҳар бириға бир осмон ва юрмайдурғон юлдузларға алоҳида бир осмон ва яна бу саккиз фалакни устиға юлдузсиз бир фалак бор деб, жамъи тўқкуз фалак ё тўқкуз осмон қарор бериб, осмонлар ниҳоят тезлик ила ўзларига ёпишган юлдузлар ила бирга Ерни олти жиҳатидан йигирма тўрт соатға бир мартаға айланиб бўладур, деб ҳукм қилиб эканлар. Шул тоифани «аҳли ҳайъати мутақаддимин»¹ аталадурки, аларни каттаси Батлимус ҳакимдур. Бизни китобларға «тўқкуз фалак – на тоқ,

¹ Аҳли ҳайъати мутақаддимин – қадимий астрономлар.

на равоқ» деб ёзилган, түккүз фалакни илгаридаги юнонин, румий одамлари тахмин ва эътиқод қылгандурлар. Ва ҳам ушбу осмонларни «қаттиғ нимарса – салб» деб айттур эканлар. Аммо биз мусулмонларни эътиқодимизга осмон еттидурки, Куръони шарифга «сабъи самовот» хабар берилгандур (агарда қавли* ҳаким ҳеч керак бўлмаса мусулмон удабо ва шуаролари на учун «түккүз фалак ва ток...» деб китобларни тўлдирдилар). Аҳли ҳайъати мутаохирин¹ Ер, осмон ва юлдузлар тўғрисига бутун бошқа баён ва далил келтирадур. Қадима ҳукамони эътиқод ва тахмини беасбоблик ва ер юзини ҳама жойини кўрмагонликдан бутун «ғалат»*тур, деб юзлар, минглар ила далил кўрсатадурларки, ҳайъат ва жуғрофия илмидан хабардор юз минглар ила мусулмон ва милйўнлар ила файри мусулмонға маълумдур. Янги, яъни беш юз йилдан бери пайдо бўлган ҳукамолар хоҳ мусулмон ва (хоҳ) файри мусулмон бўлсун, айтадурки, Ерни юмалоқлиги ва ҳавоға муаллақ туриб юмаламоги офтобдек маълум ва шубҳа йўқдур, ани билмоғи жуғрофияни риёзий илмини ўқумоқ ила бўладур. Биз бу китобға андан озгина баён қиласмиз. Ҳозирги мусулмон уламолари Ерни ҳаракати лўнда ва муаллақлиги дини ислом далиллариға зарар келтурмайдур, деб арабий, туркий тиллариға бир неча китоблар тасниф қылгандурларки, «Маърифатнома» («Таҳофат ул-фалосафа»...), «Танқид ал-осор» «Ҳайъати жадида усулини нусуси* шаръийяға тадбиқ»* ва бошқа китоблар шу жумладандур. Хулоса, янги ҳукамолар эски ҳукамоларни бир неча сўз ва эътиқод ва қарорларини ғалати ва нотўғриликға чиқордилар. Дарвоҷеъ, хилоғи нағс ул-амр² дур. Они учун бизни баъзи китобларимизни сўзи ё мўътабар китобларимизга ҳукамони қавлу* истиддол* идин ёзилган шарҳ ва тамсилу ҳикоятлар «нақл астки, ривоят кардаанки, овардаан ки, ва-қийл, гуфтаандки»³ деган сарлавҳалар ила ёзилган сўзлар, яъни ҳайъат, ҳикмат, тарих китобларидан олиниб, мусулмоний китобларға ёзилган жумлалардан баъзиси хилоғи зоҳир ва ялғон чиқиб қоладур. Буларни ялғон чиқиши қадими ҳайъат, ҳикмат, жуғрофияни баъзи жойи тағыйир топилганиданур...

¹ Аҳли ҳайъати мутаохирин – сўнгти давр астрономлари.

² Хилоғи нағс ул-амр – моҳиятан зид.

³ «Айтадиларки, ривоят қиласиларки, келтирадиларки ва шундай дейдиларки».

Бир неча асрдурки, янги асбоб ва илмлар пайдо бўлиб, илм ва фан тараққий қилди. Дурбин, хўрдабин*, болун*, парахўд, тилгироф, симсиз тилгироф, дengиз ичиға чўқиб кетатургон, ҳаво юзига учиб кетатургон кемалар, минглар нав ҳикмат мошиналари ва бошқалари ижод қилинди. Бу асбоблар ила аҳволи Ер ва осмон ва ажром* аввалги асридан кўра яхшироқ билинди. Эски ҳукамо замонига нишонсиз асбоблар чиқди. Они учун эски ҳукамо саҳвини очиқ-очиқ билдирадур. Янги ҳукамолар ерни сайёр, яъни офтобни атрофиға юргувчидур, офтоб бўлса «Ва-ш-шамси тажаррил мустақар лиҳа» оятини хабарига мувофиқ ўз меҳварига мустақарриға* айлангувчидур. Юлдузлар ва Ер Офтобни ўзига нишон тутуб, они атрофиға айланадур ва шул ҳисоб юзасидан Офтобни мағрибдан чиқиши дурустдур, деб қойил бўлдилар. Бу олам йўқ экан, сўнгра ҳалқ бўлиб, боз йўқ бўладур. Фақат Ер эмас, бошқа юлдузлар ҳам йўқ ва фано бўладур деб «Худуси фано»га икror бўлдилар. Бовужуд шул буларни ҳам баъзи сўzlари динимизга баҳс еткурадур, ани учун уламомизга лозимдурки, ҳозирги ҳукамо сўзини билиб, дин тарафидан жавоб ва китоб тайёр қилсунлар, ҳамчунонки эски ҳукамоларни жавобига раддиға ўтган уламойи динимиз жавоб ва китоб тайёр қилдилар. Буқунги ҳукамоға эски ҳукамо учун тайёр бўлган жавобларни баъзиси раддия тушмайдур. Шул важҳдан уламомизни билмоқлари учун янги аҳли ҳайъат ва ҳукамоларни баъзи сўзини ушбу китобга ёздим. Ҳаммасини ёзмоқға агарчи, биз роқими ҳуруф, ҳикоячи бўлсанм ҳам. Яна такфир* тошларидан кўрқиб ёзмадим. Ҳам бирдан ёзиб бўлмайдур...

Янги ҳукамоларни сўзидан намуна

Аҳли ҳайъати жадида, яъни янги ҳукамолар айтадурки, Офтоб дунёни ўртасига ҳалқ бўлубдурки, Аторуддан бошлаб қадима беш сайёра ва янги топилган икки сайёра ва кўз ила кўрулмай, янгидан дурбин ила топилган уч юзга яқин сайёralар ва буларни ичиға биз устиға турган Еримиз Офтобни атрофиға ҳар бири ўзига тейишли доира – айланасига айланиб юрадурлар! Еримиз Офтобға нисбат учланчи сайёра (юргувчи юлдуз)дур. Юргувчи юлдузларни ҳаммаси бенур ва ёруғликни Офтобдан оладур. Барчаси ва ул қаторға бизни Еримиз ҳам ҳеч бир нимарса устиға турмай, тегмай

(маркуз* бўлмай, жисми саблға ёпушмай) барчаси ҳавоға муаллақ ва Офтобни тортқич – жозибасига гирифтор бўлуб (яъни Олло таоло ҳалқ қилғон ва ҳукамо тилинча қонуни жозиба сабаби ила) ўзларига тейишли айланма майдонни ҳавоға айланиб юрадур. Офтоб ҳам бирор нимарсаға марказ (михланган) эмас, фазо, яъни Худои таолони ҳалқ қилғон бўшлик дунёсиға ҳам ҳаракат меҳвари ва ҳам ҳаракат жараённи ила дўнадур – юмалайдур. Гунбадға* ўхшаган қаттиғ тўқуз осмон маълум бўлмайдур. Барча ажроми самовий, яъни осмоний нарсалар (кўк–бўшлик), яъни фазои лотиноҳо алҳийя Худони майдони қудратига балиғни сувға сузуб юрганидек, доим ҳаракатғадурлар. Барча осмонни нимарсалар ўзиға тейишли низом ила Офтоб атрофиға айланниб юруб, қоида бўйинча охири барчаси олдин ва кейин фано (йўқ) бўлуб, бузулуб кетадур. Офтобни нури ҳам охири кетиб бўлуб, бу олам ҳозирги ҳолини йўқотиб казо, казо бўладур. Боз бир тарафдан бошқа оламлар пайдо бўладурлар! Аммо мазкур ҳукамолар ҳозирғи дунёмиз нега ушбу Офтобға тобеъдур, ҳалқ бўлғонидан бери ушбу кунғача ва яна йўқ ва фано бўлатурғон вақтингча қоидаи ҳайъати жадида ила ҳисоблаб, дадиллар тайёр қилгандурларки, баъзиси Куръон ва Ҳадис хабариға тўғри ва баъзиси тўғри келмайдур. Ҳозирги мисрий, туркий, нўғойи уламолари ҳайъати жадидаи ҳукамоларини тайёрлаган китобларини ўқуб, билиб ва баъзи китоблар ўз тарафларидан қилибдурларки, ҳозирги ҳукамони баъзи сўзи айни шаръдур. Ва аммо, афсуски, ўшал китобларни ўқумоги бизни Туркистонға тезлик ила расм бўлмайдур. Янги ҳукамолар осмондаги юлдузларни аҳволидан эскилардан кўра яхшироқ огоҳ бўлубдурлар. Чунончи, айтадурларки, юлдузларни баъзиси бизни еримиздек тош ва туфроқлик, қор-ёмғурлик нимарсалардур. Мирриҳ (Марс) юлдузини устиға туфроқ, тош, ўт, сув, гиёҳ, булат, ёмғур, қор бордур. Мирриҳни гиёҳлари қизилдур. Аввалги асрларфа йўқ экан, ўтган аср ичига Мирриҳга икки қанал (катта ариқ) пайдо бўлубдурки, режа тортиб қозғондек тўғри ва иккисини ароси уч юз чақиримдан зиёда. Узунликлари 5000, эни бир юз чақиримдур. Буларни қозилиши илми ҳандаса ва режаға мувофиқ бўлғон учун, ҳукм қиладурларки, албатта Мирриҳга одам бор ва илми бизлардан зиёдадур. Одам бўлмаса, бу икки катта ариғ

қандай тартиб ила тайёр бўладур, деб хаёл қиладурлар. Дурбин ила Миррихга қаралса, денгиз ва дарёларини тошқуни ва суви тортилгони ва қанча қуруқ ерини сув босгани маълум бўлуб, ер юзидағи тошқунлардек муқаррарий фаслларга бўладур. Миррихни еримизға яқин келатургон вақтлари бўладурки, ўшал ҳолатға дунёдаги барча расадхоналар, Миррихга расад ва катта дурбинлар ила қараб диққат қиладурлар. Бизни Ерни қутблари доим қор остиға ётгандек, Миррихни қутбларини қори ҳам асло кетмас эмиш. Они бир кеча-кундузи 24 соатдан зиёда ва бир йили бизга қарийб икки йил бўладур. Ўзи еримиздан олти марта кичик ва кеча-кундуз, ёз-қиши, казо-казолари бордур. Ой (қамар)и икки адад эмишки, ҳар оқшом бири фарб, бошқаси шарқидан чиқиб ярим оқшомға Миррихни осмони (үфқи) ўртасиға икки ой бир-бири ила йўлуқуб, ҳар бири ўз мағрибиға кетиб, бир кеча-кундузиға бир даврасини тамом қилас эмиш. Ҳозирги ҳукамолар ўшал Миррих ойларини хусуф, яъни тутулишини Ердан туруб ҳисоблаб, мунтазир бўлуб вақтиға кўрадурлар. Сайёра, яъни юргувчи юлдузларни ҳаммаси қаронғу ва нурни офтобдан оладур. Бизни Еримиздек бошқа юлдузға одам бўлса, бизни Еримизни ҳам юлдуздек ёруғ кўрмоқлари тайиндур. Янги ҳукамолар ялғуз Миррих эмас, барча сайёralар аҳволини таҳқиқлаб, воқиф бўлибдурлар. Ҳар бири тўғрисиға ажиб баёнлари бордур. Ялғуз Миррихни барча ахборотини далиллари ила ёзмакға беш-ўн варақ лозим. Ани учун шугина хабарни таржима қилиб, бошқаларини аниқ билмоқ учун ҳайъати жадида китобларини ўқумакға кераклигини арз қиласман. Ўзумни форсий тилиға ёзғон ҳайъати китобимни, Худо еткурса, бостуруб чиқорсан, ниҳоят муфассал ва очиқ баён ва юлдузларни аҳволи ва хабари анда ўқулса керак. Туркчани билатургонлар Истанбул, Қозон китобфурушларидан ҳайъати жадида китобларини талаб қылуб, ўқусалар, баҳра топадурлар. Миррихга Ердек одам борлиги, казо-казолиги дини ислом хабарларига зарар еткурмай, балки наф еткурса керак. Чунки баъзи уламо ва тафсир қылғувчилар Ерни етти қабат ва баъзилари етти адад, ҳар бириға ҳайвон ҳалқ бор деб ёзғандурлар. Ҳоло ҳукамолар барча юлдузларни таҳқиқлаб, ўз ҳаёлларича билган киши бўлуб қаҳқашон (сомон йўли)даги оқ-оқ булатгана ўхшаган ва яна кўз ила кўрунмай, дурбин

ила күрунатургон «булут парчалари» түгрисинда таҳқиқ бошлаб, ўшал парчаларни ҳар бири бизни олами шамсдек милйүнлар олами шамсни қабатма-қабат, устма-уст турганлари ва мунча нуроний нимарсаларни, ниҳоят биздан узоқға турганлари сабабидан бизга абр шуъласидек күрунса керак, деб қоида юзасидан ҳисоб қиласурлар. Бу сўзлариға қараганда милйүнлар ила офтобу олам бўлиши лозим келадур. Офтобға нисбат саккизланчи сайёраға илгари маълум йўқ эди. 1346 санайи милодийға топилган Нептун сайёрасини офтобдан узоқлиги 4175 милйүн чақирим ва бизни Ердан саксон беш мартаға катта ва доирасини катталигидан бизни 165 санамизға бир мартаға Офтоб атрофиға айланиб бўладур. Бир дона қамари бордур, казо-казо деб ҳукм қилгандурлар. Офтобдан сўнгра осмонға бизни назаримизға катта кўрунатургон нимарсани бири Ой эдикі, эски ҳукамолар иккинчи сайёра ҳисоб қиласар. Янги ҳукамолар Ойни сайёралик мансабидан тушуруб, Ерни тобеъи деган исмни қўйдилар. Курраи қамар устидаги тоғ, сой, чўл, ўчган тоғлар¹ ва дараларини дурбин ила таҳқиқлаб, ўлчаб, плонини олдилар. Ҳар жойига кераклик ва муносиб исмлар қўйдилар. Бу янги ҳукамоларни қилган ишларини ўн бу қадар ва эллик мунча китобқа ёзилса ҳам тамом бўлмайдур. Бу тафийрот ва табдилот янги ишлар ва ажойибларга сабаби илм, тажриба ва саъидур. Ҳикмати илоҳия ила халқ бўлғон* Ердаги нимарсалар табиатини фаранг ҳукамолари юноннийлардан яхшироқ билдилар, яхши ва саъй ила ишладилар. Ҳикмати табияя илмини яхши тажриба ила ўқудилар. Они учун ойлик йўлни кунға, йиллик хабарни дақиқаға юрмоқға, келмоқға асбоб тайёр қилдилар. Шул тариқа осмондаги нимарсаларни билмоқ учун ажиб асбоблар тайёрладилар, яъни назариёти илмияни тажриба ила бадиҳоти амалияға солиштуруб, амалға киргузгонларидан тилгироф, тилифўн, тилгирофи ҳавойи, парахўд, темур йўл, болун, телескўп, микроскўп, казолар чиқардилар. Ва ушбу асбоблар сабаби ила Ер юзига бутун ғалаба қилдилар. Шул тариқа осмон тўғрисиға ҳам асбоб или эски ҳукамолардан яхшироқ илм ҳосил қилдилар. Ҳоло тилгироф ва темур йўлни натижага ва хосиятидан бехабар бир одамға баён қилинса, ҳеч-ҳеч бовар қилмайдур, ишонмайдур, балки кучи етса урадур. Мунча

¹ Ёнартоғлар, вулқонлар дейилмоқчи.

жаҳли бор экан, албаттa, ўлдурадур! Орий, кўрмагунча ишонмайдур, кўргандан сўнгра, то ўқумаса билмайдур. Яъни у нодон, жоҳил, замондан, табиати ашёдан, подоши саъйдан... бебаҳрадур. Илгари замонларга осмондаги юлдузларни, от, айик, ҳўкуз(ни) баъзилар Худо деб атадилар, парастиш қилдиларки, илмни камлигидан экан... Ҳозирги илм ва асбоблар илгариги замонга бўлса, шундай букупни ишлар, ҳақиқатлар, бадоҳатлар кўб илгари шоён бўлар эди. Букупнига балки қандай тараққий қилар эди. Агарда бу замонга ҳам илм бўлмаса эди, осмон, Ер ва ашё тўғрисиндаги сўз ва баҳслар қадима ҳолига турар эди. Чунончи, бир чўпон ва бир тоифаи саҳрои беилм ва бефандан сўралса, ашё ва олам тўғрисига 2000 йил илгари ёзилган афсона ва кўрулган тушларни айтиб ва инонадур, нафс ул-амрни* ялғон биладур. Ўзиға, динига ўз нодонлигидан таънани сотиб оладур. Ҳазрати Имом Муҳаммад Фаззолий алайҳи раҳматул-борийни марҳамат қилганидек, дўсти нодон (садиқи жоҳил) сифатига кириб, нодон мусулмон дини исломга заар келтирадур. Олло таоло шул тариқа нодонликдан бизни сақлагай, омин...

Янги илмдан бехабар уламоларимиз... чуқур ўйламай, бизга ўхшаш ноқилларни ямон кўруб, ямон кўз ила қарайдурлар. Билмайдурларки, эски ҳукамо ва ҳайъатчи ва сайёҳларни сўзи «ҳикоят» мақомига тафсирларимизгача сўқулгани учун «Ояти файласуф сўзидур, ҳаким ва роҳиб каломидур» деб баҳс қилатургон ҳозирги баъзи аҳли замонимиз ва ажнабийларга биргина далил ва кам илмлар олдиға дастаи ҳужжат бўладур. Шул сабабли асотири аввалин (эски афсоналар) ҳисобига кирган сўзлардан китобларимизни тозаламоқ керак деб гоҳ-гоҳ олами матбуотга довуш (садо) эшитиладур. Тақсирлар, бу сўзни фақат ман айтганим йўқ, мусулмон донишманлари айтадурлар.

Дарвоқеъ, ҳайъати жуғрофий, ҳикмати табияя ва казоқазони билатургон ёшларимиз, ҳақиқати исломдан бехабарларимиз эски афсоналарни мусулмон китобларига кўруб, мусулмон китобларидан эътиқодлари бўшайдур. Кейинги вақтга шундай кам эътиқод ёшларимиз тез кўзга кўрунадур. Энди мунга бир даво чора лозимдур. Худоға шукрки, яна чораси эски ва янги илмларни ўқумоқ ва саъи қилмоқ ила бўладур. Аммо афсуски, эскиларимиз, хусусан, Туркистонга

эски ҳолға ва янгиларимиз ўз рафтторлариға бир-бирларидан хабарсиз ва балки нафрат қиладурлар, тонимайдурлар. Эй азизлар, эски ва янгилар, бир-бириңгиздан хабар олмоқ ва фикрингиз, илмингиз, иштибоҳингизни айтмоқ, эшитмоқ, дардингиз давосиға чора ахтармоқингиз лозимдур. Валлоҳ, бу ҳолат ила биз кундан-кун зоҳирان ва ботинан кейин қолармиз. Кошки фақат ўзимиз кейин қолсак, балки аҳкоми диниямиз кейин қолгандек, эътиқодимиз ҳам кейин қолиб дунё ва охиратға зомин ва масъул бўлармиз. Олло таоло барчамизни безътиқод ва нодонликдан сақлаб, илм ва хабардан bonaсиб этгай. Лекин ялғуз дуо ила бўлмас, саъй ва гайрат лозимдур...

Ер айланганда устидагиларни йиқилмаслиги

Мақнатус, яъни оҳанрабо темурни, каҳрабо сомонни ўзиға тортиб сақлаб турган нимарсалар ҳар кимға маълумдур. Мақнатус ва каҳрабоба темур ва сомон парчаларини тирмашган ва турган жойларини, агарчи паст тарафға ағдарилса ва айлантура берилса, остун-устун қилинса ва ҳар қандай ҳаракат берилса ҳам тирмашиб туруб тушмайдур. Яъни мазкур икки нимарсани зотидаги ҳалқ бўлган қувваи жозибаси юбормайдур. Модомики, аларни қувватидан зиёдача бир қувватга тобеъ бўлмасалар, ўшал темур ва сомон андан айрилмайдур. Бу тариқа қувваи жозиба Ер, Офтоб ва барча юлдузларға ва ҳатто, барча ашёга бақадри жисм ва ҳоли бор. Аммо баъзига кўб ва баъзига оз эмиш. Яна бир қувваи доғеъани* борлигидан бу курраларни Офтобки, ҳаммадан катта ва қуввати кўб ва зўрдур, тортиб ололмайдур, агарда ҳозирги масофатидан яқинроқ бўлса, Еримизни Офтоб ўзиға тортиб олмоқи қоидадандир...

Атроф*. Жиҳоти* аслия. Харита. План

Кутб шимолий юлдузи, яъни Темур Қозиқ тарафи «шимол» жиҳати ҳисобланадур. Ани ўнг тарафимизга олиб, кун ботишға қараганда, юзимиз «ғарб», орқамиз «шарқ», чап қўлимиз «жануб» тарафлариға бўладур. Қибланамо (компас) деган асбоб шимол тарафини бизға кўрсатадурки, андан иқлим ва мавзеига қараб қибла тарафини тахмин қилинадур. Аммо ер юзини ҳар иқлим ва қитъасиға қибла тарафи

бошқа ва бир-биридан фарқликдур. Чунки баъзи мамлакат Байтуллони шарқ, баъзи гарб, баъзи шимол ва жануб тарафларигадур. Ани учун ер юзидаги мамлакатларни қибласи бошқа-бошқа тарафларга мойилдур. Ушбу шарқ, гарб, шимол, жануб тарафлари «жиҳоти аслия» аталадурки, бир харита ё планға қараган одамни кўзини юқориси шимол, қуий тарафи жануб, ўнги шарқ, сўли гарбдур.

Бу тўрт жиҳати аслия аролариға яна тўрт жиҳоти фарьиия* борки, тўрт жиҳатни кунжи хукмигадур. Шарқи-шимолий, гарби-шимолий, шарқи-жанубий, гарби-жанубий аталадур...

Мунча бизни фикру ақлнимизға сифмайдургон дунёни ер юзи шаклини бир тахта коғаз устиға нақш қилибдурлар, деган ҳолға ушбу катта дунёни қандай бир тарроҳ*, аккос*, планчи юруб, неча муддатга нақша*сини олди? деган савол келадур. Бир аккос, бир планчи эмас. Минг-минг устодлар, сайёҳлар, муҳандислар дунё юзига аввалдан, хусусан, беш юз йилдан бери пайдар-пай, доим юруб, ўлчаб, ёзиб оҳис-та-оҳиста ҳозирги мартабасига жўғрофия илмини ва дунё нақшасини келтурдилар. Аммо катта бир қитъа ёинки бир ботмон ерни бир тахта коғаз устиға планини кўрсатмоқ тариқаси шудурки, масалан: бир ерни узунлиги 60 сажин, эни 40 сажин экан, ушбу тул ва арз масофатларини бир варақ коғаз устиға 60 сажин ўрнига 60 нуқта масофатини кўрсатган ила фаҳмланмаги, «тарсим»* қилинмоқи мумкиндур. Ҳар бир план, харита устиға охириға бир узун хат тортилган ва устиға бир неча сифр ва рақамлар борки, «миқёс» («маштоб»)¹ аталадурки, ўшал харитадаги мамлакатни асл вусъатидан ушбу харита қанча мартаба кичикигини билдурадур. Чунончи, бир жойни тули юз чақирим экан, коғаз устиға бир вершўқ хат узунлиги бор ва харита охириға, «бир вершўқ юз чақиримдур», деган ишора ва миқёс бордур. Мазкур харитадаги мамлакатта тоғ, рўд, шашарлар ҳақиқат ҳолға бўлуб, яна ушбу харита устиға ишорат — аломат кўюлганки, ушбу миқёс қоидаси ила мазкур тоғ ва наҳр ва шаҳар мамлакатни қаю тарафиға, узунлиги қанча, эни қанча, наҳр қаю тарафиға оқадур?... ҳама ушбу миқёс ва мезон ила фақат харита юзасидан билинадур. Муфассал харита, планлар бордурки, тоғларини баландлиги,

¹ Масштаб дейилмоқчи.

тошларини хосияти, ҳайъати, нахрларини чуқурлиги, ба-лиғларини камаригача күрсатадур. Яъни ниҳоят муфассал хариталар борки, мамлакатларни, тоғ ва нахрларини тул ва арзи саҳин^{*}и, ҳавоси чуқурлиги, дараларини масоҳати, ма-софати, әқилатургон зироат ва гиёҳлари, иссиф ва совуқ-лигини ишорат қилингон ва тортилғон хатлари ила дара-жай тул ва арзи ва они сабаби ила ўшал мамлакатни кечапа ва кундузини узун ва қисқалиги, ёз ва қишиларини бўлиши, алҳосил аҳволи жуғроғияси авзои табиат, иқлим об-ҳаво-си, денгиз юзидан паст ва баландлиги бутун-бутун фақат харитаға қаралған ила билинадур. Ҳатто, ул мамлакат халқ-ларини жинс, мазҳаб, миллатларини бошқа-бошқа ажратиб билдиратургон хариталар бордур. Аммо ўшал хариталарга боқиб, аҳволи арз ва мамлакатдан воқиға бўлмоқға баъзи илмдан хабардорлик керакдур. Харитай хусусия, умумия, тўпўғроғия, заўлўжия, табиийя, баҳрия, зироия, этнўграфия, казо-казо аталадурки, ер юзидаги нимарсани ҳар би-рини аҳволидан баён қилгувчи хариталарни оти бошқа бўлуб, ушбу тарийқа хариталарни анвоъ ва аъдоди кўпаядур. Одам-ни шаклу ҳайъатини нақадар катта ё ниҳоят кичик қилиб кўрсатмоқ сураткашларга мумкинлигидек, илм аҳлиға ерни шаклини истаганларича кичик қилиб кўрсатмоқ мумкин-дур. Аларни миқёслари дюйм ё вершўклари минг чақирим, ўн минг, юз минг чақирим, бир узун масофатга ҳам эваз бўладур. Аммо харитани кичигидан каттасини яхши ва му-фассаллигига ва фаҳмға яқинлигига сўз йўқдур. Бир неча хариталарни бир жамлаб, китоб шаклига тайёрланган бўлса, атлас аталадур.

Хукумат ва ҳукмронлар

Ер юзидаги бадавий ва маданий халқларни ҳукмдор ва сардорлари бўладурки, бек, амир, шоҳ ва бошқа исм ва лугатлар ила атайдурлар. Ҳар бир тилға ҳукмдорларни луга-ти бошқадур. Оврупо халқи императўр, қирол, дўқа, принс, президент, кеназ, тсар ва бошқа лугатлар ила атайдурлар. Бу лугатлар ила аталған ҳар бир ҳукмдорни мартаба ва хуку-мати бошқа навъдур. Ҳозирға фаранглар ўртасига мўътабар уч қисм ҳукумат ё ҳукмронлик бордур. Биринчи – идораи мустақилла (идораи мутлақа)ки, они устидан қарагувчи подшоҳ соҳиб ихтиёр ва ҳар бир рои ва амри закўн ва

низом бўладур. Амри, ҳукми, ройи* ноғиздур*. Қўл остидаги барча мажлислар, маслаҳатхоналарни иттифоқи, хоҳиши, ҳукми ўшал императўрни мустаҳкам қилиши имзосига мавқуф*дур. Шундай императўрларни янгидан мансуб бўлиши ҳар бир давлат ва ҳукуматга муқаррарий қонун ва одатлар бўюнча мерос ёинки валиаҳдлик қоидалари ва ўшал ҳукуматни қўйган тартиб ва тадбирига мувофиқ бўладур.

Иккинчи қисм – идораи машрута ҳукмронлигидурки, бу ҳукуматга тобеъ одамлар аксари аҳли илм ва хабардурлар. Эл ва уруғлари илм, хунар ва дунё ишлариға тараққий қилгандурки, шул тариқа фуқаролар ўз ароларидан инсофлик, илм ва дунёдан хабарлик одамларин ўзлариға катта ва бошқарғувчи вакил сайлайдурлар. Шул тариқа сайланган вакилларни подшоҳ жамлаб, муқаррарий маҳкамаларга, мамлакатдорлик ишлариға аралашиб, машварат ила тузатилмоқ ва муҳофазат қилмоқға кўз бўлмоқлари учун қарор берадурки, аларни мажлис ва маҳкамаларини «миллат мажлиси», «маслаҳатхона», «парламенту», «гўсударски дум», «мажлиси синодий», «эл мажлиси» деган исмлар ила ёд қилинадур. Яна баъзи маслаҳатхоналар борки, маслаҳатбошиларни, ҳукмдорларни ўзи тайин қиладур. Ушбу «миллат мажлиси»ни чилонлари машварат ила мамлакатдорлик ишлариға аралашиб, низом ва қонун тузатиб, ҳукмдор ва подшоҳларни қилатургон ишлариға аралашадур. Подшоҳ бу мажлис амрига тобеъдур. «Мажлиси мабъусон»* ни ройи бўлмагунча катта ишларини бошланмоқига амр ва ҳукм қилолмайдур. Хулоса, императўр соҳиб ихтиёр бўлмай, дурустроқ ишларга қонун ва низомларни чиқарилмоқига бутунила мажлисга тобеъ бўлуб турадир. «Идораи машруга»ни тариқаси шудур.

Учунчи қисм «Идораи жумхурият»дурки, аксар фуқароси аҳли илм бўлуб, бу аҳли дониш аҳолини сайлаган вакиллари баъзи ҳукуматга етти йилғача ўз мамлакат ва ҳукуматларини бошқармоғи учун ўз ароларидан бир нафар донишманд одамни бошлиқ сайлайдурларки, «раиси жумхурият», «садринишини миллат», «перизидент» аталадур. Бу раис гўё бир оризи* омонат подшоҳдур. Ҳар бир ҳукм ва амр ва тартибни мамлакат ва кўбға тааллуқ ишни «Миллат мажлиси»ни қилиб бергон дастуруламал, яъни қонун ва низомномалариға мувофиқ қилиб, бутун элға тобеъ бир кишидур. Ҳар бир ишга «миллат мажлиси» ҳукмиға тобеъ, аларни ҳукму талабларини ўрнига келтургувчидур. Бу икки

тоифани подшоҳи баъзи мамлакатга «Элға тобеъ бўлуб турарман» деб қасам ичиб, баъд мансабға чиқадур. Катта вазирлар мамлакатдорлик мутасаддиларини тафтиш қилмоқға – терговга бермоқға, ҳатто, ўшал соатга бирдан бекор қилдурмақға баъзи миллат мажлисларини ихтиёри бордур. Ҳозирги Оврупо ҳукуматларини рафттори*, одати шу уч усулни бирига дохил, тобеъ ва мувофиқдур. Мустақил ҳукмдорларни кўл остига ҳам мажлислар ва машварат маҳкамалари бордур. Илмсиз ҳукуматлардек неча милйўн халқни майшати, рафттори, ихтиёри бир нафар одам – подшоҳни ихтиёр ё ройи ва ҳукмиға йўқдур. Бир нафарни ақли, фикри или ўн нафар аросига на қадар фарқ бордур? Ушбу сабаблардан-дурки, озгина Оврупо халқи бутун курраи арзға ҳоким ва мутасарриф*дурлар. Сабаб ҳукумат, илм ва давлат, қонуни мусовот*, машварат ва тадбирдур.

Дин ва одат

Бани одамни ҳама фирмә ва тоифаси ушбу олам ва барча одам ва ҳайвонларни ҳолиқи борлигига икror, аммо сонеъи олам¹ илми, худошунослик, яъни эътиқод тўғрисинда ҳар тоифа ва ҳар миллат ва мазҳаб аҳлини эътиқоди бошқадур. Илм ва ҳидоят топган фирмалар Оллоҳ таолони бемисл ва бешерик ва бир биладурки, шундай фирмани муваҳҳад* атай-дурлар. Оллоҳ таолони бир билмай, адад тайин қилатургонларни мушрик* ёинки мажус аталадур. Муваҳҳад ва мушрик фирмаларини ҳар бири яна бир неча дин ва ҳар бир дин бир неча мазҳабларга бўлинниб кетгандур. Ҳатто ҳар бир дин ва мазҳабларга бир неча одат, расмлар қўшилуб, агарчи, ҳақиқатда муҳолиф мазҳаблари бўлса ҳам одат бўлган учун айни мазҳаб саналиб, амал қилинадур. Муваҳҳад, яъни Худони бир билгувчилардан биринчи: ҳазрати Муҳаммад алайҳисса-ломни пайғамбар ва расули Худо ва хотами набийюн, деб имон келтируб, чин инонган фирмадурки, аҳли ислом – мусулмон мұхаммадий аталармиз. Ҳозир дунёға уч юз милйўндан зиёда мусулмон бормизки, ушбу ададни учдан бири мусулмон ҳукмронлари кўл остига ва бошқаси насоро ва мажуслар кўл остига ва бу хон ва амирлардан аксари беилм ва баъзиси насоро давлатларини ҳимоятиғадур. Иккинчи қавм

¹ Оламнинг яратилиши.

ҳазрати Исо алайхиссаломга: булар мұваҳҳад ва китобийдурлар, «исавий», «насоро», «христиан», «аҳли салиб» аталадурлар. Ҳоло, дунёизға буларни адади түрт юз милийнча тахмин қилинадур. Ер юзини аксари бу фирмәни тасарруф ва тасаллутига* ва ҳоло дунёизни мұтасарриф озғириси ва голиби шулардур. Насоролардан бошқа күчлик ва дунё тұғрисиға тараққий қылғон ва илмлик халқ йўқдур. Учунчи – ҳазрати Мусо алайхиссаломни қавмидурки, «яхудий», «мусавий», «ибрій» аталадурлар. Булар ҳам мұваҳҳад ва китобий ва аммо хейле озайғанки, ҳозирға адади ўн милийнчадур. Бу халқ озоз ҳар бир мамлакат ва ҳукуматға бор ва тобеъ ва ўзларидин ҳукмронлари йўқдур. «Мушрик ва бутпараст», яъни мажуслар, китобсизлар дунёға ҳама аҳли китоб ва мұваҳҳаддан кўбдир. Ададлари саккиз юз милийнча тахмин қилинганды, бу даҳи «браҳма», «мажус» қисмларига аталиб, навъ-навъ фирмәларға бўлинуб, мазҳаблари кўпаядур. Булар оташ, кун, юлдуз, ҳайвонот, маъданиёт, набототдан ясалган суврати санамларға парастиш* қиласурларки, барчасини «мажус», «абди асном»*, «бутпараст» аталиб, китобийларға муносабати йўқдур. Юқоридаги уч фирмә китобийлар бир-бириға яқин шаръян ва муносабатликдурлар. Яна «даҳрий» деган тоифа оз-оз борки ибодат қилмайдур. Аҳли ислом Оврупо қитъасини жануби-шарқий ила шимоли-шарқий тарафларига, Осиёни ўрта ва жанубий тарафлари ва жазираларига, шарқий ва гарбий жиҳатига, Африқони шимолий ва ўрта жиҳатларига сокин* ва мунташардурлар*. Амриқ ва Австралиё қитъаларига ҳам мусулмонлардан бор. Аммо Амриқоға кам ва Австралиёға кўбдур.

Христианлар Оврупони ҳама жойиға ва бошқа қитъаларни баъзи жойларига мунташардурлар. Мажусларни аксари Осиёни шарқига, Африқони жанубига сокин ва дунёни аксар жойларига мажуслар бордур. Дунёға уч мингдан зиёда лисон – тил ва бир мингдан зиёда дин, мазҳаб борки, ҳар бири ўзларини ҳақ ва бошқани ботил* биладур. Ақлиқ ҳаким ва аллома одамларни таҳқиқ ва иқрорига қараганда, дунёға дини исломдан бошқа ақл ва ҳикматға мувофиқ ва мустаиди тамаддун* бир дин йўқдур. Они учун ҳар мазҳабдаги бу замон алломаларини баъзиси мусулмон бўладурларки, шарофати илмдур...

Ўлчак – миқёс, маблағ – пул

Кейинги замонларға франсуз донишмандлари ўлчов – газ түғрисиға бир қоида вазъ қылғандурки, гүё барча олам аҳди ўшал ўлчовни истеъмол қылмакға мажбурдур. «Курраи арз»¹, «доираи нисф ан-наҳорий»²ни гүё ўлчаб, илми ҳисоб ила мазкур доирани түртдан бир масоҳатини билиб «рубъи доира»³ни ўн милийўндан бирини отини бир «метру» атабдурларки, доираи нисф ан-наҳорни қирқ милийўндан бирини масоҳасини тўли эътибор қилиниб, «метру» атабдурлар. Яна бир метру ўн детсиметр, юз сантиметр, минг миллиметрға тақсим топиладур. Бир «метру» Русия ҳисобиға 22,5 вершўк бўладур. Минг метру бир «километру», ўн минг километру бир мирёметру аталадур. Бизни Русияни «вёрст» – чақирими беш юз сажин, ҳар сажин уч аршин ё етти фут, ёинки икки метру ҳам $13\frac{9}{20}$ сантиметрға ҳисоб топиладур. Бир аршин ўн олти вершўк, ё 28 дюйм, $\frac{3}{20}$ ёинки 71 сантиметрға баробардур. Шул миқёс бўйинча бизни бир вёрст бир километру ҳам $66\frac{4}{9}$ метруға баробар бўладур. Ва бизни бир мураббаъ чақирим 25 минг мураббаъ сажиндурки, бир мураббаъ километру ҳам 13160 мураббаъ метруға баробардур. Бир сажин мураббаъ 9 аршин мураббаъ ё 49 фут мураббаъ, ё 4 метру мураббаъ ҳам 55 детсиметра мураббаъ ҳам $25\frac{1}{2}$ сантиметра мураббаъдур. Бир десатин 2400 сажин мураббаъ ё 21600 аршин мураббаъ, ё 10924 метру мураббаъ, 40 детсиметру мураббаъдур. Шариатга газ урфи мўътабар, аммо ҳар мамлакатни урфи гази бир-бириға тўғри келмайдур. Чунончи, Самарқанд гази 18 вершўқдан 20 фача, Фарғона ва Тошканд гази 16 вершўқдан 20 фача ва ер юзидағи ҳар мамлакатни гази бир-биридан фарқликтур. Бу газлар ҳозир фақат ҳавуз ва ерларни одамлар орасиға ўлчанмоқиға истеъмол бўладур...

«МУНОЗАРА» ҲАҚИДА

«Усули жадида» мактабларни нафлиги ва фунуни замония таҳсилиниң бухорийлар учун лузуми тўғрисида франгий афанди ила мударрис Бухорий жанобларини орала-

¹ Ер курсаси.

² Меридиан.

³ Квадрат.

рида бўлган баҳс ва сұхбат – «Мунозара» исмида бир рисола шаклинда форсий тилига табъ ва нашр бўлубдур. Биз-да кўздин кечурдуқки, ҳақиқатан бухорийлар учун нофеъдур.

Фарангий ва мударрис тилидан бу муҳим баҳслик рисолани таҳрир этувчи ваҳми зоин¹га арзи ташаккур қиларман. Ишоолло, бу рисола бухорийларни уйғонмоқиға боис бўлуб, «Мунозара» мұҳарририни раҳмат ила ёд этарлар.

Ва ал-он бу рисола турки тилинда жаноб муаллим ҳам-шаҳримиз Ҳожи Мүин афанди тарафидан таржима ва ушбу газит ила нашр бўлиб турубдур.

Ва аммо бизни фикримизча, Бухоро учун энг муҳим бир баҳсни фарангий афанди фаромуш этибдурлар. Ва ул энг муҳим баҳс бухорийларни русча ўқумоқ ва рус маданийтидин нафбардор бўлмоқға тарғиб этмоқдин иборат эди.

Хайр, балки фарангий афанди фаромуш этмай, эҳтимолки, бухорийларни таажжублари қўзголмасун ва «Мунозара» рисоласидин умид этилгон манфаати маънавийа фавт бўлмасун² тавҳими-ла³ русча ўқумоқ баҳсидин кўз юмгандур, деб зан қилармиз. Ва-ло фарангий афандини натижай маълумотига назаран ўрисча ўқумоқға тарафдордур, деб истидлол қилинадур ва ҳар бир кўзи очуқ киши-да бухорийларни русча ўқумоқларини, албатта лозим билур.

Бухорий қариндошларимизни русча ўқумоқлари тўғрисида мухтасаран бир оз ёзмоқни биз мунда керак билдук ва умид қиласизки, «Мунозара» ношири иккинчи табынина русча ўқумоқ лузумини ҳам рисолага олмоқ этдирса.

Русия давлати – 100 млн. халқлик ва ер юзини қавий давлатларидан бири. Бухоро ҳукумати ани ҳимоясига ва анинг учун бухорийларни русча ўқумоқлари ўзлари учун лозим ва фоэъ⁴дир.

Бухорода тиљгироф, пўчта, темур йўли ва бонк ва мол, анжоманинг ҳамли⁵ ва нақли⁶ ва оптек, дўқтур ва ҳифзил

¹ Гўзал тахайюл эгаси.

² Нобуд бўлмасин.

³ Ваҳимаси билан.

⁴ Нафлик.

⁵ Тўла.

⁶ Юки.

⁷ Ташиб.

сиҳата тейишли ишлар ва лавозимоти мадания ва замония ва хорижага мутааллиқ¹ барча мавод² кофа³ руслар воситасила жорий бўлурки, бул тўғрилардан русчага бухорийларни эҳтиёжлари шадид⁴ дур.

Русия ила тижорати бор ҳар бир бухорий ва Бухорони ҳар бир ҳукумат доираларини русчага бор эҳтиёжини ҳар кимдан аввал бухорийларни ўзлари икror эдларлар.

Киши йўқлигидин ал-он Бухоро ҳукуматини хидматидаги таржимонлар кафказий ва туркистонийлардин иборатдур.

Бухорийларни русча ўкумоқлари учун далил лозим бўлса, фақат Русияни...⁵ жиҳатидин Бухорога ҳамсоялиги энг олий далилдур. Ҳолбуки, Бухоро давлатимизни ҳимоясида, яъни ҳовучинчадур.

Насора ва мажус давлатларини айтмай қўйдук. Бул вақт Усмонли ислом давлати катта мактабларига русча ўкутадур ва Русияга талаба юборадур. Турк қариндошларимизни ҳар бири Русия мусулмонларини русча ўкумоқға ташвиқ этарлар. Ҳатто, Истанбул шайхулисломи ҳазратлари Русия мусулмонларини русча ўкумоқға буюрадурлар.

Чунончи, ўтган сана Самарқанд ҳожиларидан икки нафар мударрис шайхулислом жанобларини хизматларига мушарраф бўлуб эканларки, усули жадид ва русчани лузумидин баён этиб, Туркистонийларга русча ўкумоқға ташвиқ этмоқға буюрубурлар.

Мисрдан, Шом ва Арабистондин, Истанбулдин ва Эрондин Русия мактабларига талаба келганда, Бухородин на учун талаба келмайдур? Буни сабаби бухорийларни ғафлати ва замондин хабарсизлиги деюрлар.

Бул жойга бухорийлар у қадар каҳолат этдиарларки, ҳатто, расмий доираларида бирорта таржимонлари йўқдур.

Хўб, Бухорода усули жадидани қўймаганлариdek, русчани-да уламо қўймадилар дедук. Эй, шогирдларни Самарқандда, Туркистонда ва ё дохилий Русияга на учун юборилмайдур?

Самарқандда Бухородин гадо, ўғри, қимори, жувон-

¹ Алоқадор.

² Моддалар.

³ Барчаси.

⁴ Катта, шиддатли.

⁵ Ўкуб бўлмади.

бачча келар. Ҳатто, деюрларки, фоҳишалар ҳам келур; буларға уламо бир шай демас ва хабардор бўлмас. Талабага тамоман монеъ бўлурлар. Йўқ, бул жойга уламога ёпишмоқ керак эмас, балки бошқаларға лозумдур.

Бухоронинг муҳтарам ҳукмронларина, Бухоронинг тужжори киромига биз мин гайри ҳад¹ арз қиласмизки, русча ўқутмақни муборак фикрларига келтирасалар, Русия давлати Бухоронинг фақат бир ҳамсояси эмас, балки ҳомийси, васий² ва мураббиний давлатидур. Анинг учун русча билмоқ ва рус олий ва катта мактабларига кирмоқ бухорийларни ҳаёти ва саодати учун алрам³ дур.

Икки миљүн бухорийлардин нисфи аср зарфи⁴ да бир нафар таржимон чиқмаганилиги бухорийларни лоқайдликларига далил бўлур. Бу нимадан келур? Албатта, Бухоро ила Русия орасидаги муносабатни билмасликдин келур. Бинобарин, Русия ила Бухоро бейин⁵даги муносабати сиёсияни ҳар замон аҳолига билдиримоқ керакдур. Биз сиёсий киши эмас ва илло бул тўғридаги фикримизни очиқ суратда ёзардук. Шу қадар биларманки, расман Бухоро ҳукумати Русия давлатини ҳимоятигандур. Бухоронинг бош ҳукмрони маънан баолий⁶ амир ҳазратларини аморатлари Русия давлати тарафидин тасдиқ қилинадур. Бухорони хорижия ишлари Русия давлати тарафидин ижро қилинадур.

Хорижия давлатлари, масалан, Эрон, Афғон ва ё Усмонли давлатлари-ла Бўхоро ҳукуматини ҳат ва хабар қилмоғи лозим келса, Русия давлати воситаси-ла муомалा қилаадур. Бухоро аҳли хорижияга чиқмоқчи бўлса, Русия раҳол⁷ ҳукуматини рухсати лозимдур. Бухоро учун бож ва пўшнина Русия давлатини иҳтиёри ила бўлур.

Билмоқ керакки, ўруслар ўқимоқ ила киши кофир бўлмайдур ва ё ўруслар бизга динларини таълим қилмайдур. Масалан, букун Самарқанд мухталиф мактабларига юздин зиёд мусулмон боласи бор ва аларни ҳеч бирига насоро дини-

¹ Ҳаддан ташқари.

² Тарбиячи.

³ Айб маъносида.

⁴ Ҳозирги шароитда.

⁵ Орасидаги.

⁶ Асл, олий.

⁷ Йўл ишлари.

ни таълим қилинмайдур. Самарқанд эъдодий гимнозиё мактабини буқун ундин зиёда мусулмон боласи бор. Ужумладин бири маним ўғлимдур. Ва на вақтқи, болаларға насоро динини таълим берарлар, файри русларни, хоҳ мусулмон ва ё яхуд ва ҳатто, армани бўлсун, мактабдин чиқорадурлар. Ҳатто, насоро ақидасини таълими вақтида ёширин мактабда қолган файрирус шогирдға жазо бериладур.

Файрируслар русча ўқутандан илми дунёвий ва ҳаётқа мутааллиқ фунун ўқуйдурлар ва ҳар бир мусулмонда румча ва ё фарангча шуни ўқийдур.

Бухорони ўрга миллати учун авомча сўйлайнинки, турклар, ибронийлар, туркистонийлар, қозоний, ўрунбургий ва кафказийлар ҳамчунонки, русча ўқусалар ҳам кофир бўлмайдилар. Бухорийлар ҳам русча ўқуган илиа кофир бўлмайдурлар.

Афғон ҳукумати илиа инглис давлати орасида муносабати сиёсия мавжуд ва ҳам ҳамсоядур. Они учун афғонлар Ҳиндистон инглисига ва нўфуси Англияда ўз нафии учун талаба юборадур. Ҳолбуки, ҳеч бир афғон инглис бўлган йўқ. Инчунун, бухорийлар-да Туркистон устига ва ё Руссияга ўз нафлари учун талаба юборсалар, хотиржам бўлсунларки, ўрус бўлмайдурлар. Шуни-да ёзайнин, бухорий қариндошларимиз билсунларки, бу сўзларни биз мусулмонлигимиз учун ва Бухорони тараққийсини хоҳлаганимиз учун ёзармиз. Гумон қилинмасунки, ўруслар бизга ёздирадур.

Фарангий жанобларини фикрига биз ҳам тобеъ ва биз ҳам деймизки, Истанбул, Миср, ҳатто, Кафкоз ва Қозонға Бухородин талаба борсун ва аммо бу қаторда русча ўқимоқ учун Туркистон ва Петербурға ҳам.

Самарқанд дорулқазо муфтийларидан
Махмудхўжа бин Беҳбудхўжа¹.

«Туркистон вилоятининг газети», 1911 йил,
29 сентябр, 73-сон

¹ Беҳбудийнинг мазкур мақоласи Фитратнинг «Мунозара» асари Ҳожи Муин томонидан ўзбекчага таржима қилиниб, «Туркистон вилоятининг газети»да чоп этилиши муносабати билан ёзилган.

МУФТИ МАҲМУДХЎЖА ҲАЗРАТЛАРИНИНГ ҚАНДАЙ ШАҲИД БЎЛГОНЛИГИ ВА ОНИНГ ТОМОНИДАН ЁЗИЛҒАН ВАСИЯТНОМА¹

Туркистон тараққий парварларининг устози ва пешвоси бўлғон самарқандли муфти Маҳмудхўжа Беҳбудий ҳазратларининг Туркистонда танимайтурғон киши бўлмаса керак.

Ўз ватани ва халқи учун, фикр ва қалами ила йигирма йил чамаси хизмат қўйғон мана шундай пешвомиз, охири вазифа ва хизмат йўлида Бухоро тупроғида золим беклар қўлида ваҳшиёна суратда шаҳид этилди.

Беҳбудий афанди 1919 йил 25 марта, йўлдошлари Мардонкули Шомаҳмуд ўғли ва Муҳаммад Ўринбой ўғиллари билан Самарқанддан Бухоро тупроғига ўткан ва шундан қаерға борғонлиги билинмай, бу тўғрида турли сўзлар сўйланган ва мухталиф гумонлар қилинғон эди. Охири халқ орасида шойиъ бўлғон сўзлардан гумон голиб ила онглашилғон эдиким, Беҳбудий афанди мазкур икки йўлдошлари билан золим амир Олимхоннинг ғаддор беклари қўлида шаҳид бўлғонлар. Мана шул гумон голиб ила муҳтарам шаҳидларимизнинг гойиб бўлғонлариға бир йил тўлиш муносабати ила 1920 йил 25 марта Самарқандда тантанали суратда таъзия маросими ижро этилган эди.

Бултур (1921 йил) март ойида Бухоро тупроғидан келган ўртоқ Ҳожимурод Худойберди ўғли Беҳбудий ҳазратлари билан йўлдошлари Муҳаммадқул Муродқул афандиларниң Қарши шаҳрига беги Тоғайбек томонидан қандай шаҳид этилганлиги ҳақида маълумот келтурди.

Ўртоқ Ҳожимурод Бухоро инқилоби бошланғон кунда Самарқанддан ҳукумат томонидан бир маъмурият ила Шаҳрисабз ва Китоб тарафларға бориб, онда бир иш ила Қарши шаҳрига ўтган ва ўшал тарафларда 6–7 ой хизмат қўлиб юргон бу муддатда хейли ишлар қўйған ва кўп воқеаларни кўрган.

Ҳожимурод афанди Қарши бегида бир неча вақт «маҳрамлик» хизматида бўлғон фарғонали 17 яшар Содиқжон-

¹ Ушбу «Васиятнома» ва мақола 1922 йилда «Инқилоб» журналиниң 1-сонида босилган. 1988 йилда «Ўзбекистон адабиёти ва санъати» ҳафтагида (16 сентябрь, нашрға тайёрловчи Ш. Турдиев), 1993 йилла «Милий уйғониш» тўпламида (нашрға тайёрловчи Ж. Худойбердинев) қайта чоп этилди.

дан Беҳбудий ва онинг йўлдошлари ҳақида кўб маълумот олғон.

Беҳбудий афанди ва йўлдошлари бошлаб Шахрисабзда кўлга тушуб, тахминан икки ойдан сўнг Қарши шаҳрига юборилиб, онда (зинданда) бир неча кун ётқондан кейин мазкур Тоғайбек томонидан шаҳид қилинғон.

Беҳбудий афанди ва йўлдошлари Қарши зинданнида ётқон вақтларида, Қарши бегининг биринчи маҳрами ҳам зинданбони Аҳмад ила 2-нчи маҳрами Содиқон Беҳбудий ўртоқлари ила ёшурун мусоҳаба этиб аларнинг ким эканликларини билганлар. Ва ҳар вақт оларнинг аҳволидан хабардор бўлиб турғонлар. Ниҳоятда, Беҳбудий афандиларнинг суҳбатлари таъсири билан мазкур икки маҳрам буларга муҳлис ва меҳрибон бўлғонлар.

Ҳатто, бир кун мазкур маҳрамларнинг рижо ва хоҳишлиари ила бек Беҳбудий ва йўлдошларини ўз хузурига чақириб: «Сизлар на учун кўлга тушдингиз?» — деб сўрағон. Беҳбудий афандилар: «Бизлар Байтуллони зиёрат этмак учун Самарқанддан чиқғон эдик, йўлда амир маъмурлари «сизлар жадид, коғир ва тилчи, деб бизни кўлга олдиilar. Тафтиш қилинсун, бизнинг гуноҳсизлигимиз шоят маълум бўлур», — деганлар.

Бек: «Сизлар жадид ва коғирдирсиз. Бухорога жаноб олийга тиф тортқон сизнинг маслақдошингиз эмасларми эди? Сизларни ўлдурмак керак. Сизлар қутулмоқ учун Байтуллога бормоқни баҳона этиб кўрсатасиз», — деган.

Бекнинг биринчи маҳрами ва зинданбони Аҳмад бекнинг бу ҳақсиз сўзларига чидал олмай, Беҳбудий афандиларни мудофаа учун бекка қараб: «Тақсир. Ул буларнинг ишларини ҳақиқатлаб кўринг. Агар гуноҳлари сабаб бўлса, сўнгра ўлдурунг», — деганда, бек аччиқланиб: «Эмди билдимки, сен ҳам жадид экансан, чунки жадидларга тарафдорлик қиласан. Ўлдурулатурғон жадидлар учта эди, энди сен билан тўртга бўлди, сени ҳам ўлдурмак керак», — деб Аҳмадни таҳдид эткан, Аҳмад кўзига ёш келган ҳолда, кўрқонидан индамай турғон.

Сўнгра бек, одамларга Беҳбудий афандиларни ҳам мазкур Аҳмадни зинданга қамарга буюргон ва амирдан яқинда кела-турғон фармойиш ила буларнинг ўлдуражагини билдирган.

Беҳбудий афанди, оёқға туруб жасорат ила тубандаги

сўзларни сўйлагандан сўнг йўлдошлари ила йиглай-йиглай зиндан сари борғонлар:

«Бизлар ўлумдан қўрқмаймиз. Балки ҳақ йўлида ўлмакни ўзимиз учун бир шараф деб биламиз. Мундай йўлда ёлгиз биз ўлмаган, балки кўп кишилар тўғрилик ва инқилоб йўлида шаҳид бўлғонлар».

Мундан бир неча кун ўтгандан сўнг, Содикжон амирдан бекка қатл буйруги келганини Беҳбудий афандиларга билдирган. Сўнгра Беҳбудий афанди, ўзининг ҳаётидан умидин узиб йиглай-йиглай тубандаги «Васиятнома»ни ёзib, Содикжонга тобшурмоқ учун Аҳмадга берган ва ҳар қандай йўл ила бўлса-да, шул васиятноманинг Самарқандга юборишини ўтинган. Васиятноманинг остида бошлаб Беҳбудий афандининг ўзи, сўнгра Мардонқули ва Мухаммадкули афандилар кўл қўйғонлар.

Васиятнома ушбуудир:

«Эй, Туркистон маориф ишларида бўлғон ўртоқ ва ўғлонларим! Мен ўзим гарчанд банди бўлсанм-да, сизларни эсимдан чиқармайман ва сизларга бир оз васият қилиб ўтаман. Мани севар ўртоқларим! Маним сўзларимни кулоқларингизга олингизлар! Биз икки ойдан бери Бухоро шаҳарларида банди бўлиб юруб, ахир ўн кундан бери бир ерда (Қарши шаҳрида) бу золимларнинг кўлига тушиб банди бўлдик. Жадид, коғирлик отини кўтардик. Бу ердан қутуломғимиз гумон бўлди. Ўртоқларим Сиддиқий, Айний, Фитрат, Кори ва Акобир Маҳмуд ва ўғлонларим Вадуд Маҳмуд, Абдулқодир Шакурий!

Сизларга васият қиласман. Маориф йўлида ишлайдурғон муаллимларнинг бошини силангизлар! Маорифга ёрдам этингиз! Ўртадан нифоқни кўтарингиз! Туркистон болаларини илмсиз қўймангизлар! Ҳар иш қылсангиз жамоат ила қилингизлар! Ҳаммага озодлик йўлини кўрсатингизлар! Бухоро тупроғига тезлик ила йўл бошлангизлар! Озодликни тезлик ила юзага чиқарингизлар! Бизнинг қонимизни золим беклардан талаб қилингизлар! Маорифни Бухоро тупроғида жорий қилингизлар!

Бизнинг отимизга мактаблар очингизлар! Бизлар ул чоқда қабримизда тинч ётурмиз. Манинг ўғлонларимга салом еткурингизлар. Бу ҳамроҳларимнинг авлодларидан хабардор бўлинглар! Ушбу васиятимни ёзib Аҳмадга бердим».

Бу васиятномадан 3–4 кун ўтар-ўтмас, бек Беҳбудий афанди ва йўлдошларини ҳам Аҳмадни ўлдуурға буюргон ва алар зинданнинг ёнидаги подшоҳлик бир чорбоққа юборилғанлар. Шунда аларнинг қотиллари ўзларига билдирилган ва ўзлари учун шу боғда тўрт қабр қаздирилғон. Сўнгра Беҳбудий афанди ва йўлдошлари таҳорат олиб намоз ўқимоқчи бўлғонлар. Лекин шу чоқда раҳмсиз жаллод муовинлари ила етишуб келиб, аларни намоз ўқирға қўймоғон ва энг аввал Беҳбудий ҳазратларини жойнамоз устида бошини кесган. Бу ҳолни кўриб Мардонкули, Мухаммадкули ва Аҳмад афандилар тавҳид ва шаҳодат калималарини ўқиб, ўлимни кутиб турғонлар. Андин кейин жаллод аларни бир-бир бошин кесган. Сўнгра бекнинг хизматкорлари мазкур шаҳидларнинг наъшларини чиқариб, ўзлари қазгон қабрларға кўмганлар ва қабрларни (билинмасун деб) ер ила тегиз этганлар.

Бекнинг маҳрами Содиқжон, бу воқеанинг бошидин охиригача кўрган ва билгани учун ҳам Беҳбудий афандиларға муҳлис бўлғонидан шу воқеани бир дафарчада ёзиб кўйғон ва ондин ўртоғ Ҳожимурод кўчириб олиб, фожиани театр щаклида тартиб этуб, отини «Маориф қурбонлари» кўйғон.

Уч пардадан иборат бўлғон мазкур рисолани биз кўрдук. Рисола керак ибрат, саҳнага қўйиш жиҳатидан хийла нуқсонлидир.

Агар рисола театр оламида хабардор бўлғон бирор-бир кишининг қалами ила тузатилса, биринчи театру рисоласи қаторига кириши шубҳасиздир.

Ўртоқ Ҳожимуроднинг сўзиға кўра, мазкур Содиқжон 1920 йил 21 декабрда амир томонидан Шаҳрисабз, Китоб ва Гузор тарафларида кўзгатилған исёнчилар тарафидан Шаҳрисабзда ўлдирилған. Шунинг ила Содиқжон ёзған воқеа ила васиятноманинг асл нусхасида ўшал чоқда йўқолиб кетган.

*Самарқанд, Ҳожи Мунӣ Шукрулло ўғли,
1922 йил, 7 январ*

БЕХБУДИЙ ВАФОТИГА БАГИПЛАНГАН МАРСИЯЛАР

ФИТРАТ

БЕХБУДИЙНИНГ САФАНАСИНИ ИЗЛАДИМ

Чўкмишди ер узра олам тўсиғи,
Ўксузлик бойқуши қанот қоқарди.
Ботувда қизориб турғон булутдан
Эзилган кўнглимга мотам ёғарди.
Ҳақсизлик шаҳрининг қон ҳидди ели
Армоним гулидан бир япроқ узуб,
Баҳорсиз чўлларға совуриб қўйди.
Ул нозли япроғим сўлуб, сарғаюб,
Йўқсул қолғанлардай ҳар ён югурди..
Золимлар, мазлумлар, зулмларнинг-да,
Барига учради, барчасин кўрди.
Ўз йўқотқонин излади, сўрди.
Бир дарак топмағоч, бирдан бир тикилди
Бор кучин тўплади,
Золимнинг тахтини титраттган бир товуш
Қичқирди:
— Отамнинг қабрини қай ерга ёшурдини
Бот сўйла!...
Кирли тож кўб кўрқди ботир товушдан,
Сесканиб, титраб... ўшунди
Бир жавоб бермасдан.

С. АЙНИЙ

БЕХБУДИЙ РУХИГА ИТХОФ

(Шаби ҳижрон ҳавосиға)

Санинг мундин буён Турон кўролурму, кўролмасму?
Санинг мислингни Туркистон тополурму, тополмасму?
Сан, эй устоди олийшон, эдинг ажубан даврон,
Отингни тилга ҳар инсон буюк хурмат-ла олмасму?
Санинг тарихий давронинг, санинг осору урфонинг,
Санинг номинг, санинг шонинг жаҳон қолдиқча
колмасму?

Санинг қўксунг чўкулганму, санинг белинг букулганму?
Санинг қонинг тўкулганму? Муни(нг) ҳеч ким сўролмасму?
Бошингни кесдуран қотил, у бадтийнат, у сангин дил,
Худодан гар эса ғофил, халойиқдан ўёлмасму?
Ватан авлоди ёд этди, сани ҳурмат-ла шод этди,
Ва лекин интиқомингни ололурму, ололмасму?
Жаҳонда зулмдур зоҳир, жаҳон хунхўр, жаҳон жобир,
Жаҳондан бир замон охир ситамгарлик йўқолмасму?
Беҳишту ҳурин филмон санга Ҳақ айласун эҳсон,
Санга раҳмат, санга гафрон Худойим етказолмасму?!

БЕҲБУДИЙ АФАНДИНИ ЭСГА ТУШУРИБ, ҚАТЛ ВА ҚАТЛГОҲИГА ХИТОБАН

Эй мадфуни инсоният, эй мақтули ахрор!
Эй маркази ваҳшоният, эй маҳмани ашрор!
Мингларча йигитлар бошини тандан аюрудинг,
Мингларча асоратзада ўғлонлари қирдинг.
Қон тўк, яна қон тўк, яна қон тўк!
Қон сели билан оқибат-ал-амр, ёрил, чўк!
Қон тўк-да, чўмул қонға! Йиқил қонға! Бўгул, ўл!
То қонға булғанмасин озода бирор қўл!
Эй деви жаҳолат уйи, эй, қон-ла тўлан гор!
Шод ўл бу кун!

Аммо бу куннинг эртаси ҳам бор!
Бир дасти риё, дасти жафо, дасти хиёнат
Мумкинми сани айласа кетдикча сиёнат?!...
Эй қотила, эй фожира, эй фитнаи Турон!
Турон эли фитнанг ила бўлсунми паришон?!
Мингларча йигит бошини калтак билан эздинг,
Мингларча йигит нашъини саржин каби тиздинг.
Зиндоnlара мингларча тирикларни чирутдинг,
Тезоб ила мингларча ўлукларни эритдинг.
Куръонни, шариатни аёғ остида босдинг,
Беҳбудий каби доҳийи Туронни-да остинг!
Бош кес, яна бош кес, неча кун кайфу сафо сур!
Лекин кўзингни оч! Келаси кунларинги кўр!
Билгилки, бу аҳмол эмас!

Аҳмоли илоҳи!

Билгил, абадий қолмаяжак мунча малоҳи!
Бир кун келур албат, келур албат, келур албат!

Эй хоина! Ўч олмага ожизлара навбат!
Эй мақтули ахрор!
Эй мамкини ашрор!
Қон түк, яна қон түк!
Қон түк-да, ёрил, чүк!
Бир дасти хиёнат
Айларми сиёнат
Доим осор?
— Асло!

Бир кун келур албат, ожизлара навбат.
Ўч олмага сандан.
Эй манбай накбат,
Кўрсам ўша кунни!

1920, IV, Самарқанд

ЧУЛПОН

МАҲМУДХЎЖА БЕҲБУДИЙ ХОТИРАСИ

Билгисиз қабрингни қора тунларда
Амалимнинг шамин ёқиб изладим.
Қизил ва пок қонинг исларин сочгач,
Кучсиз кўйи юришимни тезладим.

Амалимнинг юлдузиким, кўз тикди
Қора, жирканч ўлим кони ерларга.
Савол бердим: «Йўқоттаним қайдা?» — деб,
Ўзимни ҳам ютмоқ бўлган эрларга.

Кўлимдаги тутам-тутам гулларим
Қабринг топиб, сочмоқ учун теринди.
Гул ўрнига заҳар тилар муҳитда
Унинг қилган бу ишлари бўш энди.

Мен-да ожиз у муҳитнинг олдида
Қабринг топиб кўз ёшими тўқмакка.
Ҳамда аччиқ ҳиддатим-ла ул ерда
Оқ каллалик қора девни сўқмакка.

Шунинг учун юлдуз каби ярқираб,
Элда қолган исминг билан тураман.

Шул исмни эслаб, чизган йўлингдан
Йироқ кетмай, қимирамай юраман.

Азиз отам, кўлимдаги гулларнинг
Мотам гули эканлигин билмайсан.
Шодлик гули кўпдан бери сўлганин,
Ер остида пок руҳинг-ла сезмайсан.

Ана сочдим қалбимдаги гулларни,
Термак учун чақираман қўлларни.

1920 йил

ИНГЕБОРГ БАЛДАУФ

МАҲМУДХЎЖА БЕҲБУДИЙ ФАЛАСТИНДА

Самарқандлик жадиднинг «Саёҳат хотиралари»
асарининг олмонча таржимасини ўқуб...

Кудуси Шариф ва Фаластин сайёҳларнинг хотира китобларида эътибордан четда қолган, тилга олинмаган жойлардан эмас. Йигирманчи асрнинг иккинчи ўн йиллигига ҳам кўплаб сайёҳлар бу муқаддас жойлар тўғрисидаги ўз таассуротларини қоғозга туширганлар¹. Бизнинг эса асосий мақсадимиз 1914 йили нашр этилган бу мақолани, гарчи унинг муаллифи бўлмиш ўрта осиёлик зиёли Фаластинни зиёрат қиласа сайёҳлар тилга олмай ўтиб кетган нарсаларни тасвирлаган бўлса-да, қайтадан чоп этиб, мазкур жой тўғрисидаги маълумотларнинг кемтик жойларини тўлдириш эмас. Аксинча, мақсадимиз сайёҳнинг ўзи ҳақида баъзи маълумотларга эга бўлиш ҳамда ушбу хотиралар ойнасида акс этган сайёҳга жуда яқин бўлган, эҳтимолки, унинг кўнгил торларини чертиб ўтган нарсаларга бир назар ташлашдир.

Ҳали фанда «Саёҳат хотиралари»нинг муаллифи Маҳмудхўжа Беҳбудийнинг (1875–1919) ҳаёти ва ижоди ўзининг аниқ-тиник ифодасини топмаган. Шу сабабли мақоламни Беҳбудий шахсияти² ва «Саёҳат хотиралари»нинг муаллиф ижодида ҳамда Русиядаги жадидлар ҳаракати доирасида тутган ўрнини кўрсатувчи мухтасар муқаддима билан бошламоқчиман.

Маҳмудхўжа Беҳбудийни Ўрта Осиёдаги барча жадид-

ларни бирлаштиришга интилган йирик намоянда десак хато қылмаймиз. У бугун Чор Русиясидаги хүр фикрли, маърифатпарвар мусулмонлар билан мунтазам алоқада бўлиб турар, айниқса, Исмоилбей Фаспиралининг ашаддий мухлиси эди. Исмоилбейнинг маърифатпарварлиги, келажакка умид кўзи билан қараши «мусулмон жамияти ижтиҳод эшиклирини ланг очиб, яхшилик томон юз тутади, ҳозирда ҳукм суриб турган бидъат, хурофотдан халос бўлади», деган фикрлариңи Беҳбудий жон-дилдан маъқуллар, ўзи ҳам шундай фикрда эди. У мусулмонлардан дунёга очиқ кўз билан қарашини, замонавий ҳўжалик юритишда билим, фан билан қуролланиб фаоллик кўрсатишни талаб этарди³. Маҳмудхўжа тарихий исломий-шарқий таълимотдан воз кечмаган ҳолда, Русия ва Оврупо зиёлиларининг билимларидан ҳам баҳраманд бўлишга интиларди⁴. У Ўрта Осиё ҳалқларини «бойлик» (яни капитализм) томон элтадиган бирдан-бир ишга яроқли тарбия усули сифатида Исмоил Фаспиралининг «усули жадид»ини тинмай тарғиб қиласади. Дунё беаёв «ҳаёт-мамот қураши майдони»га⁵ айланган бир пайтда, Маҳмудхўжанинг фикрича, ўрта осиёликларга бирингчи навбатда билим ва «бойлик» керак эди. Фақат шуларгина ҳалқнинг бу бўхрондан омон чиқиши ва мустақилигини кафолатлайдиган телефон, телеграф, темирйўллар, ҳаво йўллари каби илғор техника воситаларига эгалик қилиш имкониятини туғдиради.

Маҳмудхўжа фаолиятининг гоят ўзига хослигидан қатъи назар, у Кримдаги Фаспирали, Қозон татарларининг Қаюм Носирийси, усмонли туркларнинг Аҳмад Мидҳати сингари Ўрта Осиёнинг ҳалқ муалими эди. У ҳаётнинг турли соҳаларига тааллуқли замон руҳидаги билимларни юксак тарбиявий талабчанлик билан бошқаларга қараганда мароқлироқ, қизиқарлироқ, оддийроқ тарзда, ҳалқ тилида⁶ ёйишга интилди. Ҳалқнинг илмга чанқоқлигини қондириш мақсадида Беҳбудий бир қанча илмий-оммабоп жустрофий китоблар ва Туркистоннинг табиий ҳаритасини чоп этди. Кўплаб ўкув материаллари, ўқиц китоби ва диний китоблар, мактуб ёзиш қўлланмасини яратди. Бу асарларнинг баъзилари форсийда, баъзилари туркийда ёзилган бўлиб, Беҳбудий уларни Самарқанднинг янги шаҳар қисмида жойлашган ўзининг шахсий дўконида тарқаттан.

Маҳмудхўжа Беҳбудий халқ муалими бўлишга интиларкан; мақсадга эришишнинг осонроқ, кулайроқ йўлларини ахтаради. Саводсиз, ўқиш-ёзишни билмайдиган оми халқ орасида зиё, маърифат тарқатиш мақсадида у ерлик халқ орасида биринчи бўлиб янги театр ва кинони тарғиб этди⁷, ўзи 1914 йили «Ўрта Осиё ҳаётидан бир фожиа» ёки «Падаркуш» пьесасини яратди. 1913 йили эса миљий актёрлар труппасини ташкил қилди, бу гурӯҳ 1914 йилнинг январида «Падаркуш» пьесасини биринчи миљий театр асари сифатида Самарқандда саҳнага олиб чиқди⁸.

Беҳбудий журналист сифатида, айниқса, сермаҳсул ижодкор эди. Бир неча вақтли матбуот нашрларини чиқариш билан бирга, «Хуршид», «Тужжор», «Ҳақиқат» (кейинчалик «Шухрат»)⁹ каби газета-журналларда ҳамкорлик қилди. Беҳбудий «Ойна» журналинг муассиси ва бош муҳаррири эди. Илк бора шу журналда унинг Куддуси шарифга ҳаж саёҳати тўғрисидаги хотиралари дунё юзини кўрди. Юқорида номлари тилга олинган газета-журналлардаги мақола ва хабарларнинг катта қисмини Маҳмудхўжанинг ўзи ёзарди. У мурожаат этган мавзулар жуда хилма-хил: археология, астрономия (илми ҳайъат), жустрофия, савдо, гигиена, қишлоқ хўжалиги, адабиёт, халқ удумлари... Беҳбудий бу мавзулардаги мақолаларини ўқувчиларга ширали тилда ним-кулгули оҳангларда тақдим қиласди. Одатда муаллимлар ҳар доим кўрсаткич бармоқларини юқорига кўтариб, бирор нарсадан огоҳлантириб туришади. Маҳмудхўжанинг муаллим сифатидаги шундай ҳолати унинг бирон мавзуни изоҳлаган пайтдаги юмористик руҳига бутунлай зиддир. Адабнинг мақолаларида эса, шу икки бир-бирига зид ҳолат гайритабиий равища уйғуналашиб, ўқувчиларни ўзига тортувчи оҳанрабога айланган.

Беҳбудий барча мусулмон халқлари тўғрисидаги билимларини чукурлаштиришга алоҳида бир муҳаббат билан интилади. Шу сабабли у ислом дунёсидан олинган турли асл, ишончли хабарларни чоп этди, усмонли турк, татар, форс, афғон газеталарининг хабарларини шарҳлаб, ватандошлирига ислом дунёси улар тўғрисида қандай фикрда эканлигини баён қиласди¹⁰.

«Миллат қайфуси» Маҳмудхўжанинг кўплаб дастурий мақолалар ёзишга ундали, бу мақолалар ачиниш, ўқинч хис-

ларга йўғилган бўлса-да, улардаги «мусулмонларни ҳозирги руҳий ва моддий тушкунликдан фақат маърифат билан фан, билим кутқара олади», деган фикр ярқ этиб кўзга ташланиб туради. Маҳмудхўжанинг газета ва журналидаги юзаки қараганда, тушкун, кишиларнинг эътиборини тортмайдиган мақолаларнинг мўл-кўллиги уларнинг узлуксиз равишда молиявий тангликка тушиб қолишга сабаб бўлган бўлса керак. Маҳмудхўжа Беҳбудийнинг табаррук юртга қилган ҳаж сафари тўғрисидаги мақоласида маълумотлар ва амалий йўлланмалар бир-бирига уйғун ҳолда ифодаланади.

1913 йили у ўз журнали «Ойна»да босилган «Ойна нима?» деган мақоласида ўзгага қараб ўзини кўриш, ютуқ ва камчиликларини ҳис этиш вазифасини кўндаланг кўйганди:

«Ойна шундай бир нарсаки, одам унга ўзини кўриш, юзининг қандайligини билиш учун қарайди. Юзи эса, турили физик ва психик омилилар таъсирида қизил, сариқ, қора ёки оқ бўлиши мумкин. Киши ойнага ногаҳоний пайқаб қолиши мумкин бўлган дардларини даволаш учун қарайди».

«Ойна» Чор Русиясидаги (ҳамда Усмонли Туркия, Эрондаги) мусулмон турк маърифатпарварларининг анъанавий дастуриламали эди. Исмоилбей Фаспирали ҳам ўзининг «Таржумон» номли газетидан илгари чиқариб турган варақлардан бирини «Миръоти жадид», яъни «Янги ойна» деб атаганди¹¹. «Таржумон» газетининг биринчи сонига келган хатларнинг бирида «Бу газет аср ойнаси бўлсин» деган тилак билдирилганди.

Қози Абдурашид Иброҳимов 1902–1909 йилларда «Миръот – Кўзгу» деган ислоҳий панисломий «қалин журнал» чиқариб турган. 1910 йили эса, худди шу номда бирмунча вақт озарбойжонча-туркча адабий журнал чоп этилган. Маҳмудхўжа Беҳбудий 1913 йилнинг августида Самарқандда худди шундай, аммо тўрт тил ва тўрт номдаги «Ойна – Кўзгу – Миръот – Зеркало» журналининг биринчи синов сонини чиқариб, ўз устозларидан анча илгарилаб кетди. Бу журналдаги мақолалар форс, туркий ва рус тилларида чоп этилиши лозим эди, аммо улар фақат туркий ва форс тилларида чоп этилди¹². Маҳмудхўжанинг айтишича, ойна ясаш учун шишанинг орқасига симобнинг баъзи моддалар билан аралашмасини ёпиштириш керак. Ойнани тайёрлашдан мақсад эса, киши унда ўзининг ва ўзгаларнинг аксини кўра олиши,

ўзини ўзгалар билан таққослаш имкониятига эга бўлишидир. Беҳбудий шеърларидан бирида ўша амалгама, яъни симоб қотишмаси «ухлаб ётган ва жанговар, иш билармон моддиюнчи, тарбиячи – идеалист, ақидапараст, хаёлпарат ва мърифатпарвар Ўрта Осиё кишиларидан ташкил топиши керак», дейди. Беҳбудий факат шу дастур билан кифояланниб қолмади. У «Ойна»ни чинакам дунё кўзгусига айлантириди, Ўрта Осиё буржуазиясига Париж билан Япония орасидаги замонавий ҳаётни кўз-кўз этди.

Маҳмудхўжа «Дўстлар бир-бирининг ойнаси»деган халқ мақолини тез-тез тақорлар, эҳтимол, шу йўл билан у Ўрта Осиё мусулмонлари «Ойна»да ўзларининг бошқа халқларга қараганда афтодаҳолроқ қиёфаларини кўриб қолишганда пайдо бўладиган ноҳуш аҳволнинг олдини олишга ҳаракат қилгандир. Самарқандлик ўқитувчи ва шоир таникли жадид Сиддиқий Ажзий¹³ Маҳмудхўжанинг энг яқин ҳамкорларидан бири эди. «Ойна» дунёга келишидан илгари у «Миръоти ибрат», яъни «Ибрат кўзгуси» номли бир хаёлий асар яратганди. Ажзий бу асарида хаёлий мамлакатларга сайр қиласи ва кўз ўнгидаги намоён бўлган ўзининг ва Беҳбудийнинг она шаҳри бўлмиш Самарқанднинг орзудаги тимсолини тасвирлайди. «Ибрат кўзгуси» аввал Тифлисда нашр этилиб, анча вақтдан кейингина, яъни 1914 йили Самарқандда босилганига эътибор берсак, ширин орзу билан аччиқ ҳақиқат орасида қанчалар катта тафовут борлигини яққол сезамиз¹⁴.

Маҳмудхўжа ватандошларига уларнинг аянчли аҳволини кўрсатиш учун осон ва тушунарли усусларни танлайди. «Саёҳат хотиралари» қизиқарли ва енгил тилда ёзилган. Муқаддас юртга ҳаж сафари тўғрисида мақола ёзиш орқали Беҳбудий Ватан ҳақида аччиқ ҳақиқатларни тилга олишини ўз олдига вазифа қилиб қўйган эди. Хотиралар 1914 йилнинг кузидан йил охиригача етти қисмга бўлинниб чоп этилди. Бизнинг кўлимииздаги таржима матни, афсуски, тўлиқ эмас, афтидан давоми тушириб қолдирилган бўлса керак. Аммо мен мақоланинг таржима матни хотимасидан кейин ҳам давоми бўлган деб исботлай олмайман¹⁵. Ҳар ҳолда муқаддас юрт ҳақида хабар худди шу ерда тугайди... Фикримча Беҳбудийнинг асосий мақсади муқаддас қадамжоларни таъриф-тавсиф этиш бўлмаган. Шу сабабли муаллиф уларни озгина таърифлаш билан кифояланган (мақолада яхудийлар

қадамжолари, насронийлар муқаллас ҳисоблайдиган жойлар ва ислом осор-атиқаларини тасвирилашга қарийб тенг жой ажратилган). Шу иши ҳамда тасвирилаёттанды эхтироса берилмаслиги, ўзидан қўшиб-чатмаслиги орқали Беҳбудий том маънода ўзидан илгари насиҳатомуз «Ҳажнома»лар битган муаллифларнинг анъаналаридан четта чиқади. Бироқ шунга қарамасдан, Беҳбудий мақоласи тасвир тиниклиги жиҳатидан илгари битилган, сафарнинг барча тафсилотлари муфассал келтирилган йўл кўрсаткичнамо «Ҳажнома»ларга ўхшаб кетади¹⁶. Беҳбудий 1910-йилларда татар ва Ўрта Осиё газеталарида тез-тез чоп этилиб турган, ҳожилар учун берилган маслаҳатлар қабилидаги мақола ёзишни мақсад қилмаган бўлса-да, келажакда Ўрта Осиёдан ҳажга йўл оладиган кишилар учун жуда ҳам ҳаётий маслаҳатлар беради¹⁷.

Маҳмудхўжанинг «Саёҳат хотиралари» асарини қайси-дир маънода «Саёҳатнома»ларнинг кейинги асрларда шаклланган чигатойча намуналарига менгзаш мумкин. Маълумки, ўша саёҳатномаларнинг муаллифлари жустрофий тасвиirlар орқали савдо ва дипломатик муносабатларга ижобий таъсир кўрсатишга уринганлар. Беҳбудий ҳам ватандошларини Фаластин билан савдо-сотик ҳамда саёҳат соҳасида ҳамкорликка ундаш иштиёқида бўлган. Шу маънода у берган маълумотлар жуда муфассалдир, аммо, барибир, бу хабарлар саёҳат таассуротининг фойдали, қўшимча маълумоти каби туолади.

Типологик ва услуг жиҳатидан Маҳмудхўжанинг асари 1751 йили дипломатик йўл билан Ҳиндиистонга борган ва хотираларини ярим саргузашт, ярим ҳисобот тарзида ёзган нотаниш татар савдогарининг битикларига фавқулодда жуда ўхшаб кетади. Бироқ Маҳмудхўжанинг асари татар савдогарининг битикларидан фарқли ўлароқ таълимий-тарбиявий хусусиятга эга¹⁸.

1913 йили «Вақт» газетида Куддуси Шарифга қилинган ҳаж тўғрисидаги бошқа бир бадиий саёҳатнома татар тилида бўлинниб-бўлинниб чоп этилганди¹⁹. Эҳтимол, шу асар Беҳбудийни «Саёҳат хотиралари» асарини ёзишга илҳомлантиргандир. Татар тилидаги бу эссе муаллифи ижтимоий-тарихий таҳлилдан қочиб, соф тавсифчиликка берилган, ўқилиши осон, бозори чаққон асар ёзиш учун Куддуси шариф саёҳатини восита қилиб олганди. Маҳмудхўжа эса

Куддуси шарифга саёхати баҳонасида ўқувчиларга кўнгли-
нинг тубида чўкиб ётган ғам-андуҳларини, Ўрта Осиёнинг
дард-ташвишларини баён этиш ҳамда ватандошларига улар-
нинг хатоларини кўрсатиб бериш учун бу асарни биттан.
Маҳмудхўжа Фаластинни бекордан-бекорга ўз дардларини
айтиш учун восита сифатида олгани йўқ. У Фаластинда яшов-
чи мусулмон араблар ҳаёти билан Ўрта Осиёда яшовчи му-
сулмон юрганларининг ҳаётини бир-бирига таққослаб кў-
ради. Аён бўлишича, ҳар иккала ҳалқ ҳам ажнабийлар ис-
тибоди остида яшайдилар ва ҳар иккала ҳолда ҳам мустам-
лакачилар овруполиклардир. Маҳмудхўжа Фаластинда Ус-
монли давлати эмас, балки Оврупо империалистик кучла-
ри ҳукмрон эканлигини аниқ кўради. Худди Ўрта Осиё му-
сулмонлари билан ерли ҳамда четдан келиб қолган яхудий-
лар ва татарлар Русия империяси ташиб кетганидан кейин
қолган-кутган моддий бойликлар устида талашиб-тортиш-
ганларидек, Фаластиндаги мусулмон араблар билан насрон-
ий араблар, ерли яхудийлар турли Оврупо мамлакатлари
вакиллари ва сионист кўчманчилардан қолган-кутган нар-
салар устида талашиб-тортишадилар. У ёқда ҳам, бу ёқда
ҳам ерли мусулмонлар ижтимоий табақаланишнинг энг куйи
погонасига тушириб қўйилганди. Беҳбудийнинг фикрича
ночор аҳволга тушиб қолишларида мусулмонларнинг ўзла-
ри ҳам айбдор, чунки улар мустамлакачи ҳукуматнинг «би-
лим олинглар» деган таклифини рад этадилар, ўзлари ҳам
ҳалқни маърифатли қилиш учун қўлларини совуқ сувга ур-
майдилар²⁰. Беҳбудий ўқувчиларга Фаластинда яшовчи араб
мусулмонларининг тақдирини намойиш этади. Баъзилар бу
қиёслаш орқали Беҳбудий панисломизм ғояларини ёйишга
ҳаракат қилган деб ўйлашлари мумкин. Йўқ, аксинча, Беҳ-
будий бунга мутлақо интилмайди, баъзи ҳолларда эса, фа-
ластиник мусулмонларни «кир-чирга ботган араблар» деб
тасвирлаб, хурмат-эътиборга кўпроқ лойиқ бўлган туркис-
тонликлар бир чеккада қолиб, империячи кучлар араблар-
нинг эътиборини қозонишга уринаётганидан ғайирлиги
кўзиганини ҳам яширмайди. Бир диндаги кишиларнинг яқин-
лиги ясамадир, чинакам бирдамлик эмас; камдан-кам ҳол-
лардагина Беҳбудий «барча мусулмонларнинг бирлиги» тўғри-
сида сўз юритади. Маҳмудхўжа тушунчасидаги бирдамлик
фақат унинг ўз миллатига тааллуқлидир. Миллат эса, фақат

диний эмас, балки диний ва маконий нүқтаи назардан търифланиши лозим, яни Беҳбудий «барча мусулмонларнинг бирлиги» деганда фикримизча, биринчи навбатда, Ўрта Осиё мусулмонларининг бирдамлигини тушунган бўлса керак. Шу бирдамлик тушунчаси Беҳбудийнинг сиёсий нүқтаи назарини ҳам белгилайди. У русларнинг Фаластиндаги ишларини мақтар экан, Русия фуқароси сифатида бу мамлакатдан жуда гуурланади, бироқ русларнинг мустамлакачи сифатида Ўрта Осиё миллатига нисбатан хатти-ҳаракатларини тасвирлаётганда уларнинг империалистик қўлиқларини кучли танқид ўти остига олади. Сионист кўчманчиларнинг Жаффадаги фаолияти тўғрисида Беҳбудий томонидан айтилган гаплар ватандошларига қаратса: «Мустамлака занжирларини парчалаб ташланг!»— деган чақириққа ўхшаб жаранглайди: яхудий кўчманчилар бугунчалик маркани конвертнинг ички тарафига ёпиштираётган бўлсалар, тез орада конверт устига ёпиштирадиган бўладилар — ўрта осиёликлар ҳам яхудийлар сингари ишга киришсаларгина келажакдаги мустақиллик ва истиқболга умид боғлашлари мумкин.

Маҳмудхўжа Исмоилбей Фаспиралини қанчалик хурмат қўймасин ва ислом дунёсига қанчалар умид боғламасин, барibir, Фаспиралининг панисломистик қараашларини, мақсадларини маъкулламайди. Аксинча, у бутунлай бошқа, жадидча принципларга садоқат или риоя қиласди. Беҳбудийнинг «Саёҳат хотиралари»да унинг, асосан, дунё билан ҳамжихатлик, маърифатга юз буриш, маданий муассасаларни кенгайтириш, хўжалик юритишда илғор фан ютуқларидан фойдаланишга алоҳида эътибор берганлиги яққол кўзга ташланади. Хотиралар сўнгидаги билан танишамиз. Кўлимиздаги таржима матнида шундай ва бўндан бошқа Беҳбудий фаолиятига тааллуқли тафсилотлар изоҳлар орқали кўрсатилганлиги учун энди эътиборингизни изоҳларга жалб этмоқчиман.

ИЗОХЛАР

1. Петер Томзеннинг «Фаластин адабиёти» (Лейпцих, 1916) китобида айтилишича, 1910–1914 йиллар орасида юздан ортиқ «Саёхатнома»лар битилган. Русиядан келган яхудийлар ва мусулмонлар ёзган бу асарлар Қозон, Саратов ва Одессада чоп этилган.

2. Беҳбудийнинг энг яқин кишиларидан бири бўлмиш Ҳожи Муин ибн Шукрулло «Инқилоб»да Шарқ йўқсувлари озодлигига хизмат этувчи икки ҳафтада бир чиқадиган журналда Беҳбудий вафотига бағишлиб ёзган таъзиясини эълон қўлган («Инқилоб», 1922 йил, февраль, 36–38-бетлар). Таъзиянинг сарлавҳаси: «Таржимаи ҳол Муфти Маҳмудхўжа Беҳбудий ҳазратларининг қандоқ шаҳид бўлганиликлари ва анинг томонидан ёзилган васиятнома»: «Ўзбек энциклопедияси»даги ва «Адабиёт тарихи» китобларидаги мақолалар эса, ҷунчаки хўжакўрсинга ёзилгандир: Улар жуда қисқалиги учун кам маълумот беради. Қайта куриш бошлангач, жадидлик ва Беҳбудий асарларига муносабат бир оз ўзгарган бўлсада, бироқ ҳалигача тўғри баҳосини олгани йўқ. Қаранг: «Қатл этилган адаб» («Гулистон», 1988, 10-сон).

3. Худди шундай талаб 1908 йили «Шуҳрат» газетасининг 4-сонида Бектемиров деган муаллиф томонидан ҳам кўтариб чиқилган.

4. «Икки эмас, тўрт тил лозим» («Ойна», 1913 йил, 1-сон 12–14-бетлар).

5. «Истиқбол қайгуси» («Ойна», 1913 йил, 2-сон).

6. Беҳбудий эскича миллат тушунчаси тарафдоридир. Унинг фикрича, миллат диний ва маконий нуқтаи назардан таърифланниши керак. Аммо у қавм ёки миллат деб атаган тушунчаларни тил ва этник томонлардан ҳам таърифлагани сабабли адабнинг асарларида баъзан «мусулмон тили», яъни Ўрта Осиёда яшовчи туркий ёки форсийда сўзлашувчи аҳоли тили ҳамда «араб дини», яъни Фаластинда яшовчи арабларнинг ислом дини деган иборалар ҳам учраб туради.

7. Ерли ҳалқнинг татар тилидаги театри Туркистонда 1904 йилдан бери мавжуд эди («Таржумон», 1904 йил, апрель). Беҳбудийнинг театр ва кинога қизиқсанлиги хусусида қаранг: «Оврупода тейатролар» («Ойна», 1913 йил, декабрь).

8. Мамажон Раҳмонов. Узбекский театр с древнейших времен до 1917 года. Ташкент, 1981.

9. Александр Бенигсен. La прессе эт ле моувемент национал хеџ лез мусулманс де russeie авант 1920. Париж, 1964.

10. «Туркистонда одатий қабиҳа». «Ойна», 1913 йил, 5-сон.

11. Боқчасарой, 1882 йил.

12. «Ойна»да чоп этилган мақолаларнинг тўртдан уч қисми туркийнинг Самарқанд шевасида, қолганилари эса форсийда ёзилган. Беҳбудийнинг «икки тилда ва ҳалқ тилида» ёзиши кўп марталаб тан-

қидга учраган. Баъзи ўкувчилар форсийга бутунлай қарши бўлишган: «Форсий асло керак йўқ» («Ойна», 1914 йил 15-сон). Бошқалари эса, форсийдаги мақолаларнинг кўпайтирилишини талаб қўлишган. Яна баъзи бир ўкувчилар ҳаммага тушунарли, осон тилда ёзиш кераклигини уқтиришган: «Лозимки, осон ва ҳам ниҳоятда осон ўзбеки ила ёсантизлар» (ўша сонда). Баъзи ўкувчилар эса, ноширни ўзбек тилини бузиб юбораётганликда айблайдилар: «Ойна» тилини авомча ва кўчаги қилиб юборилибдир» (ўша сонда).

13. Беҳбудийнинг Сиддиқий-Ажзийга муносабати хусусида қаранг: Вадуд Маҳмуд. «Турк шоири Ажзий». «Инқилоб», 1924 йил, 11–12-сонлар. Худди Беҳбудийники сингари, Ажзийнинг ҳам ҳаёти ва исходи Узбекистонда янгидан ўрганилиб, янгича баҳоланиши лозим. Таққосланг: Бегали Қосимов. «Шоир хотирасини излаб...». «Шарқ юлдузи», 1989 йил, 10-сон, 178–184-бетлар.

14. Сиддиқий. «Таржимаи Миръоти ибрат». Самарқанд, 1332 (1914); Бегали Қосимов. «Шоир хотирасини излаб...». «Шарқ юлдузи», 1989, 10-сон, 180-бет.

15. Москвадаги Ленин кутубхонасида сақланаётган «Ойна» журналининг ушбу олинган нусхаси, афсуски, тўлиқ эмас. Ленинград ва Хельсинкидаги нусхалар ҳам шу аҳволда.

16. А.Х. Алиева. «Списки «Мұхаммад Амин саёхатномаси» и живая народная речь в ее языковой структуре» («Истоки татарского литературного языка»). Казань, 1988; Б. Рифтин. «Типология и взаимосвязи средневековых литератур» («Типология и взаимосвязи средневековых литератур Востока и Запада»). Москва, 1974.

17. Чинакам саёҳат маслаҳатномаларида рухсатнома олиш, саёҳат, озиқ-овқат, тунаш жойлари ва уларнинг баҳолари, хавф-сизлик масалалари бўйича муфассал маслаҳатлар берилиган. Уларнинг энг тўлиқ ҳисоблангани 1913 йил июлда Қозогистонда чоп этилган «Ҳаж йўли» китобчасидир.

18. Бу мақола 1903 йили Қозонда чоп этилган («Исмоил саёҳати». Ризоуддин ибни Фахруддиннинг сўз боши ва изоҳлари билан). Маҳмудхўжа бу китобчани ўқиган бўлиши керак, чунки у татар адабий ҳаётида фаол иштирок этар, ношир билан эса дўсто на муносабатда эди. Исмоил мақоласи оддийгина, аммо Маҳмудхўжанинг асари том маънода юксак бадиий савияядә ёзилган.

19. Асар 1913 йилнинг сентябрь, октябрь ойларида «Вақт» газетасида чоп этилган. Бу саёҳатнома услуби жиҳатидан Маҳмудхўжа мақоласидан мукаммалроқ, аммо унда тарбиявий хусусият этишмайди. Ҳар иккала мақоланинг битта умумий томони бор, улар замирида фаластинлик мусулмонлар аҳволига қизиқиш бор.

20. Беҳбудий такрор ва такрор руслар билан бир қаторда яхдийлар ва арманларнинг Туркистон мусулмонларига қараганда бой-бадавлат, тўкин-сочин ҳаёт кечириш имкониятларига эга эканликларини таъкидлайди. Таққосланг: «Хуршид», 1906 йил, 6-сон; «Тараққий», 1906 йил, 7-сон; «Ойна», 1913 йил, 8-сон («Хўқанд ва мусулмонлар» мақоласи).

ЛУГАТ

А

Абди аспом — санамлар кули
Або — енгсиз устки жун кийим
Аважож — эгилма
Авсоф — васфлар, мақтovлар
Адам — йўқлик
Адрес — матоҳ
Ажала шайтон — шошқалоқ-
лик — шайтоннинг иши
Ажром — осмон жисмлари
Аккос — акс эттирувчи, фотогра-
ф
Акобир — улуғлар
Аlam — тимсол
Алойиқи рўзгор — рўзгорга боғ-
ланиб қолиш
Ал-он — ҳозирги пайтда
Анбиёни изом — улуғ набилар
Аммома (амома) — салла
Амуд — устун
Анвоъ — навълар, хиллар
Ансор — дўст, ҳомий, мадад-
кор
Анфоси қудсия — муқаддас на-
фас
Анқариб — қисқа фурсатда, кўз
очиб юмгунча
Арз — ер; эн
Арзи мавъуд — орзу қилинган
ер, жаннатмонанд жой
Асафлик — таассуфланарли
Асари ёс — катта умидсизлик,
чорасизлик
Аскала — пристан, порт
Асфал — тубан
Атиббо — табиблар
Атроф — томонлар
Атрошом — атир таратувчи
Атф — қайта, яна бир бор
Афъол — феъл-атвор
Аъдод — ададлари, турлари

Аъмо — кўр

Ахуз — олинган
Ашроф — улуғлар
Ақсойи сафар — сафар якуни
Ағниё — бойлар
Аҳад — кимса, киши
Аҳиббо — дўстлар
Аҳодис — ҳадислар

Б

Баввоб — қоровул
Бадавий — маданиятдан узок,
саҳройи
Байзо — оқ
Байтул мол — давлат хазинаси
Байъат — қасамёд
Байъона — бай пули
Баладия — шаҳар ҳокимлиги
Бандар — порт
Барроқлик — ялтироқлик
Бахшиш — садақа, ҳадая
Баъд аз иъшо — хуфтондан
кейин
Баъд аз зуҳр — туцдан сўнг
Баъс — қиёмат
Бакия — давом
Бахри абязи мутавассит — Ўрта
Ер денгизи
Баҳсу жидол — тортишув, му-
нозара
Белжиклар — белгияликлар
Беша — тўқай, чакалакзор
Бизантс — Византия
Билонихтиёр — ихтиёrsиз
Бини — бурун
Бир рубъ — тўртдан бир маъ-
носида
Бир сулс — учдан бир маъно-
сида
Боб — эшик
Бодгўя — шамолгоҳ

Боди Кубо – Боку шаҳри
Боло – юқори
Болун – ҳаво шари, аэростат
Боний – асосчи
Боргоҳ – ҳузур; жой
Боҳари – бүғ

Ботил – беҳуда, бузук
Бўйрўкратиян мустабид – мутлақ монархия
Бурдан убидият – хоккор қул
Буқъа – масжид, ибодатгоҳ;
мақбара; ҳужра
Бўғозичи – Босфорнинг иккинчи туркча номи

В

Важд – завқ-шавқ; ҳаяжон
Важҳа – машҳур, эътиборли
Вараса – меросхўрлар
Варис – меросхўр
Васат – ўрта
Васойиқ – васиқалар
Вақтоти – вақти келиб
Вираса – мерослик
Восиъ – кенг
Вузуъ – таҳорат
Вуқуот – воқеа, вазият

Г

Гарон – оғир
Герехмӯ – мураккаб тутунли,
жимжимадор
Гулла – замбарак ўқи, снаряд
Гунбад – гумбаз

Д

Давр этмоқ – доира ясамоқ
Далил – йўл бошловчи, гид
Далойили ақлий – доно далиллар
Данг – қўзғалмас мулкнинг олтидан бири
Дароятли – тушунчали, билимли

Дафъи – раддия
Дорилқазо – суд маҳкамаси,
қозихона
Доро – эга
Дўрага – хона

Ж

Жабали либпон айалат – Либнон тоғлиқ вилояти
Жабҳа – томон, олд
Жадд – бобо, буви
Жазира – орол
Жаллий – йирик
Жамод – куруқ, қаттиқ
Жарида – газета
Жароид – газеталар
Жарҳ – эътиroz
Жимностиқ хоналар – спорт
(гимнастика) иншоотлари
Жиҳот – жиҳатлар, томонлар
Жобулсо ва Жабулқо – Шарқ ва Фарбнинг икки афсонавий шаҳри
Жойхоблар – ўрин-кўрпа, чойшаб ва ҳ. к.
Жозибаи қамар – ойнинг тортилиши
Жопий – ҳаётӣ
Жонхарош – жон азоби, изтироб
Жубба – кенг, узун тўн
Жувар – ён, атроф, қўшили
Жуҳҳол – жоҳиллар

З

Заввор – зиёратчи меҳмон
Завжай мутаҳҳара – жуфти ҳалола
Зарипа – олтин
Зыф – ожизлик, заифлик
Захра – текислик маъносида
Зиллат – тубанлик
Зовия – бурчак
Зоиқ – завқбахш

Зоти сотуда — зоти шарифи
Зуафо — заифлар, аёллар
Зужжож — шишалар
Зулжалол — азамат, буюк
Зухурот — кутылмаган воқеа

И

Ижмолий — хулоса, мұхтасар
Ижтимоъхона — одамлар түп-
ланадиган хона
Изо — озор, азоб; изза қымоқ
Иктифо — кифоя
Илтизом — лозим
Имтию — мол
Имтизож — бирикиш
Инфиоли даруний — ички ҳая-
жон
Иншоот — мактублар
Ирод — эътиroz
Иртифоъ — баландлик
Искуство — жим бўлинглар!
Сукут сақланглар!
Истибод роъий — зулматпа-
растлик
Истидлол — далил келтириш
Иттиҳод — бирлашув
Итҳоф — бағишлоғ
Ифлос — банкрот
Ифратпараст — ҳаддидан ошув-
чи
Иштирокийн ъомийун — ҳалқ
социализми
Иқтибос — кўчирма
Иҳё этувчи — тирилтирувчи,
тикловчи

К

Калоба тўп — бир калава арқон
Канор — чет, чекка
Касолат — ялқовлик
Кафили ҳадидманд — ўткир
кафил
Кешти — кема
Коза — чайла

Кофий — етарли, кифой
Коши — нақшин бўлак, ка-
фель
Куллиян — бутунлай, тамоман
Кунж — бурчак
Курраи маснуа — глобус
Курраи мусаттаҳа — ер шари
Кўй — кўча

Л

Лайли — кечки
Ла ва наам — йўқ ва ҳа
Латиф-ул-ҳамим — қайнарбу-
лок
Лойиҳоти — башоратчи, фол-
бин
Лоятимму — тиним билмас
Лоянқотиль — тўхтовсиз
Лоянгахи — ниҳоясиз
«Лоҳави» — қўрққандада ўқила-
диган дуонинг илк сўзи
Лоҳаза — шу сабабли
Лоҳутий — илоҳий
Лугз — сўз

М

Маа — бирга
Маа таассуф — афсуски
Ма фийаху — ундан ташқа-
рида
Маа фийят — хизмат ҳақи
Маа фиҳи — шундай вазиятда,
шунга қарамай
Мабни — бино қилинган
Мавод — моддалар
Мавоҳаза — танбех, дашном
Мавқиф — бекат
Мавқуф — боғлиқ
Мадған — қабр, гур
Мадғун — дағғи қилинган
Мадион — бурчли
Мадҳал — кириш жой
Мажзубона — мафтункор, жо-
забали
Мажлиси мабъусон — депутат-
лар палатаси, парламент

Мажжоний — текин
Мазбалағоҳ — ахлатхона
Мазийят — устүнлик
Маййит — ўлик
Мактаби сапойеъи — санъат (хунар) мактаби
Макъаб — ўринга қараб, куб ё квадрат маъноларида ишлатилди
Мамнуъ — ман этилган
Манбит — кўкаламзор
Манҳадам — хароб
Манҳий — тақиқланган
Манҳус — наҳсада қолган
Марбут — тулаш, боғланган
Маржा — мурожаатгоҳ
Маржӯ — ўринли
Маркуз бўлмаган — қоқилмаган, осилмаган
Маррат — марталар
Марсаби баҳрия — денгиз отлари
Маркаби баҳрия — денгиз улови, яъни кема
Мафруш — тўшалган
Масаҳи — маҳси
Масдар — сарчашма, сабаби асосий
Масмуот — эшитилиш
Маснаъ — бунёд этилган
Масолиҳ — зарур ашё
Масоҳат — ўлчов
Масриф (масориф) — исроф гарчилик
Масроф — сарфламоқ, харажат
Масҳ этмоқ — юзига қўл тортмоқ
Матин — мустаҳкам
Матоф — тавоф этиш жойи
Махатта — бекат
Махлут — аралаш, қоришиқ
Машрут — конституция
Машруъ — шариат йўл қўйган
Маъбад — ибодатгоҳ

Маъзират — узр
Маъмул — амалдаги
Маъраз — намойиш жойи
Маътал — заиф маъносида
Мақсурा — меҳвар
Мақтул — қатл этилган
Мағоза — магазин, дўкон
Мағора — гор
Маҳал — жой
Маҳз — фақат; гирт; тоза
Маҳзуф — тушиб қолган
Маҳтоб — ойдин
Маҳфил — давра
Миз — стол
Мил — қувур
Минбаъд — бундан бўён
Минокори — сирланган
Мифтхаҳдор — калитдор
Моддатан — аслида
Морпеч — илонсўқмоқ, ёлғизёек йўл; ўймакор нақшнинг бир тури
Моҳази — рўпара
Муавваж — қийтиқ
Муazzот — иззат, ҳурмат
Муайяна — назорат
Муарраб — арабча
Мубарро — холи
Мубошир — бошқарувчи
Мубҳам — ноаниқ
Мувахҳад — бир худолик
Мудавар — юмалоқ, айлана
Мудоҳала этмоқ — аралашмоқ
Мужалло — ялтироқ, жилоли
Музбала — қ. Мазбалағоҳ
Муздуруллик — ёлланиб ишлаш
Музойиқ — зич, сиқиқ, тор
Музоҳака — кулгили
Муқолима — сўз, гап
Мулаввас — зийнатланган, нақшланган, бўялган
Мулки аскарий — давлат аскария мактаби
Мулки эъзодий — давлат тайёрлов мактаби

Мулкияи рушдия — давлат ўрта мактаби
Мумайиз — ажратилган, айри
Мумтаҳан — имтиҳондан ўтган
Мунаббат — ёғочга ўйиб ишланган нақш
Муназзам — назму тартибга кирган
Мунташар — ёйилган
Мунқариз бўлмоқ — тугаб битиш
Мунқод — итоат этиш
Муояна этмоқ — кўздан кечирмоқ
Мураббаъ — тўртбурчак.
Мураттиб — тартиб берувчи
Мураҳҳас — имтиёзли одам
Муродиф — синоним
Мусаввир — суратли
Мусаддас — олти қиррали маъносида
Мусакирот — маст қилувчи ичимликлар
Мусамма — юқори айтилган
Мусаниф — китоб тузувчи, муаллиф
Мусаттаҳ — текис, ясси
Мусаллаҳлик — қуролли
Муслиҳ — ислоҳ
Мусовот — тенглик, баробарлик
Мусоид — имкон берувчи
Мусофират — мусофирилик
Мустақар — айланиш чизиги
Мустамлакот — мустамлакалар
Мустанд — истеъододли; асосли
Мустанди тамаддун — маданиятга тайёр
Мустатил — чўзилган
Мусташар — маслаҳатчи
Мутаважжиҳ бўлмоқ — юз тутмоқ, илтиҳо қилимоқ
Мутавассит — оралиқ
Мутаваттун — ватан тутган

Муталло — кўйма
Мутанозеъ — низо, жанжалли
Мутасарриф — эгалик қилиш
Мутақаддимин — қадимда ўтган
Муттасил — туташ маъносида
Муттафиқ — иттифоқчи
Мухталиф — хилма-хил
Муфт — бекорчи, арзимас
Мушаххис — актёр, ижрочи
Мушорун алайҳ — унга далиллик қилувчи
Мушриқ — кофир
Муштамил — ўз ичига олган
Муштарий — харидор, жазман
Муштирама — умумий
Мұтамад — әйтимодлы, ишончли
Мұтакид — әထိနက်လီ
Мұқаррас — куббали нақшлар
Мұққөволот — шартнома
Мұқтадир — иқтидорли
Мұҳаррири маъrozлар — воқеава ҳодисаларни баён, тасвир этувчи
Мұҳаққақ — тўғрилиги исботланган
Мұхаққиқипи киром — улуг ҳақиқатчилар
Мұхмал — бемаъни
Мұховара — савол-жавоб
Мұхосара — қамал
Мұхтавий — ўз ичига олган
Мұйтабаронлар — улуғлар
Мұйтодича — одатича

Н

Наъбон этмоқ — чиқмоқ
Навоқис — нуқсонлар
Навҳа — йиги, тантанали ижро
Надва — анжуман, мажлис
Назарфириб — мафтункор, жозибали
Нардбон — нарвон
Насоро — христиан

Насячин – нася йигувчи, қарзини ундирувчи
Нафси жомеъ – жомеънинг ўзи
Нафси иморат – иморатнинг ўзи
Нафсимга – ўзимга
Нафси Туркистон – Туркистон аҳли
Нафсул-амр – моҳият
Нафуз – таъсир
Начур – дезинфекция
Накл қилдирмоқ – олиб келмоқ
Нақша – харита
Наҳи этмоқ – тақиқламоқ
Наҳр – дарё, оқар сув
Нимкола – ярим-ёрити
Нисф – ярим
Ногузирдур – четлаб ўтмайди
Норгила – чилимга ўхшаш нарса
Ноҳудойи – худосизлик, иймонсизлик
Ноқис – нуқсонли, қалбаки
Нокус – қўнғироқ
Ноҳалаф – номуносиб маъносида
Нуфуз – эътиборли
Нусус – матн
Нуқуд – нақдиналар

О

Обчакорлик – сугориладиган экинзор
Овиза – осма
Одина – жума
Оёт – оятлар
Оилаи киром – буюқ, карамли
Омбури ҳукумат – ҳукумат бошқаруви
Ориз – тасодифий
Оризали – сунъий ўрмон; баҳтсизлик
Оре – ҳа
Осиёи Васати – Ўрта Осиё

Отия – куйи
Офоқ – олам
Оянда – келажак
Оғушта – банд бўлмоқ

П

Парастиш – эътиқод, иҳлос
Пенир – пишлоқ
Пешаки – олдиндан
Пиёдагузар – пиёдаўтар йўл
Попос – поп
Попур – пароход
Порина – шўрлик, бечора
Пору – супринди, гўнг
Порухона – ахлатхона
Пўстхўрда – пўчоқ
Пўшиш – ёпинчик

Р

Рабт этилмоқ – боғланмоқ
Райъ – фикр
Рафоқат – рафиқлик, дўстлик
Рафтор – юриш-туриш
Расоил – рисолалар
Рахом – мармар
Рехтим – жой маъносида
Рижко – умид
Рижкол – арбоб, кадр
Рижколи тарихия – тарихий арабблар
Рифоҳият – фараҳли
Рубъи маскун – қуруқликнинг тўртдан бири
Руки – устун
Рушдий (рушдия) – ўрта мактаб

С

Савомеъ – ибодат қиласидиган
Савқ – даъват
Савқут-тийн – ершунослик
Сад – 100
Саждан убудийят – мутеъона сажда
Сажжода – жойнамоз

Сажин (саржин) – 3 газ ёки
 2,13 мили узунлик ўлчови
Сайфия – экинзор, ёзги жой
Салб – чормих, крест
Салоҳ – эзгулик
Салоҳа – солиҳлар қисми (паниели)га зийнат
Самоқ – деворнинг қуйи учун
 ишлатиладиган оқ тош
Самти хориж – ташқари
Сапад – рақам (номер), хужжат
Сарбасти – хуфия
Сари фарр – бошдаги тож
Сарроф – пул алмаштирувчи
Сатр – парда (паранжи)
Сахин – қалинлик
Сахлаттурмоқ – тўхтатмоқ
Сақо – сув машинаси (водо-воз)
Саққолик – сувчий, мешкобчи
Саҳиҳ – соғлом, бехато
Саҳобагони бузургвор – улуг саҳобалар
Саҳобаи изом – буюк саҳобалар
Саҳдор – сехргарлар
Сибён – болалар
Сиво – халос, бундан бошқа
Сиёсат – муҳофаза
Сил ар-рия – ўпка сили
Силк – саф, қатор
Сина(е) матограф – кино
Сироят – таъсир
Сирф – соф
Сиҳхия доираси – тиббий кузатув
Содот – саййидлар, пайғамбарзодалар
Сокин – истиқомат қилувчи
Сокит – тинч, сокин
Сомон – кудрат, бойлик маъносида
Сопиян – иккинчидан, шундан кейин
Сориб олмоқ – ўраб олмоқ

Сулс – учдан бир
Сумъа – ибодатхона
Сурукламоқ – тўпламоқ
Сууд қилмоқ – юқорига кўтарилимоқ
Сухра – қоя

Т

Тааммуқ – ўй, фикр
Таарруз – хужум
Таассуби хукуқ – хукуқ ҳимоячиси
Табдили макон – жой алмашуви
Табийиз – оқартмоқ
Тавассул – восита
Таваққуф – тўхталишга муҳтожлик
Таваҳхум – ваҳима
Таваҳҳуш келтирмоқ – ёввойилашмоқ
Тавзеи мукофот – мукофот тақсими
Тавоно – бакувват
Тавоф – зиёрат
Тавҳидди лисон – тил бирлиги
Таданий – тушкунлик
Таҳвин этмоқ – тузмоқ
Тадриж – секин-аста
Тадрис – дарс бериш
Таждид қилмоқ – янгиламоқ
Тазалзул – зилзила
Тазийнот – зийнат, безак
Такфир – коғирга чиқариш
Талоғ – қароқчи
Талъин – лаънатлаш
Тамаддун – маданият
Таманно – истак, орзу
Тамбоку – тамаки
Танвир – ёритиш
Танзил – тушиш, киришиш
Таовун – ёрдам
Тарик – йўл, услуб, тарз, чора
Тарих биноси – курилиш тарихи
Тарроҳ – тарҳини чизувчи

Тахийя — дуо, салом
Тарсим — расм
Тарафайи — икки тараф
Тард этмоқ — четлаштирмоқ
Тардиҳ — эзиш, майдалаш
Таржеъ — такрор
Таржиҳ — афзал
Тарзия — қониқиш
Тароз — келишув
Тасаллут — ҳукмронлик қилиш
Тасвид — қоралаш
Тасвидод — ёзмоқ, кўчириб ёзмоқ
Таслиҳ — тузатиш, яхшилаш
Тасхир қилмоқ — забт этмоқ
Тасҳиҳ — тузатиш
Тафриқа — ажраб кетиш
Ташриҳ — анатомия
Ташхис — эътиroz этиш, аниқлаш
Таъбия — мудофаа учун ҳозирланган пистирма жой
Таъвил — сўзни бошқа маънога буриш
Таълифот — асарлар
Таъмин — ёйиш
Таъсиф — афсусланарли
Таъхир — секинлик
Такрир — баён
Таганий — нағма
Тағирири қиёфа — қиёфани ўзгаририш
Тағрирт — горатчи
Таҳаммул — чидам, тоқат
Таҳвил маъ — сув келтириш воситалари
Таҳийя — дуо, салом
Таҳфим — тушунтириш
Таҳт ал-баҳр мино — денгиз ости минаси
Таҳт ал-Жабал — Жабал тоф ости
Таҳқиқ — текшириш
Тевачи — тұякаш
Тезоб — азот кислотаси күзда тутилади

Тек — битта
Теъдод этмоқ — санаб чиқмоқ
Тириза — дераза
Тоати қилмоқ — алмаштирмоқ
Тул — узунлик
Тулони — узунчоқ
Тулу — кун чиқиши
Турба — қабр
Турма — трюм (кеманинг юк ортадиган пастки қисми)
Тұйма — таом, овқат

У

Убудият — бандалик таомили
Ужра — ҳақ, ижара пули
Ул зумродин — шу жумладан
Устиу — қиём (туш) пайти
Уърафо — шоғирд, ўкувчи
Уққол — оқиллар

Ф

Фавран — аччиқданниб; дарҳол
Фавт — йўқотиш
Фавқал баҳр — сув усти
Фажр — тонг
Фазла — кўп, ортиқча
Файсал — ечим, қарор
Фано — кечмиш, йўқлик
Фараҳ — роҳат
Фаръийя — иккинчи даражали
Фарра — ажойиб
Фарш қилинимоқ — тўшалмоқ
Фашанг — соврин маъносида
Факру зарурат — фақиру муҳтожлик
Фий-ха — ҳолат
Фосила — оралиқ масофа

Х

Хабис — қабиҳ
Хаёли фосид — ўринсиз, бузук хәёт, фантазия
Хайс — мумсик
Халқ қылғон — яраттан
Хамула — йўловчи, пассажир

Хартухар — пароканда, тартиб-
сиз

Хаттиёт — камчиликлар, хато-
лар

Хатти истиво — экватор

Хон — стол

Хориқа — фавқулодда ҳол

Хотам — муҳр

Худдом — ходимлар, хизматчи-
лар

Хуррам — тозалик, яхшилик

Хушманд — зийрак, ақсли

Хушу ила — ғоят итоаткорона

Ч

Чаҳортарк — чорқирра

Чаҳорчашм — тўрткўз

Чодир — рўймол

Чошт — чошгоҳ

Ш

Шабака — жимжимадор пан-
жара

Шабакаланган — тўсилган

Шай — нарса

Шайтанат этмоқ — фириб бер-
моқ

Шарафа — карниз

Шарр — ёмонлик

Шаррот — ёвузлик

Шаторат — эпчиллик

Шашашаълик — шуълавор, яр-
қираган

Шақий — ярамас одам

Шимитали — симирайлик

Шодурвои — фаввора

Шоғил — банд этувчи

Шуруъ этмоқ — киришмоқ

Э

Эвет — ҳа, тўғри

Эъодий — тайёрлов

Эътидол — мўътадил

Эътиносизлик — бегамлик,

Эътиборсизлик

Эҳмол — қийинчилик

Ү

Үйла — шундай

Үрам — кўча

Үтел-нўмра — меҳмонхона бўл-
маси

Қ

Қабиҳи — бузуқи, беҳаё

Қабл аз аср — аср намози ол-
дидан

Қавл — сўз

Қазаф — дашном

Қанодил — қандиллар

Қарағаса — қора тупроқ

Қариб — яқин

Қарина — кундалик ишлари
маъносида

Қаробат — яқин кишилар, қа-
риндошлар

Қарун вуста — ўрта асрлар

Қасаба — шаҳарча

Қатор — поезд

Қиё — қоя

Қитъа — бўлак

Қонуни мусовот — тенглик
қонуни

Қофила — карвон

Қубба — гумбаз, купол

Қувваи дофея — даф қилиш,
мудофаа қуввати

Қуфл — кулф

Қутр — кўндаланг

F

Fалат — нотўғри

Fалати фоҳиши — қўпол хато

Fанойим — ўлжа

Fарро — ажойиб

Fизо этмоқ — овқатланмоқ

Fуруб — кун ботиш

X

Xавойиж — эҳтиёж

Xавондор — қуюқ

- | | |
|-------------------------------|-----------------------------|
| Ҳаворийин — Исо пайғамбар | Ҳасир — бўйра, бордон |
| издошлари | Ҳафиғ — енгил |
| Ҳавос — ҳислар | Ҳизб — партия |
| Ҳажари асвод — Маккадаги | Ҳимам — ҳимматлар |
| қора тош | Ҳифзан — ёддан |
| Ҳазиз — тубан | Ҳосилхиз — серҳосил |
| Ҳайвон потиқ — гапирувчи жон- | Ҳувийят — шахсият |
| зодлар, яъни одамлар маъно- | Ҳудус — тасодиғлар, ҳодиса- |
| сида | лар |
| Ҳайъат — астрономия | Ҳулё — хаёл |
| Ҳаммор — ичувчи, майхӯр | Ҳулижор — тартиб |
| Ҳанжор — йўл, усул | Ҳуснизан — яхши фикр |
| Ҳасан — яхши, чиройли | |

МУНДАРИЖА

Карвонбоши (Б. Қосимов)	5
Бадий асарлар	40
Падаркуш ёхуд ўқимаган боланинг ҳоли (пьеса)	40
Оқ елпоги чили чинли хотун (хикоя)	51
Бир аъмо боланинг ҳасрати	54
Саёҳат хотиралари	55
Қасди сафар	55
Мақолалар	147
Хайрул умури ёвсатуҳо	147
Икки эмас; тўрт тил лозим	151
Баёни ҳол	153
Туркистон	155
Шердор мадрасаси	157
Аъмолимиз ёйинки муродимиз	158
Фавқулодда тақfir	161
Бизни ҳоллар ва ишлар	162
Зўраки бой	164
Жаҳолат дардларидан	166
Оҳ, бонкалар бизни барбод этди	167
Ёшларга мурожаат	169
Тарихи ихтирои башар	171
Танқид – сараламоқдур	173
Теёғр надур?	175
Мұхтарам ёшларга мурожаат	177
«Туркистон тарихи» керак	179
«Сарт» сўзи маълум бўлмади	180
Исмоилбек ҳазратлари	182
Тил масаласи	184
Бизни кемиргучи иллатлар	190
«Сарт» сўзи мажхуллур	194
Эҳтиёжи миллиат	200
Миллатлар қандай тараққий этарлар?	203
Қозоқ қариндошларимизга очиқ хат	204
Мұхтарам самарқандийларга холисона арз	207
Ғалла, аскарлик, ер ва газминоти ҳарбия	210
Мақола ва чиқишларга жавоблардан	215
«Китобат. ул-атфол» (1908) дан	216
«Китоби мунтахаби жуғрофияй умумий» (1906) дан	221
«Мунозара» ҳақида	247
Васиятнома	252
Беҳбудий вафотига бағишиланган марсиялар	256
<i>Фитрат</i> . Беҳбудийнинг саганасини изладим	256
Айний. Беҳбудий руҳига итҳоф	256
Айний. Беҳбудий афандини эсга тушуриб, қатл ва қатлгоҳига хитобан	257
Чўлпон. Маҳмудхўжа Беҳбудий хотираси	258
Ингеборг Балдауф. Маҳмудхўжа Беҳбудий Фаластинда	259
Изоҳлар	267
Луғат	269

Адабий-бадиий нашр
МАҲМУДХЎЖА БЕҲБУДИЙ
ТАНЛАНГАН АСАРЛАР

Тошкент «Маънавият» 2006

Муҳаррир З. Абдирашидов
Мусаввир Г. Шоабдураҳимова
Тех. муҳаррир Т. Золотилова
Мусаҳҳих Ш. Иҳомбекова

Теришга 11.04.2005 й.ла берилди. Босишга 22.11.2005 й.ла рухсат этилди. Бичими
84x108/₃₂. Тајмс гарнитураси. Офсет босма усулида босилди. Шартли б. т. 14,70.
Шартли кр.-отт. 15,12. Нашр т. 15,14. 5000 нусха. Буюртма № 2290. Нархи
шартнома асосида.

«Маънавият» нашриёти. Тошкент, Буюк Турон, 41-үй. Шартнома 06–06.

«АКАДЕМ-ХИЗМАТ» корхонасида тайёрланиб, «Шарқ» нашриёт-матбаа ак-
циядорлик компаниясининг босмахонасида босилди. 700083. Тошкент шаҳри,
Буюк Турон кўчаси, 41-үй. 2006.